




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1461/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1461/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1461/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1461/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1461/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1461/A


1461 A




John Chamber Esq.









LES
CONTES,
ET DISCOURS
BIGARREZ DV SIEVR
de Cholieres.

Déduits en neuf Matinees.

Q V A T R A I N.

Quelqu'un voyant ici les Discours Bigarrez,
ira legerement, ils les faut mettre en cendre,
et puis los ayant leus, s'ils estoient égarez
les cercheroit par tout afin de les apprendre.



A P A R I S,

Par Anthoine du Brueil, au Palais,
en la gallerie des prisonniers.

M. D C. X I.

Avec Privilege du Roy.

h

DV

EIC

1461

1461

1461

1461

1461

1461

1461

1461

1461

1461

1461

1461


1461

1461

1461

1461

1461



EPISTRE

ADV SIEVR FE-
LICIEN VALENTIN.

*Au Seigneur de Cholieres, sur les
neuf Matinees.*

POVR l'amitié que de
tout temps ie vous ay
voüé, ie n'ay peu me
cômâder, que ie n'aye
apporté ce que i'ay peu & ce que
i'ay appris pour le faict de vos
Matinees. Ausquelles quelques
estourdis & plus éceruellez qu'I-
care, ont voulu opposer les ne-
ges de leurs phantastiques & ri-
dicules conceptions. Au premier
rayon que leur donnera vostre

A ij

E P I S T R E.

Soleil Matinier, Je sçay que toutes ces niaiseres couleront comme le beurre ou la neige au plein Midy de la Canicule. Toutefois, puis que vous prenez à plaisir d'estre payé d'effet par raison, ie suis bien content de vous ouvrir le iugement qu'on fait de vostre entreprise. Je trouue, qu'on luy liure le choc par trois moyens principalement. Le premier, que la Matinee est vouëe à chose serieuse, & que vos Matinees ne tendent qu'à recreer l'humanité par gaillardises. Le second, que vous vous estes emancipé à vne liberté grande, voire telle, que plusieurs aureilles s'en scandalisent. Le troisieme vise à la formalité du style, lequel aucuns eussent trouué meilleur, & de plus de grace, si au lieu de dialogiser vous eussiez entretenu vne

E P I T R E.

fuite de discours coufus, qui eust,
 parauenture, donné beaucoup
 de poids aux laborieuses dispu-
 tes que vous proposez. l'entens
 que quelques fots barbets ont
 pris subiet sur vos recherches de
 gausser. *Sed aut crapula effutij aut
 maleuada liuoris lancina extorsit.* Je
 les cognois mieux qu'ils ne par-
 lent bien. Ce sont questeurs de
 bons morceaux pedans à la hau-
 te game, flairemurette, dessalez,
 frippons, galochers &c. Lesquels
 estiment ne se pouuoir bien an-
 crer aux bonnes tables, ou crai-
 gnent de perdre lippee franche
 s'ils ne s'ingeroient de blaffir le
 lustre des œuures d'autrui, & en
 dire leur ratelee. Se sont tellemēt
 mespris que d'oser, *proch/celus!* se
 lauer la gorge ou leurs mousta-
 ches barbiques de vos discours
 Philosophiques. A tels galans ie

A iij

E P I S T O L E.

serois d'avis qu'on presentast le balay & *Mattigophori ferulā*, à charge qu'on deschargeroit sur leur fripperie, si quoy qu'ils ne fussent en cage, ils n'apprenoiēt à parler. Quāt aux autres, ce sont personnages, qui y vōt à la bonne foy, & n'y pensent non plus de mal que moy. Vous pourrez apprendre quels ils sont, *tenebriones Soli tuo obtendere pudeat*. Si ie les vous nōmois, i'ay peur qu'auant que permettre qu'ō remette sous la presse vos neuf Matinees prissiez la poste, pour les galoper en Diable & demy. Retenez vous & entendez ce que *proprio motu*, ie leur ay respondu de vostre part.

Premierement que, bien que le matin soit voué à choses serieuses, vos Matinees ne doiuent estre prises cōme escloses hors saison. Vos Apres-disnees m'ōt de beau-

EPISTRE.

coup serui-je n'ay pas oublié à leur dōner par le nez & par les oreilles, des raisons que vous auez amené, en outre i'ay adiousté pour le present subiet, que vous estiez en beau chemin pour faire perdre haleine à tous ceux qui voudroiēt interpreter mal à propos vostre louable intētion. L'or & le fer sont de telle digestion pour le iourd'huy, qu'il n'y a ieune si serré, qu'on ne le franchisse pour prēdre quelque peu de ces metaux. Dans le liēt mesme nous en prenons curee. A peine pourrions nous passer le repos de la nuit que nostre cœur ne soit par les escus. Le soldat & le ferrailleur remuent le coutelas, la lime & le marteau sur le fer, mesmes durāt la nuit & auāt le iour. Les loix sōt *Matinieres*, *Iura vigilantibus non dormientibus opitulantur*. Les me-

A iiij

EPISTRE.

decines se prennent avant de-
jeuner. On chastre à ieun, de
peur que les viandes prises ne
viennent à combler & remplir
la bourse: Pour les mariages on
sçait qu'avant que l'Aube mati-
niere donne, il faut donner le
coup, & s'acquiter des droits, des
devoirs, des coruees &c. L'a-
mour nous prend au saut du lit,
nous tient sur tout le matin, *iux-
ta illud, Mane montes, sero fontes.*

Quant à la liberté qu'avez pris,
les langues sucrees qui en font
des rencherries, ce ne sont qu'i-
pocrites, qui aimeroient mieux
le faire que le dire. Vous estes
rond & entier, vous ne daigne-
riez desguiser les affaires. Le par-
rain (dit on) ne treuve bon, que
son filleul soit bigarré de telles
couleurs, qu'il habille de sa li-
uree s'il a l'esprit. Et s'il ne peut

E P I S T R E.

au moins q'il le laisse viurè, cõ-
me il pourra. Sous pretexte que
la chambre sera sale, enfumée &
mal paree, il sera dit, que lõ nous
refusera entree. Nous sçauõs que
cest des lieux. Tout expres (ce
croy-ie) auez vous deliberé per-
cer la chambre, afin que vostre
Soleil donnast dedans, presumãt
que vous esbaudiriez tout le
nuage & air corrópu qui la ren-
doit mal propre à estre frequen-
tee. Le maistre *di casa* ne la vou-
lut à son dam, il luy faut secouïer
la poussiere de vos fouliers : l'hõ-
me de Chãbre aura la peine de la
balier. Race ingrate & mesco-
gnoissante.

Sur la formalité du style, il n'est
besoin de vous deffendre. Il est
permis à vn chacun de s'abiller à
sa mode. Pour donner cours &
entre-gent à vos Matinees, vous

A v

E P I S T R E.

y auez faict interuenir des par-
 leurs : c'est à peu d'affaire pour
 vn homme d'esprit d'y prendre
 vne connexité. Mais i'estime,
 que vous auez voulu vous ac-
 commodier au temps & aux per-
 sonnes. Mesmes que, comme co-
 gnoissiez la capacité de ceux aus-
 quels vous tēdez les mains, auez
 pris la peine de begayer avec
 eux. De fait, tout ainsi que i'en-
 tends que le Sieur Gaulard n'e-
 stoit des plus grands clercs de sa
 parroisse : aussi se peut faire vous
 vous doutiez, que ceux, au par-
 terre desquels vous iettiez ces
 pierres, luy estoient fort proches
 parens & alliez, ou qu'ils ne va-
 loient pour seruir en martre, par-
 ce qu'ils n'estoient des plus su-
 blins de Nordvvegue, vous auez
 desgourdy tellement les matie-
 res que les plus rudes, grossiers


EPISTRE.

& rustaux y pouuoient mordre.
Voyla que iulques à present i'ay
peu sentir de vos Matinees, si i'en
esiente par cy apres quelque au-
tre chose, ie continueray à le
vous faire scauoir. Cependant
tenez moy ie vous prie, en vos
bonnes graces. Le vous baise les
maines.

A vj

21
SONNET SVR LES
neuf Matinees du Seigneur
de Cholieres.

M Esieurs resueillez vous à ces neuf
Matinees,
Voyez vous ramager les Matiniers oiseaux?
Vous tiendrez vous tousiours serrez sous vos
rideaux?
Vos paupieres ouvrez de sommeil assomées.
Hé qu'il est ja grand iour : icy vous sont
monstrees
Tât de l'Or que du fer, necessaires metaux,
Les riches raretez, vous aurez les mereaux,
Pour discerner le Droict d'avec les Loix far-
dées.
Le Medecin y a assez belle leçon,
On descouvre à chacun le pipeur hameçon,
Lequel rēd mal plaisant le ioug du Mariage:
Les laides, les ialoux, les chastrez & les
vieux
Y seruēt de naquets, ou biē de chasse aux ieux
Verrez quād sera tēps pour seoir le labou-
ra-
ge.



LES
CONTES,
ET DISCOVRS
BIGARREZ DV SIEVR
de Cholieres.

Déduits en neuf Matinees.

DE L'OR ET DV FER.

*Lequel des deux nous est le plus dom-
mageable ou profitable.*

I. MATINEE.

NE quitterez vous iamais
ceste auarice (sieur Ro-
deric) tousiours vous
abbayerez apres l'or, & quand en
A

De l'Or & du Fer,

auriez iusques au creuer ne seriez iamais saoul. Et vous, mon petit mignon Martial, ne vous lasserez iamais de ruer des coups: vostre fer sera il iamais rebouché? vostre espee se pourra elle point enrouïller? Tout le monde se plaint de vos excez. Il faut bien, à la verité, que vous faciez paroistre, que nous sommes en l'aage Ferré: cela est vray, dict Martial, & de tant suis ie plus aduisé, que ie me comporte selon le temps. Nous sommes au siecle Ferré & ie manie le fer. Vous voulez vous fâtaftiquer vn aage Doré? Pauvre homme, vous cherchez Midy à vnze heures. En vn iour vos tourmêtes dorees vous donnent plus de borrisquades & à ceux qui veulent estre transformez, comme Mydas, que ne me fait mon Fer. Et à dire la ve-

rité ie recognoistray avec Pinda.
re, que l'or est plus excellent
de tous les autres metaux, mais il
a tant d'incommo ditez avec soy,
il dore de tant de mal heurs ses
esclaues dorez ou pretédans d'e-
stre dorez, qu'à bon droict on
peut dire, que c'est le fleau, l'in-
strument & la verge, dont Dieu
se sert tant pour chastier, punir
& combattre l'orgueil, la tyran-
nie, & les grandeurs de ce mō-
de, que pour se venger de ceux,
qui, pour se dorer delaisent la
pieté & s'oublient eux-mesmes.
Merueilles, que vous, qui estes
homme sage & bien entendu
aux affaires, vous vous estes ain-
si laissé befier. Ie ne veux point
donner entree à ce Discours, par-
ce que vous avez peu esprouuer
& par les maux qui tallonnent
ceux qui adorent les thresors

De l'Or & du Fer,

dorez : faisons vne course aux
pays estranges, & vous verrez a-
uec quelle peine on se peut do-
rer. Des lors que le Capitaine
Genois, Christophle Colomb,
faisant son troisieme voyage en
l'Occident l'an 1498. eut appor-
té en Espagne les premieres nou-
uelles de la coste par luy descou-
uerte, entre la region Parienne
& le gouffre d'Vraba, & de la foi-
son d'or, qui estoit en ce pays là,
dellors, comme si la trompette
celeste eut sonné, pour faire as-
sembler ceux, sur qui deuoit re-
luire la Iustice diuine, les auares
Espagnols, comme s'ils eussent e-
sté mordus d'une beste enragee,
se despoüillerent tout à fait de
l'equité, repos & contentement
dont ils iouissoient. Telle ardeur
de iour à autre surcroissoit, &
ne peut estre temperee par les

longues & perilleuses allees qu'il falloit entreprendre, ny par l'aprehension des calamitez, que souffrent iournellement les Pelerins de l'Ocean. Ce feu de rapine doree les vous forcena de telle sorte, que ce fut à l'enuy à qui premier auroit la corde au col & seroit licencié de s'aller pēdre & precipiter dās les gouffres & horribles ondes de la mer. Entre ceux qui furent les premiers congediez, fut vn qui portoit le mesme nō de Roderic, que vous auez (le voudriez vous ensuiure, pour vous dorer comme lui? non ie ne le vous conseille, il vous en prendroit mal.) Ce Roderic de Bastides, & Iean de la Cose, estoient tous deux bien entendus en l'art de nauiguer, & de tant plus alegrement entreprindrent de raser les flots & vagues de la

A iij

De l'Or & du Fer,

mer, pour pouuoir donner atteinte à ceste coste, ou plustost escumer l'or d'icelle, pendāt que d'autre part le bon vieillard Coulomb cherchoit dans le grand gouffre Occidental vn destroit à passer de la mer du Nord au Sud. Vos Espagnols s'adressent aux Caribes de Caribana, qui sont ceux qu'on appelle les Cannibales, & ont le bruit d'estre les plus meschans & redoutez de toute ceste cōtree. Tant hommes que femmes sont adroits, hardis & belliqueux ce qui se peut: comme aussi leur exercice ordinaire est de se ietter de toutes parts sur leurs voisins sans occasion de guerre, sinon seulement pour s'en repaistre. Les Espagnols qui s'estimoient plus braues guerriers, pensoient que ce ne seroit que pour vn desieuné, mais ils

conterent deux fois, parce qu'ils auoient conté sans leur hôte, & si encores se trouuerent bien esloignez de leur conte, car ils cuident briser les Cornes Caribefques, & arracher de leur garde la toison d'or: toutesfois, quoy qu'ils fussent nuds, si repoufferent ils gaillardement par diuerfes fois ces affamez escumeurs, en firent vne si belle boucherie, que les cuisines Cannibalesques estoient tout le long de l'annee Espagnolees. Ils les vous faisoient rostir, les couchoient en carbonnades, bref, comme vos Espagnols estoient frians d'or, & les Cannibales de chair humaine: les Cannibales iouierent si bien des mains, que les Espagnols leur seruirent de friandise. Quant aux Espagnols, par fois ils en ont

A iiij

De l'Or & du Fer,

bien eu leur reuesche: car des qu'ils pouuoient auoir barre sur eux, il est impossible de s'imaginer d'auantage de tourmens ny plus barbarement executez, que ceux dont ils festoyent ces pauvres Cannibales: car se seruans de toutes voyes, dont vn homme infidele & desloyal se dispense d'vser à l'encontre d'vn ennemi mortel, ils surprénoient par tout ou ils pouuoient de ces pauvres Cannibales & les enleuoient à grandes troupes, pour en faire trafic & marchandise, ils laissoient la pluspart mourir de faim. Dans terre ferme il y en eut plusieurs qui furent rostis, fricassez, flambez, grillez, mis en pieces & deuorez par les chiens. Le discours des tyrannies de l'Espagnol aux Indes, dressé par l'Euesque de la Casas, fait estat de vingt

milliõs de pãures creatures raisonnables, qui y ont passé par la mort: & si ce sont les cruautez les plus legeres qui y ayent esté cõmises, qui me font toutesfois herisser les cheueux en la teste. Que si les furies communes des vns & des autres les ont par ensemble renduës tres miserables: asseurez vous que les Espagnols en ont bien eu à souffrir d'autres. La colere de la mer, ses rochers & sablons couuers, non encores cogneus ny obseruez leur cause, rent maints naufrages: d'autre part la famine les affligea de telle sorte, que leurs cheuaux & tout leur equippage, dont il y auoit moyẽ de retirer quelque peu de substance & nourriture pour viure, leur estans defaillis, ils se prindrent à mãgr leurs chiens, quoy qu'ils fussent farcineux &

A v

De l'Or & du Fer,

tous couuerts de gilles, ce leur estoient des mirabolans : apres qu'ils eurent deuoré & englouti tous ces chiës avec leurs entrailles, prindrēt le naturel des chiës, s'acharnerent sur leurs compagnons les plus foibles & alāgouris, voire qui tendoient aux derniers abbois de la mort, les corps morts auoient beau sentir mauuais, ils n'en auoient pas à moitié leur saoul. Voila quel malheur l'or de ces terres à dōné aux Cannibales, que d'auoir esté reduits en perpetuelle seruitude, chassés de leurs possessions, & grande partie d'iceux miserablemēt exterminés : & aux premiers auant-coueurs Espagnols d'estre sortis de leur país, pour aller là s'entremanger, seruir de viande & repeuë à ces Sauvages, & laisser yne si detestable memoire

à leur posterité par leur maluer-
sation, auarice, cruauté, barbarie
& desloyauté que le nom Chre-
stien est de present odieux à tous
les peuples de ce nouveau mon-
de. Ne pensez pas que ie sois si
fort acharné contre vostre Or,
que de gayeté de cœur ie le vous
declare de la façon que i'ay fait,
escoutez ie vous prie le docte du
Bartas au cinquiesme de sa Se-
pmaine, ou il parle bien à vos
barrettes, disant:

O griffon puisses tu vaillamment cōbatre
Pour ce mortel venin, que nostre ame idolatre
Puisse avecques toi les Dardorises fourmis,
Si bien veiller pour l'or en leur garde cōmit,
Qu'on perde desormais toute esperāce d'estre
Maistre de ce metal, qui maistrise sō maistre
Execrable poison, pour qui nous penetrons
L'antre obscur de Pluton, pour qui nous es-
uentrons.

(mines,
Nostre mere nourrice, & viuans dans les
Des clapiers mal-cindrez attēdōs les ruines:
Et non cōtens des biēs qu'elle produit dehors,

A vj

De l'Or & du Fer,

*D'un sacrilege fer des humains tout son corps:
Pour qui nous recerchôs entre la Tapprobanc
A trauers mille mers & autre Tramôtane,
Et despitâs la rage, & des vêts & des eaux:
Descouurons chaque iour des mondes tous
nouveaux.*

*Pour qui, las! si souuêt le frere vend son frere,
Le pere vend son fils, & le fils vend son pere,
L'ami vend son ami, l'espouse vend l'espoux,
Et l'espoux vend l'espouse. Hé! que ne ven-
drions nous, (extreme,
Pour fournir aux souhaits d'une auarice
Puis que pour un peu d'or nous nous ven-
dons nous mesmes?*

*Je sçay bien, qu'aussi tost vous
vous moquerez des fourmis, les-
quelles Plinè à l'vnziesme liure
de son Histoire naturelle, cha. 31.
veut nourrir en la contree des
Dardes. L'enormité de la forme
qu'il leur donne le rend suiet à
caution, toutesfois pour leur na-
turel, qui auroit pris ce pinceau
pour contretirer vos dorez Dar-
dois, seroit impossible de les*

representer plus naïfvement.
Ces fourmis (dit-il) estalent
l'or, & lors que l'ardeur del'Esté
les contraint se retirer en leurs
tanieres, les Indiens ont le loi-
sir de venir gripper tout l'or
qu'elles ont amassé l'Hyuer. Tou-
tesfois il y a du danger, car si el-
les les esuentent, elles se iettent
sur eux de telle furie, qu'elles les
mettent en pieces, & n'y a cha-
meaux qui les sauuent, pour vi-
stes qu'ils soient: car à tire d'ailes
elles suiuent la piste des larrons,
tant sont enragees & diligentes
à recouurer leur or. Vous m'en
baillez de belles, dit le sieur Ro-
deric, avec vos Espagnols, à vous
ouyr compter, pour qui pensez
vous qu'on me prendroit? Pour
vn Espagnol? Je suis François,
& ne voudrois estre Espagnol ny
Espagnolisé, quoy que ie soys fil.

De l'Or & du Fer

seul d'un Espagnol qui, veritablement, portoit ^{le} nom de Roderic, mais il ne trauersa onques le gouffre Cannibalesque. Toutesfois laissons ceste qualite Espagnole, ie recognois, que l'or est d'une tres-hazardeuse & non moins dangereuse conquiste, d'autant est il plus à priser, que ce qui est difficile & penible est fort en estime. Si on acqueroit reputation dans le liect ou aux cendres d'un fouyer, vous autres (messieurs les guerriers) hazarderiez vous vos vies au choc d'une rencontre, à une saille, à un assaut, ou à une bresche. Les nourrissons des muses se peineroient-ils iour & nuict, pour confire leur cerueau au syrop des disciplines, si à dormir la grosse matinee, à fripponner & prendre du bon temps la science pou-

uoit croistre en dormant, ou en façon de champignon ou portiron, à la seule rosee d'une nuit? Non (repliqua le sieur Martial) vous ne prenez pas où ie veux toucher, encores qu'il ne soit pas que vous ne le voyez ou ne le sentiez. Je mets derriere le cheuet du liect l'excellence, la dignité & estime de l'or: mais ie veux dire que tout tel qu'il est quand il seroit cinq cens fois plus beau fils qu'il n'est, qu'il nous est tres-dommageable, tout de mesmes, que ceux, qui se plaignent de la beauté d'Helene, ne se formalisent pas des beaux traits & riches lineamens de son visage, qui auoient la perfection tout ce qui se pouuoit, mais il se faschent des ennuis que les Grecs & Troyens ont souffert pour l'amour d'une si rare beauté. Vous m'accordez

De l'Or & du Fer,

donc (dit le sieur Moderic) que
l'or, pour l'excellence, deuançe
de beaucoup le fer, voila de ce
costé mon proces gagné. Il faut
voir, si vos forgerons ferralliers
ont eu meilleur marché de vo-
stre ferrallerie. Les premiers
inuēteurs des mines de fer, & qui
premier ont fouillé le ventre de
la terre, pour la deferrer, ne sont
ce pas les Chalybes, les Cyclo-
pes & ceux que les Candiens ap-
pellent *Dactyli Idei* ? ou (selon
Pausanias en ses Laconiques)
Theodore Samien, lequel le pre-
mier apprit à faire la fonte du fer
& le marquer: mais ie vous prie,
trestous tant de ferralliers que
voila, quelles gens ont-ils esté?
quelle humanité, quelle douceur
& mansuetude auez vous peu re-
marquer en eux? Les Cyclopes
estoiēt violens & impetueux,

gens insolens & outrageux : les Chalybes aucancieux, hargneux au possible: & les Ideës pires que les autres, tenans du Sauuagin & de la cauerne ferree, si tres-mal piteux que le fer estoit plus mol, & se fut plustost flechi que leur cœur ne se fut plié à l'humanité: au lieu que les Histoires anciennes ne preschent que la louange du Phenicien Cadmus, lequel trouua premierement les mines d'or, & la maniere de l'affiner & fondre aupres du mont Pangeus, quoy qu'aucuns attribuent ceste inuention à Thoas, & à Eaclis de Panchaie: & d'autres la rapportent à Sol, fils d'Oceanus, qui, selon Aulegelle, inuenta premierement la Medecine. & la maniere de tirer le miel. C'est ce Cadmus qui premier apporta de Phenice en Grece seize lettres, & fut

De l'Or & du Fer,

le premier inuenteur des pierres & carrieres à Athenes, ou selõ Theophraste, en Phenice: voire inuenta l'histoire, & nous apprit à coucher en prose. Icy ie ne parleray point des plaintes qui sont faites par les Anciẽs à l'encontre de vos anciens forgerons, Seigneur Martial, prenez moy les vostres d'aujourd'huy, contemplez les moy en leur care, vous les trouuerez si tres hideux, qu'à les voir vous les prendriez plustost pour diables que pour creatures humaines. Vous parlez des excez des Espagnols, mais ces fouilleurs & forgerons ferrez ruinent vn pays où ils se parquent, c'est le degast des forests, & Dieu sçait les gentils tours qui s'y iouient, les passages inuisibles qui s'y font. Les Espagnols ont esté inhumains enuers les Canni

bales, c'estoient Sauvages & qui meritoient estre mariez rudement: mais de ietter les Chrestiens en la fournaise tous vifs, cela qu'est-ce? comment appellerez vous cela? d'estre cruels à l'encontre de ceux qui oncques ne vous firent tort? Ceux qui sont ainsi inhumains & insolens (dit le seigneur Martial) remettez les entre les mains de la Iustice, ils seront bien diables s'ils en eschappent: voire mais, comment faites vous les forges si execrables? à vous ouir discourir on penseroit aussi tost que ce sont des tasnieres de brigands & voleurs: le cognois vn Prelat qui en tient à sa main, en fait biē & beau son proffit: & si i'en scay vn autre bien riche, auquel n'a tenu qu'il n'en ait leué en ses terres, ie dy de s^{on} Abaye. Estimeriez vous qu'un

De l'Or & du Fer,

Religieux voulust soustenir le
menton à des garbemens qui au-
roient despouillé l'humanité ?
Comme ie vis le sieur Martial ,
qui commençoit à affuster son
babil , & tenoit mine de vouloir
bien reuirer le seigneur Rode-
ric, ie me iettis à la trauerse: quoy
(dy-ie) Messieurs vous me par-
dōnez s'il vous plaist, si ie vous
interromps la suite de vos dis-
cours , vous vous y enfoncez
trop auant, parauenture donne-
riez attache à tels qui n'a pas en-
uie d'estre nōmé. i'entens bien de
qui on a parlé, & si ie sçai plus que
ie neveux dire. mais il vaut mieux
se taire quelquefois, que sans ne-
cessité, sans force, & sans en estre
enquis, dire la verité de ce qu'on
ne demande pas: vous estes en-
trez en vne fort belle dispute, la
resolution de laquelle vous fera,

Fort à honneur, & profitable au public: vous vous arrestez aux ouuriers, & laissez la chose parce qu'un pendart vous auroit desrobé vostre bourse, si en pouviez auoir asseures nouvelles pour la recouurer, feriez vous difficulté de la prendre? Quand les Forgerons & autres ouuriers ferrez seroient pires cinq cens mille fois qu'ils ne sont, quand les peines & fatigues de ceux qui harpiert à griffonner l'or seroiēt plus grandes que ne les auez fait (Seigneur Martial) cela ne iustifie aucunement du proffit ou du dommage de l'or ou du fer, ains des tourments & maluersations des artisans metalliques: par ainsi si auez moyen (comme ie sçay qu'ils ne vous manquent d'une part & d'autre) pour donner yne bonne trempe, mettez

De l'Or & du Fer,

les en auant , qu'on voye avec
quelle rondeur vous marchez en
vos affaires. C'est bien dit, va
dire le Seigneur Martial, vous
estes cause d'un grand bien, car
i'estois bien en deliberation de
pelauder le Seigneur Roderic,
de m'eldire de nos forges & for-
gerons, i'y ay interest: toutesfois
ie me rangeray à vostre aduis, &
puis que trouuez bon, que nous
donnions sur le proffit & dom-
mage de l'or & du fer, ie m'en vay
vous deduire le plus succincte-
ment les grandes commoditez
que nous apporte le fer, ainsi que
Plin les a fort bien remarquees
au trentequatriesme liure de son
histoire naturelle chapitre qua-
torziesme. En premier lieu on en
laboure la terre, on en fait les
plantes & vergers, & finalement
on en raieunit tous les ans la vi-

gne, la deschargeant du meschât
bois qui la feroit mourir. On fait
pareillement les bastimens avec
le fer, car on en taille les pierres,
& s'en sert on quasi à toutes les
operations de ceste vie. Prenez
moy tous les Estats du monde,
il n'y en a pas vn qui se puisse pas-
ser de fer pour le mefnage on ne
coupe pas le pain avec du bois
ou avec de l'or, ce ne sont que
les cousteaux qui sont de fer ou
d'acier. Le barbier ne fera point
ses incisions, sa phlebotomie, la
barbe avec des lingots d'or, il a
le rasoir, les ciseaux & la lancet-
te, qui, quoy qu'argentees ou
dorees par la poignee, ne le
sont point pourtant par le tren-
chant. L'architecte, le masson,
le menuisier, le charpentier, &
autres ouuriers ne font pas fai-
re leurs outils d'or. Le compas,

De l'Or & du Fer,

le marteau, la hache, la doloere,
le rabot, le ciseau, la tariere, la sie,
& autres instrumens ne sont faits
d'or, ains du fer ou d'acier. Le la-
boureux, le vigneron, le buche-
ron & le faucheur enuoyent ils
au Peru pour auoir des estoifes
du soc, de la marre, de la houë, de
la pioche, de la herse, du coutre,
de la faux, de la hache, de la coi-
gnee, du vouge: il n'y a que la for-
ge du mareschal qui leur four-
nisse les materiaux. Le cheual, le
mulet, l'asne, & en certains pays
les hommes & les bœufs ne prē-
nent leur chaussure d'autre que
de fer. Allons aux estudes & ca-
binets des gens lettrez, n'y trou-
uerons nous pas des ganiuets ou
trancheplumes, des monchettes
& autres petits ioyaux dont ils
ne se peuuent passer, & qui ne
sont faits d'or? En vn mot, le fer
a entree

a entree par tout, & est necessai.
re à vn chascun. Comment es-
criroit on si la plume n'estoit tail.
lee? comment pourrions nous
manger des viãdes, si le cousteau
ne seruoit au boucher pour es-
gorger & despecer le bœuf, le
mouton, le pourceau & le che-
ureau, & au cuisinier pour l'ap-
prester? Il faudroit se chauffer
au pied des arbres, au milieu des
champs & forests, ou bien à bel-
les ongles desraciner les arbres,
si on n'auoit la sie & la coignee,
pour abbatre le bois. Il fau-
droit, que, comme les oiseaux,
nous alissions manger le grain
aux champs à l'espy, si la fauf-
sille n'estoit en la main du mois-
sonneur. Le fer est donc le me-
tal le plus necessaire à nostre vie
qu'aucun autre qu'on puisse s'i-
maginer. Vous vous estes bien

B

De l'Or & du Fer,

estendu, Seigneur Martial, va dire le Seigneur Roderic, sur vostre ferrallerie, & pensez, que ie croy, auoir trouué la feue au gasteau, & si n'avez rien fait, ou pour le moins n'avez gaigné ce que pensiez : car, quoy que ie vous passe ce que vous avez dit si nous voulions ne nous passerions nous pas bien du fer? Les Perüans, les Camnibales, les Sauvages & autres peuples qui ont esté descouuers par les François, Espagnols & Portugais, ne scauoient auant la visite qu'on a fait en leur contree, que c'estoit de fer, & neantmoins avec certaines pierres ils se rasoient les cheveux, au moins ils trouuoient moyen de ne porter poil, ny barbe sur aucune partie du corps: ils auoient des caroannes, bref rien ne leur defailloit pour vi-

ure : ils ne ieusnoient non plus que nous , se chauffoient aussi bien que nous, & s'ils ne sçauoiēt que c'estoit de raloir, de ciseaux, de lancette, de compas, de marreau, de hache, de doloere, de rabot, de tariere, de sie, de soc, de marre, de houë, de pioche, de berse, de coutre, de faux, de hache, de coignee ny de vouge: si biē que tout l'aduātage que vous auez sur eux pour la ferrailerie est, qu'ils n'auoiēt point de ganiets, aussi n'escruiōēt-ils pas, & n'auoient papier ou parchemin: mais s'ils eussēt sceu escrire, & sur quoy ils pouuoιēt tailler & aguiser leur plume, aussi biē qu'ils faisoient des ouurages biē plus subtils & difficiles que n'est la taille d'une plume. Sur l'escorce ils pouuoιēt former des lettres sans plume: quāt à moi i'ai maintēfois

B ij

De l'Or & du Fer,

escrit & fait des traiçts & figures
sur des courges & citrouilles a-
uec le bout du doigt , avec vn
baston & autres petites buchet-
tes de romarin que ie prenoy
au jardin. Il y a plus, & c'est là où
deuiez bien prendre garde , si
l'eussiez fait , n'eussiez ainsi en-
fermé la necessité de vostre fer ,
que auparauant que l'vsage du
fer fut trouué, nos Peres ne lais-
soient de cultiuer la terre & s'en-
tretenir aussi bien que nous fai-
sons , sans toutes ces beatilles
d'outils de mareschal. Tout beau
(dy-ie, seigneur Roderic) vous
tranchez vn peu trop court :
car si ainsi est que nos Peres vi-
uoient sans ces outils , & que
maintenant l'industrie humaine
a tiré des entrailles de la terre le
fer, pour nous rendre nostre vie
aidee & soulagee de plus grâdes

commoditez au lieu de priser vn
si grand bien vous vous feriez
certainement grand tort de te-
nir à mespris & nonchaloir vn
tel & si necessaire support de no-
stre vie. Comment me pourrois-
ie mettre à le cherir & honorer
(va dire le seigneur Roderic)
attendu que c'est vn metal qui
est indifferent, n'est necessaire,
duquel on se peut passer, & qui
nous a chargé de tant de mal-
heurs, de tant d'ennuis, de tant
de maux, que s'il fust demeuré
enfouy, caché & enseuely dans
le tōbeau de la terre, le mōde ne
s'en fust que mieux porté. C'est
ce metal duquel ont esté forgees
les dagues, les espees, les poi-
gnards, les espieux & le reste des
outils de la meurtriere Bellone.
Le Canō ou la Bōbarde del'Alle-
mand Berthold n'ont pris source

B iij

De l'Or & du Fer,

que du fer, le mortier estoit de fer lié de plusieurs pieces: Au lieu de fer succeda le brôze: mais, hélas! quelle difference y a-il? Les couleuurines, serpentines, basilics, sacres, faucons & autres pieces meurtrieres ne tiennent que du fer, la fôte ne l'empesche pas. Vous parlez de ce metal, & voulez qu'on l'ait en recômandatiô, pourquoy? il nous cause tant de maux. Et pource Lychas, à la recherche qui estoit faite par les Lacedemoniens de la sepulture d'Orestes, suiuant l'Oracle, ayant obserué entre autres particularitez de ce tombeau, qui luy fut monstré par le mareschal, le fer battu entre le coup & le contre-coup, interpreta soudain contre le fer, parce qu'il n'a esté trouué que pour blesser l'homme. Pen-
sez vous (dit le Seigneur Mar-

tial) que ie perde la parole. le fer n'est point tout ce qu'on luy met à fus. Je soustiens, que ceux qui l'affilent à l'effusion du sang le peruertissent à l'usage auquel il n'est pas destiné, de mesme que si celuy qui a le maniement des finances publiques, au lieu de les employer à la conseruation de l'Estat, les prodigoit & despensoit à la soulde des estrangers perturbateurs & ennemis de la Republique. De fait les anciennes Histoires nous apprennent que les armes tant offensives que deffensives des Heroës estoient d'airain ou de cuiure, & non pas de fer, lequel est en maints passages attribué par les Poëtes, sur tout par Homere aux outils & instruments mecaniques. Voire ce qui pouuoit auoir occasionné ces heroïques

B iiij

De l'Or & du Fer,

guerriers de s'armer pluſtoſt de cuyure ou airain que de fer , eſt que les playes faites par vne arme de cuyure ou airain ont ie ne ſçay quoi de propre & caché en ſoy (comme Plutarque à la fin du troiſieſme des Sympoſiaques , eſcrit apres Ariſtote) qui peut dōner grand ſoulagement & gueriſon aux bleſſeures. Et pource eux, comme ils auoient vn cœur magnanime & tresgenereux, ils ne viſoient ſeulement qu'à ſe porter vaillamment au combat, à vaincre & ſuppediter l'ennemi, pendant qu'il ſe mettoit en deuoir de leur reſiſter, ſans puis apres eſtre pouſſez d'une plus cruelle que vaillante animoſité de chercher les moyens extraordinaires pour le faire mourir autrement que de bonne luſte. Il y a plus , qu'és capitulations

de la Paix qui fut concluë entre les Romains & Porsenna, Roy de Toscane, apres le dechassement des Rois de Rome, fut dit nommément, que les vns ny les autres ne se seruiroient autrement du fer qu'au labeur de la terre. Les Anciens Egyptiens, pour marque de la sagesse, prenoient le fer, parce qu'on en fait les ferrures, qui tiennent en feurté & secret ce qu'on veut ser- rer. Il conclus donc, que le fer est contre nature lors qu'on l'ai- guise, qu'on le ruë, qu'on l'eslâce, ou qu'on le descharge pour frap- per, pour blesser & pour meur- trir: & au reste que le fer nous rapporte plusieurs belles & sin- gulieres cōmoditez. Car il y en a qui ont opinion (dit Pline) que faisant vn cerne avec la pointe d'vn cousteau à l'ëtour d'vn ieune

B v

De l'Or & du Fer

enfant, ou bien d'une grãde personne. & faisant trois tours à l'entour d'iceux, avec ce mesme coulteau, cela contregardera la persone de forceleries, charmes & poisons. On dit aussi, que met-tāt sur le seuil de l'huis de la maison ou de la chābre de quelqu'un vn clou arraché du sepulchre, il fait perdre les visions, fantosmes, qui espeurēt les gēs de nuit. On fait les cauterres de fer chaud, qui sont fort propres & beaucoup plus asseurez que les potentiels. On se sert de fer chaud à ferrer l'eau pour plusieurs accidents, & principalement pour les caque-sangues & flux de ventre. Met-tant vn morceau de fer dans vne trappe, où y aura du brasier & des charbons dans vn lieu enfermé, le feu n'entestera point, ce qu'il fait lors qu'il n'y a point de

fer. quant à la rouille de fer, elle sert en medecine: à sonder, à desfecher & à restreindre: enduite elle rempele les places desnuees de cheueux par la pelade: incorporee en cire & en huile de meurthe, elle est fort propre à l'esprete des paupieres, aux rougeoles & pustules qui viennent par tout le corps. Appliquee avec vinaigre en de petits drapeaux, elle sert au feu Saint Antoine, à la gratelle & aux apostumes & excroissances qui viennent és racines des ongles. Mise avec de la laine és basses marches des femmes elle reprime leurs decoulemens immoderez. Demeslee en vin, & incorporee en myrrhe, elle est souveraine aux playes fresches, & sert au mal saint Fiacre & aux fentes & creuasses du fondement, appliquee avec vinaigre.

B vj

De l'or & du Fer,

Enduite sur les gouttes, elle les guerit & en oste la douleur. Quād aux pailles & battures qui tombent de la forge des trenchans des glaiues, elles ont mesme propriété que la rouilleure du fer, horsmis qu'elles ont vne acrimonie plus grande, aussi s'en sert on és vehemētes fluxions des yeux. Elles sont fort propres à estancher le sang, & signammēt quand c'est d'une playe faite d'un coup de glaiue. On en vse pareillemēt à reprimer les defluxions feminines, & les applique on aux opilations & autres accidens de la ratte. Elles seruent aussi à reprimer le sang des morues & hemorroïdes, & sont propres à arrester le chancre des vlceres corrosifs. Puluérisees bien menu sur les paupieres, elles y sont fort propres. Quant

à la lime du fer, on sçait qu'elle est de singuliere requeste de la part des teinturiers, qui n'en ont pas à moitié, & en font amas non sans grands frais. Je n'aurois iamais fait, si ie voulois deschiffrer par le menu, & estaller toutes les singularitez Cyclopiques de la forge de Vulcan, ie tiens tant de vous (Seigneur Roderic) que ie vous ay gagné, & qu'estes des miens, voire, que ne ferez du restif à recognoistre avec moy, que le fer est celui qui fournit les outils au laboureur, au vigneron, au barbier, à l'architecte, voire mesmes à l'homme d'estude, que c'est aussi lui qui met cousteaux sur table, que c'est lui qui chauffe plusieurs animaux: que tyranniquement & abusiuement on rebousche son tranchant à la guerre, & finalement qu'il est le

De l'Or & du Fer,

medecin de la plus part de nos
maladies. Vous comptez sans vo-
stre hoste (respond le seigneur
Roderic) & pourtant vous com-
pteriez deux fois si ie vouloy:
mais comme ie sçay que si i'auoy
enuie de defferrer vn peu vos
fers, i'enfermeroy tout le reste
de nostre entre-veuë en vne
ferraillerie du tout enferree, ie
suis à moitié content de laisser
enrouïller vostre Fer, pour met-
tre en parade mon Or, & dorer
ceste cōference des dorees com-
moditez que l'Or nous apporte.
Ie suis fasché, dict le seigneur
Martial, que les seigneurs Dorat
& Ferrier ne sont de la partie, ie
croy qu'ils s'estoqueroient de
fort belles raisons. Le bon hom-
me Dorat auroit plus de paroles
que de dorure: de fait ie sçay que
il a en son estude plus de fer que

d'or, & en la maison plus de ieune bois que d'escus. Cela me fait croire, que l'or n'est point ce que vous pensez : car puis qu'il est doré de nom, il se le feroit estre d'effet, il a assez bonne cognoissance en Cour. *At nomine Auratus, re oberatus.* Le presage qu'il fera quelque iour vn grand Heros, il a de l'airain pour se forger de belles & heroïques armes. Laissez là (dit le seigneur Roderic) ce Pyndare François, il est de nostre pays de Limozza, & qui a plus merité qu'il n'a mais il a assez & est prou riche : s'il ne l'est, il a moyen d'auoir du constant. Permettez moy que i'entre és dorees loüanges de l'Or: la commodité duquel ie tiens à grand cas, parce qu'il nourrit, parce qu'il embellit, parce qu'il resiouyt, parce qu'il ayde, &

De l'Or & du Fer,

parce qu'il ne nuit. Qu'il soit nutritif, les Medecins le recognoissent, quand ils en baillent aux malades en leurs medecines, sur tout à ceux qui sont amaigris & defaits par ptisie, ou pour auoir trop secoué le pochet. Cela, direz-vous, est bien cher, toutes-fois couste, mais qu'il vaille. S'il ne resiouyssoit & reconfortoit, on ne porteroit pas coustumierement les bagues & anneaux d'or au petit doigt, auquel nous auons vne veine qui va droit frapper au cœur, pour le renforcer de ioye on y portel'or. Qu'il embellisse, cela n'est que par trop clair, pource les carquans, les chaines, les anneaux & toutes autres beatilles ont pris cours pour embellir tant les hommes que les femmes. Il nous aide aussi grandement, car il nous deliure de

pauvreté, & nous fait tenir riches : mais parce que vous pourrez dire que ce n'est l'or, ains l'estime qu'on fait de l'or, ie veux ici vous représenter les propriétés & vertus de ce metal, selon que Plin les a touchées au trentetroisième liure de son histoire naturelle, chapitre quatrième. En premier lieu, il est fort bon aux bleffez & aux enfans le leur faisant porter, car cela les garde de toutes sorcelleries & autres meschancetez, qu'on pourroit apporter en la maison où ils seroient. Les cendres de l'or calciné seruent à oster les darts, & feux volages du visage, les y appliquant avec de l'eau : lauees en eau de farine, & bien preparees elles seruent à toutes fistules & hemorroïdes. Adioustant de lytarge à l'or moulu, il est singulier

De l'Or & du Fer,

aux vlcères puans & pourris.
Cuit en miel avec grauiers de
Gith, & enduit sur le nombril, il
lasche legerement le ventre, voi-
re est souuerain à guerir les ver-
ruës. Ainsi l'Or a cest aduantage
sur vostre Fer, qu'il est nutritif, &
le fer ne l'est pas, si vous ne nous
vouliez faire des estomachs de
Austruches: qu'il resiouit le cœur
ce qui n'est communiqué à vo-
stre fer: qu'il nous aide, & si ne
nuist comme fait vostre gentil fer:
ce n'est pas d'or qu'on fait les es-
pees, les dagues & autres outils
destinez au sang. Prenez de quel-
le façon que vous voudrez l'or,
vous le trouuerez en tout & par
tout profitable & plus à priser
que le fer. S'il est en lingot ou en
masse voila des statues superbes,
qui rendront vn personnage ad-
mirable, ou ce qu'elles repre.

ſenteront. Le voulez vous rem-
ployer en la Medecine, ce n'eſt
rien de ce que i'ay ramentu, il a
bien d'autres vertus, car ſi quel-
qu'un eſt maleſicié de ſes outils
priapeſques, appliquant le reme-
de doré, le voila en peu de temps
remis au deſſus. La lepre eſt chaſ-
ſee par l'or: pour raffermir les
dents qui croulent ou qui ſont
pourries & décharnees, il ny a que
l'or. Pour radouber les puſtules
de la bouche vous auez l'or qui y
eſt trespropre. Si l'haleine eſt for-
te & corrompue par vne infectiō
interieure, l'or peut corriger vne
telle imperfection. Si vous ier-
tez de l'or tout rouge, bruſſant
& enflammé dedans du vin, ce-
ſte liqueur doree eſt tres-singu-
liere à renforcer & nous remet-
tre en noſtre naturelle habitu-
de. Le Mercure de l'or a grande

De l'Or & du Fer,

vertu contre la paralyfie, si vous le meslez avec de l'eau de vie & de lauande. Vous soufflez fort seigneur Roderic, va dire le seigneur Martial, que n'avez vous mangé des nauets pour vous remplir de vents? Hé! que vous auez bien enuie d'en faire accroire à ces gens delà l'eau: c'est dommage que vous n'estes bon Alchimiste: ô que vous vous entendez bien à l'infusion du Soleil! gardez vous du Mercure, puis que Mercure y a. Tous vos beaux secrets son suiets à caution: d'ailleurs quand auriez plege, bon homme, ie voudrois bien que vous me disiez, si pource que vous auez allegué de vostre Or, vous pourrez me faire accroire, que l'or est quelque chose plus que le fer. De moy ie n'y reconnois chose aucune: l'or sert à des

cures, aussi fait le fer : vous avez beau prescher pour l'or, si ie n'auoy peur qu'on me dōnast sur les doigts, ie vous mōstreroy que le plōb est bien de plus grand reue-
nu proffit & emolument que l'or qu'il fait de bien autres miracles, qu'il fait voleter l'or à Rome. On diroit, que ie suis ce que ie ne suis. Mais que direz vous, dit le seigneur Roderic, à ce qu'il nourrit? L'expériēce vous apprend, que les malades s'en treuuent fort bien, que leurs forces s'augmentent, & finalement, qu'il y a vne solidité naturelle en l'or, qui auue & raffermi nos membres & nos esprits. S'il y a plus de persuasion que d'effect, respond le seigneur Martial, ce sera bien autre chose. Or qu'ainsi soit ie me le fais croire parce qu'ēs coulis & consumez qu'on baille aux malades

De l'Or & du Fer,

L'or ne se diminuë point, quel
goust ou quelle saueur pourroit
recevoir le malade, puis qu'il ne
se deperit aucune chose de la su-
bstâce de l'or? Encores si la nour-
riture & refection que voulez
estre receuë par le malade de ce
metal, estoit telle que celle que
eut le rotisseur à la fumee de son
aloyau, on diroit que sous l'au-
thorité de M. François de Villon
cest article vous seroit à moitié
accordé: mais de nous vouloir
realiser vne nourriture d'un mè-
tal sans saueur, & du tout mal dis-
posé à nourrir, c'est nous vouloir
faire mordre aux pierres, au plomb
ou au cuiure, comme au pain &
à la viande. La nourriture se fait
(dient les Naturalistes) par le
changement de la viande que
nous prenons en nostre substan-
ce corporelle, si bien qu'elle s'al-

longe en nerfs s'endurcit en os, s'estend en veine, s'amollit & paistrit en chair, & se conuertit en moelle, en muscle & en peau, par vne vraye naturelle & essentielle transsubstâtiation, tant de la forme que de la matiere: & neantmoins vous voulez, que ces vertus & proprietiez de la nourriture se facent au corps du malade, sans que l'or deperisse, qui est, que vous voulez que la substance de l'or soit conuertie és parties & membres du corps, sans que toutesfois il se perde aucune chose de l'or. Tirez de l'huyle d'un caillou, & ie croiray, que ce que vous fantasiez de vostre Or, aura quelque apparence. Si la nourriture n'estoit naturelle ie diroy certainement, que vous auriez quelque pretexte de nous dorer

De l'Or & du Fer,

ceste venteuse transformation.
Je vous excuse que vous n'estes
seul qui auez choppé contre ce
fantastique aliment, c'est vn ro-
cher contre lequel donnent plus
de gens qu'il ne seroit à desirer.
Et afin que tout d'un coup ie vous
rabbate ceste ridicule nourriture
doree, mettez vous deuant les
yeux & Mydas & Pythee: Mydas
estoit Roy de Phrygie, pour a-
uoir receu en son hostel Silenus,
l'un des Capitaines de Bacchus,
lequel s'estoit fouruoyé du droit
chemin lors qu'ils allerent aux
Indes, & à iceluy fait tout plein
de courtoisies & honnestetez,
puis reconduit sain & sauue en
l'armee. Bacchus en faueur de
cela le mit au choix de demander
ce qu'il voudroit: il opta, que
tout ce qu'il toucheroit deuint
or. Ce qu'ayant par plusieurs
fois

fois esprouué & cogneu estre infaillible & veritable , quand il voulut puis apres boire & manger , soudain toutes les viandes qu'il touchoit se conuertessoient en or pur. Il commença à se repentir de son avarice, & fut contraint faire vne contre-requête à Bacchus de le remettre en son premier estat. Il luy ordonna la dessus de s'aller baigner dans le fleuve Pactolus en Lidie, là où il ne fut pas plustot entré, que l'eau attirant à soy la propriété de Midas , deuint toute de couleur d'or, Ah ! que si l'or eust esté ainsi nutritif que vous le publiez, Mydas se fut bien engardé de requerer d'estre dedoré. Pythee, Roy des Bytiniens , abbayoit tellement pres l'or , qu'il occupoit tous ses suiets à fouir & deterrer les minieres d'or , tant il

C

De l'Or & du Fer

estoit curieux d'en amasser, si fort pressoit & trauailloit son pauure peuple en ceste besongne, que plusieurs pour le trauail immodéré moururent sur le labeur, de mesmes que nous lisons auoir esté aduenü aux Perüans par l'inhumaine auarice des Espagnols. Cela occasionna les Bithyniens de venir prier la Royne, femme de ce glouton Pythee, de remedier à cest inconuenient : ce qu'elle leur promit. Ayant mis orfeures en besongne pour faire toutes sortes de viâdes de fin or, Pythee voulant souper, la Roine fit dresser vne table d'or fort magnifique, à la veüe de laquelle Pythee prit vn singulier plaisir, pour estre l'ouurage parfait & d'excellent labeur: mais apres l'auoir assez long temps contem-
plee, il commanda qu'on la cou-

urit, & qu'on mit des viandes dessus. Alors la Roine luy fit presenter telles sortes & especes de viandes qu'il demandoit, faiçtes d'or, du long seruice desquelles en fin Pythee s'ennuyant, commanda qu'on luy en apportast d'autres pour manger, entrant en colere, & se despitant pour la faim: son estomac ne se repaissoit de telle veuë, l'or ne le nourrissoit pas. La Roine voyant la maigre mine que faisoit le Roy luy dit, Comment, Monseigneur, vous ne donnez loisir de pouuoir recouurer autre chose que ce que maintenant on vous presente, toute la solitude & trauail de vostre pauvre peuple gist en l'or, & ainsi vous le voulez: les champs ne sont plus cultiuez, on a perdu la diligence de semer & planter,

C ij

De l'Or & du Fer,

l'agriculture n'est plus en train :
vous employez seulement les Bi-
thyniens à fouiller & chercher
l'or, de façon qu'on ne vous peut
offrir autre chose. Si l'or estoit
nutritif, comme vous criez, sei-
gneur Roderic, Mydas n'auoit-
il pas dequoy se saouler, pre-
nant de l'eau, qui soudain se con-
uertissoit en or. Pythee en auoit
tant qu'il en vouloit, & neant-
moins tous deux crioient de ma-
le rage de faim. Mais que me
chantez vous de vos anneaux, si
Dieu ne vous ayde vous les fai-
rez. Je vous recommande à Pli-
ne, lequel vous accommode de
toutes façons : vous les portez
d'or, & il faudroit qu'il fussent de
fer. A Promethee on baille vn
anneau de fer : les Romains ne
les portoient que de fer, pour
monstrer qu'ils estoient vrais sol-

drts & bien duits au mestier de la guerre: mesmes ceux à qui on faisoit entree triomphante à Rome ne portoiēt qu'un anneau de fer. Caius Marius entra en tel equipage: son lieutenant Manilius & Calphurnius n'estoient que ferrez par les doigts. Ha ie ne quitteray point si tost l'anneau, va dire le seigneur Roderic, vous oubliez à dire, que, pour honorer ceux qui auoient bien ioué des cousteaux, les plus hardis enferreurs, les plus braues & courageux soldats on leur dōnoit l'anneau d'or, qui leur seruoit comme de triomphe & tesmoignage de leur vertu. De ce fait foy, quoi que vostre bon homme de Pline ait voulu discourir avec les arguments de neige, que nous lisons en Genese, que Ioseph ayant déclaré le songe à Pharaon, Roy

C iij

De l'Or & du Fer,

d'Egypte, fust estably surintendant du Royaume, & que, pour l'en ensaisiner, le Roy lui bailla l'anneau qu'il portoit en son doigt. Voire que vostre Pline, lequel vous faites si mauuais garçon, & contraire à nos anneaux d'or, nous apprend au trentetroisième liure de son Histoire naturelle, chapitre second, que par le reglement qui fust fait l'an sept cens soixante & quinze apres la fondation de Rome, estoit expressement porté, que ceux seulement porteroiēt anneaux d'or, qui seroient de franche condition, & qui auroient quatre cens festerces vaillant, tant eux que leurs peres, que leurs ayeulx paternels, & qui auroient droit de pouuoir estre assis és jeux publics au quatorziesme degré: de sorte que la coustume des Ro-

maines estoit de donner des anneaux d'or par maniere de prerogatiue aux Ambassadeurs, lesquels ils enuoyoit vers quelque Roy ou nation estrange. Et d'ailleurs les anneaux estoient si priuilegiez, que de donner licence à quelqu'un de porter vn anneau d'or, estoit l'ennoblir & passer Gentil-homme: car (comme dit Pline, Dion, & plusieurs autres ont laissé par escrit) on cognoissoit les Cheualiers Romains & ceux des Ordonnances parmy le commun peuple aux anneaux qu'ils portoient au doigt: tout ainsi que les Senateurs estoient cogneuz à leurs longues robes de pourpre, brodees de larges testes de cloux. Je ne poursuiuray point plus outre les auantages dorez, par lesquels les anciens honoroient la proüesse

C iij

De l'Or & du Fer,

des soldats, qui s'estoient bien portez en la guerre, ie quitteray les chaines, les bracelets, & les couronnes d'or: vous avez Pline qui au lieu sus allegué s'acquitte fort bien de ceste charge, il parle bien à vos reuerences, se formalise de ce que l'or est ainsi profané, & n'est pas iusques à des Lacquais qu'ils ne s'emparent, de mesmes, que les Dames Romaines s'en equippoient, s'en sont des long temps chargez, & au iourd'huy n'en retiennent que trop la coustume. Quant à la Monnoye, il vous apprendra que c'est vn des grands mal heurs de ce monde, & que mis en ouurage il nous pousse à dix mil excez, abus & surfaillies: finalement que en masse ou fondu, il nous est encores dommageable, quand mesmes il ne feroit que resueiller l'a-

uarice. L'indiscretion & impieté de Septimuleius, grand amy de Caius Gracchus, l'aueugla de telle sorte, qu'il le tua, pour, liurant sa teste à Opimius, gagner autāt d'or qu'elle pesoit: & encores ietta il du plomb au dedans de la bouche, pour la rendre plus pesante, sans auoir esgard à la lacheté qu'il commettoit enuers sa patrie. Et pource Spartacus ordonna par exprez, qu'en son camp il n'y eut ny or ny argent, mais de fer tant que terre. A tout ce que Pline pourroit auoir allegué contre l'Or (dit le Seigneur Roderic) la responce est fort aisée, qu'il ne reprend point l'usage de l'or, ains le mes vs. Si l'or est si mauuais que vous le chantez, estimez vous quel l'usage d'icelui eut esté permis és Republiques bien policees: aux sacrifices

C v

De l'Or & du Fer,

de l'ancienne Loy eust fait des vaisseaux d'or? Salomon eust-il employé si tres-tant de finances pour faire vne chose desagreable à l'Eternel? L'auroit on monnoyé? Vous autres mesmes (Messieurs les ferrez) ne vous sentez honorez: si l'or ne marche deuât vous: ie m'en rapporte aux couronnes, anneaux & bracelets d'or qu'avez receu: apres qu'en estes affriâdez vous seriez bien cõtans que les autres ne s'en seruissent. On diroit, à vostre compte, que l'or ne merite pas d'estre recueilli, & toutesfois vostre Plineme l'a en si grande estime. Non (seigneur Roderic) mais il parle (va dire le seigneur Martial) de l'estime qu'on en fait, sur quoy elle doit estre fondee. La couleur, c'est peu de chose, & de moindre attrait que n'est l'ar-

gentine: de fait l'argent à vn lustre plus beau, plus clair & plus approchant du iour que n'a l'or, quoy que aucuns ayent voulu faire sa couleur plus riche pour se rapporter le plus aux Astres, d'ot Pline se moque. Et quād tout est dit, il n'y a pas de propos & apparence de dire, que la couleur de l'or surpasse celle de l'argent: n'avez vous point souuenance de la resolution, qui fut donnee sur ce quel'or est iaune & passe? Ce n'est, respondit on, pour autre occasion, sinon que l'or estant aguetté d'vn chascun, tient du naturel de ceux qui sont en perpetuel malaïse. N'est donc de merueilles, si on faict marcher l'or apres l'argent, pour raison de la couleur. Mais c'est à tort, dit le seigneur Roderic, car les rayons du Soleil

C vj

De l'Or & du Fer,

ainissent de mesmes que l'or: Et
pource le docte du Bartas entre
ses epithetes lui donne cestuy de
cheuelu d'or. Or que le Soleil
tienne le premier rang entre le
reste des Astres, cela est plus ma-
nifeste que le iour. Plin auroit
donc tort de vouloir blaffir la
dorure de nostre Or solaire,
puis que l'œil d'un chascun de
nous est iuge & tesmoin tres as-
seuré du contraire. Mais ie ne
trouue point qu'il parle du So-
leil, & pource ie conclus, que
l'un des principaux moyens, sur
lequel on doit sur-bastir & ap-
puyer l'excellence Doree est
l'affinité qu'il y a entre ce metal
& le Roy des flambeaux celestes.
Et si passeray bien plus outre:
car ie soustiens, qu'il tient en
son espeece tel rang que faict le
Soleil au general de l'Vniuers,

On accõparage le Soleil avec le
cœur humain , parce que tout
ainfi que le Soleil anime de ses
rais le corps de tout le mōde, luy
departit la clarté, la force & l'or-
nement: de mesmes le cœur du
Microcosme, inspire sa chaleur à
tout membre viuant, l'anime &
le resiouyt. L'or ne commu-
nique il pas les proprietéz avec
ce cœur Soleil , pour les mes-
mes qualitez ? c'est luy qui est
la fontaine de vie non seulement
aux autres metaux , mais qui la
nous maintient à nous mesmes.
A la doree sortie du Soleil,

*La neige, le broüillas, l'oïseue é, la
nuict,*

*Le fantosme, la peur, & le somme
s'enfuit.*

L'or vient il à brillonner, il n'y a
pluye gresle, frimas, orage ny
tempeste, qui subsiste: les postil-

De l'Or & du Fer,

lons dorez passēt par dessus, & au
trauers, la teste baissée: tousiours
prompts, diligens, hardis, & cou-
rageux sans que la fétardise, la
pusillanimité des casanniers puis-
se loger en leur ame: ils ont les
rais du Soleil qui esclatent au
trauers des tenebres de la nuit:
asseurez fendent la presse, &
combattent contre l'horreur de
l'affre mesmes: ne peuuent ia-
mais estre saisis d'une timidité:
sont autant ou plus esueillez que
le Dragon de Minerue. *Cui bono*
(va dire le seigneur Martial) à
quel propos? c'est vne auarice
qui leur possède si estroitement
l'ame, qu'il n'y a danger aucun
qui puisse leur dedorer la poi-
trine. Les mines ont beau estre
meurtrieres de ceux qui sōt trop
curieux de fouiller dans le vêtre
de la terre ses entrailles dorees:

Que la terre s'affaisse tant qu'elle voudra, qu'elle engouffre, atterre, accrauant & enseuelisse les pauvres pionniers: qu'il y ait tant de malignitez aërees qu'on pourra imaginer: que le pays soit difficile à gagner: que la mer soit tout ce qui se pourra furieuse: que les voleurs & brigāds destroussent & esgorgent tant qu'il leur sera possible: bref quād tous les Diables deuroient saisir ces ames des-esmees de faim, si faut-il qu'ils busquent fortune, qu'ils dorent leur cœur miserable & avaricieux: l'œil iamaïs ne leur ferme, ils sont sans cesse en guette & aux espies, ils traufferōt les destroits: ils s'assuiettirōt à vn million d'encōbriers, pour se farcir la pāce, ou plustost pour remplir leurs bourses d'escus, il n'y a rien ni trop froid ni trop chaud

De l'Or & du Fer,

poureux : quand ils ont entassé beaucoup d'or, la mer les engloutit, le brigand les vous descharge, & de biens & de soucy. Ce que i'y voy de pis, est qu'ils ne se peuvent iamais saouler, & ne s'en est trouué qu'un ou deux qui en ayent eu à regorger, asçavoir ce folastre de Mydas, & le Capitaine Aquilius, auquel le Roy Mithridates fit boire plus d'or fôdu qu'il n'en eut sceu desirer, encores que son cœur s'alterast apres son pouuoir en estre rassasié. C'est assez disputé (dy-ie alors) ie vous coupe icy queue si vous enfoncez d'avantage ceste matiere. Ne me refusez point Mydas, vous n'y auriez pas honneur, & si estendriez bien le parchemin. Je vay vous renger d'accord les argumens ferrez (Seigneur Martial) sont forts au pos-

sible, & qui iustifie tres-bien, que le fer nous est grandement profitable, & vous, seigneur Roderic, monstrez tresbien que le Fer a mesmes besoin de l'Or. Voulez vous que ie vous die, le Fer est tousiours plus rude que n'est l'or, l'or est bien plus precieux & à mon gré que le fer (entre amis que sert-il de mentir?) L'or est celuy, qui met en besoigne le Ferrailleur, lequel sera le pionnier, & le Doré sera le Thresorier: & ainsi tous deux auront part au bien & au mal de tous les deux metaux. Cecy ne sera, ie m'asseure, trouué estrange par aucun de la compagnie, attendu que nous lisons, que ce Roy de Phœnice, duquel vous avez parlé, Seigneur Roderic, quoy qu'il ait esté inuenteur de l'Or, ce n'estant moins il mit au monde les gēs

De l'Or & du Fer,

armez. Qu'ainsi ne soit, le Roy Agenot son pere, trouuant sa fille Europe à dire, de laquelle Iupiter s'estant enamouré, l'auoit rauy & transporté en Candie, commanda à son fils Cadmus de l'aller chercher, & ne retourner deuers luy qu'il n'en eut certaines nouuelles. Tellement que ce ieune Prince, apres plusieurs longs traux & ennuis, apres auoir bien tournoyé çà & là, sans rien aduancer de sa queste, s'arresta finalement en la contrée de la Beoce, là où il mit à mort vn grand serpent, qui desoloit le païs, & en sema les dents à guise de grains dans la terre, dont tout soudain vint à sortir vne moisson de gens armez, qui s'entretuerent les vns les autres sur le champ, si bien qu'il n'en resta que cinq, lesquels repeu-

plèrent le territoire avec luy. Pausanias en ses Boëtiques, fait mention de ce compte, lequel il tiēt fabuleux, de moy ie ne le croi pas : mais i'ay opinion, que sous ceste feintise on a voulu nous apprendre que l'Or & le Fer estoient grands cousins, ie dis quant à l'usage, sans vouloir confondre leur vertu & proprieté metalliques. D'ailleurs ie sçay bien, que si les affaires estoient reglees au point que ie souhaitteroy, certainement ni l'or, ni le Fer ne tomberoient en mes-vs, ils ne nous seroient qu'à profit. Si l'avarice estoit morte, & la cruauté enseuelie, il n'y auroit que plaisir à la lueur de l'or, & à l'usage du fer. Qu'en dites vous (Seigneur Roderic) rien, dit-il, puis qu'il ne vous plaist pas nous entretenir d'auantage en ceste pen-

De l'Or & du Fer,

*V*ee. Encores auez vous quelque raison, & vous approchez fort du but. Je tiens le mesmes, va dire le seigneur Martial, & prens grand plaisir que dorez si gentiment nostre Ferrure.

Le Seigneur de la Murette, voyant que la compagnie estoit sur le branle de laisser les sieges vuides, Messieurs, ie vous supplie, va-il dire, que i'aye ce credit de dire vn petit mot ceste Matinee: parce que si le seigneur Roderic ayme bien l'or, ie suis des siens, & autres fois me suis escrimé assez du mestier du Seigneur Martial. Ne croyez pas que l'aage m'ait fait changer de peau: Nenny, dea: mais ie trouue que la neige de ma teste & barbe grise a abbatu toutes mes plus fortes chaleurs. D'autres fois i'ay veu, que si ceste partie eut esté

faite, comme ie l'auois dresse'e,
que ie me fusse bien tost auancé.
A ceste heure ie suis meur, il faut
que ie donne aduis aux autres,
tout tel que ie le voudroy pren-
dre pour moy-mesmes. Or en-
tre tous ceux que ie trouue, qui
m'ayent le plus contenté sur la
decision de ceste question, il n'y
en a point, qui me vienne tant à
gré que le docte du Bartas, le-
quel au troisieme iour de sa Se-
maine me plaist fort en ceste, non
moins subtile, que sainte respon-
se, qu'il fait à ceux, qui se vouloiēt
mettre à mespriser & l'Or, & le
Fer, pour les grands malheurs &
incommoditez, que tant l'vn que
l'autre nous apportent:

*Ie sçay bien que la terre à l'hōme mi-
serable
Semble estre non plus mere, ains ma-
rastre execrable,*

De l'Or & du Fer, I. Matinee.


*D'autant qu'à nostre dā elle porte en son stāc
Et l'or traine soucy & le fer verse sang.*

*Comme si s'metaux, non l'humaine malice,
Auoient en tāt de chefs fait foisonner le vice:
Tout ainsi que l'appast des chatouilleux
thresors*

*Pert de l'hōme meschāt & l'esprit & le corps
L'or dore les vertus, & nous dōne des aīles,
Pour nos cœurs esleuer iusqu'aux choses plus
belles.*

*L'homme bien auisé ne se sert seulement
Du fer pour seillonner le chāp dōne-froment:
Il s'en sert au besoin pour defendre sa ville
Contre la tyrannie estrangere & ciuile.*

*Mais iamaïs le meschant ne manie le fer,
Que pour estre instrumēt des Furies d'enfer,
Pour voler le passāt, pour esgorger son frere,
Pour perdre son pays, pour massacrer sō pere:
Tout ainsi profanant vn dōx vraymēt diuin,
L'yrrongne sa raison noye dedans le vin.*



DES LOIX, ET DE LA MEDECINE.

*Asçavoir si la Iurispudence est à pre-
ferer à la Medecine.*

II. MATINEE.

IE croy que vous n'estes pas (Messer Girolamo) à vous repentir, de ce qu'auant hier le propos que nous pourmenions, & sur lequel nous estions prests d'enfoncer, nous fust interrompu par la suruenue de ces Seigneurs, qui dissipèrent nostre assemblée: quant à moy, i'ai bien enuie de renouier la dispute, ie me sens piqué: s'il y a moyẽ, faut que i'en aye ma raison

Des Loix, & de la Medec.

SCIPION. La generalité des propos qui furent tenus auroit-elle bien peu vous attoucher à vostre particulier? Si auez enuie de remuer les cartes, ie vous promets que aussi l'ay-ie. Et puis que prenez fantasie d'entrer au Duel, i'en suis cōtent, vous sçavez qu'il n'y faut apporter cotte de maille ou estre couuert: de ma part ie n'y apporteray affection particuliere, qui me face contre la raison partiser pour nostre Iurisprudēce. De mesmes ie vous prie, quoi qu'il ne vous face guiere bon es- uenter vos boites, vous tenir ou- uert, ne nourrir en vostre ame ou vn desguisement, ou vne pas- sion mal ordonnee. Si me croyez il sera bon, que de nouueau nous reprenions nos premiers erre- mens, voire que sans de nou- ueau former incident, nous fa-
cions

cions la partie fresche, à ce qu'il n'y ait biscaye, ou demy quinze, qui nous face tomber en mes conte.

G I R O L. Puis qu'il plaist à vostre Seigneurie ie suis bien content de suyure vostre aduis. Ie vous suis seruiteur. Ie recognois, que ce qui a esté dit par le pere de l'Eloquenee Latine est tres-veritable, que toutes les sciences s'entretiennent d'un ferme & indissoluble lien: mais ie tiens tant de vous, que pour cela ne voudrez inferer, que toutes elles marchent en vn mesme degré. Quand mesmes les chainons de ceste chaine d'Homere seroient encores en estre, si faudroit-il, que l'on m'alloüast, qu'il y a dis-ionction entre les sciences. Pour iustification de ma preuue, dites moy, si entre ceux d'un Conuent

D

Des Loix, & de la Medec.

toutes choses ne sont pas communes, & neantmoins chacun à sa bource peculiaire. D'ailleurs entre ceux, qui sont les plus reformez, jamais on n'a ouïy parler que les dignitez n'ayent esté separees.

SCIP. Vous vous debattez de la chappe à l'Euesque, & entrez en preuue de ce que ie ne veux pas seulement vous confesser: mais dont ie fais estat me seruir à l'encōtre de vous: car puis qu'il y a priorité & precellence entre les Arts, sciēces, & professions, ie veux inferer, que nôtre Iurisprudence peut & doit estre preferee à vostre Medecine. La question dōcq' n'est pas, s'il y a des sciēces qui puissent estre preferees les vnes aux autres, vo^r le recognoissez, & ie le tiens pour veritable: mais si vôtre profession est à pre-

ferer à la nostre: *Hoc opus, hic labor est.* Pour vous mōstrer la dignité & excellence de nostre Art Politique, j'ay plusieurs chefs à vous deschiffrer, lesquels ie rangeray en quatre bādes. En premier lieu ie verifieray son excellence par son vtilité & profit: En second lieu par le sujet sur lequel la Iurispudence est employee: En troiesme lieu par l'anciēneté de ceste science legitime: Et finalement par la dignité de ceux qui sont administrateurs de ses tres-saincts & redoutez mysteres.

C'est la Politique, qui enseigne comment il conuient gouverner le genre humain selon la nature du pays & des peuples, & selon la diuersité des temps: comment les Estats doiuent estre fondez, entretenus & reformez quand il en est besoin: cōment se

D ij.

Des Loix, & de la Medec.

peuvent conduire les Republiques, Royaumes & Empires, au profit des subjects, & à l'honneur des Magistrats C'est elle, qui a la surintendance de tous affaires, ordonnant ce que chacun doit faire ou laisser, qui preside aux Estats, voyant les moyēs de leurs changemens, ruines & conseruations: qui maintient les autres Arts liberaux & mechaniques, deliberant & statuant quels sont receuables ou non, & commande aux plus honorables, comme à la militaire, oratoire, iudiciaire, & œconomique: comprenant en sa fin, qui est le souuerain bien, la fin de toutes. C'est elle qui nous a montré premierement la forme du Droit naturel & ciuil, de l'humain & diuin, priué & public, escrit & non escrit: qui nous a inuitez à viure amiable-

ment ensemble pour subuenir
aux indigences communes, qui
nous a appris le commencement
& la fin de la société humaine, &
qu'il y auoit vne Loy vniuer-
selle & perpetuelle empreinte
és cœurs humains, & semée és
entendemens des personnes, l'og
temps auparauant qu'il y eut au-
cune ordonnance escrite, ou Ci-
té establie : sur laquelle toutes
autres Loix particulieres, Loca-
les, ou Temporelles doiuent e-
stre dressees, reiglees, moderees
& exposees. Elle a deriué de Na-
ture l'equité, à celle fin de l'ac-
commoder aux cas escheans cha-
cun iour, & nous a veritable-
ment fait entendre que le droict
& la iustice ne consistoient par
opinion, ains estoient naturel-
lement départis aux humains.
Nous cognoissons par ceste sci-

Dij

Des Loix, & de la Medet.

ence le deuoir des Princes envers leurs subjects, celui des Magistrats entre eux & avec les priuez : quels deuoirs sont plus necessaires ou plus hōnestes : quelle obeissance, honneur & reuerence les moindres doiuent aux plus grans : quelle maniere on doit garder à acheter, vendre, permuer, louer, donner, receuoir, promettre, contracter, plaider. Nous fussions en grande confusion, si elle ne nous eut conjoins par mariages, parentez, alliances & familles. Si elle n'eut diuisé les patrimoines, baillé les successions, ordonné les iugemens : autrement ne pourrions separer le nostre de l'autrui, le parent de l'estranger, le seruiteur du maistre : Bref il ne seroit possible viure sans elle en public ny en priué, ny entie-

rement bien vser des hommes
& choses humaines : car en ho-
norant & recompensant la vertu
detestant & punissant le vice, &
reduisant toutes nos actions à
droicteure, elle nous a donné
moyen de viure heureusement
en tranquillité & concorde avec
suffisance : & est d'autant plus
parfaicte, qu'elle ne procure le
bien des particuliers seulement,
comme font les autres, ains uni-
uersellement de tout le gēre hu-
main & du mōde, qui est (selō les
Stoïques) la vraye cité & cōmu-
ne Republique de tous mortels.

Le sujet qui doit estre assai-
sonné par les Loix, c'est le
Droict, lequel ie ne veux point
icy considerer à la Scolastique,
pour le diuiser selon l'esgard
qu'il a aux personnes, aux choses
& aux actiōs : jettōs la veuë sur le

D iij

Des Loix, & de la Medec.

Code Iustinien , nous trouue-
rons , que les treize premiers til-
tres du premier liure sont desti-
nez au Droi&t sacré , de sorte que
lon doit dire a tresiuste occasion,
que les plus cachez secrets de la
Theologie sont conseruez par la
Jurisprudence. La Tres-saincte
Trinité a fai&t l'entree du Code,
les sacrez mysteres du Baptisme
& autres diuins mysteres y sont
traitez. Je ne parleray pas du
Droi&t Canon , puis que la chose
parle de soy mesmes, que pour la
pluspart cene sont que passages
extraicts de la saincte Escriture.
Pour les affaires humaines, sans
que ie le preuue, il n'y a celuy
qui ne recognoisse avec moy,
qu'il est impossible de forger les
moyens pour mieux reigler ny
policer vn Estat , que sont les
instructions & aduertissemens,

qui nous sont si expressement figurez au corps , lequel , s'il est question de disputer de l'ancienneté de la Jurisprudence, soit que nous la recherchions selon les fantasies de anciens, soit que nous en parlions à la verité, on trouuera , que son excellence est inestimable.

Les anciens Legislatours n'ont point recogneu tenir la ciuilité de leurs arrests, iugemens, & ordonnances que des Dieux. Osiris faisoit entendre aux Ægyptiens , que Mercure luy auoit dicté ses Loix , Zoroastre aux Perses & Bactriens , qu'il auoit esté enseigné par Oromase, Charondas aux Carthageois par Saturne, Solon aux Atheniens par Minerue , Zantastes aux Arimaspes par le bon Dieu, Zamolxis aux Scythes par Vesta , Mi-

D v

Des Loix, & de la Medec.

nos aux Cretois par Iupiter, Ly-
cargue aux Lacedemoniens par
Appollon, Numa Pompilius aux
Romains par la Nymphé Ege-
ria. Mais à fin qu'il ne soit dit,
que nous voulons fonder la so-
lidité d'une si sacrée science sur
les feintises des Dieux, prenons
son inuention, sa source & son
origine d'un tige qui ne nous
puisse estre debattu pour ba-
stard, faux, supposé & illegitime.
Le premier & le plus ancien Le-
gislateur, duquel les hommes
ont eu memoire, fut Moyse, le-
quel ne forgea pas de soy mes-
mes les Loix qu'il donna au peu-
ple d'Israël. Ce fut de Dieu mes-
mes qu'il les receut. Au niueu
de ses dix Cōmādemēs, qui vou-
dra y prēdre auis, il trouuera que
toutes nos Loix y sont ajustees.

Et pource n'a point esté sans

occasion, que Dieu a choisi ceux qui tiennent le premier lieu entre les hommes pour estre executeurs & administrateurs de sa Iustice. Ce sont les Princes & Potentats de la terre, qui se sentent bien honorez de tenir en la main le glaive pour faire obeïr aux Loix. Ce n'est pas vne charge qu'on donne à gens de petite estoffe, & qui sont ennombrez entre les balieures du monde.

G I R O L. Vous en couchez de belles, ne vous manque qu'un poinct, que deuriez presenter requeste, à ce qu'il ne fut permis de vous battre de contredits. Vous ne pouuez m'en faire forclorre, & si tost que i'auray faict ma production, qui ne sera pas si longue que la vostre, tenez vous pour assure, que ie vous rabattray bien vos cloux. Quāt à la

D vj

Des Loix, & de la Medec.

Medecine e l: est en estime, & reputation enuers tous ceux qui sont amoureux de Nature, elle est pleine de tant de proffits & vtilitez, que ie tiendroy celuy qui ne la priseroit non seulement ingrat & mal-aduisé, mais aussi desnature, attendu que Nature nous a empreint ceste affection, de tendre à vne perpetuelle duree. Pour chasser la mort, les cousins & adherans d'icelle, ne scauriez trouuer moyen plus propre que nostre Medecine, laquelle ne guerit pas seulement les maladies du corps, mais aussi les troubles & passions de l'ame. Ainsi doncques elle n'a pour son sujet que l'homme, auquel elle donne les moyēs de s'entretenir en santé, se garantir des maladies, & chasser la mort. Pour ceste occasion ne faut

s'esmerueiller, si les Medecins ont esté de tout temps en credit enuers les plus grands. Pline au vingt-neufiesme de son histoire naturelle fait mention d'un Erasistrate, fils d'une des filles d'Aristote, fort bien venu enuers le Roy Ptolomee: & par effect aussi nous voyons, que, s'il y a personnages qui possèdent les aureilles des Princes, ce sont les Medecins. Aucuns desquels ont d'ailleurs esté Rois: ce que ie dis, afin que l'on ne vienne à me dire, que seulement à cause de la necessité on leur donne entree és Cours. D'un grand nombre ie me contenteray tirer ici hors ligne ce grand Aboalis Auicenne, lequel on sçait auoir tenu & heureusement gouverné la Bithynie. On ne dispute point de son ancienneté, si seulement on faisoit ve-

Des Loix, & de la Medec.

nir en jeu *Æsculape*, il n'y a celuy qui ne quittaſt la partie.

S C I P. C'est donc ce que vous pouuez employer pour l'instruction de la preuue que pretendez faire touchant l'excellence de vostre Medecine : mais vous ne dites pas, que vous metez le plus beau deuers la ville, & cachez ce qui est meſſeant. Combien de fauſſes receptes donnez vous, qui enuoyēt les pauures malades au lendemain de la Touſſaincts? Du premier coup ie vous touche au blanc, apres nous examinerons ce qu'auuez allegué.

G I R. Si vostre argument à force, ie culbuteray par meſme moyen vostre Iuriſprudence. Ce ne ſont point les Medecins, qui ont dit, que *omnis definitio in Iure eſt valde periculōſa, parum eſt enim ut non ſubuertipoſſit* : mais vostre

maladie ne guerist point la nostre. Je confesse donc que la perfection des sciēces est recogneuë principalement par la perfection du sujet où elles vivent. Pource la Theologie est tresparfaite avāt Dieu pour sujet, lequel est immuable. De mesmes les Mathematiques ont par prerogative le nō de sciences, pour estre le sujet d'icelles trescertain, immuable & asseuré. Mais en la Medecine, estāt le sujet d'icelle asseruy à continuelle vicissitude, ne faut trouver estrange, si encores que les demonstrations soyent en tout & par tout tousiours semblablement inuiolables, les effects pretendus & esperez ne se rencontrent, & paroissent tels que l'aduisé Medecin les a pourpensé. La pluspart des hōmes, qui ne iugēt des affaires ordinairement que

Des Loix, & de la Medec.

par l'issuë, & non par les causes, quelquesfois, voire souuent ne trouuans rien moins que ce que le Medecin aura iugé, sans considerer que le prognostic ou crise auoit pied & fondement sur les indubitables demonstrations de la science Medicinale, & prendre garde aux soudaines alterations de nostre naturel tant muable, concluent out aussi tost qu'il n'y a rien de si incertain que la Medecine, voire que les Medecins iouient à l'hazard de nos vies. Ceste opinion a pris tel auantage sur les testes de plusieurs, qu'ils sont quasi resoluus de laisser la guérison des maladies au commandement de la nature seule: mais Dieu sçait si cela leur coust cher.

Scip. Vous le dites, mais ie les tiens beaucoup plus adui-

sez, que ceux qui dorent vostre
Medecine : car si ainsi est que la
mutabilité qui est en nous pro-
uienne de Nature, elle qui est sa-
ge mere pourra bien aisément
nous remettre au point qui nous
est propre & seant. Dites moy (ie
vous prie) si ces Rois qui sont ar-
riuez de Iapon à Rome, & ont
mis en leur voyage plus de trois
ans, auoient amené avec eux vn
Medecin de leur pays, & qu'il
voulut doſer en France à la façon
Iaponeſque, ne diriez-vous pas
qu'il ne faudroit s'arreſter à ſes
opinions, parce qu'il ne ſçauroit
cognoiſtre les humeurs & com-
poſition des François, qu'il y a
autre temperature en ce climat
qu'à Iapon, & que les drogues de
ce pays ſont autres qu'en ſa con-
tree Iaponique. Et neantmoins
ie ſuppoſe qu'il auroit ouï y japer

Des Loix, & de la Medec.

tous les plus fameux de vostre Iatrique, voire que dans sa caboché il auroit tout ce que vos Hippocrate, Galen & autres ont écrit de la Medecine. Mesmes ie voy, que vous autres Messieurs tenez vne forme d'Estats iurez pour l'exercice de vostre profession, de sorte que s'il y a aucun, lequel n'estant gradué en vostre faculté, vueille attenter des cures en l'enclos de vos destroits vous le haraudez. L'occasion de vostre iuste complainte est, qu'il n'est façonné aux humeurs de ceux du pays. Maintenant ie vous demande, la mere Nature ne nous est elle pas beaucoup plus naturelle que tous vos Aphorismes & Decipé? Pourquoi donc ne sera-elle plustost suyvie que vostre art? Si vn Gentilhomme Espagnol s'adrescoit en Espa-

gne à vn tailleur Allemand, & qu'il luy donnaſt charge de luy faire vn habit, ſi l'Allemand venoit à lui faire ces grandes manches bouffantes à la Lanſquenette, que diriez vous? ne taxeriez vous pas l'Eſpagnol, qui auroit deu prendre vn personnage qui cogneut la taille & la façon de la guiſe Eſpagnole? La pluſpart de ceux qui vous ont donné vos preceptes medicinaux eſtoient Marrans ou Arabes, & vous nous traitterez à la Marrane ou Arabefque? Vous le ferez, vos chaufſes pleine de forte belle fine, que ie n'oſe dire. Et ainſi voſtre reſponſe ne faiſt aucune eſcorne à noſtre Iuriſprudence, laquelle, puis qu'elle giſt en faiſt que la voſtre n'eſt du tout certaine & aſſeuree comme ie la ſouhaitteroïs,

Des Loix, & de la Medec.

mais il y a bien à dire de l'un à l'autre. Nous sommes reiglez par nos Ordonnances, & ne tenons les Loix Romaines, que pour esclaircir quelques subtilitez & gaillardises de Droit, & entant que la raison les recommande. Et pour ce le Roy Philippe le Bel, instituant l'Vniuersité d'Orleans, par la Chartre des priuileges qu'il luy oütroie, qui est du mois de Iuillet 1312. proteste, qu'encores qu'il permette, que les Loix Imperiales soyent leuës & interpretees en icelle Vniuersité, il ne veut pourtant qu'elles soyent receuës par ses sujets pour Loix, mais seulement cōme bonnes raisons: pour estre fuiuies par les Iuges és cas qui ne seront decidez par ses Ordonnances, & des Rois ses predecesseurs, & par les coustumes des

Prouinces de son Royaume.

GIROL. I'ay beau moyen de vous faire vn contrescarre, mais cela vous empescheroit de faire ce dont m'auez menacé: poursuyuez vostre pointe.

SCRIP. Vous me permettez, s'il vous plaist, de prēdre vn peu de vinaigre : car encores que ie me serue de gans de Rome, si ne puis je remuer la fecalité medicinale que le cœur ne me soufleue. Il y a vn de vos Rabi, lequel disoit que *qualitas non nocet, sed quantitas*. Il prendra, s'il luy plaist, tout pour luy, ie luy en quitte ce qu'il pourroit pretēdre pour ma part. A vous ouir parler il n'y a que la Medecine pour eterniser la vie de l'homme mortel. Au cōtraire, ie dy que pour poster à la mort, il n'y a qu'à suyure l'aduis des Medecins. On dit, que l'ex-

Des Loix, & de la Medec.

perience est maistresse des fols: ceux qui se sōt arrestez à vous ne sont iamais partis de vos griffes que ne les ayez mis *in pace*. Prenons les villageois, qui tiennent autāt de conte de vous que vous faictes de la mort d'un homme, les void on malades, aliētez & atterrez comme ces douilllets, lesquels vous avez enguillleminez par vos drogueries? Si le payfan est malade, il prendra tout le cōtraire de ce que vous ordonnez, au bout de quelque temps vous luy verrez faire vn pet à la mort. La goutte se gardera bien de le venir assaillir, pourquoy (à vostre aduis)? c'est parce que la bōne Damoiselle veut estre drelottee &ensee, & vous n'estes appelez au seruice. Le payfan ne vit pas de si friands morceaux que vos Mecenas, laisse-il à se

bien porter ? Il vous fait à tous la
figue. L'occasion d'où prouient
elle de ce que vos medecines mi-
nent ce corps. L'espreuve vous
fera tousiours paroistre que ie
dis vray : mesmes quelques vns,
qui partisoient pour la Medeci-
ne, toutesfois ne vouloient s'af-
fectionner pour son maintien
contre la railon, ont accompa-
ré la Medecine à vne leciue,
en ce que, tout ainsi que la leci-
ue nettoyoit bien le linge, le
rendoit beau & blanc, aussi la me-
decine purgeoit nostre corps,
mais que, comme la la leciue v-
soit fort le linge, de mesmes la
medecine affoiblissoit & dimi-
nuoit fort les forces corporel-
les. Ils ont oublié à faire le rap-
port du coust qu'il faut suppor-
ter pour leciuer avec les fraiz
ou la Medecine nous relegue

Des Loix & de la Medec.

Et parauēture ont ils estimé qu'il n'y auoit aucune ressemblance des despēs de la leciue avec ceux de la Medecine, parce que vous autres Messieurs les Medecins seriez bōs à faire gelee, vous prenez fort bien, les Apoticaire espicent encores mieux les parties, *quid plura?* la Medecine est fort sujette à la pince. Et afin que vo^o ne vous formalisiez de ceci, comme si ie vouloy contrerooller les liberalitez, ou plustost prodigalitez des Rois, Empereurs Princes & grands Seigneurs enuers les Medecins d'auourd'huy, ie vous prie croire, que ce n'est d'auourd'huy ny d'hier que ceste maladie tient Messieurs de vostre robe. Pline au vingt neufiesme liure de son Histoire naturelle, chapitre premier, rapporte, que Erasistrate receut du Roy Ptolomee

lomee cent talens d'or, valās soi-
xāte mil escus, pour auoir guery
le Roy Antiochus son pere. Cas-
sius, Calpitanus, Aruntius, Al-
butius & Rubrius auoient tous
les ans deux cens cinquante se-
sterces d'estat des Princes qu'ils
seruoient, qui reuiendrait à six
mil deux cens cinquante escus.
Quintus Stertinius se plaignoit
de l'Empereur son maistre, de ce
qu'il ne lui bailloit que cinq cens
sesterces par an, qui seroiēt dou-
ze mil cinq escus, allegant qu'il
auroit bien tous les ans six cens
sesterces à seruir seulement cer-
taines maisons de Rome, qu'il
contoit par les doigts. Son frere
n'eust pas moins de gages de
l'Empereur Claudius Cesar: de
forte qu'encores qu'ils eussent
fait vne fort grande despence és
bastimens qu'ils firent à Naples,

E

Des Loix, & de la Medec.

ce neantmoins ils laisserent leurs heritiers riches de trente mil sesterces, valans sept cens cinquante mil escus. On parle de Thadee Medecin Florentin, lequel estât appellé par aucuns Princes Italiens, n'eut pas dolé à moins de cinquante escus par iour, qui eut esté par an dixhuit mil deux cens cinquante escus: & si encores ne se contentoit de si peu. Il fut si effronté qu'il n'eut point honte de demander au Pape Honorius par iour cent escus.

GIROL. Vous nous reprochez que nous autres Medecins sommes sujets au gain, & ahannissons apres les escus, & vous autres Messieurs les Legistes. ORÇ A, que diriez vous à Rabelais?

SCIP. (Que c'estoit vn sot sous la protestation que ie fais de ne

mesparler d'un trespasé) d'autât
que ie maintiens, qu'il faut que
l'Aduocat ayt bonnes & belles
mains pour bien prendre escus,
sine quibus, ie l'estimerois vn niais
& vn nigaud.

GIROL. Nous en parlerons
quand vous voudrez, cependant
ie vous prieray de croire, que
vous nous faictes grand tort de
nous faire sujets à la pinse.

SCIP. Je m'en rapporte au
prouerbe qui trotte en la bou-
che d'un chacun, que

*Les escus à monceaux riches font
Galien,
Au lieu que les honneurs suyuent
Iustinien.*

GIR. C'est vn prouerbe, con-
tre lequel, si i'entendois que c'est
que broüiller en chiquaneur,

E ij

Des Loix & de la Medec.

ie m'inscriroy en faux. Soit posé le cas qu'il contienne verité, voudriez vous que nous eussions employé tout nostre aage à apprendre la Medecine, que nous prissions la peine à solliciter vn malade, & qu'on nous paya d'eau beniste de Cour en grand mercy.

SCRIP. Pourquoi non, les glorieux amis de Dieu, Saint Cosme & Damien prenoient ils argent?

GIR. Nenni, mais aussi ne leur coustoit il tant à auoir leurs degrez, cōme à nous aujourd'huy. D'ailleurs ils auoient moyen : En apres ils sont saints, nous en receuons pour leur offrir tousiours quelque chose, & mettre en la boîte *S. Damih*, non ie voulois dire Damien. Finalement, pourrions nous nous entretenir

& seruir au public sans moyens?
Il faut acheter le mulet, le nour-
rir, lui dōner la housse & l'entre-
tenir. Le moins que nous puis-
sions auoir c'est vn laquais, qui
pense & meine la mule. Nostre
famille mourra elle de faim, &
nous vaquerons pour le public?
Vous sçauiez, que si nous estions
mal en conche, que nous scanda-
liserions les malades, qui sont de-
fia assez faschez d'eux mesmes,
sans que nous les contristions: si
nous estions pierres & malotrus,
ils penseroient que nous serions
quelques caymands, qui vien-
drions à leurs obseques deman-
der à porter vne torche pour gai-
gner la couple de grands blancs.
Or puis que, pour no⁹ preseruer
de leurs maladiues & corrōpuës
exhalaisons, il faut que nous so-
yons tousiours musquez & gar-

E iij

Des Loix, & de la Medec.

nis de parfums & odoriferantes
sêteurs, c'est bien la raison qu'on
nous donne moyen d'en auoir.

S C I P. Ce point est donc gai-
gné, que les Medecins tirent au
Capitaine Argët: c'est pourquoy
vous auez fort bien dit, qu'ils sôt
bien veus des grands, & eux aus-
si y prennent grand plaisir, parce
qu'on ne testonne point. Je ne
vous veux pas mettre en ny cest
article. I'ay leu que Iean Cottis
Medecin de Louys x i. Roy de
France, cōmandoit tellement à
baguette à ce pauvre Roy, qu'en
quatre mois il receut de luy cin-
quante quatre mil escus con-
tens, outrel'Éuesché d'Amyens,
& autres beaux Estats, Offices, &
Benefices qu'il eut pour ses pa-
rens.

G I R O L. Vous pensez auoir
gagné vostre procez, pour le

principal vous ne dites mot, mais pour les despēs vous criez à gorge desployee, n'avez vous autre chose à dire, ce sera bien peu. Il n'y a estat au monde, *cui non regina pecunia imperet*. Si vous voulez disputer touchant le loyer qui appartient au Medecin, vous le perdrez tout quitte, car d'autant que la chair nous est plus pres que nostre chemise, il faut que vous estimiez que la Medecine est plus excellente que la Jurisprudence, & partant qu'elle doit estre mieux salariee.

S C I P. Vous ne le prenez pas mal, mais gardez, que, si entrez en sale, on ne vous donne touche sus la galbe. Car afin que ie ne vous mente, quand ie pense à vostre Medecine, il n'y a si bon cœur qui ne tire au renard. D'ailleurs on vous baille

E iiij

Des Loix, & de la Medec.

la qualité des saints mal piteux, suiuant vn aphorisme d'vn de vos grands Docteurs, qui porte en substance par expres, que le Medecin pitoyable n'a pas garde de guerir la playe. De la vient, que l'on vous appelle bourreaux prieuez: du tiltre qui commença à estre baillé dans Rome à Archagatus, fils de Lyfanius issu de la Moree, qui fut le premier Medecin qui vint à Rome.

GIR. Ne passez point plus outre, vous auez appris ceci de Plin, lequel nous apprend que du commencement on appelloit cest Archagathus guerisseur de playes, mais que parce qu'il auoit la main rude à inciser & cauteriser, on le commença à appeler bourreau. N'est ce pas bien parlé vous aurezyne gangraine, pour la desraciner, faudra vser de violence,

& pource vous appellerez la Medecine Bourrelerie , vous nous en voulez compter. Qui vous graisse vos bottes vous dites qu'il les brusle.

SCIP. Vous nous en voudriez faire accroire vous mesmes , si nous ne voyons tant de nations qui se portent si bien , & toutes-fois ne sçauent que c'est de Medecin, encores qu'elles entendēt bien les remedes propres à leur santé. Mesmes le peuple Romain demeura bien six cens ans depuis la fondation de Rome sans Medecin : Caton à vescu quatre vingt cinq ans sans auoir pris aduis aucun des Medecins, voire qu'expressement il deffendit à Marc Caton son fils de donner accez aux Medecins.

GIR. Dites tout ce qu'il vous plaira, si y auroit il grande

E v

Des Loix, & de la Medec.

pitié en vous & à tous autres, si vous estiez abandonnez des Medecins.

SCIP. A d'autres, j'aimerois mieux estre condamné de cinq cens millions de douzaines de Medecins, que vous ne feriez d'un simple Preuost des Marechaux. Otez le baze de vos R. vous ferez D. & ainsi au lieu de *Recipé* nous aurons *Decipé*, vous faictes si grand *Alleluia* de vostre Medecine, & d'où l'avez-vous peschee? qui la vous a appris? Ce sont les bestes. La Medecine est donc la sciëce des bestes: & pour ce Plin dit que les hommes doivent rendre graces aux bestes de plusieurs medecines & remedes, qu'ils ont appris d'elle: comme du Cerf, l'usage du Dictame: des Arondelles, la propriété de l'herbe appelée Chelidoine, autre-

ment nommee Esclere.

G I R. Pensez-vous que ce soit bien argumenté, parce que nous auons appris des bestes quelques secrets, que la Medecine soit sciē. ce de bestes, cela est syllogiserà la gruē: car vous deuez sçauoir, & aussi ne l'ignorez, que tel apprentissage monstre, que nostre science est fondee principalement sur la Nature, si bien que nous auōs retiré le profit des simples & autres choses naturelles par la pratique & espreuues que nous voyons en auoir esté faiçtes par les bestes, meües & induictes par vn seul instinct naturel. Que si ie me vouloy licencier à arraisonner ainsi à la fantastique, comme vous faiçtes, assurez vous, que ie vous rangeroy aussi aisément au rang des bestes que vous auez tasché nos pauvres Medecins.

E vj

Des Loix, & de la Medec.

Prenez la Republique des mou-
ches à miel : vous la trouuerez,
sans employer quarante ans, cō-
me fit ce loyal secretaire de Na-
ture Aristote, si propre & cōfor-
me à la Republique des hōmes,
qu'on ne peut en presumer autre
chose, sinon que Dieu a donné à
ce petit animal cest instinct natu-
rel pour l'instruction de nostre
gouuernement.

SCIP. Je n'ay plus qu'un mot,
car si ie vouloy me croire ie n'au-
roy iamais fait à fouiller les se-
crets clisterisez de vostre vene-
rable Medecine. Puis qu'elle ne
gist qu'à l'entour de nostre corps
d'où vient qu'autant de Mede-
cins qu'il y a, ce seront autant de
diuerſes opinions, & qui pis est
toutes discordātes? Je vous ren-
uoye à la plainte que Plin en fait
au vingt-neufiesme liure de son

II. Matinee. §

histoire naturelle chap. premier.
Pensez vous qu'un corps puisse
estre bien traité lors que vous se-
rez quatre ou cinq qui le tiraille-
rez chacun de vostre costé, l'un
luy voudra faire ouvrir la veine,
l'autre couper le membre (*distin-
guo in genere, non specificè,*) l'autre
cauteriser, & ainsi à qui en aura.
Cependant voila le corps du pau-
vre patient estendu sur les tre-
teaux, vous le charpentez d'estoc,
de taille, de droit de biais, & le
plus souvent vostre discord luy
apporte vne desunion de son a-
me avec son corps. Ici j'employe
ce que le bon Allemand discourt
au octante deuxième chapitre de
son Discours sur l'incertitude,
abus & vanité des sciences.

G I R. Je suis bien aise, que fai-
tes promesse de me donner loisir
de vous respondre, mais j'appre-

Des Loix, & de la Medec.

hende, que ne vous seruiez de quelques riuets de pratique, & par forme d'addition de production, vous ne jettiez quelque trait à la trauerse pour n'y auoir contredit: Si vous suiray-je assez rudement, croyez moy. Vous vous formalisez de ce qu'il y a du mes accord entre nos Docteurs, & ne cōsiderez pas, que les contrarietez des humeurs du corps humain nous tiēnēt en telle verdure. Si vous pouuiez faire qu'il n'y eut vne guerre cōtinuelle entre le chaud, le froid, l'humide & le sec, & que nos qualitez ne s'entre mengeassent d'vn discord mortel, nostre Medecine ne seroit ainsi battue de tant de dissensions. Nous auons à regir & gouverner vn Cameleon, qui à toutes heures reçoit diuerses formes, comment seroit il possible,

que nous y sceussions assigner vn arresté reiglement? Le poursui- uroy plus au long ceste dispute, si la maladie de Mes accord e- stoit seulement particuliere à no- stre Medecine. Et cōment pour- roit elle estre exempte de dissen- tions? La Theologie ne souffre- elle point de partialitez, non point aujourd'huy seulement: mais aussi de Cephaz & de Paul? En vostre belle Iurisprudēce n'y a il pas des partisās? Quelle guer- re auoient les Sabinien & Pro- culeien? Auourd'huy sur l'ex- position de la Loy *frater à fratre*, vous avez deux plus anciens & fameux de vos Iurisconsul- tes, qui se sont estrillez en en- fans de bonne maison. Je ne veux point tirer hors ligne la cō- trarieté manifeste des gouuer- nemens ciuils, elle est si palpable

Des Loix, & de la Medec.

que les moins speculatifs la voyent. Mais ie vous prie, pour auoir le plaisir, prenez moy quatre Docteurs Iuristes, & vous ferez bien le cinquiesme, qu'on vous mette tous à part, & qu'à tous on demande vostre aduis sur vn fait, ie despite Mahon, si pas vne de vos opinions se rapporte l'une à l'autre. Je passeray biẽ outre, qu'entre ces Messieurs qui tripotent aux Consultations il s'en treuve, lesquels au bout de quinze iours sur mesme fait, hors le non des parties, ont donné deux aduis tout contraires. Ce n'est pas que ie vueille dire, qu'ils vendent leur conscience, car encores qu'ils concluroient pour partie aduerse, ils ne laireroient d'auoir *honorarium iuris*, qui est à dire leur droit, mais c'est qu'il n'y a rien de si assuré en

vostre science que l'incertitude. Et neantmoins, à voir ce que proposez, on diroit qu'il n'y a que la Loy pour commander. Combien de changemens de Loix & Ordonnances?

SCRIP. Ne nous battez de mutabilité, d'autant que vostre Medecine en a aussi bonne part que nostre Jurisprudence: Plin vous en rendra sage au lieu sus allégué.

GIR. Vous craignez la touche: celui qui veut sçauoir quelque chose, pour auoir quelque honneur entre vous, il faut qu'il ait saouuré du Droi& des Gents, des douze Tables, de ce que vo⁹ appelez le Droi& Ciuil, qui sont les Loix du peuple Romain, les Plebiscires, les Edicts des Preteurs, les responses & interpretations des Iurisconsultes Ro-

Des Loix, & de la Medec.

maines. Il y a beaucoup de destroits à passer là, & si n'a on rien fait, qui ne passe plus outre: car dès que les Princes & Empereurs ont eu le glaive en main, ils ont fait de toutes differences ordonnances: & qui pis est, faut que vous autres pauvres Jurisconsultes, suyviez les temps pour balancer l'autorité des constitutions principales à la priorité & posteriorité des Dates. Avez vous broissé les landes de la Course de Iustinien, si faut il entrer en nouvelle carriere: Les Papes à grands coups de Canons & de Decrets, ont culbuté la pluspart de ce qui avoit esté ordonné par la Jurisprudence du passé. Apres il faut detramper le broüillis des gloses, & trauffer les forests esgarees des cauteleux & rusez conseils des Docteurs.

Outre & au par dessus ce tas & meſſange des Droiſts faut venir aux Ordonnances, changees, corrigees & modifiees, de là aux couſtumes, & finalement à la pratique. Et Dieu ſçait combien de temps il faut employer à eſclarcir ſon cerueau parmi les fumees d'une ſi grande & eſtrāge diuerſité de Droiſts. En noſtre Medecine nous auons des preceptes, des Aphoriſmes & reigles, qui ayans la raiſon pour guide, n'ont beſoin d'aucun garent Il y a de la peine, mais il y a du plaſir: par ce que la cōtrarieté n'eſt du tout ſi palpable Publiez dōc ſon vtilité tāt qu'il vo⁹ plaira: c'eſt vn chaos & vne fōdriere, d'où vous voulez tirer le luſtre & la naïue ſplēdeur des Eſtats du mōde. O que ſ'il y a de l'amorce de profit, qu'il eſt achepté plus cher qu'au marché!

Des Loix, & de la Medec.

L'acquisition & emploie est si difficile, la debite encores plus malaisée & d'auantage à l'hazard : vn mode de chicquanteries, tant d'indus & illegitimes poursuites. Je quitte les griffes des Harpies, il me faudroit trouuer les nochers d'Argos pour leur donner la chasse : mais ie vous prie, à quoy tend vostre Art ? à proces qui ne sont farcis que d'ennuis & chagrins, abreuez que de rancunes & inimitiez, car comme *dice el prouerbio*, en cinq cens mil douzaines de quintaux de proces il n'y a pas vne demie once d'amitié.

SCIP. Et les maladies sont fort recreatiues & proffitables, à qui ? à nuls autres qu'aux Medecins, & puis c'est tout, car de guerir, *raro*, on en embiere plus de milliers qu'on n'en guerit de de-

mie douzaines : mais nos proces ils ont encore cela de bon, qu'ils nous font voye en Paradis par deux principaux moyens. Le premier est, parce qu'ils nous tiennent au purgatoire de martyre, si bien qu'un personnage, qui aura plus d'un proces, s'y bade de telle façon que iour & nuit il les pourmeine. Il y a bien plus qu'un bon ancien auoit accoustumè de dire, qu'un homme qui viuoit sans proces viuoit en beste: L'autre est, que les proces chassent arriere de nous les sept pechez mortels, en nous frayant le chemin de la gloire de Paradis.

Quant à l'auarice, vous ne verrez pas qu'un bon meneur de proces en soit entaché, quand il le seroit qu'y gagneroit-il? il luy faut aussi bien, & encores mieux,

Des Loix, & de la Medec.

à bonne qu'à male auoir la main
dans l'escarcelle & donner de
l'argent, *quia sine ipso factum est
nihil*. De la gloire & orgueil n'en
parlez point: vn vray suppost de
procés ne sçait que c'est. Pensez
vous qu'il soit chiche de bonne-
tades, reuerences, & autres telles
courtoisies, le moindre lacquais
du logis où il a affaire il le cares-
sera, luy donnera la gambe en
gruë: ce ne sont qu'offertes &
presentations de seruices. En
matiere de procés on ne parle
point de paresse, il faut tousiours
auoir l'œil au bois, trotter, courir
& trepigner: voire que c'est vne
maxime indubitable en faiët de
procés, que, qui compte ses pas,
il pert son compte. Deuant que
vous ayez visité vos Procureur,
Aduocat, Cōseiller & President,
quelle heure sera-il? & encores

si à toutes heures on les rencontre, seroit quelque chose : mais où ils seront dehors, ou ils ne pourront parler à vous, cependant que faictes-vous ? ou vous courez les ruës, ou pillez patience à compter les cloux.

G I R. Vous auez assez gaussé, retenez le reste, on le tient pour veu, vo⁹ feriez volōtiers acroire, que les procez nous sōt necessaires. mais ce sera à gens de là l'eau.


Comme ie vis, que ces deux bōs Seigneurs, qui me sont bien amis, s'entrechoquoient de la façon, ie voulus prendre la parole, & me ietter à la trauerse, leur remonstrant qu'ils s'abusoiēt de se topiquer de la façon: car cōme le sujet est fertile d'un costé & d'autre, vous pourriez (leur di je) pourmener ceste questiō iusqu'à la semaine des trois leudis, sans

Des Loix, & de la Medec.

vous pouuoir accorder, il vous faudroit auoir vn tiers, à la fidelité & suffisance duquel vous remissiez l'arbitrage. De ma part ie me souuiens auoir leu, que ceste mesme dispute a esté autrefois mise sur le bureau, ou le proces estant instruit des deux costez, la matiere touchant la precellence de la Iurisprudence & Medecine fut debattuë à plein fonds. Toutesfois le proces ne peut estre vuidé que par la bouche des parties mesmes. De fait le Iuge fit appeller les parties, & leur demanda quelle estoit la coustume de mener au gibet les malfaiteurs, & en quel ordre marcheroient le larron, & le bourreau. Eux respondans, que le larron alloit deuant, & que le bourreau suiuoit, il fonda la dessus sa sentence, que les Legistes donques doiuent

doiuent marcher deuāt, & qu'a-
pres les fuiuroient les Medecins.
Ce compte fut à peine acheué,
que mes deux ergoteurs cōmen-
cerent à s'esbouffer de rire, & à
se prēdre par le nez, disans qu'ils
auoient esté payez ainsi qu'ils
meritoient, & par ce moyen la
partie fut remise à vne autre fois.

F



DES MAINS DES ADVOCATS.

*S'il est loisible aux Aduocats
de prendre.*

III. MATINEE.

L'OCCASION de la presente dispute vint de ce que de trois, que nous eussions, l'un va dire, qu'il trouuoit fort estrange qu'attēdu l'expressē inhibition, que Dieu a fait de ne tuer & desrober, cependant il y a deux vacations & estats, qui ne font autre mestier que cela, au veu & sceu d'un chacun, sans qu'on en recherche ceux qui

s'en meslent. De ma part, cōme
ie suis de mon naturel assez prōt,
Hé dea! qui sont ces galands!
(di ie) il ne faudroit que moy,
pour les enuoyer seruir de re-
peuë aux corbeaux. Ce sont (res-
pondit il) les Medecins & Ad-
uocats, sous le nom desquels (dit
il) i'embloque le reste de Mes-
sieurs de la pratique. Des Mede-
cins (dit le seigneur Scipiō) vous
sçauiez, que ie vous en ay autres-
fois, dit ce qui m'en a semblé voi-
re que Pline s'en plaint merueil-
leusement de ce que mesmes il
faut, que nous payons ces Bour-
reaux (il les appelle ainsi) &
qu'il n'y ait Loy, qui reprime tel
homicide. De leurs larcins ils ne
prēnent que ce qu'on leur dōne.
Vo^o dites vray (di ie) cōbiē de te-
stamēts font ils faire à l'escarmou-
che? cōbiē de paillardises se com-

Des mains des Aduocats.

mettent sous ombre de Medecine par les Medecins? comment se cōporta Eudemus à l'endroit de la Princesse Liuia, femme de Drusus Cesar? Valens ne seruoit il pas de nuit & de iour l'Empereur Messaline? Mais quant à messieurs de la Iustice, ie ne sçay pourquoy vous vous plaignez d'eux? S'ils font mourir les criminels, ce ne sont eux, mais les delits & demerites des malfaiteurs. Que s'il y a de la faute, de la preuarication, de la cruauté, & de l'animosité des Iuges qui n'exercent la Iustice, ains l'injustice, ie seray le premier, qui voudroit resusciter la punition, dont Cambises Roy de Perse reprima l'iniquité de Sisamnes, lequel il fit escorcher, puis fit couvrir & estaler de la peau de ce miserable, le siege & la chaire où il

auoit accoustumés s'asseoir, pour rendre la Iustice. Mais s'il y a de l'abus, n'est pas à dire qu'il faille ietter le mêche apres la coignée. S'il y a des larcins & concussions, les rigueurs y sont expressees. Non (dit le seigneur Girolamo) ie veux qu'on passe par dessus tout, ce que vous baptisez du nom d'exces, de concussion & de male façon: car si vous ne teniez ce langage vous accorderiez, que vostre Palais & pratique ne seroit qu'un brigandage manifeste: mais ie vous veux monstrier, que vous estes trop sujets à la prinse, d'autant que pour les meurtres faudroit tirer encores vne autre position, & s'il vous plaist, vous me releuez de la peine que i'aurois à faire vne telle preuue. Je vous diray (luy respons-ie) vous auez le

F iij

Des mains des Aduocats,
seigneur Scipion, qui s'est desia
approché de pareille conference
avec vous, il sera bien content
de trouuer le chāp ouuert, pour
vous en dire sa ratelee. C'est bien
dit, me dit le seigneur Scipion &
vous ferez le tiers pour nous se-
parer si nous venions à nous es-
chauffer si fort que de venir aux
mains. Nenny, dit le seigneur
Girolamo, ie vous veux appren-
dre que vous autres Aduocats
deuez estre fans mains. Vous
voila à la guerre, di-ie, non
point avec les seigneur Scipion
ou moy seulemēt, mais avec vne
fort bonne & honnestre troupe
de braues plumes, qui ont poëti-
sé sur la main d'un Aduocat du
Parlement de Paris. Soit, respond
le seigneur Girolamo, contre
qui on voudra, ie diray la ve-
rité. Voire par le tesmoignage

mesmes de cest Aduocat, ie m'en vais vous prouuer, que les Aduocats ne doivent point auoir de mains. De fait il a accompagné son tableau, lequel le representoit sans mains, de ce distique:

Nulla hic Paschasio manus est, lex

Cincia quippè (manus.

Causi dicos nullas sanxit habere

Il n'eut sceu plus expressement tesmoigner que les Aduocats doiuent estre machots: vous auez vostre belle loy Cincia, à laquelle (si ie ne me trôpe) Plaute dône le nom de *Muneralis*, parce que par icelle le Tribun M. Cincius deffedit, que pour aduocasser on ne prit aucune chose. L'occasion qui le meut à establir vne si sainte & honorable Loy, fut, que ce qui rend vostre Estat recommandable est, que vous estes bandez au profit d'autrui & à biē faire, non

F iij

Des mains des Aduocats,
pas à vous mais à tout le monde.
Que si vous en retirez recompē-
se ce ne sera bien fait, il faudroit
que gratuitement, sans loyer, sa-
laire & recognoissance vous fis-
siez plaisir. Vostre estat est noble
(au moins vous le dites) & tou-
tesfois vous voulez estre ma-
nœuuriers. Si vous deuez la iu-
stice, la faut il acheter de vous?
Ie ne suis point de ceux, qui fa-
uorisent à la vente des Estats de
Iustice, mais encores ceux qui
les ont achetez en gros sōt aucu-
nement excusables, s'ils les de-
taillent par le menu: mais vous
autres Aduocats, si tost qu'estes
fortis de la cocque des Vniuersi-
tez Legales, & qu'avez vos licen-
ces, vous entrez au barreau, on
vous enfagotte par le serment a-
uec le reste des Aduocats. Il
ne vous sçauroit couster trois

escus, & toutesfois vous auez les mains si dures, qu'il faut que il soit bien chaud s'il vous brusle, vous prenez grand plaisir que vos mains fredonnent à la harpe. Qui vous lairra faire, dit le seigneur Scipiō) vous ne quitterez la partie, ou vous nous lairrez manchots ou chiragres. Vous en voulez bien à nos pauvres mains, il faut que, cependant que fripōniez en galoche, quelqu'un, qui est auourd'huy Aduocat, vous ait grommé. Vous parlez de la priuation des mains du seigneur Pasquier, mais vous oubliez ce qu'en a esté dit par de si braues Poëtes, qui ont Poëtisé sur ses mains absentes. Or afin que par ordre ie m'essaye à satisfaire aux moyens, qu'employez pour abatre nos mains il faut que ie vous apprenne premiere-

F v

Des mains des Aduocats,

ment pourquoy le Tableau de
cest Aduocat n'est point garny
de mains. Entre les escrits de
ceux qui ont iouié des mains
pour les mains de cest Aduocat,
i'ay sur tout obserué trois raisõs,
sur lesquelles a peu estre fondee
la defectuosité de ces mains. La
premiere est, parce que le pein-
tre se doutoit que son pinceau
ne pourroit pas atteindre à la per-
fection de ces mains Aduoca-
tes, lesquelles ont esbauché de
si belles œuures, & donné de si
asseurez tesmoignages de l'ex-
cellent & rare esprit de cest A-
duocat, qu'il luy seroit impossible
les pouuoir abbaïsser sous le trait
de son burin. De sorte qu'il luy a
esté beaucoup plus expedient
de les tenir couuertes, & em-
mittonnees, que nous faire mō-
stre de deux mains, à la singu-

larité desquelles Appelles n'eut
sceu dōner fin. Je prens la secōde
raison des Phaleuces d'un tres-
habile & esueillé personnage,
qu'en la façō qu'estoit peint cest
Aduocat le peintre eust esté mal
arriué, s'il luy eut demandé quel-
que chose pour sa peine,

*Non dat qui manibus caret nega-
tis.*

Je ne vous passeray point ceste
cy, dit le seigneur Girolamo, &
suis bien aise que vous y estes
vous mesmes venu, car par vostre
propre dire on apprend, que
l'Aduocat prend bien & donne
mal en gré: & ainsi vous tombez
toufiours à ma cadence, qui
tend à ce que les Aduocats,
sont bons à faire gelee. ils pren-
nent le mieux du monde, mais
pour venir à la detrampe ils sont
de difficile affaire. Ils en ont de

E vj

Des mains des Aduocats,
belles, deuinez, nos brebis (re-
pond le seigneur Scipion) parce
que i'entens que cest Aduocat
n'ait riē voulu bailler au peintre,
& comment luy eut-il baillé? du
pied? il n'auoit point de mains. Et
apres qu'ont affaire les Aduocats
à bailler leur argent? Ils en ont as-
sez affaire ailleurs. Ne suffit il pas
qu'ils soulagent le public de leur
conseil, peine, labeur & industrie?
Mais qu'il ne vous aduienne de
nous faire nous autres Aduocats
chiches, tacquins & racquedena-
res, il n'y a liberalité, prodigalité
& somptuosité que de nous. Quāt
à la troisieme raison, elle depend
de la premiere, car on veut que le
peintre, aduerti des ouurages
merueilleux de cest Aduocat,
n'ait osé hazarder son pinceau
à luy donner deux mains, de
peur qu'on ne lui mit au nez qu'il

estoit menteur, attēdu que deux mains ne pourroient auoir mis à chef tant & de si prisez labeurs qu'a fait cet Aduocat. Pour ne point déguiser l'affaire & représenter la verité au naïf falloit que il lui dōnast dix ou douze mains, qui eust esté le rēdre mōstrueux. Par ainsi il a fait plus aduifement de luy tenir ses mains cachees d'un rideau, que se faire moquer de son art. Je suis (adiousta le Seigneur Girolamo) bien content de vous ayder, & en donneray encores d'autres raisons, à la charge toutesfois & sous protestation, qu'il ne sera dit que ce que ie pourroy dire de ce portrait, qui touche particulieremēt cest Aduocat, lequel ie tiens & respecte pour homme d'hōneur. En premier lieu, le peintre d'un costé vouloit mōstrer, qu'il n'eut

Des mains des Aduocats,
sceu representer les mains d'un
Aduocat, ne les ayant veues, cela
estant coustumier, qu'ils les tien-
nent serrees dans leurs gans. *Ad*
quid? ie ne veux pas dire que ce
soit pour faire les Damoisels, cest
pour ietter l'escu dedans iusques
à ce qu'on soit au logis, pour les
descharger en la fouillouse: car à
Paris il fait fort dangereux met-
tre l'argent dans sa pochette, ou
porter bourse. Il y a des furons
qui en moins d'un tourne main
auront mis la main sur le magau
& vous gripperont l'escu. Que si
vn coupeur de bourse venoit à
desrober vn Aduocat, il n'y au-
roit pas seulement de la moque-
rie & risee en ce que les minons
seroient pris, mais ce seroit vn
asseuré presage de quelque grād
& prestigieux mal-heur: *iuxta il-*
lud, qu'il fait fort mauuais temps.

lors que les loups s'entremangent, & que les larrons s'entrepillent. D'ailleurs, si le peintre eust esté si sot que de vouloir donner le pourtrait des mains de cest Aduocat, il ne pouuoit faillir, qu'il ne se mit à la huee d'un chacun, car le vray modelle des mains d'un Aduocat, ce sont les griffes d'Harpyes: s'il les eut mis, les grands iours tenoient à Troye, on lui eut fait accroire qu'il auoit pissé contre le Soleil: s'il eust représenté de belles & honnestes mains, il eut receu plus de dementis que le graueur n'eut donné de coups de pointes de burin, pour remplir sa planche des traicts de ces fausses mains. Vous vous abusez (respond le seigneur Scipion) car de ma part ie tiens, que la langue n'est point plus necessaire à un

Des mains des Aduocats,

Aduocat que la main. Si don-
ques vous voulez, que nous n'a-
yons point de mains, ie vous
quitte le bonnet, le chaperon &
la robe Voila que c'est (dit le
seigneur Girolamo) vous inter-
pretez à mal ce que ie n'employe
qu'à vostre bien: vous dites, que
i'aheurte mal à propos contre les
mains des Aduocats, les souhai-
tant manchots, ie fais leur bien.
N'avezvous iamais entendu par-
ler du Dieu Terminus, vous ne
luy voyez point de mains, sa de-
uise estoit: *Nulli cedo*. Ie desire,
que vous faciez la figue à tout le
monde, que vous veniez à bout
de vos pretentiōs. Vous estes vn
fin homme (respond le seigneur
Scipion) vous vendrez à d'autres
(s'il vous plaist) vos coquilles.
Nous ne sommes point Payens:
pour nous faire quelque chose

vous voulez que nous soyons
māchots, ou que nous ne iouions
des mains. Ce seroit nous vou-
loir faire oisifs, & nous contre-
naturer, attendu que ie ne voy
nul en nul estat, qui ne soit bien
aise d'exercer sa main à son ad-
uantage. Soyez pres des Rois,
Princes & grands Seigneurs,
soyez gendarme, Thresorier,
Medecin, marchand, artisan, cha-
cun diuersement est bien aise de
faire sa main, les vns plus, les au-
tres moins. Et ne voy point pour
quoy on doie plustost faire mal
son profit de la main, au preiudi-
ce de l'un que de l'autre. Vous
voulez nous estropier d'un mē-
bre, qui nous est autant ou plus
necessaire que nul autre. La main
est celle qui prend les armes of-
fensives & defensives pour nous,
celle qui est archer des gardes de

Des mains des Aduocats,
nostre corps, & que nous oppo-
sons deuant le chef pour le gar-
der de mesprendre, quand dans
les tenebres de la nuit nous al-
lons à tastons, celle qui enseigne
à l'auetgle. Ne pourfuiuez point
plus outre, dit le seigneur Giro-
lamo, i'ay leu, Dieu mercy, l'A-
pologie de la Main, ie ne veux
pas mettre en fait, que la main ne
soit vn outil de nostre corps, qui
nous est fort necessaire & proffi-
table, voire de grace accorderay-
ie à l'Aduocat, qu'il lui est besoin
de mains, tant pour saluer & por-
ter les pieces, que pour donner
quelque entregent au fredon de
son eloquence: car la main a ie ne
sçay quels gestes, par lesquels el-
le represente toutes les passions
de nos ames, ores vne affliction
& douleur, ores vn aise & con-
tentement, tantost vne menace

& colere, tantost vne sousmissiō
& obeissance : bref elle semble
parler sans parler. Mais de vou-
loir que les Aduocats ayent des
mains pour prendre, ie ne puis le
vous passer. Vous avez vn si bon
& loué patron Monseigneur S.
Yues, il auoit des mains, mais c'e-
stoient des mains telles que ie
desireroy estre semblables les
mains de tous vous autres Mes-
sieurs les Aduocats. Elles ne sça-
uoient que c'estoit d'or, d'argent
ny de presens, elles luy seruoient
pour le public : les vostres sont
crochuës, & ne treuuent rien de
trop pesant ny de trop chaud. La
responce, dict le Seigneur Sci-
pion, vous feroit bien aisee à
faire, parce que dernièrement
vous me dites, quand ie vous
mettoy en butte les glorieux
sainct Cosme & sainct Damien.

Des mains des Aduocats,

En ce qu'elle pourroit faire à mō
proffit ie l'employe pour seruir
de replique, & vous apprendre,
que, s'il vous est loisible de rece-
voir quelque chose de vos mala-
des, à celle fin que vous ayez
moyen de faire presens à ces glo-
rieux saincts de Paradis, de mes-
mes qu'à nous, pour recognoi-
stre Monsieur nostre saint Pa-
tron, il ne nous doit estre inter-
dit de receuoir quelques honne-
stetez de nos parties. Mais, ie vo⁹
prie, seroit ce la raison, que nous
qui apprenons & donnons les
moyens & instructions d'acque-
rir & conseruer les biens aux au-
tres, nous fussions si niais de ne
mettre en pratique ceste leçon?
On dit au Medecin, qu'il se gue-
risse soy-mesmes! on nous pour-
roit dire que nous pensissions à
nous-mesmes, & que nous pris-

sions le meisme aduis pour nous
que nous donnons à autrui: *oderunt omnes bonorum contubernalem
penuriam*: & comme dit Horace,
magnum pauperes opprobrium, iubet quiduis & facere & pati. Ne
vaut il pas mieux recevoir hon-
nestement ce qui de droit nous
appartient, que d'en faire des lar-
gesses & prodigalitez, pour nous
trouuer desnuez de moyens, &
nous ranger à telle necessité &
espreuue, que nous soyons (peut
estre) contraints de faire de ter-
ribles soubresauts. Que dites
vous (insiste le Seigneur Girola-
mo) sur ce que vostre profession
ne vous permet d'estre merce-
naires? *Si iustitia propter se non ex-
peteretur, virtus non esset* (dit Ci-
ceron apres Platon) vous vous
piaffez du manteau de Iustice, &
neantmoins voulez qu'elle vous

25 *Des mains des Aduocats.*
soit salariée. Vous n'estes donc
pas iusticiers, ou la justice est mer
cenaire. Je sçay bien qu'elle ne
l'est point & ou vous le voudriez
soustenir, saint ambroise vous
monstre du contraire au premier
de ses Offices chap. 28. quand il
dit, *Magnum esse iustitie splendorem*
que aliis potius est nata quam sibi,
d'autant qu'elle cherche & a pour
but principal le bien & commo
dité d'autrui. Voicy que ie vous
respōs (dit le Seigneur Scipion)
c'est qu'il n'y a vocation au mon
de qui tende tant au proffit du
public que celle de la Justice, mais
que pourtant elle doive estre
aucunement reogneuë, c'est se
moquer de la malmariee. Ainsi
dōques cela demeure tout prou
ué & asseuré, que s'il y a vocation
au monde, en laquelle on ayt
moyen de profiter à plusieurs,

de faire fleurir la vertu & de ban-
nir le vice, il est certain que c'est
la iustice, laquelle tient en son
pouuoir ces deux grandes Dei-
tez, que Democrite disoit falloir
auant toutes choses reuerer en la
Republique, & sans lesquelles la
societé humaine ne pouuoit e-
stre entretenüe, à sçauoir la pei-
ne & la recompense. A la Philo-
sophique ie passeray tousiours
cest article, que veritablement
la Iustice deuroit estre admini-
strée gratuitement, cela seroit
en vne Republique composee
à la Platonique: mais par effect
appert, que la necessité des af-
faires nous contrainct de reco-
gnoistre ceux lesquels font ser-
uice au public: *neque enim alligan-
dum est os boui trituranti*: il nous
faut passer vn si long espace d'an-
nees, pour nous rendre capables

Des mains des Aduocats.

d'entrer à la lice d'Aduocasserie,
apres, auant que nous soyons
druits & façonnez, il faut trainer
le balay si long temps. Cela ne se
fait sans grans cousts, esquels ie
ne comprens point les grands
frais qu'il nous faut faire pour
acheter des liures, afin d'auoir
l'interpretation des Loix, ny
moins aux deniers qu'il faut fra-
yer pour se rendre gradué. Tout
cela ce sont auances: vn pauvre
ieune homme aura consommé
tout son bien pour subuenir à
ces frais, & lors qu'il fera seruice
au public, on le payera d vn grād
merci, encores a on accoustumé
de nourrir vn oiseau, de payer
ceux qui l'instruisent à quelque
gentillesse, de luy fournir de ca-
ge, & si cela n'est que pour plai-
sir. Les Aduocats ne sont esta-
blis pour donner du passe temps:
leur

leur vacation est vtile & proffitable: on ne peut donques moins que les deffrayer & leur donner dequoy passer leur vie. Vous ne gaignez donc rien de dire que l'office d'Aduocat est noble, d'où vous concluez qu'il ne deuoit estre mercenaire. L'illatio est captieuse, & peche en ce que vous supposez que la qualité de noble soit incompatible avec l'argent. Je ne parleray point de nostre France: maintenant que l'influence de la Planete Martiale à son cours parmi nous, il y en a qui pourroient s'en trouuer mal edifiez, & quelques-vns brusques à l'estourdie voudroiēt tirer coup d'espee. Je ne veux réueiller le chat qui dort si pres de moy, ie m'en vais vous faire vne course en Italie, ou nous trouuerons les Gentils-hommes, qui au veu &

G

Des mains des Aduocats,
sceu d'un chacun, traffiquent &
dressent les plus beaux partis du
pays. Le titre de *Mercanti* ne leur
est point à cœur, les plus grands
s'en meslēt, il n'y a que pour eux:
& vous vous formalisez, que les
Aduocats soient recogneus, *quia*
aduocatorū officium nobile. Je vous
vay donner vne replique, à la
quelle ne sçauriez que dire: Les
plus nobles ce sont ceux lesquels
se tiennent pres de la personne
du Roy, & neantmoins vous n'e-
stes si ieune & mal né aux affai-
res, que vous vouliez dire, qu'ils
ne reçoient ou ne doiuent re-
cevoir aucune chose du Prince.
Il y a estat dressé pour eux, & les
plus grands se font paroistre les
mieux fauorisez lors qu'ils peu-
uent obtenir plus de dons & li-
beralitez du Roy. Je ne taxe per-
sonne, vous sçauiez si ie dis vray;

& neantmoins vous ne direz pas que les Officiers de la Couronne soient ignobles. L'estat est noble les personnes le sont aussi, mais fait son profit qui peut. N'enfonchez point, dit le seigneur Girolamo, si fort les matieres, vous vous trouueriez mal appointé, & peut estre vous feroit on accroire que vous auez despucelé vne nourrice. Prenez d'autre theme, s'il vous plaist. I'en suis content (respond le seigneur Scipion) & m'adresseray à ceux qui sont appellez à l'Eglise. On sçait, que leur estat est sacré, *Portio ipsorum Dominus*. Ils sont rentez, & ont de beaux & amples reuenus. Pour cela direz vous, qu'ils soient astraincts à officier pour vous, si vous ne continuez? Ce n'est neantmoins que *sacrum*, que *votum*, vous ne direz

G ij

Des mains des Aduocats,
pas que ce soit symonie. Du premier coup ie vous eusse peu proposer les Cordeliers & autres mendians, la condition desquels vous tenez, sous certaines distinctions toutesfois se rapporter à la nostre, entant que, comme ils ne sont fondez de grands biens, cela est plus clair que le iour, que si vous voulez que leurs prieres soyent employees à vostre intention, il faut par nécessité que vous fournissiez aux charges : mais l'argumēt que i'ay pris est, ce me semble, en plus forts termes: car si ainsi est, que les gens d'Eglise, encores qu'ils soient bien riches, prennent toutesfois leur droit pour l'office que leur faites faire, il s'ensuit que les Aduocats ont plus iuste occasion de le demander, attendu qu'ils ne sont couchés en Estat & ne reçoient ga-

ges: leur condition n'est roturierre, & s'il y a plus qu'elle est sacree & *rebus mysticis addicta* Je passerai bien plus outre, & vous diray, que, si vostre argument que dressez contre les Aduocats auoit force, faudroit dire, que les Rois, Princes & Empereurs n'administrerent iustice, ou qu'ils sont roturiers. Ils reçoient leurs droits & tributs de leurs suiets: la Loy les leur donne, & mesmes le Sauueur de tous humains a reconnu qu'on les leur deuoit. Vous ne voulez debattre leur noblesse, ny moins qu'ils soient appelez à la Iustice: & cependant ils prennent, ils reçoient: ce sont droits qui leur sont acquis. Ce qui rend la cause des Aduocats grandement fauorable est, que les Princes reçoient de leurs sujets, qui sont moindres qu'eux, *quorum ipse*

G iij

Des mains des Aduocats,
parentes sunt, les Aduocats ne
sont pas coustumiers, au moins
ils ne les doiuent faire par hon-
nesteté, receuoir des pauvres &
de leurs enfans. Il y a plus que
ie tiens, que la liberté qu'ont les
gens de Iustice à bien prendre
est fort salulaire à vne Republi-
que: D'autant que lors qu'on
voit que les proces sont bien fa-
lez, que l'on n'en peut rien auoir
que par le bon bout, qu'il couste
tant à auoir sa raison, il n'y a en-
uie qui tienne, le coust en fai&t
perdre le goust. Ceux qui ont
enuie de bauffrer en Diable, s'ils
voyent que la viande est chere,
ils se passent tant doucement. De
mesmes les parties auront beau
auoir enuie de manger des pro-
ces, s'il faut tousiours desbour-
ser, elles s'en accorderont & les
quitteront. C'est le but ou doi.

uent tendre principalement les Iusticiers, qui ont le nom d'estre les plus gens de bien, que de retrancher les procez. I'ay oublié à vous dire vn compte recité par le sieur Bouchet, à la neufiesme de ses Serees, ou il parle d'un procez intenté par vn Aduocat, à l'encontre d'un cabaretier de Poictiers, qui auoit en son logis vn tableau ou estoit representé vn Aduocat, à qui vn homme de village bailloit d'une main vn teston & de l'autre vn lieure, que l'Aduocat prenoit aussi de ses deux mains à mesme temps, & du train de derriere ne laissoit pas de prendre vn clistere que luy donnoit vn Apothicaire, avec cest escrit sortant de la bouche de l'Aduocat. *Ie suis du mestier, ie prends à toutes mains.*

Des mains des Aduocats,

Pourquoy donc empescherez vous que les Aduocats ne prennent? Ce n'est pas moy, dit le seigneur Girolamo, ie n'y ay aucun interest, ie ne pense auoir encores donné vn liard à vn Aduocat, parce que ie ne me suis encores trouué couché sur le papier iournal d'aucun qui m'ait intenté procez. Mais que direz vous contre la Loy Cincie? Rien autre, dit le seigneur Scipion, que ce que le Cheualier Romain Tacite nous en apprend au deuxiesme chap. de l'vnziesme liure de ses Annales: là il rapporte, que Caius Sillius, nommé pour estre Consul avec quelques autres Senateurs, demandoit avec tresgrande instance l'entretènement de la Loy Cincie, par laquelle d'ancienneté estoit deffendu, qu'aucun ne fut si osé & hardi de

prendre argent ou presens pour plaider vne cause.

Sur ce propos on allegoit les exēples des anciens harangueurs qui ne faisoient point estat de l'argent, ains d'un plus noble auarice, à sçauoir de pouuoir consacrer leur renommee sur l'autel d'immortalité. Autrement que la Iurisprudence, laquelle il nōme Princeesse des arts & bonnes sciences, seroit souillée par serui-ces mechaniques: d'ailleurs que la loyauté ne demeure gueres entierement quand on a autre but que le grād gain: au lieu que, s'ils soustenoient les causes d'autrui sans aucun salaire, il y en auroit moins de procez. Par ainsi, comme la multitude des maladies augmente le gain des Medecins, aussi la peste des plaids apporte de l'argent aux Aduocats.

G v

Des mains des Aduocats,

ce Maistre brouillon de Sillius
concluoit à ce qu'on ramena en
jeu la Loy Cincie. Au contraire
l'empeschoit formellement Suil-
lius, Cossutani & autres fondans
leurs deffenses & exceptions sur
ce que le beau parler estoit vn se-
cours appresté pour envser com-
munement en tous affaires qui
se presentoyent, afin que par fau-
te d'Aduocats aucun ne fut suiet
à la mercy des plus puissans, &
neantmoins que l'eloquence ne
s'acqueroit pour neant, car on en
delaissoit les affaires de sa maison
pour bander son esprit & se ren-
dre soigneux aux negoces d'au-
truy. Leurs remonstrances eurent
telle efficace à l'endroit de l'Em-
pereur, qu'il arresta à dix sester-
ces la somme d'argent, que les
Aduocats pourroient prendre,
qui seroit deux cens cinquante

escus. I'ay à mon aduis, seigneur
Girolamo, examiné la force de
tous les moyens qu'avez cy des-
sus deduit, sinon que i'en passe le-
gerement l'illation qu'avez fait,
que, puis que la Iustice tendoit à
bien faire à autrui, qu'elle de-
uoit estre gratuite: Comme si
pour faire plaisir à aucun nous
deurions en receuoir du desplai-
sir & de l'incommodité. On dit
coustumierement, que la chari-
té bien ordonnee commēce par
soi-mesmes. S'il nous falloit prē-
dre du soin & de la peine pour
autrui, sans aucune recognois-
sance, nous ferions le profit à autrui
& nous nous couperions la gorge:
il faut viure & s'entretenir: Un
plaisir, à la verité, ne doit point
estre mercenaire: mais, si pour
faire plaisir à autrui, nous nous
faisons desplaisir à nous mesmes

G vj

Des mains des Aduocats.

cela feroit nous bander contre nature, qui ne nous commande pas d'aymer autrui, plus que nous mesmes, ains suffit que nous ay-miōs les autres autant que nous mesmes. Et c'est ce que nous tenons pour maxime de Droit, *sūi nemini officium damnosum esse debere.* Je vous ay assez escouté, Messieurs, ce dis ie alors, prenez à chacun vn linge pour vous essuyer, ne craignez vous point vne pleuresie? Vous avez bien examiné & contēplé les mains des Aduocats, ne tient pas à vous, feigneur Girolamo, qu'ils ne quittēt prise, cependant que vous reprendrez halaine tous deux, ie vous en diray ce que i'en puis penser de ma part. Et par ce que du commencement de ce Discours avez dict, que la pierre que iettiez au parquet des

Aduocats visoit aussi au reste de ceux qui se meslent de la Iustice, ie diray vn mot des Iuges, apres des Aduocats en particulier. Sçachez donc, mes bons seigneurs, qu'entre les parties, que Ietto vouloit estre au Iuge outre la sagesse, la crainte de Dieu & la verité, il y en a eu vne, qui tousiours a esté desirée, & sans laquelle il luy est mal aisé de vacquer dignement en sa charge, à sçauoir la fuite d'auarice: voire elle y a tant esté desirée, que pour monstrier qu'un Iuge estoit fort homme de bien & irreprehensible en tout, ils se sont contentez de dire qu'il n'estoit point auaritieux, & qu'il mesprisoit l'argent. C'est la seule qualité, que Virgile a donné au huitiesme liure de son *Æneide*, au Senat d'Euandre, qui estoit le comencement du Senat Romain:

*Des mains des Aduocats,
Vnà omnes iuuenum primi paupér-
que Senatus
Thura dabant. -----*

Comme voulant donner à entendre, que ce Senat estoit incorruptible, qui demeueroit en vne pauureté volōtaire avec vn mespris de richesses. Horace escriuāt à Lollius, & le louiant d'auoir esté bon Iuge, ne dit autre chose de luy, sinon qu'il estoit.

*Vindex auare fraudis & abstinens
Ducentis ad se cuncta pecunie.*

Pource aussi voyons nous, que la corruptible pour argēt y a esté de tout temps & blasmee & seuerement punie, dont les Histoires nous donnent de tres beaux, & tres-manifestes tesmoignages, entre autres l'Historien Lampride en la vie d'Alexandre Seuer, fils de Mammea, nous enseigne, que cest Empereur, le-

quel estoit au reste l'un des plus dignes & debonnaires Empe- reurs que Rome ait jamais eu: auoit telle dent sur les Iuges qui auoient tant seulement le bruit de larcin, qu'ayant vn iour aperceu entre plusieurs Senateurs vn Iuge infame & perdu entierement de reputation, nommé Arabin (absous neantmoins dessous Domitien des concussions dont il auoit esté preuenue) il cō- mença à s'escrier, comme tout transporté, avec vne grande es- motion de courage, O destins! ô Jupiter! ô Dieux immortels! Arabin ne vit point seulement, mais il vient au Senat: comme si les iustes & debonnaires Princes, semblables à Alexandre se pou- uoient honnestement dispenser de fascher les mauuais, & cor- ruptibles Iuges, auant qu'aucun

Des mains des Aduocats.

proces leur fut fait, & sans aucune cognoissance de cause contre la façon accoustumee à punir les forfaicts, outrager les ministres de Iustice, ayans mauuais nom & reputation. Pareillement pour retrancher telles corruptions, sous l'Empereur Tibere fut faict vn decret, à l'instigation de Seuerus Cecinna, par lequel estoit defendu, que la femme ne suiuit son mary lors qu'il y auroit aucune charge & commission qui luy auroit esté addressée de la part du public: pour la crainte qu'on auoit, que celuy, qui de foy, peut estre, estoit assez fort, pour resister à l'argent, ne fust emporté & gagné par la femme, l'esprit de laquelle se rend plus aisement aux presens.

Quant aux Aduocats, s'ils se souuenoiēt de leur nom, & pour

quoy on leur a donné ce beau tiltre, les appellans *Patroni*, ils ne se lairroient aller au pris de l'argent. Plutarque en la vie de Romule racompte, que l'un de ceux qui suiuit Euandre en Italie s'appelloit Patron, lequel estant homme secourable & qui supportoit les pauures & petits, donna son nom à cest office d'humanité: c'est ce qu'ils sont pris pour protecteurs & deffendeurs. Cela tesmoigne assez, qu'au commencement ceste charge estoit vn office gratuit, plein de douceur & de bonté, les plus puissans & les plus grâds seruans d'appuy aux petits & aux foibles, sans esperer d'attendre d'eux autre recompense qu'une recognoissance d'honneur. Or comme l'Histoire a remarqué, que le premier, qui tua son pere à Rome, fut vn Lucius

Des mains des Aduocats,

Ostius apres la guerre d'Anni-
bal, & le premier qui repudia
sa femme, fut vn Spurius Carui-
lius: aussi a elle tesmoigné, que
le premier, qui iamais prit argent
pour auoir plaidé, fut vn Anti-
pho Ranusius: non à autre fin,
comme ie croy, que pour rendre
ignominieux à la posterité le nō
de celuy, qui, pressé d'auarice &
pour vn peu de gain, auoit esté
occasion de changer cest office
gratuit & d'humanité en vne va-
cation mercenaire & contraire à
sa premiere institution. Depuis
que lon eut vne fois pris le ply à
faire pour argent ce qui se faisoit
auparauant par office & honne-
steté, le desordre fut si grand, &
l'auarice si excessiue, que lon fut
contraint d'y obuier par la ri-
gueur des Loix. Pline second as-
seure & rapporte de soy, escri-

uant à Valerien, *ut in causis orandis non modò pactione, dono, munere, verumetiam xenis abstinuerit*, qui est bien loin de ce qu'aujourdhuy nous voyons pratiquer, que l'on tient pour braues & excellens Aduocats ceux, lesquels ont si bien ioué des mains, qu'ils se trouuent riches à milliers. Je ne veux pour cela inferer, que les Aduocats soient tenus faire leurs charges sans en esperer aucun salaire: car il est certain, qu'à leur labeur & diligence la récompense est deuë: mais ils n'y doivent point estre si bouillans & excessifs, qu'ils se laissent emporter par l'esper du gain à faire chose qui soit contre leur honneur & leur conscience: ains y viure de telle façon, que l'on puisse dire d'eux, ce que lō disoit d'Aruntius & d'Eseruin, qu'ils

Des mains des Aduocats,
ont esté aduancez aux plus hauts
degrez d'honneur par leur bon-
ne vie, & entiere eloquence.
Le seroy, me respondit le sei-
gneur Scipion, de vostre party,
moyennant que tous ceux les-
quels portent la robe d'Aduocat
fussent partis, de mesmes que
estoiēt les Aruntes, & Esceruins,
lesquels estans heritiers de gran-
des & riches maisons, peurent
fort aisément s'armer d'un grand
courage: mais aujourd'huy les
escus ne peuuent pas par tout.
Hé! bien, dict le seigneur Giro-
lamo, vous ne vous rendez pas,
de tous costez on vous presse, &
si ne voulez quitter la partie, i'ay
pris vn peu de relais & vous aussi
auant que sortir du chāp, il nous
faut tirer vn coup. Dites moy,
pourquoy c'est qu'on vous re-
presente, vous autres messieurs

les Aduocats , en la qualité que dessus, sous le creõ des Harpies? Cela ne no⁹ certifie chose autre, sinõ que vous aimez fort la grippe. Estes vous encores en ceste sottise & ridicule resuerie , dit le seigneur Scipion, comme si vous estiez à apprendre , que tout ce qu'on dit des Harpyes, ce ne sont que feintises & cas apostez. En apres le rapport que font maints Misantrophes & Lutõs des Harpyes avec les Aduocats est si tresimpertinent , que moy mesmes i'ay honte , non moins de leur lourde bestise que de leur effrontee impudence que s'ils estoient dignes de nostre colere, ie respõdroy volontiers , qu'il n'y a rien qu'ils doyuent tant craindre que la colere d'un Aduocat, d'autant qu'il a (commel'on dit en commun prouerbe) bec & ongles

Des mains des Aduocats.

pour se defendre. Bien, dit le seigneur Girolamo, il faut voir si vous serez si furieux, que vous pensez faire accroire que vous estes. Ce suis ie qui vous maintiens, que les Aduocats sont Harpyes, & iouiez tant du bec & des ongles que vous voudrez, ie ne vous crains gueres : mais cependant ie suis bien aise, que taiblement vous me donniez la moitié de ma preuue, vous aduācez, que les Aduocats ont vn bec & des ongles, ie n'ay qu'à verifier que ce bec & ces ongles sont mēbres des Harpyes. Pour entrer en vne preuue, qui soit claire, ie veux icy toucher vn mot de ces Harpyes. Ceux qui nous en ont proposé l'histoire les font filles de Thaumās, & d'Electre, desquelles voy cy que dit Virgile, au troisieme de son Æneide.

Monstres, desquels plus malheureux au monde

Il n'en est point, ne peste plus immonde,

Ie des Dieux plus grande ne se treuve

Sortant de Styr l'infernal triste flauue.

Des filles ont les visages humains,

Ventre ord & creux & à griffe les mains,

La face aussi pallissante & ternie

Toujours de faim.

Qui auroit voulu choisir vn
Tableau dans lequel on rapporta
l'air de vous autres Messieurs les
Aduocats quand il auroit de-
meuré cent ans, il n'en eut sceu
trouuer vn, qui vous reuienne
mieux. Je passeray la preuue
des quatre premiers vers, par-
ce que ie pourrois entrer en
des particularitez qui me feroiēt
mal vouloir d'aucuns. Pour sup-
plement d'icelle ie vous rēuoye
à l'Enfer de Marot, & à Ra-
belais, sous ses Raminagrobis

Des mains des Aduocats,
& Grippeminons, ayans le mot
du guet d'ORÇA, &c. Le Poë-
te leur donne le visage de fil-
les, cela vous regarde avec vn
grand mystere, d'autant que cel-
le, de laquelle vous vous cou-
urez, comme d'un manteau, c'est
vne pucelle, au seruice de laquel-
le vous vous dites appelez, mais
sous ce tiltre de pucelage, n'en
faites vous pas beaucoup acroi-
re? Par le dehors, tant vous auez
bonne troigne, on n'oseroit vous
prēdre que pour l'integrité, vous
n'aez en la bouche que la Iusti-
ce, mais qu'on vous dōne vn ca-
che-museau: Ah! qu'on des-
couvra chose & autres. Si ne
veux-ie pas encores quitter le
visage de vos Harpyes, d'autant
que Fulgence recherchant pour-
quoy on leur a donné la face de
pucelles tient, que c'est, pource
que

que la rapine se ternit incontinent, & ne rapporte fruit de duree.

L'Escripture sainte nous donne de fort riches tesmoignages des menaces que Dieu fait cōtre vostre gripperie: l'execution desquelles tend à ce que vous autres aurez harpyé & rapiné en 15. ou 20. ans s'esuanoüira en moins d'un an. l'ay cogneu vn personnage de vostre profession, qui remua si bien les mains, qu'en dix ou douze ans qu'il vola avec les autres (vous m'entendez où) de pauvre garçon qu'il estoit, n'ayāt point vaillāt cinq fols, il est mort riche de cinquāte-sept mil liures de rente: asseurez-vous qu'il a fallu bien iouer des griffes, mais que lon ne me vienne point dire qu'il estoit. l'en produiroy vne centaine d'autres, si ie vouloy,

H

Des mains des Aduocats.

mais il les faut laisser passer leur temps, ils n'en auront pas meilleur marché que l'autre, *malè par-
ta malè dilabūtur*. A peine ce pau-
vre miserable eut la terre sur le
bec, que ses biens fondoient à
veüe d'œil: tellement descreu-
rent, qu'en moins d'un an & ves-
ue & enfans furent rengez au pe-
tit pied, ils se trouuent depof-
sedez de tous les grands aquests
qu'auoit faict le pauvre Celeno.
Par cecy vous pouuez descou-
urir si la qualité d'oiseaux, qui est
attribuee aux Harpyes, peut
estre rapportee aux Aduocats: car
encores que *pleramque* ils mar-
chent par ville sur des mulets, si
sont ce des Harpyes emplumees
des plumes & despoüilles de
ceux sur lesquels leurs griffes au-
roient peu passer: mais ces plu-
mes les portent si viste, qu'ils au-

fût en vn an rengé & entassé des monceaux d'escus, apres lesquels maints pauvres Phynees pourroïent employer & nuits & iours, si ne sçauroient-ils en cinquante ans en attraper la dixiesme partie. Le vêtre des Harpyes est ord & creux: les vostres ce sont des abysses, de sorte que quand l'or de Giges. Crœsus. Mydas, & Atabalippa seroïent la deuât vous encores seriez vous si goulus, que vous en voudriez dauantage. Les mains des Harpyes sont à griffe, les vostres sont atrape-tout: d'où est venu le prouerbe, Il est desgousté comme la gibbeciere d'vn Aduocat. Et quant à mesieurs les Procureurs vous deuez vous ramêteuoir, que le nom de Procureur n'est venu d'ailleurs, sinon parce qu'ils vuidoient brauement les bourses de leurs par.

H ij


Des mains des Aduocats,
ties. *Vnde* Procureur, *hoc est*, prou
cureur, *scilicet*, la gibbeciere de
son client. Messer Girolamo (dit
le Seigneur Scipion) vous expri-
mez beaucoup, & auez tort de
tirer de la façon les cheueux aux
rables Poëtiques, comme si on
n'estoit pas aussi bien instruit que
vous, c'est que mythologiser.
Vous auez tiré la fable des Har-
pyes au prejudice des Aduocats,
ie m'en vais la mettre sur le dos
de vous autres Medecins. Phi-
neus ne doit il pas estre pris pour
le malade, lequel vous faiëtes lan-
guir sans luy donner ce qui luy
est neecessaire? voire que, si la
fantaisie luy prend de manger
d'une viande, vous la luy con-
taminerez de ie ne sçay quelles
drogues si tres-cōtraires au goust
du patient, que force luy est
d'observer le ieusne? s'il a enuie

de boire & manger, vous luy faites oster sa repuë. De prendre, vous n'estes pas de ceux auxquels on deschire la robe pour les contraindre à receuoir. Pour la plupart vostre face est deffaiete & bleíme, tant ahannez à ce diable d'argent: vos griffes sont si crochuës, que à quelque prix que ce soit, faut que vous ayez tousiours prise. La troigne que vo^r portez est mignarde & poupine, de sorte que qui ne vous verroit les dents lógues & la barbe au menton, on vous prendroit pour belles mignonnes. Hé! quelles pucelles? vous tirez à vous toute la couuerture, & lors que sentez qu'il y a à iouer de la raffe, ne faut pas penser que quittiez le grabat du pauvre Phinée. Il n'y a que Zetez & Calais, qui vous donnent la chasse, d'autant que

H iij

Des mains des Aduocats,

quand la mort preuient à vostre
malade, & que son souffle vient à
voltiger hors de son corps, c'est
alors que vous perdez la curee.
Messieurs, di- ie, il y a moyen de
disputer: mais de se piquer si vi-
uement, il n'y a apparence, ie
vous prie faites moy vne amitié
de mettre fin à ceste dispute: au-
trement, & où voudriez passer
outre, ie crains, que ne veniez
à verbus ad verbera: au moins per-
mettez moy d'apeler vn autre a-
uec moy, pour m'ayder à vous
entre-separer. Ceste parole les
picqua si fort au cœur, que tout
sur le champ la partie fut rōpuë,
dont ie fus fort aise, car ie crai-
gnoy les coups, & d'ailleurs i'a-
uoy les oreilles essourdies d'en-
tendre causer ces deux person-
nages.



DES
CHASTREZ

IIII. MATINEE.

Ceste matiere eust esté
fort propre à desployer
sur les festes de S. Pâsart,
auquel temps vn chacū sçait que
fleurissēt les mors de gueule, qui
principalement fredonnent sur
la châterelle du mignard Cupi-
don : mais c'estoit à faire à ceux
qui prennent plaisir à folastrer
& Bacchanaliser. Ceste Ma-
tinee n'a pas esté destinee à tel-
les dissolutions, si bien que,
comme ie ne suis grand cousin
des folies de Careme-prenant,

H iij

Des Chastrez,

aussi, quand i'eusse eu la matiere à propos, ie n'eusse voulu la mettre en veüe en ce temps qu'vn chacun est desbauché. Et y a bien plus, que la cause mouuante, & qui a donné source à ce Discours est encores plus mal propre en ce temps, où lon veut iouer au trou Madame, Qui ne m'entend ie m'entēs, & sçay bien que ie veux dire. Il faut donc, que ie vous apprenne, qu'il n'y a pas fort long temps, qu'aupres du lieu où ie m'estois retiré pour parfaire ma Neufuaine, il y auoit vn certain personnage, qui, ayant les sonnettes de sa gibeciere braguettée vn peu beaucoup, & plus qu'il ne luy eust esté à desirer, incornifistibulees, marchandoit à se faire trancher son petit cas. Pour partie, iuge & procureur il auoit sa fem-

me, qui dresseoit vne milliaffe de plaintes sur l'inconuenient, auquel il vouloit hazarder sa pauvre marchandise. D'autre costé, luy insistoit à ce que lon les luy arrachast, c'est à dire, ces deux petits choses, pour l'opinion qu'il auoit que s'ils estoient hors de sa besasse qu'il n'endureroit le tourment qui si fort le gehennoit. Or comme ils estoient sur ces disputes, suruindrent quatre personages, qui tous disoient auoir affaire à ce pauvre patient : le premier se disoit estre Docteur Iuriste *in vtroque* : le second estoit Medecin : le troisieme prenoit la qualité de maistre Operateur & le quatrieme estoit vn maistre enjolleur, qui, paracelsisant à discretion, promettoit guerir de toutes maladies & plusieurs autres, pource

H v

Des Chastrez,

se faisoit fort, *mediantibus illis*, de rendre sain, sauf, & guery ce pauvre periclité. On met le proces sur le bureau : mais cependant qu'on estoit à deliberer si on devoit vser de voye de fait, & mettre les deux petits tesmoins l'examé de la coupele, la mort viét à saisir au collet le malade, de sorte que la femme est hors de proces. le Medecin n'oseroit plus doser le Tailleur (*distinguo* par gluc en clop) ne peut oster la maladie, qui n'a plus de force, finalement le porteur de rogatons a perdu vne bone lipee, puis que la mort a troussé son hernié. A vostre aduis, s'ils sont d'accord, tous quatre sortent du logis, & se viennent ranger vers moy, qui alors dis à par moy, que ces Messieurs me feroient passer ma Matinee. Je ne fus deceu, on pourmena à

bon escient les Chastrez, & à qui en aura, commencent à se donner des ergots cornus, & tellement fourchus, que i'auois assez affaire à seruir de maistre Preuost de salle, pour r'abbattre les coups. Je ne fais point icy estat de la femme, qui estoit tombee en vn tel desconfort, que si ces quatre degoustez se fussent mis sus, ou apres elle, ie vous laisse à penser qu'ils eussent fait vn beau tripotage. Quant à Monsieur le Docteur Iuriste, il estoit bien de la partie, pour adiouster vn au Trio, mais parce qu'il estoit vn peu empesché à escumer le brouet (ie parle vn langage Latinisé) de la marmite, c'est à dire à reuestir vn inventaire, il laissa couler vne partie de la dispute. Toutesfois apres qu'il y fut entré, il n'y auoit

H vj.

Des Chastrez,

que pour luy à cracher des subtilitez si gaillardes, que, quand François Aretin & le bon Accurse auroient esté là presens, ils eussent esté extasez de voir vn personnage si confit en leurs cōceptions, limitations, feintises, ampliatiōs & autres gentilleses, qu'ils ont matagrabolisé en leurs glosaires. Je n'ay point voulu mettre les noms, designer les qualitez & Seigneuries des vns & des autres, non plus qu'au reste des Matinees, de peur que i'auois qu'ils ne vinssent à s'offenser, & m'intenter vne action dangereuse non point en forme d'instance peremptoire, ains pour m'incriminer en iniures. La conference n'est pas impertinente, voire qu'elle pourra seruir à plusieurs personnes, qui desirent arracher de leur

poitrine toute rancune & melan-
colie. Je sçay bien qu'il y en aura
aucuns si chatoüilleux & engroi-
gnez, qu'il leur semblera qu'on
leur escorchera la virilité ner-
ueuse: mais s'ils ont peur, qu'ils
neviennēt point en ceste salle, où
vo⁹ verrez ruer de beaux coups,
faut auoir bon cœur, & ne quit-
ter le courage pour quelque fri-
uole apprehension que l'on se
pourroit donner. Ils n'ont point
icy de cousteaux, ce n'est à faire
qu'à coups de langue: il n'y a pas
(à mon aduis) si grande chose à
faire. Tout ce qui pourroit sem-
bler estrange en cecy est, que la
dispute des Chastrez est pour-
menee par personnes qui en par-
loient plus à credit que pour en
estre bien instruits, attendu que
pas vn d'eux n'auoit esté estendu
sur les treteaux: Mais s'il ne nous

Des Chastrez,

estoit loisible de parler, sinon de ce dont nous aurions fait l'espreuue nous mesmes, on trouueroit que pour la pluspart du temps nous serions contrains de nous tenir muets. Il y a bien plus, que, quant à moy, telle est mon opinion, qu'il est beaucoup plus aisé aux gens qui n'ont esté sondez par l'espreuette iuger de tels affaires qu'à ceux, qui, estans dans le Dedalus des tourmens castratoires, se trouuent si esgarez, que tant s'en faut qu'ils sçachent ce qui leur est necessaire, que mesmement nous leur voyons souuentefois perdre sens, cerueau & esprit, voire la souuenance de eux-mesmes. Aussi vous sçauiez que, pour acquerir bruit de bon Medecin, n'est requis d'auoir esté long temps malade, ny pour estre excellent Aduocat auoir eu

plusieurs proces en son propre
& priué nom, ains au contraire,
au moyen des mouuemens &
perturbations qui tombent aux
esprits des hommes par commu-
ne ordonnance des Medecins,
n'est permis au Medecin soi pen-
ser ou medeciner par son seul cõ-
seil: & à l'Aduocat deffendu de
postuler en sa cause, comme par
vn desuoyement d'esprit luy
estant trop incogneuë. A sçauoir
si le Medecin se fiera pour cog-
noistre en quel estat est son ma-
lade à ce qu'il pourra lui en rap-
porter? l'ardeur de sa fieure lui ra-
uit tout le sain iugement qu'il
pourroit auoir. Il ne sçauroit luy
mesme cognoistre son poux.

Maintenant, afin que le Le-
cteur ne se mesprenne, ie le veux
aduertir de la qualité que i'ai fait
prendre à chacun de ces quatre

Des Chastrez

Entreparleurs. Le Docteur Iuriste, est celuy, que ie veux nōmer par vn nom couuert Margaire. Le Medecin, ie l'ay desguisé sous le nom d'vn Lemougrand. Au maistre Operateur i'ay donné le nom de Tourrinel Ne reste plus que Messer Brancasse, auquel ie fais tenir le rang d'Empirique. Plusieurs se trauailleront beaucoup pour auoir le secret voilé sous ces noms, & forgeront des interpretations, auxquelles ie ne pensis iamais. I'eusse certainement dit les vrais noms à descouuert, mais parauenture que cela n'eut agreé à vn chacun. Toutesfois ceux qui aurōt de bonnes lunettes, s'ils veulent regarder vn peu attentiuellement, pourront bien esclairer la verité, & donner droit dans la visiere: mais s'ils me croyēt, qu'ils ne s'amusent point

tant aux personnes, ils auront plus de plaisir & contentement de sonder le fonds, & escouter ce qui y est disputé & debattu. Or voicy le Seigneur Margaire, qui fait l'entree, & reprend la matiere vn peu de plus haut.

MARG. Il semble, Messieurs, que tous quatre nous nous estiōs ici trouuez en ces quartiers, pour affliger le Seigneur Nicodeme, lequel estoit d'autre costé assez tourmenté du mal que sa douleur orbiculaire luy engendroit: De ma part ie vous proteste, que si ie n'eusse esté appellé, ie me fusse bien donné garde de me presenter: toutesfois estant semōs & requis, pour le deu de ma vacatiō ie n'ai peu moins faire que de venir verifier les pieces d'vn inuentaire, qu'il faut reuestir pour rendre les sacs au Procureur. Je n'e-

Des Chastrez.

stimois point, que ie le deusse
trouuer en vn si pauvre estat. I'ay
vaqué plus de trois sepmaines à
dresser l'extract pour faire mon
rapport à ceux, qui sont destinez
pour faire la consultation: mais
puis que la partie n'est autremēt
soigneuse, i'aime mieux lui ren-
dre ses pieces, & que ie sois payé:
mais à ce que ie voy ie suis bien
esloigné de mon compte, ie le
voy en piteux estat. Hé bien!
perdray ie mes peines?

LEM. Vous ne preschez que
pour l'argent, Monsieur le Do-
cteur, ne pensez plus à cela, ains
plustost, si auez quelque pieté en
vous, esuertuez vo⁹ & priez pour
ce pauvre seigneur, lequel eust
esté encores tout plein de vie, si
suiuant ma condamnation il eut
esté estropié des deux principa-
les parties de sa braguette.

M A R G. Vous parlez bien à vostre aise, & ne considerez pas qu'il faut que ie viue, quāt à vous autres, Messieurs, si tost qu'avez tasté le poux au patient, & que luy auez ou rompu la teste par vostre babil, ou donné vn petit breuet de Decipé (non ie prens le D, pour R,) les escus volent, & estes payez sur le champ, mais nous autres on nous laisse tremper le plus long tēps qu'on peut: voire que i'en cognois de si bonne conscience, qu'ils voudroiēt, apres nous auoir fait valeter apres eux, nous payer en breuets. Ha ! que si n'auiez receu le liard du seigneur Nicodeme, que ne viendriez battre le paué iusques icy.

L E M. Vous parlez comme Dieu: il faut que ie vous apprenne, qu'on s'entretient plustost de

Des Chastrez

nous autres Medecins que de vous, pour deux principales raisons: la premiere est, parce que nous tenons en nostre manche la vie & la mort des malades, si bien que si lon ne nous contenoit, aucuns croyēt que nous les ferions mourir plus viste que le vent: l'autre est, qu'a lentour des malades la coustume est d'auoir de grandes infections, si bien qu'il nous faut estre tousiours garnis de parfums & bonnes senteurs.

BRAN. He (Monsieur le Docteur) entēdez vous qu'on vous appelle?

MARG. Ie voy bien que c'est, il faut que i'aille paracheuer ma coruee, peut estre en tireray-je pied ou aille.

LEM. Allez, cependant nous pourrons icy nous resioüir en

discours.

T O V R. Vous ne faiâtes que causer, vous luy rastiez le poulx, & ordonniez assez de receptes, ce n'estoit pas la où le bas le blef-
soit, vous vous moquez, la partie interessee est bien plus bas, & où il failloit que ie misse la main : car ie vous asseure que quand eussiez tenu ce bon Seigneur dix ans entre vos mains, si ne l'eussiez faiâtailler apres l'auoir faiâ malheureusement languir, il en fut aduenue ce que vous voyez maintenant.

B R A N. Tout beau, Monsieur, & ne nous pressez pas si fort les mains, ie veux parler pour Monsieur le Docteur, & vous maintiens, que sans ouurir l'hernie, avec mes receptes tres-singulieres ie diuertiray l'humeur qui corrompt le boyau.

Des Chastrez,

TOUR. Ce sont brides à veaux,
& croiray que cela est aussi pos-
sible, comme, que vostre mere
soit pucelle, d'autant que depuis
que la dissolution est faite, quād
vous y mettriez toutes les de-
coctions du monde distillees &
soufflees, ie vous despite tous
tant que vous sçauriez estre d'en-
guillemineurs, de pouuoir ren-
dre la guerison. Premièrement
vous sçaez, que toutes les dro-
gues que vous donneriez ne
pourroient recalciner repatrier
l'exulceration, qui pourroit s'e-
stre gangrenee sur le couillon
(puis qu'il le faut nōmer par son
nom) d'une superfluité & trop
grande abondance d'humeur a-
queuse. En apres, où trouuerez
vous que puissiez ou reboucher
le tuyau qui aura esté froissé, ou
reuirer la defluxion de l'humeur

peccante? Si les conduits vrete-
res n'estoient si proches, ie dirois
qu'il y auroit apparence en vo-
stre dire.

BRAN. Par raisons naturel-
les, & qui tombent sous nostre
sens, ie sçay bien que gagnerez
vostre cause contre moy, mais à
l'espreuve ie suis asseuré que ie
l'emporteray. I'en ay fait de si
belles & signalees cures, que tout
homme qui voudroit en douter
deuroit estre renuoyé à celle qui
fait sages les fols: mais ce qui fait
que ie ne puis bien vous mettre
en veüe ce secret de ma conce-
ption, & de ce que i'exploite est,
que les parties qui sont suiuettes à
vne transcendente & mercu-
riale excariation ne sont com-
muniquees à nos yeux: si bien
que ne pouuez mordre où ne
mettez les dents.

Des Chastrez

Or nous autres auons vne maxime d'admirer les vertus cachees de certaines creatures , encores qu'elles ne tombent sous la frêle capacité de nostre entendement.

T O V R. Ha que vous en feriez accroire de belles aux gēs de là l'eau : ce sont les routes que tiennent ces maistres donneurs de canars à moitié, qui promettent montaignes d'or, & à peine sçauroient nantir vne poignée de sable. Dites-moy, ie vous prie, pour combien eussiez vous voulu entreprendre la cure du Seigneur Nicodeme?

B R A N. Si ie m'y mettoy à moins de deux cens cinquante escus ie ny gagneroy pas la housse de mon mulet : d'autant que pour la guerisson de ceste maladie , outre quelques mine-
raux,

raux, qui nous reuiennent preparez au poids de l'or, il me faut de quatre plantes qui sont fort rares, & qui ont esté descouuertes il n'y a pas trente cinq ans au pays d'Ochelagua, aux montaignes Riphees, & au coupeau du mont Hecla. l'en ay quelques vingt cinq liures, qui me reuiennent à plus de dix mil ducats: de uinez à quel prix ie puis m'en deffaisir.

T O V R. C'est là où ie vous attendoy, d'autant que vous estes tous frappez à ce coin, de nous faire estat de quelques singularitez estrangeres, qui ne dissipent point seulement la composition du corps, mais aussi eclipsēt d'une terrible façon les bourses de ceux, qui sont si mal-aduisez que se resigner en vos mains: de faire
ie me souuiens auoir ouy autre-

I

Des Chastrez,

fois discourir le seigneur de la
Riuere en pleine audience à Pa-
ris, ou pour exalter la Paracellis-
me il faisoit promesse de guerir
la fieure avec trois gouttes de
poiure, & ce sous la gageure de
sa teste. Mais pour la faculté de
Medecine on fit entendre à Mes-
sieurs de la Cour de Parlement,
qu'au lieu qu'il promettoit alle-
gement, que cela estoit pour bri-
ser les corps & destruire le peu-
ple, attendu que pour tirer ces
trois gouttes de poiure il en fau-
droit gaster vne grande quanti-
té. Vous demandez deux cens
cinquante escus, & ie sçay hom-
me auquel vo^r ne sçauriez auoir
donné la demie douzaine d'es-
cus, qu'il ne vous rende vostre
braguette vuide de deux ripons,
& vous frais, gaillard & dispos,
au reste leger de deux grains,

B R A N. Je ne sçay comment le prenez, si est ce que ie sçay bien, que ce que ie fais pour vn escu, les autres en voudront bien tirer la demie douzaine: Et s'il y a biē plus, que ie cognois damoiselle de bō lieu & de bonne part, qui s'inscrira avec moy, si besoin est, pour tesmoigner qu'il y a vn gros maistre operateur ancien, qui a mieux aimé laisser mourir vn Gentil-homme par faute de le trenchecoüiller, que de prendre trois cens escus: le gros porc qu'il est en vouloit quatre cens cinquante, tout contens.

Je vous voudrois demander, si ceste incision valoit bien ce prix, & si pour l'operation d'.v. ne heure il luy falloit tant d'escus: le vilain qu'il estoit n'auoit pas trop grand' peine à monter jusques au logis de l'operateur

I ij

Des Chastrez

son diable de mulet l'y portoit.
De penser le malade n'en estoit
question : car il falloit la vingtai-
ne d'escus pour son substitut &
suffragant, qui deuoit sur-veiller
le patient.

T O V R. S'il y en a qui soient
vilains & tyrans, si feriez vous
vne illation trop cornuë de pre-
ferer vostre Empirie à nostre
profession, il y a autāt à dire que
du iour à la nuit.

M A R. Si me semble il que Mes-
ser Brancasse le prend fort bien,
au moins voudroy-ie de ma part
tirer ceste consequence, puisque
vous vous formalisez de ce qu'il
demande vne partie trop exces-
sive, dictes vous. Il vous bat
de deux poincts : le premier est,
qu'il pretēd guerir l'hernie, sans
vuider la bouoursette, qui est vn
bien qui ne scauroir estre assez.

prisé: l'autre est, qu'encores que vous arrachiez la piece: ce neantmoins il s'en trouue entre vous autres, ie cognois celuy dont il parle, qui sont si inhumains, que parce qu'on ne leur crache les escus à gros tas, ont laissé mourir vn fort braue & honnestre Gentil-homme. Est ce ensuiure non point la regle de Iesus Christ, mais des glorieux freres, Saints Cosme & Damien, qui ne prenoient pas la maille pour penser les pauvres malades: & toutéfois vous vous y aduoüez & voulez vous ranger sous leur enseigne? où pēsez vous pauvres gens? Ce que i'en dis, n'est pas que ie vueille tenir le party de ces maistres broüillons, ie deteste trop l'Empire. Mais puis qu'il faut en dire sa ratelee. ie soustien, que c'est se dénaturer d'ainsi gehenner les

Des Chastrez.

pauvres malades.

LE M. Vous estes donc maintenant en quartier, & auez vostre compte, il faut que vous ayez mangé des pigeons: ie ne vous demanderay point, si auez esté payé de vos peines & vacations, vous n'estes pas belier pour vous laisser tondre la laine sur le dos: pourquoy vous topiquez vous contre le seigneur Tourrinel. il n'est pas de ceux, ie vous promets, qui voudroient tyranniser les malades & affliger, les oppressez. Comme vous auez le mot en gueule, vous nous donnez de petits brocards, que nous pourriõs bien rabatre, si mestier estoit, & ne faudroit aller q̃ chez vous: mais afin que nous ne formions nouveau incident, ie passe legerement sur vos gaufferies. Je vous supplie, que doucement.

& sans nous eschauffer nous cō-
ferions de ceste matiere, non
point pour rēdre la guerison au
seigneur Nicodeme, il n'y a pas
demie heure qu'il vient de payer
le tribut à nature: mais à celle fin
que ie puisse apprendre quelque
chose de vous Il semble que vous
partisiez pour Messer Brancasse,
parce qu'il promet de guerir sans
estropier la braguete de ses deux
principales & essentielles parties.
Promettre & tenir sōt deux, c'est
tout ce qu'un hōme de bien peut
faire, que de promettre & tenir.
Souuenez vous ie vous prie, de
ces beaux vers d'Horace:

-----*immedicabile vulnus*

Ense rescindendum est, ne pars sincera tra-
hatur.

c'est à dire,

De glaiue faut trēcher l'incurable gāgreine
Qui pourroit infecter la partie plus saine.

I iiij

Des Chastrez,

Pource vous voyez que nous coupons les bras, les jambes, les doigts, les mains & autres membres si tost que nous voyôs qu'il n'y a remede pour les guerir. Et vous autres, messieurs les Politicks, pratiquez mesmes ceste regle en vostre gouuernement ciuil: s'il y a quelque garnement au corps de la cité, qui puisse gaster & infecter le reste des concitoyës, vous vous mettez apres luy à belles reprimendes, & si besoin est, & qu'il ne vueille se corriger, vous ne faites point de difficulté, & en ce faites sagement & iustement, de l'exterminer & retrancher de la compagnie des autres qui symbolisent avec le bien public.

M A. Cela est bien dit, mais il n'y a aucune necessité pour l'illation, d'autant que vous reprenez

toufiours vos premiers erres, & supposez qu'on ne vous niera point ce que debattoit Messer Brâcasse avec le seigneur Tourincl. Par ainsi, afin que vous peussiez à propos conclure, faudroit qu'on vous accorda, qu'il est impossible de pouuoir guerir la douleur des boulettes, si ce n'estoit par dislocation & euisceration. Et puis qu'il vous a pleu prendre mire sur nostre dilposition politique, ie prise fort la cōparaisō que vous en faites pour le rapport qu'il ya du grand au petit monde. Si vostre argument auoit lieu, il faudroit dire, que des qu'il y a des mal viuans en vne ville qu'il faut ou les dechasser ou foudroier sur eux, cela ressembleroit plus sa temerité estourdie & cruauté que iustice. Voyla pourquoy cōme aux loyers & re-

Des Chastrez,

compenses il y a des degrez aussi
aux peines & supplices y a diuer-
ses marches, qui font que par
douceur on commence à appri-
uoir ceux qui sont farouches,
que s'ils sont trop facheux, obsti-
nez & opiniaîtres, & que la ver-
ge ne puisse rien, apres la parole
on descharge la barre pour frois-
ser ces cœurs felons & indom-
ptez. Mais direz vous, qu'aussi-
tost qu'un pauvre miserable fait
quelque sursailie, du premier
coup on luy doine sauter sur le
collet, le resigner entre les mains
de l'executeur de Iustice? Cela
seroit s'armer contre tout ordre
politique & cōtre le saint aduis
que nous donnent les Apostres,
que si nostre frere nous scādalise,
nous offense, & ne se porte en sa
charge ainsi qu'il doit: voire que
par ses insolences il se manifeste

trop petulant, faut que par benignes, humaines, & fraternelles remonstrances on tasche a le radoucir: que si apres il se rend indocile & incorrigible, alors certainement il ne deffend pas qu'on suiue la voye de rigueur. Il y a bien plus, qu'un homme pour estre mis hors de la cité ne pert pas l'esperoir d'estre rappellé ou de viure en vn autre lieu: mais des que les droles sont ostez du bissac, il ne faut plus en parler. Ce qui me fait si fort insister, pour empescher toutes voyes de fait, sur tout quand il est question de desraciner les deux virolers de nostre naturalité, est, que i'y trouue plusieurs inconueniens, tant à l'operation qu'à ce qui pourroit s'ensuiuir: Cōsiderations si trespres prenantes, que lon aura bien affaire à me persua-

Des Chastrez

der qu'un homme doive estre
chastre

L E M. Vous estes comme les
ang ules de Melun & criez auant
qu'on vous escorche : ie vous
prie donnez plaisir à la compa-
gnie. Cela vient bien à propos,
car coustumierement vous au-
tres Messieurs les Iuristes ne fail-
lez par le bec. Si vous bronchez,
ne craignez pas que lon ne vous
redresse.

M A R G. Et bien, puis qu'estes-
d'aduis, que ie me mette en rue,
i'en suis tres content. Ne faut
pas que vous estimiez que ie
vueille icy introduire vne inter-
diction nouvelle, & de laquelle
on n'ait ouy parler. Nos Iurif-
consultes, & entre autres Vlpian,
tiennent que celuy est à condā-
ner au quadruple, lequel pour
rendre son esclau mieux de vē-

te & de plus grand pris l'aura fait
chastret. Le texte y est formel en
la Loy, *si seruus D. ad l. Aquil.* Et
quant a ceux, qui de gayeré de
cœur, & leulemēt pour leur plai-
sir auroient fait desarconner de
la gibeciere de leurs serfs, leurs
parties orbiculaires, ils sōt pour
luis à mort, comme atteints
conuaincus & preuenus des cri-
mes punis par la Loy Cornelia:
De cecy nous auons tesmoigna-
ge és Loix 3. 4. 5. & 6. ff. *ad l. Cor-
nel. de sicariis.* Mesmes les Histo-
riens nous apprennent, qu'il y a
vn chef en la Loy Iulia, lequel
directement regardoit ces mai-
stres Chastrets. Ce qui mesmes
a esté approuué par plusieurs or-
donnances de l'Empereur Do-
mitian. Les autres Princes ont
depossedé les maistres de l'au-
thorité & puissance qu'il auoient

Des Chastrez,

sur leurs esclaves, lesquels pour ce ils ont confisqué. Vous auez à ce propos la constitutiō de l'Empereur Constantin en la loy premiere. *C. de Eunach.* Par la Nouvelle 142. de l'Empereur Iustilien est disferement porté, que ceux qui auront fait chastrer aucun, soient mis à l'examen de la coupelle & que s'ils rechapent leurs biens soient acquis & confisquezz au public, & qu'ils soient releguez en l'Isle du Plastre. Que si ce sont des femmes, qui pour gagner d'auantage à la vente & debite de leurs esclaves, leur auroient voulu faire desgarnir l'escarcelle, qu'elles soient chastiees exemplairement, leurs biens confisquezz & elles condamnées en vn exil perpetuel. Celuy qui les a traitté le plus doucement s'a esté l'Empereur Leon, le

quel par la Nouvelle LX. a rabattu la peine de la pareille, qui auoit esté introduite par Iulien, & a voulu, que celuy qui auroit apelé & fait venir le maistre operateur pour faire telle incision & exection, s'il est couché en l'estat des officiers de la maison du Roy, il en soit biffé & rayé: en apres l'a condamné d'amender dix liures d'or, & au bannissement pour dix ans. Quant au Capitaine Tailleur de caillettes il l'a condamné au fouet, à estre tondu & rasé. & à estre priué de son bien & de son pais par le mesme espace de dix ans. Par le Droit Canon, ceux qui se sont monstrez tellement ennemis de Nature, que de se rendre orphelins de leurs Belaus, & se priuer de resmoins, encore que ce fust par deuotion,

Des Chastrez

si ce n'est par necessité & pour
couter pis, sont forbannis des SS.
ordres *can. ij. qui se can si quis à*
medicis distinct 55. Et encoires que
par la cōstitution de l'Empereur
Leon, celui qui de son grés s'est
faict deuiriler ne soit puny,
pour ne s'estre meffait si est ce
que les ordonnances Ecclesia-
stiques ne l'en tiennent point
quite: car s'il s'est mutilé pour
empescher qu'il ne fut clerc, il
estoit tenu tant pour homicide
& cruel bourreau de soy mes-
mes, que pour ennemy de ce qui
a esté créé de Dieu, *can. 22. Apost.*
s'il estoit desia clerc, on le depo-
soit *can 22* s'il estoit lay, on le se-
paroit de la cōmunion & frequē-
tation des autres durāt trois ans,
pource qu'il auoit luy mesmes
dressé embulches à sa propre vie,
can. 23. Par les Loix des Ripuai-

res, si vn homme franc chastroit
vn autre aussi de condition fran-
che, libre & ingenuë, il estoit cō-
damné en deux cens sols d'amē-
de. *tit. 6. primo legis Ripuariorum.*
Puis donques que vous voyez
que tant de Loix se bandent con-
tre ceux qui veulent dénaturer
la nature des masles, deuez vous
trouuer estrāge, si ie plaide, pour
empescher, qu'on ne vienne à re-
trancher ces parties viriles.

LE M. Iusques icy n'auetz pas
encores failly, pour suiuez & mō-
strez pourquoy vos Legislateurs
ont deffendu si expres ces retrā-
chemens : car il faut que vous
croyez que ie suis Medecin, &
que si ne me donnez raison de
vostre dire, ie ne suis tenu de vo⁹
croire, attendu mesmes, que puis-
qu'il s'agit de la Nature, & que
ma vocatiō m'appelle à y mettre

Des Chastrez,

le nez, c'est bien la raison que iustifiez de vostre dire par raisons. Nous sommes en faits contraires, & en vn besoin seriez condamné, si n'entriez en preuue. Les autoritez qu'auetz proposé ont grand poids en escole de Droit, mais deuant tous Iuges i'obtiendrois tousiours ma cause. Ce dont nous disputons est de mon gibier. Il est à presumer, que mon art m'y aura descouvert quelque chose, & que i'en parleray comme bien aduisé, & quant à vous, en clerc d'armes.

M A R G. Ne vous eschauffez point tant, ie vous supplie. Ces prohibitions ne sont sans iuste occasion : car outre celles que i'ay cy dessus particularisé, l'Empereur Iustinien en sa Nouuelle 142. cote disertement ceste raison, que maintesfois de plu-

sieurs, qui se sont laissé faire ceste ouuerture extractiue, bien peu en sont eschappez, de sorte que ceux qui ont esté sauuez, ont tesmoigné en la presence de sa Majesté, que de nonante qui ont esté estendus sur les treteaux, à peine trois s'en sont releuez. Et comme la charge de la dignité des Princes & Seigneurs ne gist point tant à entretenir les sujets, qu'à empescher, qu'eux mesmes par leur folie indiscretion & cruauté se meffacent, on doit tenir ces Ordōnances pour tres saintes & tres iustes, lesquelles coupēt le chemin aux delits & forfaits. En apres, quand mesme la mort ne suruiēdroit, les pauures chastrez sont sujets à tant de maladies qui leur sōt peculieres, à estre moquez & huez, à estre mal veus & carellez

Des Chastrez,

des femmes: mesmes ils sont esloignez & forclos des dignitez. De fait vn Chastré ne peut pretendre à la chaire & grandeur Pontificale, & autresfois les chastrez ne pouuoient tester, tant parce que la liberté & puissance de pouuoir faire testament estoit ottroyee à ceux qui porteroient barbe, *ubi questio loci & situs est.*

Or est il que Messieurs *Nō sunt* ne sont gueres souuēt barbeaux. En apres l'Empereur Alexandre Seuer tenoit, que les Eunuques faisoient vn troisieme canton entre les hommes, au rapport de Lampride, où le Cōsul Mamer-
cus prit aduis quand il refusa à Genutius la recreance ou possession des biens de Nenianus, lesquels il requeroit estre intronisé par vertu du testament du def-

funct. Mais ce sage Consul l'escōduisit tout à plat, parce que, dit Valere le Grand au septiesme liure, septiesme chapitre, Genu-tius s'estant fait estropier des deux seaux de sa nature, ne de-uoit estre conté entre les hommes, ny entre les femmes.

LEM. Ce sont donc là les moyens qui vous poussent à faire difficulté à l'exécution testiculaire, si ie puis les vous sapper & miner, i'estime que vous ne ferez si opiniastre que ne me quittez la partie. En premier lieu, le rapport que pretēdez auoir esté fait à Iustiniē, est fort crud pour vous dissuader de la dilocation riponesque. Il se peut faire que ainsi soit esté, & qu'on n'en ait point presté d'une à ce bon Empereur: mais à vostre aduis, si en Droiēt cela doit auoir lieu? Sivo⁹

Des Chastrez.

le disiez, vous demétiriez vos Iu-
risconsultes. Celsus & Paulus. és
Loix 4. 5. & 6. *D. de legib* qui ne
veulent point, que puis qu'une
arondelle n'ameine point l'Esté,
aussi qu'un ou deux cas soient
suffisants pour establir une Loy.
Au contraire ie vous feray sou-
stenir par le tesmoignage & un
millier de personnes, que pour
le iourd'huy bien peu en meu-
rent. Voyla le seigneur Tourri-
nel qui en a depesché en sa vie
plus de trois ou quatre milliers,
mais de sa vie ne luy en sont de-
meurez quatre entre les mains.
Du temps, par adventure, de Ju-
stinien il y auoit de ces maistres
trancheurs, lesquels estoient si
mal adextres ou mal fortunez,
que tout ce qu'ils esuetoient
tournoit à mal, ou faut que l'in-
firmité du malade le presse: à la

mort, parce qu'il ne pouuoit endurer le martyre, soit de l'exécution, soit de l'eradication & arrachement. Auiourd'huy il y a des maistres de cet art, qui y sont si bien duits & versez, qu'il n'est besoin d'auoir crainte aucune. Par ainsi si la raison est l'ame de la Loy, & que les Loix se changent selon les diuerses circonstances & dispositions du temps, du lieu & des personnes, il faut que vous m'accordiez, encores que, possible, du temps de ces Princes il y eut vn tres-grand danger pour ceux qui estoient appliquez à la coupele, & que par conséquent tres-prudemment on a prenenu aux morts, qui ensuiuoient, que neantmoins à present, puis que le danger cesse, qu'il n'y a plus d'occasion de peur & affre, on ne doit tenir

Des Chastrez,

si resserré le rasoir dans l'estuy,
que quelques fois on ne le des-
ploye, pour faire ouuerture à
l'hernie. Voila donques toutes
vos ordonnances qui vont à val
l'eau. Voyons à ceste heure si les
incōueniens que vous auez pro-
posé pourrōt auoir plus de poids
& autorité. Vous alleguez, que
les chastrez sōt sujets à plusieurs
maladies & imperfectiōs: ce que
ie recognoistray estre vray, sans
que toutesfois telle confession
puisse vous seruir de preiugé,
tant pour les defluxions, qui ne
pouuans prendre cours par le
tuyau spermatique tombent sur
les jambes, que pour la debilité
de la voix claire & minse comme
celle d'un enfant: mais si vous
faites rapport des maladies de
ceux qui sont garnis de leurs pie-
ces, & les mettent en besongne,
avec

avec les accidens, qui accompagnent les chastrez, vous treuuez. que la cōdition des chastrez est beaucoup plus aduantageuse que n'est celle des coqs.

BRANC. Monsieur le Docteur, encores que ce ne soit nostre coustume deuouloir rechercher les raisons de toutes choses si seroy ie bien content d'apprendre de vo^r pourquoy nos Chappons sont battus de ces maladies que vous dites. Par experience i'apperçois qu'ils grisonnent, & deuiēnt chenus plustost que les entiers, qu'ils ne portent point de barbe au menton, qu'ils ont les jambes tortuēs & renuersees, & qu'ils ont la voix gresle.

MARC. Ie suis bien content d'oüir la resolution de ces questions, poussez, Monsieur le Medecin, il vous faschera fort, si faut

K

Des Chastrez,

il que vous nous en esclaireissiez le cœur, autrement & à faute de ceie croiray que vous parlez en perroquet & par ouy dire seulement.

LEM. Ces quatre questions ne sont pas si difficiles que vous criez: quant à la premiere, faut que vous teniez, que parce qu'ils ne laschent aucune semēce: mais que l'excrement, qui deuoit seruir à engendrer, & procreer le sperme s'espād par tout le corps avec le sang, toute ceste humeur qui eust esté spermatique, si les deux battans n'eussent esté détachés, est conuertie en pituite, qui, les rendant froids & humides, fait que fort soudainement ils grisonnent.

MARG. Mais pour la barbe que direz vous? car cela est arresté entre vous autres Medecins, que la

matiere du poil ne doit point estre attribuee à la chaleur, & pour ce on dit que l'occasion, qui fait que les femmes ont plus l'og cheueux que les hommes, est, qu'elles sont beaucoup plus humides & phlegmatiques que les masles, d'où s'ensuit, qu'il y a en elles pl⁹ de la matiere du poil Si donques l'humidité de la fēme fait, qu'elle a les cheueux plus grās que l'hō. me, il s'ensuit que le chastré deura auoir plustot de la barbe que celuy qui est saisi & enharnaché de ces deux boulets. Vous ne pouuez respondre à cest argument : car mesmes vous tenez, que, si vn homme n'a point de barbe auant qu'on descharge son escarcelle des deux pieces il n'en pourra auoir par apres: voire que s'il en a, & il la face couper, elle ne recroistra point.

K ij

Des Chastrez

Il faut doncques de deux choses l'une, ou que l'humidité ne soit pas cause des cheueux, ou que le Chastre puisse porter barbe.

Or i'ay vne raison à laquelle vous ne sçauiez que dire, pour monstrier, que les cheueux prouiennent de l'humidité: car les plus aduisez Philosophes, qui ont voulu decider les dependances de la questiō, qui est en Droit, pouquoy on tient la puberté de la fille à douze ans, & qu'on recule les masles iusques à quatorze, ont laissé par escrit, que c'étoit parce que le tertre du naturel des femmes estoit plustost touffu & moussu que celuy des hommes: de quoy la raison estoit, parce que les masles ont entre la poitrine & le nombril la bouche de la vessie, qui lasche l'vrine, d'où

les cheueux sont engendrez en ce lieu là , au lieu qu'és femmes la conionction, qui se fait de leur matrice & de leur vessie, fait roir. dirvne grande abondance de fumee humectee, d'où la generation des cheueux est acceleree.

LEM. Vous estes vn grand Philosophe, & ne sçauiez distinguer les especes des cheueux. Il faut que vous estimiez , peut estre, que les cheueux de nostre barbe soient de mesmes naturel que ceux de nostre chef & d'autres parties: Premièrement, vous n'ignorez pas que ceux de nostre teste ne soient les premiers, qui nous croissent, & sont plus aagez que les autres de dix ou douze ans.

TOVR. Pause icy , ie vous diray ce que i'ay veu: L'annee paffee il y eut vne bonne commere

K iij

Des Chastrez.

qui accoucha de deux filles; l'une
desquelles au sortir du ventre de
la mererapporta sa motte tertree
& chargee de cheueux : ie l'ay
veu, ie l'ay tenu, ie scay qui est la
mere; vous la cognoissez.

LEM Pour vn cas aduenturé
vous ne deuiez m'interrompre,
cela est contre l'ordre de nature.
Donques pour reprendre mon
propos, s'il y a de la distinction
pour raison de l'aage entre les
cheueux, sera ce merueilles, si
leurs qualitez sont diuerfes? les
cheueux de la barbe sont plus
forts & plus roides que ceux de
la teste: tesmoignage tres euidēt,
que c'est la chaleur qui predomi-
ne à leur generation. Puis don-
ques que les chastrez sont froids
& humides, que la chaleur leur
māque, on ne doit treuuer estrā-
ge de ce q̄ leur mētō n'est barbu.

MARG. I'ay vne belle rephique contre vous, si ie la voulois enfoncer: les Alemans, Suiffes, & autres peuples des natiōs situees au froid sont coustumierement plus barbus que les Espagnols & autres, lesquels approchent de l'Orient. Toutesfois ie vous prie poursuiuez les autres questions, & nous apprenez pourquoy les chastez ont coustume de tortiller les jambes de trauers.

LEM. Cela prouient à cause de leur humidité surabondante, qui leur rend les parties du corps molles & flacques: & ainsi parce que les jambes ne peuuent supporter le fais & la masse de tout le corps, elles se plient de mesmes que feroit vn roseau, si vous le chargiez & affaissiez de quelque fardeau. La solidité de ceste raison peut-estre prise de ce, que ce

K iij

Des Chastrez,

qui est dur & sec est fort & roide: mais ce qui est humide, mol & mat, n'a moyen de résister: vn bois sec supportera mieux vne charge que ne fera vn osier.

MARG. Hé bien! quant à la voix, qu'en direz vous? pour quoy l'ont-ils ainsi gressé & aigué?

LEM. Retenez tousiours l'affluence de l'humidité que i'ay touché cy dessus, & vous trouuerez que de vous mesmes vous vous donnerez la raison, pour quoy la voix des chappons est ainsi menuë. De faict il faut que vous remarquiez, que l'humidité remplissant à floc l'aspre artèrie l'estressit: d'où aduient que l'esprit passant par l'estroit, tient ceste fresse & delicate voix. Or que les Chastrez soient exuberamment humides, entre autres

choses appert, parce que les māmelles leur enflent tout ainsi qu'aux femmes.

BRANC. Quand ie vous entens discourir de Messieurs les Chastrez, il me semble, que ie refuse, & ne puis penser à quel propos vous tirez à leur incommodité leur voix aiguë. Ce leur est vne chanterelle qui leur faict trouuer entree en de bons lieux, voire iusques en la maison des Princes. Vous en cognoissez vn de vostre país, lequel pour s'entretenir l'air de sa voix menuë s'est fait chapponner. Qui a-il perdu? vous direz les deux boulettes, desquelles il eut peu iouer à la fofsette, mais vous ne dites pas qu'il a par le moyen de ceste perte acquis plus de dix mil liures de rente. Si tous ceux qui sont passer par le fil durafoir leur

K v.

Des Chastrez.

pauvre marchandise pouuoient
faire tel eschange, i'auroy grand
peur que la confrairie des Chap-
pons ne s'accroit en bien peu
d'heure: de sorte qu'encores que
la gendarmerie escaille biē ceux
du Mayne, si fourmilleroient ils
& pourroient aller à potence
parmy nostre France, ils ne se-
roient toutesfois bons à man-
ger, pour certaines considera-
tions.

LEMOY. Je ne veux pas, Mō-
sieur le Docteur, vous laisser pré-
dre barre dessus moy, & puis que
vous faites si grād *alleluya* des in-
commoditez & imperfections,
qui accompagnent tous les cha-
strez, ie vous prie, contre-ba-
lencez les avec les maladies, qui
nous sont causees pour mettre
en besoigne nos outils naturels.
Vous trouuerez, que ceux qui se

peuvent passer de l'accouplement
des femmes s'en portent beau-
coup mieux & plus dispos, voire
viuent plus long temps que ces
estalons, qui par surfaille se bri-
sent & cœur & corps.

On sçait que l'acte Venerien
debilite les forces de nostre
corps, les rompt, les enerve, & les
consomme, voire qu'il abbrege
de beaucoup le cours de la vie.
Toutefois c'est vne necessité na-
turelle à l'endroit du sexe femi-
nin qui en veulent ribon ribai-
ne, ce que i'ay appris d'une fille
de nostre pais, qui cognoissant
la cōtestation du mariage d'une
sienne voisine enuers son mary
qui estoit priué des deux meil-
leures pieces de son sac, voulant
esuiten le meisme accident, sceut
fort bien dire à sa mere,

Ma mere ie veux vn garçon

K vj

Des Chastrez

*Qui soit bien d'un' autre façon
Que n'est nostre voisin Eustache,
Car sa femme ploroit hier
Souhaittant r'estre à marier
Puis que dans son bassin ne crache.*

Qu' Aristote & les autres Philosophes tiennent, que le vrai passage, pour poster à la mort est de bander souuēt à l'artelier de Venus. Cest pourquoy Hesiode en sa Theogenie defend à celui qui veut atteindre longue vieillesse de tendre aux femmes, d'autant que sans tison elles ont, dit-il, au second de ses iournees, vn brasier dans leur fournaise, qui desseche toute l'humeur vitale de ceux qui veulent entrer en party avec elle. Et pour ceste occasion vn certain Docteur remarque, que nos anciens peres viuoient plus long temps que nous ne faisons à present, parce, dit-il, qu'ils

ne prenoient pas tant du poil de la beste, qu'il leur vint à cœur, ainsi qu'il se pratique aujour. d'huy. Au troisiésme des Roys, chap. xj. Salomon l'og temps auparavant qu'il mourut est appelé vieillard & ancien, quoy que quand il deceda, il n'eut passé sa cinquantiésme année, mais il a. uoit auancé son aage par la visitation, qu'il luy conuenoit faire de l'haras de ses femmes & concubines. Le mulet vit plus long temps que le cheual, parce qu'il ne sçait que c'est de chaudronner & battre sur l'enclume. Plutarque au liure qu'il a fait de conseruer la santé, nous appréd, que l'acte Venerien engendre beaucoup de superfluitez & excremēs, que si on ne les diuertissoit, seroient tres-propres pour nourrir & entretenir le corps.

Des Chaſtrez,

I'ay honte de parler de la verole, des poulains des bouches chancreuses de la pelade, de la pisse-chaude & autres denrees qui se gagnent à la luite Cupidique. Ceux qui ont passé par les piques peuvent ſçauoir à quel marché ils en ſont ſortis, & combien en vaut l'aune: voire que ſi des leurs ieunes ans on euſt nettoyé leur biſſac, ils y euſſent gagné beaucoup d'argent, & n'euſſent enduré tant de tourmens qu'ils ont fait. A tout rompre c'eſtoit à faire à deux cens eſcus, & à tenir la chambre au plus ſix ſepmaines, pour eſtre chapponné. I'en cognois vn, qui, ſans conter ce qu'il a deſpēdu apres les maquereaux, maquerelles, putains & ſes baſtards, qui luy reuient (il me l'a ainſi iuré) à plus de cinquāte mil eſcus, & en vne annee passé par

les piques trois fois, & à chacune fois trois cens escus : il n'y a gueres que quinze ans que tous les ans il prend ceste purgation qui luy dure à chasque coup six semaines, deuinez si la diette ne luy couste en toutes façons que le voudrez prendre, plus que n'eut fait le defengonnement de ses deux belaus. Je ne vous demande pas s'il est Gêtil homme. Trois fois quinze sont quarante cinq, quand il n'y en eut eu que neuf il pouuoit passer, ainsi voila de soubre pour quatre, en prêne qui voudra, ie quitte tout. Mais le pis est, qu'il n'a dent en la bouche qui ne releue de quelqu'un, son corps luy tombe en pieces: Et apres vous direz que les *Non sunt*, sont miserables, & qu'ils sont sujets à maladies. Je cognois vn personnage, qui est *Môſieur sansqueuë*, & n'a pl⁹ que

Des Chastrez,

la gibessiere pendante & debiffée, de telle sorte que le pauvre homme cent & cent fois le iour ne fait que maudire l'heure qu'il n'a ietté au diable ces boulets en souphrez, qui luy ont mis le feu au corps. Côme bien peu de maladies me pourriez vous trouuer qui ne seruēt comme d'estafiers aux deux compagnons que sçauiez. Contemplez moy ces bons supposts de la bande Veneriēne, vous leur verrez les yeux rouges, chassieux & à demy perdus, & d'où cela? sinon que par experience nous trouuons, que lors qu'on s'est detelé du colis Cupidique, vous auez vn esblouyissement d'yeux, les vns ont les yeux battus, les autres haues. A la cōtinuē ils se chargent si fort, que pour loger ou heberger l'auengle on deuient aueugle. Les Poë-

res ont eu esgard à cecy quand ils ont feint leur Dieu Cupidon aveugle. Ce qui a esté remarqué par le Poete Cōstantinopolitain Marulle au premier liure de ses Epigrammes en la description de Cupidon. A ce aussi se doit rapporter l'histoire que saint Ambroise décrit au quatriesme liure chapitre dixsept de ses commentaires sur saint Luc. Theotime estant fort affligé de sa douleur des yeux, les Medecins luy defendoient de hanter lesfēmes. Toutesfois, comme il ahannoit à faire la recognoissance de la siennne, il ne peut se commāder, qu'il ne la ioignit, estant au plus fort de la besoigne, il se ressouuint de la defense que luy auoient fait les Medecins: si luy faschoit-il de retirer son espingle du ieu: adieu, diēt-il lors, chere lumie-

Des Chastrez,

re. Quant à la goutte, par esprou-
ue on recognoit, que (selon le
dire du Poëte) elle est fille de Ve-
nus, de mesmes qu'est la Chira-
gre: ie m'en rapporte aux nodus,
tremblemens de mains & tituba-
tions, qui ne iustificient que trop
de mon dire. Quant à la voix,
vous parlez des chastrez, mais
le combat Venerien luy est beau-
coup plus contraire que la priua-
tiō & defaut des ripons. Et pour-
ce Aristote tesmoigne que les
chantres s'ils veulent bien entre-
tenir leur voix doiuent faire tref-
ues de la brayette. La raison de
cecy a esté, à mon aduis, prise de
ce que nous voyons, que la voix
vous muë des ce que vous com-
mencez à tendre vos approches
du calibre.

M A R G. Vous nous en con-
tez de belles, & semble que pren-

driez biē fantaisie que lon se passast de cognoistre les femmes: voulez vous que nature se perde? si vous me croyez vous me retracterez tout ce que venez maintenant de deduire.

LE MOU GRAND. Par faute de nous entendre nous nous contredisons: vo^r estimez que ie suis ennemy de Nature, & ie n'y sōgis onques. Car à dire vray, vous le pouuez biē cognoistre, ce que ie viēs d'alleguer n'est q̄ pour vous dōner vne cōtremire aux imperfectiōs de l'exectiō testiculaire, car vos deux boulets pourroient vous endommager de beaucoup plus que vo^r n'endureriez de mal & tourmēt par leur absēce & extractiō radicale. Voire mais, dites vous, on se moque des Chastrez? ce ne sōt que les fols & mal aduisez qui s'en rient. Si deux hōmes

Des Chastrez,

auoient chacun vn chancre qui les rongea & tourmenta, & qu'il y eut l'un d'eux qui se le fit arracher, l'autre auroit-il occasion de se gaber? Le moqué seroit guery, & le moqueur en oppresse. Les chastrez sont pour la plus part exēpts des furieux assauts de Cupidon. Nous autres portons, nourrissons, & entretenōs le feu qui nous embraze.

M A R. C'est bien arguer! ainsi vous tenez que nous sommes assortis de nos tesmoins, tout ainsi qu'est Messer Iulian de son chancre. Nostre assortimēt nous viēt de nature à tous: & de ma partie sçay bien, que ie n'ay aucun chācre n'en eus onques, & si ay encores moins d'opiniō d'en auoir: tellemēt que ie tiens que ces Escreuisses grauissent sur Messer Iulian outre son naturel, par ae-

cident, & par les humeurs peccantes, que luy créent & produisent son indisposition.

L E M. Vous prenez tousiours à contrepoil mes raisons, le rapport que ie fais du chancre à vostre naturalité, n'est pas que ie les vueille apparier par ensemble, il y a autant à dire, que du iour à la nuit: il faut que vous estimiez, que ie ne vous tiēs point si grüē que ie puisse vous faire accroire que le rapport soit égal en toute façon. Il n'en y a point que ne cloche: mais ie pretens mōstrer, que tout ainsi que le chancre endommage fort Messer Iulian, aussi peuuent luy preiudicier ses genitoires, de sorte que, puisque on auroit tort se mocquer de lui s'il auoit peu se faire oster son chancre, aussi doit on taxer & reprendre ceux qui monstrent

Des Chastrez,
au doigt les seigneurs, *non sunt.*

M A R G. Mais que direz vous des femmes? quand on leur parle d'un qui est leger de deux grains, ne craignez ja qu'elles s'approchent. Elles le fuyent. Quel plaisir disoit vne que ie sçay bien, auroit on avec cela? il n'en a non plus que sur ma main. Cela fourgonnera, mais quoy? il y mettra le feu, l'esteigne qui pourra. C'est vn regrigné, vn jaloux, vn floüet pour tout potage, c'est vn Capitaine Hongre.

B R A N. Laissez moy respondre, ie vous diray, que ce sont des sottés, & testes mal burinees, de la parenté des enfans de Zebedee, qu'elles ne sçauēt ce qu'elles demandent. Elles ont ce qu'elles cherchent, & se mescontentent de ce qu'elles n'ont: & que charchās elles seroiēt bien marries de

rencontrer. Elles se plaignent, dites vous, parce qu'on ne fournit à l'appointement. Et combien y en a il qui voudroient battre l'estrade & que le coup ne porta point ! Il y en a dix mille & plus de cent fois autant qui ou par drogues & illegitimes receptes font tarir, perdre & enaigrir la presure de leur fromage, ou crainte de pis & pour iouer au plus seur jouient à mets couuert. Je m'en rapporte aux godemichi de velours & d'yuoire qui sont enfournez en la grotesque. Mais en toutes ces singerie & autres marmoterie de la Celestine, il n'y a pas la centiesme partie du plaisir qu'ont celles qui supportent le faict de nos chappons. Ne pensez pas que ie vous presche icy chose nouvelle, il y a si long temps, que

Des Chastrez

la pratique en a esté commencee
estant certain, qu'il y en a infinis,
qui ont ceste force en eux, com-
me ceux, ausquels telle section a
esté faite bien tard: d'autât que la
semence ayant vne fois pris son
cours par la vertu des parties at-
trayantes, si puis apres telles par-
ties sōt ostées, le cours toutéfois
ne laisse pas de quelque peu con-
tinuer & seruir de chatouille-
ment, qui engendre vne enuie
& encourage la personne, dont
procède la vigueur & la force.
Iuuenal en sa sixiesme Satyre,
mōstre que les Chastrez peuuēt
estre employez pour cheuaux de
seruice, quoy qu'ils ne puissent
estre estalōs. De fait S. Hierosme
sur vn pareil discours, q̄ celuy du
Poëte Iuuenal, au liure premier,
contre Iouinien reproche aux
femmes, *spadonem in longam secu-*
ramque

ramque libidinē excētur. Et lisons le premier de Philostrate en la vie d'Apollonius, qu'en la Cour du Roy de Babylone fut trouué vn Eunuque couché avec l'une de ses cōcubines. A quoy se doit rapporter ce que l'on nous racōte des Turs. que ce qui leur a fait couper & bourse avec ce qui estoit dedans, & le flageolet, fut parce qu'un Prince de Turquie, ayant veu qu'un cheval chastré ne laissoit à surfaillir une jument, se donna à entendre que les messiers du ferrail pourroient de mesmes monter sur les arbres: cela a esté cause que des ce tēps là on a raclé & mis à net la gibeciere des pauvres esclaves destinez à la garde des poules.

LE M. Non, ie passeray plus outre, & diray, qu'il y a des chastrez, les fēmes desquels leur ont

L

Des Chastrez,

produit de beaux enfans, quoy que cela soit formellement contraire à l'ordre de Nature. Et afin que ie ne vous enuoye guerres loin, ie prendray preuue de ce qui est de vostre cognoissance: ie m'en rapporte à la fille de M. Nicolas l'Hongre, vostre grãd amy, qui fit son premier coup d'essai en Aduocasserie à esgouffer des feues: voulez vous dire qu'il soit confrere de la Lune? Il portera donc sur sa teste plus de quatre cornes.

T O V R. Ie sçay qui & quel il est, ce suis- ie qui fus employé à luy des engonner son paquet: j'en suis payé, ie l'en tiens quitte: aussi de ma part ie tiens tant de lui qu'il se tient pour content de moy. Ie tesmoigneray, & telle est la verité, qu'il y a du vuide en sa gibessiere. I'ay il y a plus de

32. ans ses compagnons, voila pourquoy ie suis si asseuré de mō baston, & neantmoins ie sçai, que sa femme a eu vne fille.

BRAN. A d'autres (Messieurs) ie ne vous passerai point cet article, & afin que lon ne soit point abusé sur se fait, ie suis bien content de vous en dire ce qui en est, ie sçai qui est le pelerin duquel vous parlez. Il n'a point de ripōs, ils se sont transformez en cornes, lesquelles il porte grandes cōme vn bouc. & si ne les sēt pas. Il faut que vous sçachiez, que ce M.N. prit à femme vne Dame, laquelle n'imputoit point l'absence de la barbe, qui lui aparoissoit, au deffaut de cliquaille, ains à la ieunesse on a vne tardiueté: Et d'ailleurs pendāt qu'il lui faisoit l'amour, elle voyoit qu'il n'y auoit que pour lui à faire des ca-

Des Chastrez,

breoles priapescques. mariee que elle fut, au point du choc elle se trouua deceuë d'outre moitié de iuste prix, on luy auoit dōné vne bourse, toutẽs fois il n'y auoit rien dedans. Il battoit fort la porte, mais d'enfoncer, il y auoit vn cōtre fort trop dur. Quant à luy il la mesuroit à son aulne, & presumoit, que puis qu'il se laissoit à la foule, qu'elle deuoit de mesmes prendre sa bonne volonté & la peine qu'il prenoit en payemẽt. De fait, pour l'entretenir en ceste opinion, il vous luy vouloit ietter des petits mots de la luite nocturne. Mais cela n'estoit que vñ, elle n'y prenoit aucun goust. Apres qu'elle eut long tẽps trẽpé sous l'ennuy d'vne si cruë vanité, chatouillee par ce boute-feu, à l'improuiste se trouua inuitee de receuoir vn amy entier

au lieu de son M. Nicolas, lequel elle auoit beau produire en son inuentaie, elle y trouuoit tousiours *Deficit*. Pour remplir sa production elle prend party (Monsieur le Docteur) avec vn, hé! vous ne le cognoissez pas. C'est amy se fourra si auât, qu'au bout de deux mois la bonne Dame trouua que son sac estoit plein: tant de deffaux de cœur, de chagrins: dont M. Nicolas s'apperceur, qui en fut fort aise, & s'en boursouffloit cōme vn petit crapaut. La neufuaine des Lunes passée elle eut la uuidāge de son proces, & vous posa, vne belle fille. Chacū se met à crier, miracle, miracle, d'autāt que par successiō de temps plusieurs auoient descouuert que M. Nicolas estoit *Domini non sunt*, & d'ailleurs ne pouuoient se mettre en teste, que la

L iij

Des Chastrez,

commere tint chambre garnie
que pour son mary. Toutesfois
quelques vns, qui se falchoient
de ce qu'ils voyoient, qu'on en
donnoit vne si chaude à cet Ad-
uocat, luy monstrent par viues
raisons, que ceste fille ne pouuoit
estre procedee de son escarcelle,
le presserent par tant de moyēs,
qu'à peine la femme fut hors de
couche, qu'il commença à la mal
mener, entre en reproches, deli-
bere de la quitter. Les parens se
iettent à la trauersse, qui appaise-
rent si bien tout l'affaire, que M.
Nicolas ne faisoit tousiours que
bõne mine: mais quãd la fille cõ-
mença à marcher sur la 13. annee
il auoit bien enuie de se secoüer
d'elle, & ne la marier: bref dit
tout net à sa femme qu'il la des-
aduouoit, & partant qu'elle n'a-
menderoit iamais d'un liard de

tout son bien. Representez vous icy les troignes & putes cares d'une femme lors qu'elle est en telle affaire. Maistre Nicolas n'auoit que du groin, qu'il portoit mal en gré, & pource prit l'air des chāps & y retira toute sa famille, pensant que changeāt l'air de la ville, elle se chāgeroit, nulles nouvelles. Sa femme auoit vne chābriere assez affectee, sur laquelle M. Nicolas tascha de se rembourser des arrerages, qui lui auoiēt esté refusez par sa femme, mais quelqu'un suruint qui empescha l'execution. La chambriere fait entēdre à sa maistresse le tort qu'on luy vouloit faire, la prie d'y remedier. Non (dit-elle) tien bon, ie te veux marier avecques mon seruiteur: & te feray bon & honnestes party, moyennant que tu faces ce

L iij

Des Chastrez,

que ie te diray, c'est que tu te laisses aller à mō mari, il n'a pas garde de te depuceler. D'ailleurs so⁹ main elle parle au valet, luy met si bien le feu en ses chausses, qu'il ne cessa sous la promesse de sa maistresse, qu'il n'eut versé la chambriere par terre. Si biē iouèrent qu'elle se trouua enflee. Maistre Nicolas aussi y trempoit, & par ce moyen ne pensoit plus au groin de sa femme: Laquelle ayāt espié l'heure de ceste grossesse prend sa chambriere à part, luy fait le bec, l'asseure, que, quoy qu'elle la tance, elle luy tiendra sa parole, moyenāt qu'elle vueille charger Maistre Nicolas de cest enfant. La chambriere luy promet merueilles. Sous ceste assurance la maistresse biaise sa pratique fort adextrement. Et comme son mary se fut allé pour me-

ner à vne lieuë du logis, elle fait appeller trois ou quatre bonnes femmes, ausquelles elle conte le meschant & lasche tour que sa chambriere luy auoit fait, on l'appelle, la maistresse à belle langue lavousbat, de ce qu'elle auoit fait vn bordeau de sa maison. Apres plusieurs denegations, la fine chambriere faite au badinage en fin confessa, & se prosternât à genoux cria mercy à sa maistresse. Laquelle ne se tenoit pas pour cõtête: car, outre que les femmes sont curieuses, le nœud de la matiere gisoit à faire recognoistre l'enfât. On vous presse de si brusque façõ la pauvre hydropique, qu'en fin elle aduoüa (mais ce fut avec des sanglots & simagrees que pouuez penser, & que elles sçauent trop bien faire) que l'enfant luy auoit esté fait par

L v

Des Chastrez

Maistre Nicolas l'Hongre. Tu as menty, vilaine, luy repliqua la maistresse, il ne scauroit auoir enfans, il n'a point de Choses. La chambriere formellement insista. En fin, pour refrein de ceste specieuse information, la maistresse fait mine, comme outree de colere & despit, de la vouloir outrager. M. Nicolas ne fut plustost arriué, qu'il trouua tout son mesnage desriué, sa chambriere deploreë, sa femme si tref. depite, qu'il ne pouuoit luy arracher vn seul mot de la bouche. Voy, & qui a il? Alors sa femme commence à le festoyer de belles iniures & reproches: Vilain Chastre, tu disois que tu ne pouuois rien faire à vne femme, tu l'as bien monstre à ma chambriere: tu fais difficulté de nourrir ta fille, pour engendrer des ba-

stards. Les autres femmes se mettent encores dessus luy, & apres, & vous en aurez: le vous venent de telle sorte, que, si le pauvre homme eust eu encores les deux compagnōs, ie croy que son hernie en eut peu auorter. Pour faire mine virile se mettoit en termes de dé ny: mais la chābriere luy detrēpa si proprement les qualitez & circonslāces du fait, du temps & du lieu que le pauvre Hōgre fut cōtraint de demourer tout coy & perdit la parole, recognoissant, pour éui. ter plus grād scādale, que l'imputation, dōt on le chāgeoit, estoit verirable. Voila le proces à moitié gaigné pour la femme, si ne voulut-elle arrester en si beau chemin, elle fait moyē q̄ son mary la prie de faire en sorte qu'ō fit prēdre ceste chābriere pour fem.

L vj

Des Chastrez,

me au valet. Elle se fit fort long temps tirer l'aureille, en fin elle traite l'accord de mariage entre ces deux bonnes pieces aux despens de son mary, auquel par ce moyen elle fit aduoüer sa fille.

M A R G. Je vous retiens (Seigneur Brancasse) pour nous en fournir, vous en sçavez donner. Si le conte n'est vray, asseurez vous que la bourde est belle.

L E M O V G. Si n'y a il point de mèterie, ie vous promets que les femmes se plaignent donc tant qu'elles voudrôt, elles sont indiscrettes, & ne sçauent ce qui leur faut, voire ce qui est seant. Je me souuiens auoir leu que la Glose au chapitre 2. *de frigid. & malef.* est d'aduis que le mariage est bõ, *cum eo qui habet virgam erectam*, parce que, quoy qu'il n'ait les boules, si peut-il, iouant à la

fossète, dōner plaisir à vne femme. Il y a plus, qu'entre les Chrestiens le mariage n'est pas afin d'auoir des enfans, comme estoit la Loy de Nature: mais est seulement permis, afin de subuenir à l'infirmité humaine, *ne vrantur can. Nuptiarum 27 quest. 1. can. Solut. 32. quest. 2.* & pource on appelle *prolem bonum & non causam coniugij* can omne 27 quest 2 De fait nous ne voyons point aucun Canon de Concile, ou Decretale, Constitution de Pape, qui defende à vn chastré de se marier.

MARG. Vous tordez le nez au passages qu'avez allegué, car la verité est, que le mariage est aujourd'huy interdit au *Nō sunt*, suiuant le Droit-Ciuil des Romains, lesquels n'ont iamais approuué le mariage de ceux qui

Des Chastrez

sont, *castrati vel iblibis, id est quorū testiculi sunt ab infantia in aqua calida contriti*. La cause de ce refus est, parce que notoirement telles gens ne peuuent auoir des enfans, pour raison desquels estoit ordonné le mariage. Ainsi donc le mariage est permis aux Chrestiens, *in solatium infirmitatis, modo insit aliqua spes prolis*. Que si on accordoit le mariage des Chastrez, ce seroit peruerbir le mariage, attendu qu'outre l'esperance qui est perdue d'auoir lignee, la compagnie des femmes ne pourroit leur seruir d'aucun relaschement, *nihil emittendo*: ce seroit les vouloir faire coigne feustus. Si vous n'auiez point d'argument plus roide, ne me bandez point ces Hongres contre les femmes vous, eux & elle ne perdriez que vostre temps, eux, la

peine qu'ils y prèdroient, & elles la patience qu'elles auroient. Je vous prie tenez court, voyez si auez autre chose a dire: la matiere que maniez est legere de deux grains, partant ie ne m'esmerueille pas si vous syllogisez si fort à la legere.

LE M. Vn petit mot d'audience, vous reprochez qu'ils sont esloignez & forclos des dignitez. *Distinguo*, pour la Royauté, & Principauté, vous auez apparence de raison, d'autant que vous voulez auoir hoir & successeur des reins de celuy qui vous commande, ce que ie treuve bon: mais pensez vous, qu'aupres des grands il n'y ait point de place pour les Chastrez: ceux qui auoient la garde de la Chambre Imperiale, & qui sont nōmez en vostre Code, *prepositi sacro cubiculo*, n'auoient ils point de credit?

Des Chastrez,

Vous ne direz pas, que, pour estre chastré, vn homme soit incapable d'exercer charge, office, & dignité en la Iustice. Ie cognois vn President qui n'en a nō plus que sur ma main, & si on ne tiēt pas qu'il se mouche du pied. Quant à la dignité Sacerdotale & Pontificale, ie recognoistray veritablement, que les Prestres doiuent estre entiers, ce que ie treuve mesmes auoir esté ordonné des siens par Romulus: mais cela ne doit estre pris tellement à la lettre, qu'il s'ensuiue, que ceux qui ont perdu les mereaux de leur naturahté, doiuent perdre la qualité de Prestres. Vous auez vn tesmoignage *cap. 5. de corps.vitiat.* où nous sommes appris, *non exigi Sacerdotio cum qui propter lepram, pitiliginem, & elephantiasmum sibi execut virum.*

MARG La raison est icy toute euidente d'autant que cela est tres-veritable, que celuy qui a mis bas le canon & les boulets n'est pas coustumierement surpris de la drerie. Et d'ailleurs i'ay ouy parler de pl⁹ de dix mille qui ont leur gibeciere desgarnie, *vi maiore bellicque impetu*, auxquels vous ne sçauriez oster le titre & nom de Prestres. Mais parlons d'un que cognoissez & reuerez, car l'eschapatoire qu'auuez trouué pour les Roys & Princes seculiers ne peut-estre icy employé: direz vous que sa naturalité luy soit necessaire pour produire lignee? Je tiens de vous que non, le vœu general de perpetuelle pudicité & continence vous dementiroit.

LEMOVG. Je ne suis pas si mal appris, mais i'estime qu'aujour-

Des Chastrez,

d'huy, quand on viendroît à en
recréer vn, *cui deficerent gemini
orbes*, pourtant il ne seroit demis
de la chaire & dignité, moyen-
nant qu'il apparut, que véritable-
ment il fust maîle. La raison qui
a donné cause à la Loy, ne peut
plus auoir lieu: ie n'en parle qu'a-
pres les autres, si ie faux, c'est
sans y penser.

M A R G. Encores suis ie bien
aise, que de vous mesmes vous
reconoissiez à demy la dette,
car tous les subterfuges que vous
prenez ont aussi peu de nez, que
vos Chastrez de marchandise.
Mais que pourrez vous dire à ce
que nous trouuons que les Cha-
strez ne pouuoient testamenter,
pour les raisons que ie vous en
ay cy dessus cotees.

L E M. Ie vous respondray, que
vous tordez le nez, puis le nez y

a. à la lettre, & n'entēdez pas bien les escritures: car en premier lieu le fondement que prenez sur ce que ceux qui ne peuuēt engendrer, ne peuuent establr des heritiers, est fort fresse. vous voyez que M. Nicolas, quoy qu'il ne porte rien en son escarcelle, est pere d'une fille Ioint aussi que, si besoin estoit, ie vous mōstrerois, que *testiculi nō sunt, sine quibus* on ne puisse engendrer. Il y a plus, q l'argumēt, *à paternitate naturali ad legitimā & fictitiā*, ne doit point auoir lieu entre nous, qui tous les iours voyōs q les Prestres, *quibus iure ipso interdicta est generatio*, testamentent, nomment & instituent des heritiers. Mais qu'est il de besoin de vous battre par raisons, puis que vous auez au sixiesme liure du Code de Iustiniē *tit. qui test. fac. l. 5.* l'ordonnance

Des Chastrez.

de l'Empereur Constantin, qui
vuide tout ce different. Qu'il
soit loisible, dit il, aux Chastrez
de faire testamēt, dresser, à l'exē-
ple d'un chacun, leurs dernieres
volontez, escrire des Codiciles,
moyennant qu'ils gardent la cō-
mune pratique des testamēts. Et
maintenant vous osez faire les
Non sunt intestables.

M A R G. Attendez & prenez
aduis à la Constitution des Em-
pereurs Valentinien, Theodose
& Arcade, laquelle est au Code
Theodosien, *tit. de iis qui super re-
ligione contendunt. Eunomiani spa-
dones nec faciendi nec adipiscendi ha-
beant licentiam testamenti.* Vous
deuez sçauoir, qu'en Droit on
oütroie beaucoup plus de priui-
leges à ceux qu'on nomme *spa-
dones*, qu'aux Chastrez, encore
qu'ils soient tous d'une mesme

confrairie. Ils peuvent estre mariez, adopter & exploiter plusieurs actes legitimes, auxquels les pauvres Chastrez n'oseroiēt se presenter.

LEM. Conferez les dattes des Ordōnances, & vous vous trouuerez vaincu: voire que, si vous voulez fueiller dans le Code Theodosien, vous trouuerez, que les mesmes Empereurs ont rabattu ceste intermination testamentaire. Je diray bien d'auantage: car, selon que la suite du discours nous meine, nous voyons que des qu'un esclau, auoit esté chastré il estoit presenté pour vaquer au seruice de la chambre sacree, il n'estoit point seulement mis en pleine & franche liberte. mais aussi il pouuoit tester de ce qu'il y aqueroit, sans l'autorité de son propre pere.

Des Chastrez

B R A N. Ne sera ce iamais fait? ie n'entens rien à ceci, voila les chastrez qu'on pourmene d'une terrible façon. Je trouue que vous gaignez (Monsieur le Docteur) dont ie suis bien aise: par ce moyen ie pourrai faire bien mes besongnes, & voudroi qu'il m'eut cousté ce que ie n'ai pas, & les deux boulets de M. Nicolas que i'ai, que cinq cens que ie cognois prinssent aussi grande fantasia à se faire nettoyer leur pacquet comme i'ai biē enuie de leur y faire bō deuoir: il y auroit à gagner pour moi plus de vingt mil escus. I'en cognois vn qui ne voudroit pas se passer à moins de cinq cens escus.

M A R G. Et tousiours apres ceste auarice, vous n'en aurez iamais assez, vous voulez vider les gibecieres d'autrui pour ré-

plir vos bources.

LEM Non ie ne tens pas là, car par le discours que i ay fait vous voyez, que ie vous ay rabbatu tous les moyens qu auiez pour empescher le retrenchement, que ie pourchasse. le vous ay fait coucher les occasions, qui vous deuoient semondre à tenir mon parti. Maintenant ie n'ay plus qu vn petit mot, pour seeler & boucler la verité de ce que i'ay maintenu. le vous mets en face l'autorité sacree du Sauueur de tout le monde. Il y a des Eunuques dit il, qui se sont chastrez pour le Royaume des cieux.

Si donques l'apparence des affaires humaines, la necessité que Nature vous impose d'abbatre ce qui abrege vos iours, & la raison mesmes ne peuuent vous faire prédre courage pour depla. cer les tesmoins de vostre folie,

Des Chastrez.

au moins que l'autorité de ce-
luy qui ne ment point, & lequel
ne tasche qu'à vostre profit & de
nous tous, vous achemine à vne
si sainte & honnestes espreuue.
A quelle fin le feriez vous? ce se-
ra pour le Royaume des Cieux.
On vous montrera au doigt, &
pourtāt vous lairrez à faire vo-
stre deuoir. Vous ne ferez pas le
premier, qui faisant bien, aurez
esté moqué. Vous ne ferez le
premier, qui aurez obeï au saint
aduis du Redempteur des hu-
mains. Vous auez pour patron
ce grand Docteur Origene, le-
quel pour la grande affection
qu'il auoit de garder sa chasteté,
& qu'il voyoit que sa charge le
necessitoit à hanter parmy di-
uerses personnes d'aage & de sexe
different, à l'aage de trente ans,
pratiqua sur son corps cest ad-
uertissement

vertissement du Sauueur. Du commencement il n'y auoit celuy, qui ne priat grandemēt vn acte si tres digne mesme l'Euesque Demetrius l'approuua & lui en sceut fort bon gié Mais comme il vit qu'Origene entroit en reputation & le deuançoit pour la saincteté de vie & integrité que luy cauſoit sur tout l'absence de sa naturalité, il voulut l'en attaquer: de fait forma son accusation pource à l'encontre d'Origene, mais il n'y gaigna qu'une honte, qu'il s'acquit à sa grande confusion.

MAR. Je prise grandement le ſçauoir d'Origene, & recognois que ç'a esté vn personnage doué de plusieurs grādes graces, mais il a eu des opinions assez corruës & de trauers, de sorte que ses œuures ont esté condamnées

M

Des Chastrez.

au Concile celebré à Cypre, en l'an de salut 405. Ioint qu'il n'y a celuy des Docteurs, qui ne tiennent, qu'Origene a pris trop cruellement les paroles del Euangile.

LEM Pensez vous que nous n'ayons d'autres personages, lesquels ne se treuueront, que pour s'estre fait chapponner, ils ayent perdu vn brin de ce qui peut mettre vn personnage en estime. Vous auez l'Eunuque Narsete, qui fit de si beaux exploits sous l'Empereur Iustinien. Ce fut luy qui desconfit Bucellin & Amingue, chef des François, lesquels rauageoient l'Italie. Les Goths aussi esprouuerent cōbien pesoit le courroux de Narsete, dequoy rendra tesmoignage la deffaite qu'il fit de Totile, & Thoias, Rois des Goths. Bref par ses vertus & marriales prouesses, il aquit telle

autorité auprès de la personne de Iustilien, qu'il n'y auoit que pour luy à tailler & roigner des affaires de l'Empire. Les Historiens entre les louanges qu'il lui donnent, remarquent ceste cy, que certainement il estoit grand pour son bon & prudēt conseil, mais que l'affection qu'il auoit à sa pieté & Religion estoit encores plus grāde. Pour éuiter prolixité ie ne vous ramenteuray point Phauorin, le Philosophe, ni ce chambellan de l'Empereur Constantin Euterius, duquel vous pouuez aprendre de grandes choses d'Ammian Marcellin liu.xvj. Je me commence à ennuyer d'entretenir si long temps ceste dispute.

T O V R. Si faut il tenir bon, autrement si vous laissez faire à Monsieur le Docteur Margaire, nous

M ij

Des Chastrez,

pourrons bien aller nous faire planter, pour reuerdir : les buscherons n'ont pas garde de gagner beaucoup, s'il n'y a rien à abbatre aux forests.


MARG. Ouy, mais de mettre à bas ce qui pourroit faire proffit & qui ne peut estre réuerlé qu'au grand preiudice de l'arbre, il me semble que l'on ne me sçauroit fournir de raison pertinēte pour me le persuader. Vous estes vn fin homme, mon amy. tous ceux qui tiennēt tel langage que vous faites ne procurent pas nostre proffit, ils nous ayment mieux pauvres que riches. Nostre proces est prest à mettre en estat, nous auons produict, & maintenant on nous veut faire oster les deux principales pieces du sac, cela qu'est-ce autre chose sinon vouloir faire condamner à platte

cousture celuy, du sac duquel on
aura tiré les deux principales pie-
ces. Il y aura des delais, mais
quand vous aurez reculé en ar-
riere cinq cens ans, iamaïs vous
ne pourrez remettre les pieces
au sac: ie dis mesmes quand les
ietteriez dedans, qu'elles ne vous
seroient admises pour bonnes &
suffisantes. Encores si pour vn
temps on les pouuoit mettre de-
hors, & apres les remettre, ce
seroit affaire à recognoistre le
clerc, qui nous feroit ceste gra-
tieuſeté. Nostre proces est vne
formation qui doit estre close &
seeliee: s'il appert, qu'il y ait eu
infraction ou ouuerture, ne pen-
sez que pour la reclorre & rese-
ller vous la validiez. Iamaïs les
pieces de l'information ne doi-
uent estre veuës que par le
Iuge.

M iij

Des Chastrez,

LE M. C'est ainsi qu'il en faut parler, & quant à moy, i'ay en partie enuie de me ranger avec vous: mais pesez bien ceste raison (seigneur Margaire) c'est à vous à qui le fait touche, non pas qu'on vueille mettre vostre marchandise à l'examen de la coupe: mais parce que vous sçauiez bien si ce que ie viens de dire est vrai, & si en matiere de proces il ne fait pas fort dangereux, sur tout en matiere de mort, de tirer du sac les deux pieces principales iustificatiues de l'integrité du personnage poursuiuy.



DES LAIDES ET BELLES FEMMES

*S'il vaut mieux prendre à femme
une laide qu'une belle.*

V. MATINEE.



V plus grand contentement des aises
que vous sçauriez
souhaiter (mon Gē-
til-homme) vous
vous plaignez de l'avantage qui
vous a esté fait par le Destin: vo⁹
estes party d'une des belles Da-
moiselles qui ait esté esclose en
route la coste de Normandie, &
neantmoins, à voir la chere que

M. iiij

Des laides & belles femmes,
vous faites, on ne vous prèdroit
que pour le plus malheureux qui
nasquit oncques de mere. Helas
(mon compagnon) vous en de-
uisez en Phormion, & ne sçauz
où c'est que le foulier me presse.
Ah Dieu! que mon malheur est
grand, ie suis gehenné, & si n'o-
ferois dire que ie suis mal, on me
mescroira. Vous m'estimez heu-
reux d'auoir vne belle femme, ie
voudroy que le plaisir de Dieu
fut, que vous sentissiez vne de-
mie heure la cinquantesme par-
tie du martyre qui me bourrelle,
bien tost viendrez à changer de
note. Si ie le veux blanc, elle le
veut noir, si ie veux rire, elle pre-
scrit le deuil & le groin, si ie
veux la paix, elle sonne le toxin
de la guerre. Elle tient autant de
conte de moy que de l'escume
du pot: tant de priuautez qu'elle

fait à des personnes, qui me sont fort suspectes, me poinçonnent cinq cens fois le cœur à chaque minute d'heure: & miserable que ie suis, quand i'aurois auallé dix-huit quintaux de plume, ie n'oserois toussir, ie tomberoie de fièvre en chaud mal: mon mesnage seroit rauagé d'une fort estrange combustion, & si par aduventure i'empirerois mon marché.

Quoy, ce dit le seigneur Eusebe, il y a donques de la hargne parmy les plus grandes delices que i'eusse sceu pēser! Qui m'eut voulu demander le patron d'un personnage accompli en tout heur, ie vous eust nommé, mon Gentil homme, afin qu'on prist mire sur vous, & vous criez alarme, il semble qu'on vous escorche, que ferons nous, nous au-

M y

Des laides & belles Femmes,
tres pauvres Diabes, qui ne for-
gonnons qu'à des cheminees?
vous estes à gogo, vous avez le
parangon des beautez, la perle
de nostre Normandie. & si trou-
uez ceste beauté si laide, qu'il se-
ble qu'ayez enuie de masquer
Mademoiselle vostre femme de
la laideur de Ther sites. La passio
vous pousse à trencher tel langa-
ge, encores que par effect sca-
chiez tres-bien qu'en ce offenze
grandement la Majesté diuine,
mettât à mespris les graces qu'elle
a departi à vostre partie. Au-
rebours, respondit nostre Gen-
til homme, qui a esté nommé
par nous Scythe, (parce qu'il te-
noit beaucoup des humeurs d'A-
nacharsis) on pense, cherir & ho-
norer les liberalitez du tout puif-
sant: mais il n'y a patience qui
ne perde lors qu'on vient au

mes-vs. Cela est vray (vay ie dire) car puis qu'en choses indifferentes le vray moyen de retrencher l'abus, est de se departir de ce qui cause le desordre, ie trouue, que la plainte de nostre Gentil homme est plus que raisonnable, voire, si i'estois prié, ie prendrois plaisir d'aider à pousser la rouë, pour monstrier qu'au choix ceux la y procedēt le plus sagemēt, lesquels tēdēt le moins aux belles qu'aux laides. Le voy bien que c'est (dit le seigneur Eusebe) vous avez enuie, que ceste passe soit employee à contrebalancer la beauté avec la laidur. S'il n'y auoit affaire que de vous à moi, mon Gentil-hōme, & que ne vinsiez à tirer ceci en cōsequece, la dispute seroit biē tost terminee. Toujours serois. ie quitte, vous laissāt abonder en

M vj

Des laides & belles femmes,
vostre opinion à ce que vous ru-
assiez sur les laides & que me lais-
sassiez les belles. Si vn chacun
estoit ligué à vostre party, ô que
ie serois content! i'aurois bien
& beau où m'estendre: on ver-
roit ma race differente d'auec la
vostre, tout de mesmes que sont
nos François d'auec les Mores,
Sauuages & Negres de la Guy-
nee. I'aurois assez de besoigne
& plus à battre qu'à vanner, &
comment y pourroy ie fournir?
Necessité me contraindroit de
dresser des Serrails, où, selon
ma disposition & habitude, ie fe-
rois reueuë de chacune de mes
pieces. Tout le monde n'est pas
agoué cōme vous, dont biē m'en
prend. Mais, à bon escient, auez
vous enuie de suiure le party des
laides? Vous le dites (respond le
Scythe) & ne laschastes onques

parole plus veritable. Je voy que ces belles popines causent tāt de maux, que, quand il n'y auroit point de belles, les affaires ne s'ẽ porteroient que mieux. A bon chat, bon rat, dit le seigneur Eusebe, les magnanimes & valeureux Cheualiers pour leurs maistressen'ont point redouté de se hazarder en plein champ de bataille. Je ne quitteray point le party des belles: & quant à vous toutes & quantes fois qu'il vous plaira vous vous iouerez aux laides. De ma part ie sçai qu'en tout bon lieu i'auray l'aduantage sur vous, & que vous serez apparié à la Loure, laquelle entre vne infinité de Loups choisit tousjours pour sien celui qu'elle vera moins refait en toute la compagnie. Pardonnez moy, seigneur Eusebe, repliqua sur ce

Des laides & belles Femmes,
nostre Scythe, vous & tous ceux
qui mettez sur les châps la Lou-
ue, entendez assez mal sa nature.
A elle vous & nous deurions
nous modeler, pour apprendre
que c'est d'aimer : parce que la
Louue poursuiue par plusieurs
Loups, veritablement entre vne
infinité de courriers, qui la flan-
quent & talonnent, pour l'esta-
lonner, choisit pour sien le plus
maigre & plus deffait: mais quel?
celuy qui premieremēt l'aura ac-
costé lors qu'elle entre en sa cha-
leur, celuy qui par vne longue
poursuite & infinité de trauaux
se sera mortifié en telle sorte,
que par droit il meritera le nō de
plus laid, mais aussi qui se sera ré-
du digne d'estre, en recompense
de sa peine, receu au parsus de
tous les autres. Traittons ie vous-
prie, va dire le seigneur Eusebe,

ceste dispute en Philosophes, & pour commencer ie suis d'aduis, que ie vous presēte celle que i'estime belle. C'est bien dit (respōd le Scythe) car nous n'auons qu'à considerer les traits de la beauté s'ils sont bien tirez, pour iuger apres si c'est quelque chose, de laquelle on doie tant faire de cas. Je le veux (dit le seigneur Eusebe) & pour ne tourner long tēps autour du pot, du beau premier coup ie vay fraper au blanc: car si ie voulois m'amuser à accorder la difference & diuersité de plusieurs qui ont subtilisé sur la forme de la beauté, me faudroit me contrarier à moy-mesmes, entant que quelques vnsont prisé les brunes, les autres les rous-ses. Le pourtrait de la beauté ne vous scauroit estre donné plus beau que dans ce Sonnet:

Des laides & belles femmes,
Celle qui veut paroïr des belles la plus belle
Ces dix fois trois beautez, trois longs, trois
cours, trois blancs,
Trois rouges & trois noirs, trois petits &
trois grands,
Trois estroins & trois gros, trois menus
soient en elle:
L'ogive la taille soit, le poil & main iumelle
Comte auvaille & le pied, des dents les dou-
bles rangs:
Le poil blond & le teinct & l'ynoire des
dens:
Rouge ongle, leure & iouë: & le nom que
lon cele,
Et les sourcils soient noirs, la prunelle
des yeux.
Teste, nez & terins, petits, ample entre-
deux
Des sourcils, & le sein, la fesse: estroite
l'aine.
Et la bouche & le flanc: enflé soit l'em-
bonpoint
Des cuisses, de la fesse, & ce qu'on ne dict
point:
Leures, doigts & cheueux menus, tell
fut Helene.

Vous allez vn peu bien viste, seigneur Eusebe, dit le Scythe, si vous rataindray-ie bien aisément: car vous supposez pour confessé ce que ie serois bien marry de vous aduouer, c'est que ces traicts, qualitez, quantitez & proportions que venez de toucher, rendent la creature belle, vous en trouuerez dix mille, qui vous soustiendront le contraire, & voulez vous sçauoir pourquoy? c'est, que la beauté n'a estre qu'entant que nous allignons les traits d'une beauté sur le patron, tableau ou creon de la chose que nous affectionnons. Si vous aimez vne fille qui ait la disposition de ses membres autrement bastie que vostre trentaine ne la presente, vous tiendrez que toutes celles qui n'ont le mesme air du visage, la mesme

Des laides & belles femmes,
forme, toute telle quātité & pro-
portion qu'a vostre bien aïmee,
ne sont belles. Le More n'a pas
garde de tenir pour belle femme
la plus belle de nos Françoises. il
veut sa noire basannee, avec son
nez retroussé, guignāt aux esto-
iles comme vn Astrologue. L'I-
talien aime les yeux hors la teste.
Quelques vns trouuēt de grace
les grasses, parce qu'il y a plus à
prendre, & que la charge est sou-
stenuë plus doucement, les au-
tres se plaisent aux maigres. De
ma part, si mon iugement pou-
uoit seruir de regle pour y niue-
ler la determination & dimen-
sion d'vn chacun, ie ne voudrois
prēdre ailleurs visée qu'à L'OEIL
D'AVIS, pour auoir le vray patrō
de beauté: mais tout ce qui me
plaist ne peut parauēture, agreer
à vn chacun, ie me baigne à l'air

de la doucine, sa beauté me contente. Les autres peuuent auoir pris ailleurs mire, dont ie ne suis point trop mal edifié. Ainsi donc vous faictes bien-peu, & si touté-fois vous pësiez auoir pris la Lune avec les dērs, quād vous pourtrayez la beauté de telle façon. Ah! qu'il y a plusieurs particularitez qui sont à debattre, mais ce n'est pas mon but : me suffit si nous demeurons d'accord, que la beauté n'est qu'une impressiō, forme & figure de laquelle nous iugeons, selon que nos sens & affectiōs nous guident & inspirēt. Et ainsi voila la question vuidee: car ie soustiens, que pour nostre regard, & suiuant ceste hypothese, il n'y a aucune difference entre la belle & la laide femme. Les femmes ne sont belles ny laides, sinon ainsi qu'elles nous

Des laides & belles femmes,
agreent & desplaisent. Cela est
pris vn peu trop crument (vay-
ie dire) & quoy? (mon Gentil-
homme) si ce que vous dictes
auoit lieu, la beauté ne seroit
qu'vne imaginatiõ de quelques
quantitez & proportions, les-
quelles il faudroit examiner au
gré d'vn chacun. Vous vous
trompez, cela seroit vouloir alli-
gner la regle à la muraille, la
courber, plier & fleschir, selon
que le dos de la muraille biaise-
roit. Changez donc de maxime,
& tenez qu'il y a vn modèle, sur
lequel il faut patronner, tirer &
façonner la beauté. On separe le
iuste d'auec l'iniuste, l'equitable
d'auec l'inique, l'humanité d'a-
uec la cruauté, & le bien d'auec
le mal: si est ce, que s'il falloit
abandonner à l'opinion d'vn cha-
cun ce qu'il faut iuger de la iusti-

ce de l'équité, de l'humanité & du bien, les plus maraux du monde pervertiroient la justice en l'injustice, l'équité, en l'iniquité, l'humanité en cruauté, & le bien en mal: ils masqueroient l'injustice des traits de justice. l'iniquité seroit transformée en équité la cruauté prendroit la place d'humanité & le mal seroit voilé de la beauté du bien. Il y a plus, que vous vous abusez grandement quand vous fantasquez vne beauté, laquelle n'ait point de contraire, cela est contrenaturer l'ordre naturel de Nature le blanc n'est point sans le noir, la vertu est bandée contre le vice le feu opposé à l'eau, & vous voulez establir vne beauté qui n'ait point de contraire. Vous prenez mal (me va respondre nostre Scythe) ma conception ie ne suis pas si grüe, que ie ne

Des laides & belles femmes,
sache biē que le beau a pour op-
posé le laid, mais ie veux dire,
que si le pourtrait de beauté, qui
a esté donnié par vous, seigneur
Eusebe, ne represente que ce
que plusieurs tiendront pour la
plupart pour laid, qu'il faut que
la Beauté ne soit qu'une simple
imaginatiō & opiniō & qu'il n'y
a realité en la beauté & laideur,
eu esgard à nous, sinon ce que
nous luy attribuons. Encores
donques que ie ne puisse demeu-
rer d'accord avec le seigneur Eu-
sebe pour les traicts, lineamēts &
qualitez de la beauté, ie ne veux
pas pourtant nier la diuersité &
distinction qu'il y a entre les bel-
les & laides femmes: si bien qu'il
ne restera maintenāt qu'à resou-
dre, lesquelles sont à preferer.
C'est fort bien dict (va dire le
seigneur Eusebe) puis que ie par.

les pour les belles, c'est bien la raison que s'aille deuant, on met tousiours le plus beau deuers la ville. I'ai trois principaux moyēs, par lesquels ie soustiens, que celui qui veut faire choix en femmes se doit plustost adresser aux belles qu'aux laides: Premiere. ment la beauté du corps est ie ne sçay quoy de la diuinité & excellence qui reluit en l'ame de la belle Dame: car Dieu a tellemēt créé toutes choses qu'il a ordinairement conjoint beauté avec bonté: Parquoy comme il y a correspondance entre le corps & l'ame, ainsi la beauté corporelle est comme vne image de la beauté de l'ame, laquelle promet de l'interieur quelque chose de bon: car la perfection interieure engendre l'exterieure: & pource l'interieure est

Des belles & laides femmes,
appellée Bonté, & l'extérieure
Beauté qui est comme vne fleur
de la bonté, qui est en la semen-
ce. Vous avez le diuin Philoso-
phe, lequel mōstre par plusieurs
tres subtiles raisons, que la beau-
té nous bien-heure surtout, par-
ce qu'il n'y a chose qui ne la sou-
haite, comme le but de sa perfe-
ction. Mesmes tous les Platoni-
ciens, pour definir la beauté diēt
que c'est vne grace viue & spiri-
tuelle, laquelle est premieremēt
infuse par le ray de Dieu, l'An-
ge l'inspirant avec telle viua-
cité, qu'elle embrase d'une a-
moureuse reuerence les esprits
& les corps des hōmes, lesquels
elle resueille & esiouit par la rai-
son, par la veüe & par l'ouyē.
Pource vous voyez, que tous les
anciens autheurs Payens & au-
tres, pour qualifier vne person-
ne

ne d'honneur ils la colerent de
beauté: les Poètes ne parlent de
leurs Dieux & Heroës, que pre-
mierement ils ne leur ayent tiré
vn trait de beauté. Homere prise
les Nymphes pour la beauté.
C'est elle qui a mis le Sceptre &
Royauté és mains de plusieurs
personnages. Strabon remarque,
que les Cathaiens & Meroites
estoient tellemēt amoureux de
la beauté, que quād il estoit que-
stion d'eslire vn Roy entr'eux, ils
choissoient le plus beau qui fut
entr'eux: & Archidame Roy des
Atheniēs fut condamné en vne
amende pecuniaire, parce qu'il
auoit pris à femme vne femme
de petite taille qui ne luy engen-
dreroit des Roys, ains des petits
nains. En quoy ils suivent Natu-
re qui a appris aux abeilles d'esta-
blir pour Roy celuy qui est plus

N

Des laides & belles femmes,
beau & de plus gentille taille en-
tr'eux. Ne passez point plus ou-
tre, va dire nostre Scythe, il sem-
ble que vous vouliez dire, que la
laideur du corps soit vne marque
de la laideur de l'ame. Je vous re-
cognoistray, que la beauté, qui
apparoit par le dehors en vne
personne est comme vn tesmoi-
gnage de la beauté qui est en l'a-
me: mais cela ne rencontre pas
toufiours, ains voit on souuēt ad-
uenir tout le cōtraire, dont nous
auōs ce cōmun prouerbe, Beaux
compagnons au gibet, & belles
femmes au bordeau: ordinaire-
ment les plus beaux hōmes & les
plus accōplis de dons de Nature
en la disposition de leurs corps,
sont les plus desbauchez & vi-
cieux. D'ailleurs il se treuve plus
grād nombre de gens laids auoir
esté sages & ingenieux, que de

beaux & bien formez personna-
ges. Les medailles anciēnes nous
represētēt Socrates pour vn des
plus laids quinaux qu'ō eut sceu
pēser & avec la plus pauvre cō-
tenāce du monde, & neātmoins
il fut recogneu par l'oracle d'A-
pollō pour l'vn des plus sages de
son tēps. Æsope Phrigien fut ba-
sti d'vne si estrange façon, que le
plus laid de son aage accomparé
avec lui eut droitement reïsēblé
à vn Narcisse & Ganymede, ce-
pendāt il ne deuoit à aucun pour
la gentillesse & excellence d'es-
prit. Zenon & Aristote ne furent
des petis Adonis, ils estoiet laids
au possible : Empedocles mal
formé, & Galba contrefait, di-
ra on qu'ils n'ayent esté gens de
grand esprit? la laideur de Phi-
lopœmene ne peut onc empes-
cher, qu'apres s'estre porté en

N ij

Des laides & belles femmes,
bon & vaillant soldat, il ne par-
uint à la dignité de valeureux
Capitaine, & ne fut redouté de
tous ses sujets par le moyen de
ses grandes & excellētes vertus.
Je suis certainement bien aise
(va dire le seigneur Eusebe) que
vous auez mis en ieu Philopœ-
mene, d'autant que, tout grand
Capitaine qu'il fut, si faut-il, qu'il
portast la peine de sa laideur. On
raconte de luy, qu'un iour on at-
tendoit sa venue à Megare, &
pource on luy preparoit un fort
somp tueux bâquet. Arriué qu'il
fut au logis, il voulut mōter seul
& le premier: l'hostesse, le voyāt
si laid & mal en cōche, presuma,
que ce fut quelqu'un des gēs du
Capitaine, qui eut esté la enuoyé
deuāt, si luy fit fendre bragarde.
mēt du bois. L'hoste suruint, qui
le voyāt employé en si vil exer-

cice, fut fort fasché: & qu'est ce que vous faites, dit-il, seigneur Philopœmene? le paye, respondit-il, la peine de ma laideur. Aelien Spartian en la vie de Septimius Seuerus remarque, que par la rencontre d'un homme laid cet Empereur preiugea sa mort, Homere, comme il auoit buriné sur le frōt des Heroës vne beauté: aussi quand il a voulu delauer quelqu'un, il l'a noircy de la deformité de Therſites, lequel Lycophron pour ceste occasion dit estre formé à la Syngesque, & comme le iouët de Nature: mesmes les Poëtes, pour nous représenter le maistre ouurier des instrumēts de cruauté, nous représentēt Vulcan boiteux, esclopé, laid, maussade & malfait, de sorte que pour la deformité l'un ō auoit esté cōtrainte le precipiter en l'I-

N iij.

Des laides & belles Femmes,
Ile de Lemnos. Maintenant i'ay
ma reuence dit le Scythe, vous
m'avez voulu releuer pour le
capitaine Philopœmene ie veux
reddresser Vulcan, lequel ie de-
meureray d'accord auoir eu tou-
tes ces qualitez que venez de di-
re mais il faut les allegoriser au-
trement elles feroient tort à vé-
rité car au reste Homere luy dô.
ne le nom d'excellent ouurier &
qui a resueillé les plus beaux &
excellents ouurages que nous
ayons. On le feint laid & maufa-
de, parce qu'il estoit forgeron &
mareschal, qui ne bougeoit con-
tinuellement d'emmy la fumee,
tout couuert & terny de suye,
comme toute sa professiõ se de-
messant és fournaies. On veut
qu'il y ait esté mal enjambé, c'est
pource que le feu chācelle tous-
iours de costé ou d'autre, sans

iamais demeurer droit ny ferme ou bien que, tout ainsi que les boiteux & esclopez ont besoin de quelque baston pour s'appuyer, aussi le feu ne se peut passer de bois ou telle autre matiere dites ce qu'il vo^u plaira, va dire le seigneur Eusebe, si faut-il que vous en veniez là, que la beauté est d'autant à preferer à la laideur qu'est le iour à la nuit, & par ainsi, que ceux choisissent le mieux, lesquels prennent party avec les belles: car encores qu'il se puisse faire, que quelques vns lesquels seront laids, excelleront en quelque chose, cela n'est point toutes fois si tres-tant prisé, comme si la beauté les esmailloit: La vertu, dit le Poëte, a plus de grace partant d'un beau cprps. A ceste occasion Platon auoit coustume d'auertir Xeno-

N iij

Des belles & laides femmes,
crates parce qu'il estoit fort laid,
que souuent il sacrifiait aux Gra-
ces, à ce qu'elles donnassent lu-
stre à ses actions, & qu'elles cou-
urissent sa laideur & deformité.
Puis qu'ainsi est, mon Gentil-
homme, ie m'en vay à ceste heu-
re apres mon second moyen,
fondé sur ce, que, pour auoir bõ-
ne race de chiës ou de cheuaux,
on cherche des plus beaux & des
plus genereux, & partant que,
pour auoir de beaux enfans, il
nous faut tendre aux belles,
à ce que nous puissions auoir
belle engeance, & de mesmes
qu'elles sont. D'un meschât cor-
beau l'œuf est meschât, & d'une
vilaine vache vilain est le veau:
vous ne voyez pas, qu'un petit
nain engēdre des grands Geāts,
ou q̃ le More procreë des blācs,
ou nous autres des hōmes velus:

Il n'y a au ieu que ce qu'on y met
si vn poirier ne rapporte pas des
prunes, ne croyez pas, qu'une
femme vous produise de beaux
enfans, si elle n'est belle. Pour-
quoy est-ce, que les Mores ont
tous le nez ainsi releué, n'est ce
pas parce que les peres & meres,
qui lesont bastis, l'ôt de mesmes?
Voulezvous dōc auoir de beaux
enfans? ne vo^r adioignez qu'aux
belles. C'est Nature qui nous
meut à engēdrer nostre sembla-
ble: les belles dōc ne peuent nous
produire que de beaux fruits, &
les laides des laids. de deux cho-
ses l'une, ou nous desirons auoir
de beaux enfans ou des laids, si
nous tendons aux derniers, cer-
tainemēt les laides sont tres-pro-
pres: mais nous nous banderions
contre le cōmun-desir, qui selon
Platon, est inspiré naturellement

N. v.

Des laides & belles femmes,
à vn chacun. Aspirons nous aux
laides & voulons auoir de beaux
enfans, nous souhaitons & ce qui
est impossible, & ce qui est cōtre
Nature, laquelle ne feroit pas en-
gēdrer aux lai les leur semblable,
mais leur dissemblable. Voyez
vous, qu'une plante de roses rou-
ges rapporte des roses blanches,
ou que des petites cauales pro-
duisent de grands cheuaux? Ne
poursuiuez pas plus auant, res-
pondit le Scythe, aussi bien ne
perdrez vous que le temps, l'ex-
perience nous apprend tout le
contraire de ce que vous venez
de reciter: vne femme blanche
enfantera vn negre: vne bazan-
nee vn fils aussi blanc que lis: vne
autre aura en son enfāt exprimee
l'image & semblance d'un qu'elle
aura aimé, sans qu'il se soit mis
à la courir: vne autre sera en-

ceinte d'un fils ressemblant à quelque image qu'elle aura veu peinte en un tableau. Ne vous souvient-il point du côté de nostre More? Quel train menoit-il à sa femme de ce que son enfant estoit blanc comme albastre, & ne tenoit aucun trait de la dadee Camaresque? Il fut condamné de refaire bon mesnage, d'auouer le fruit pour sien, puis qu'il n'auoit legitime occasion de soupçonner que sa Moresque eut ailleurs emprunté un pain sur la fournee. Et quand tout est dit, l'apprehension a une merueilleuse force pour former & figurer l'enfant. Voila pourquoi ceux qui ont enuie d'estre peres de beaux enfans, prennent sur tout garde, que leurs femmes ne repaisent leur veüe de choses hideuses à voir, d'autant que le plus souuent ce sont

N. vj.

Des laides & belles femmes,
autant de traits & impressions,
qui suruiennēt aux enfans. Vous
auez voulu subtiliser sur ce que
Nature veut que nous engēdriōs
nos semblables. Ceia est vray en
l'espece, mais non point en tou-
tes les parcelles de l'indiuidu. Un
pere qui sera gras & replet aura
quelquēfois des enfans mingres,
fresles & maigres. Tous les en-
fans ne ressemblent point à leurs
geniteurs, ils sont tous hommes
& ont tous les mēbres humains.
Afin que vostre argument eut
force, faudroit que les hom-
mes mariez avec les laides en-
gendrassent des singes, des
guenons & autres animaux, &
alors vous pourriez inferer, que
la conionction des beaux avec
des laides seroit contre nature,
parce que la procreation des
indiuidus ne seroit à immor-

taliser l'espece. Que si vous voulez vous opiniastrer dauantage sur ceste ressemblance, ie ne vous voudroy battre d'autre chose, si non que,

--- En ce grand Vniuers

On voit tous les humains estrange-
ment diuers

De la bouche, des yeux, du poil & de
l'aureille,

On ne trouue vne face à vne autre
pareille

Entre tant de mortels, & (plus mer-
ueilleux cas

Mesmement les beffons ne se ressem-
blent pas.

Ce que venez maintenant de
citer du seigneur Bretonnayau,
vay-ie dire, vous sauue d'un
grand coup, mon Gentil-hom-
me, qui vous alloit estre rué par
le seigneur Eusebe : de moy ie
m'en fusse bien gardé, car ie suis
fils d'un pere, qui a eu plus de

Des laides & belles Femmes,
vingt enfans d'une fême, ie suis
l'ainé, & si puis tesmoigner, que
de tant que nous sommes il n'y
en a point deux qui se ressemblent.
Mais ie sçay bien, que l'on pou-
voit vous dire, que la difference
des enfans qui ne retiroient au
pere, devoit estre imputee à ce
que, maintesfois tel est salué
pour pere, qui oncques n'ense-
mença le champ du grain ger-
mé. Vous avez sagement preue-
nu ce coup, lequel (à dire la ve-
rité) ne vous estoit pas encores
beaucoup domageable, d'au-
tant que, puis que les femmes
laides sont sur les rangs, ce ne
sont elles, qui peuvēt estre char-
gees de ce qui ne leur appartient.
Elles ont esclos le fruit, l'ont
gardé par neuf mois, on ne peut
le leur avoir supposé.

Ne vous reste plus (seigneur

Eusebe) que le troisieme moyē,
s'il est aussi bien debattu que les
deux autres, nous aurons beau-
ieu. Je luy fais prendre pied (va
dire le seigneur Eusebe) sur ce
que, quād nous auōs belle fem-
me, nous sōmes moins enuieux
de nous accoupler à d'autres: le
plaisir que la belle nous donne,
nous oste la fāntasie, de chercher
proye ailleurs. Et en ce ie trouue
qu'il y a double profit. Telle cō-
iunction nous retient entre les
barrieres de l'honesteté marita-
le, & nous empesche des surfail-
lies, lesquelles nous pourrions
faire, à faute de n'auoir en nostre
logis du content à plaisir, com-
me nous voudrions. Qui a moyē
de se passer chez soy, seroit bien
sot & mal aduisé d'aller au pour-
chas dehors. L'adultere ne trou-
ue pas place si aisément lors que

Des laides & belles femmes,
le mary est pourueu de belle fē-
me. Auāt qu'entamiez le second
proffit, reſpond noſtre Gentil-
homme, ſi faut il que ie vous die
ce petit mot, c'eſt qu'il y a appa-
rence en voſtre dire & pourriez
conclure neceſſairement, ſi l'ex-
perience ne battoit diametrale-
ment contre vous. Maintesfois
celuy qui aura vne belle femme
s'ira accointer de ſa chambriere,
qui ſera vne toüillō, vne ſaliſſon,
vne gaupe. Ie m'en rapporte au
ſeigneur que ſçauetz, qui fut
trouué tamifant, par ſa femme,
qui a (par maniere de dire) plus
de beauté au cul que n'auoit la
chambriere en tout ſon corps, &
neantmoins ce pauvre diable ſe
fantaiſoit quelque amoureuſe
gentilleſſe en l'eſtuy de ſa cham-
briere. Vous riez, ah! qu'il fut
moqué. Ne liſons nous pas d'yne

grand' Dame, qui, quoy qu'elle
eut pour mary vn seigneur le
mieux formé & proportionné
qu'on eust sceu choisir des deux
yeux, grand & membreu, & de
fort attrayante grace, fut toutes-
fois surprise par la fente de l'huis
comme elle faisoit cueillir sur s^{on}
impudique terre les fleurs par
vn nain de demy coudee, le plus
laid quinaut que la terre porta.

Mais quoy? c'est quel'on dit,

*Vn coup d'extraordinaire est plus que
vingts saignées,*

*Bt plus encor' que vingts bien pro-
portionnees.*

On s'ennuye de tousiours viure
à vn ordinaire: qui ne māgeroit
que d'un pain, ne sçauroit quel
goust à l'autre: on s'ennuie de ne
māger tousiours que d'une viā-
de, ç'aura beau estre poulets, per-
drix, chapons & autres mor-

Des laides & belles femmes,
ceaux delicats, on les quittera
pour se ruer sur le lard & bœuf
salé. Il y a beaucoup plus, que
la liberté que le mary a de pes-
cher au plat luy donne moins de
plaisir. Voila pourquoy aux Pro-
uerbes de Salomon chap. 9 est
dit, que les eaux des robeses sont
douces, & le pain pris secrette-
ment est agreable. Vous ne par-
lez que de l'abus & de ce qui ne
doit estre fait, va dire le seigneur
Eusebe, mais ie ne parle que de
ce qu'il faut faire. Pour le second
proffit que nous receuons de la
conionction avec les belles fem-
mes, c'est que le plaisir est sans
comparaison plus grand avec
vne belle qu'vne laide, puis que
Platon nous apprend, que la
beauté a vn attraiçt de souhaits
merueilleux.
Or que le mariage doiuë estre

accompagné de plaisir, ie le sou-
stiens contre l'opinion de l'Em-
pereur *Alius Verus Cōmodus*,
qui tenoit, que la femme estoit
vn nom de dignité & non point
de plaisir, ie maintiens, qu'il est
de l'un & de l'autre. On sçait que
les tenebres de mariage sont ob-
scures & fascheuses, voire que
l'accouplement Hermaphrodi-
tique ne nous abandonne que
sur le grabat d'un chagrin & en-
nuy : que s'il n'y auoit vn petit
aiguillon de plaisir, qui réueillast
nos sens, la succession du genre
humain en biē peu de temps se-
roit enseuelie. C'est ce que les
Naturalistes ont tres-sagement
observé, q̃ la tristesse, qui no⁹ sur-
uiuent apres nostre mutuel entre-
luitement en tōberoit toute no-
stre espeece, si vn plaisir tout nou-
veau ne venoit à redoubler en

Des laides & belles femmes

nous , pour nous encourager à nous entre-donner cargue nouvelle, pour perpetuer & reengendrer l'homme en l'homme. Par la Loy de Moyle, ainsi qu'il est porté au 24. ch. du Deuteronomie estoit expressement porté, que quand l'homme prendra nouvelle femme il n'iroit point à la guerre, aussi ne luy seroit imposée avec vne charge, mais vn an durant seroit exempt en sa maison, & s'esjouïroit avec sa femme laquelle il auroit prise. Ce qui se trouue encores pratiqué en maints autres endroits. La response a cela, va dire le Gentilhomme Scythe n'est pas mal-aisée, car il y a trois degrez & dispositions en Amour: le commencement & les approches, qui se font avant que battre à bon escient la place, ce sont les baisers

& autres telles mignardises & ca-
resses representees par des pom-
mes, cela n'est que jeu d'enfans,
c'est alors que le mary peut s'es-
iouyr avec la femme Le progrès
puis apres, c'est asçauoir la iouif-
sance, quand on vient aux prises,
& que l'on s'enferme l'un l'autre,
& la termination qui fine & de-
cline tousiours en noises, riotes,
contentions & débats. C'est bien
dit, respond le seigneur Eusebe,
& ne pouuez, que vous ne par-
liez encores pour moy : car si A.
mour de ces trois degrez, que ve-
nez de specifier n'en a qu'un, où
il y ait de la recreation, asçauoir
le desir, & que la iouissance & re-
pentance mordent, esgratignēt,
martyrisent & bourrelēt les ma-
riez, certainement il est bien be-
soin ? que pour continuer la du-
ree de nostre gēre, la beauté no²

Des laides & belles femmes,
serue de pointe pour nous cha-
touiller & conuier au ieu qui
nous garentit de la mort nous
ressuscite & fait reuiure en la per-
sonne de nos enfans. Ces con-
siderations, mon Gentil hom-
me, firent que le Patriarche Ia-
cob seruit quatorze ans Laban,
fils de Nachor, à ce qu'il peut a-
uoir à sēme Rachel la puis nee.
Le terme estoit bien long, mais
la beauté de Rachel auoit aissi
merueilleuse autorité en son
endroit, & telle que, quoy qu'il
se vit trompé par Labā, qui apres
que Iacob l'eut seruy sept ans,
sous sa promesse de luy donner
Rachel, au bout de la semaine
luy bailla sa fille aînee Lea, il
reprit encores courage de res-
seruir Laban autres sept ans,
pour auoir Rachel, laquelle il ai-
ma plus que Lea, parce que, cela

est porté par le 29 ch. de Gene-
se) Lea estoit chassieuse. & auoit
la veuë tendre. & Rachel estoit
de belle taille, & de beau visage.
Si la beauté n'estoit quelque cho-
se excellente, estimez vous, que
tant de Roys, Princes, & grands
seigneurs abbaissent leur grâ-
deur & hauteſſe, pour s'adioin-
dre à de belles femmes, lesquel-
les n'approchent de leurs quali-
tez. Tāt en trouuezvous, qui ont
exposé leurs vies pour la beauté
des Dames, & vous nous ferez
cas d'une laideur, vous la prefe-
rerez à la beauté. Je ne ſçay com-
me vous l'entendez, ſi trouue ie
qu'il y a bien plus de gouſt à v-
ne belle femme qu'à vne laide :
voire les Docteurs Scholaſti-
ques tiennent, que celuy ne pe-
che point, meſmes venielle-
ment, lequel ſe met en pour-
chas d'auoir à fēme vne qui ſoit

Des laides, & belle Femmes,
belle: voire que si pour luy four-
nir à l'appointement, il vse de
philtres chaleureux, il ne peche
point mortellement. A ce doit
estre iointe la dispute de nos Do-
cteurs Iuristes, asçauoir s'il y a
plus grande offense d'auoir affai-
re à vne belle femme qu'à vne
laide. Laquelle, selon la plus sai-
ne & commune opinion, est re-
soluë, que le peché est moindre
de s'attacher à vne belle qu'à vne
laide: leur raison n'est pas imper-
tinentte, car d'autant que les alle-
chemens sont plus grands d'em-
bloquer avec la beauté, l'offense
doit estre allegée & amoindrie:
de mesmes que nous voyons,
qu'un homme qui a esté cōtraint
par disette & necessité desrober
n'est pas puny si rigoureusement,
que celuy qui de gayeté de cœur
& sans estre indigent, pille, volle,
& des-

& desrobe. Ainsi & l'un & l'autre qui dresse à vne Dame, y est poussé par vne ardeur cupideque: mais outre ce brandon il y a la beauté, qui captiue tellemēt l'ame, que bō gré mal gré qu'on en ait, on est contraint donner dedans. Representez vous deux Gentils hommes, qui ayent enuie de se battre en duel avec deux autres, l'un pour chose qui ne merite pas, & qui à peine vaille le parler, l'autre pour le point d'honneur, & pour vne affaire, qui tiendrait en halaine les mieux nez esprits, & ames plus genereuses, vous avez le tableau des deux poursuiuans les belles & les laides. La peine est perduë quand mesmes on a obtenu, si ce à quoy on visoit, ne valoit la peine: mais quād il y a du fōds, qu'il gist de beaucoup, que la chose

O

Des laides & belles femmes,
recherchee est de prix, si on peut
en venir à chef, quoy que ce soit
avec peine, ou parauenture qu'il
y ait quelque mal-heur qui tra-
uerse l'accomplissement, enco-
res a on du soulas on se resiouit
à la fin de iouir de la chose belle,
bonne & desiree.

Pour exemple, voila vn Prin-
ce qui fera vn grād appareil d'ar-
mes, fera leuee, rauagera, en
vn mot, guerroyera pour auoir,
peut estre, chose qui ne luy ser-
uira de rien, on dira, que s'il re-
tourne vainqueur la victoire luy
tournera à des-honneur: mais
s'il a pourchassé la conqueste
d'un Empire ou d'un Royaume,
le triomphe sera beaucoup plus
grand. On sçait bien (va dire no-
stre Gentil homme) ce que vous
voulez dire, n'enflez point d'a-
uantage vostre discours, aussi

bien n'y gagnerez vous gueres: car la necessité que vous fantasiez est tres-impertinente: vous nous voulez faire accroire, que cela soit necessité de rendre aux belles, n'y a il pas dequoy s'exercer sur les laides? Autant faut donc celuy qui cherche les belles, que l'autre qui grimpe sur les laides. Voire mais, dites vous, il y a plus de plaisir avec les belles qu'avec les laides. C'est vne opinion que vous y avez: de faict, s'il vous plaist qu'amoureusement ie philosophe de l'Amour, cy dessus nous auons touché, qu'il y auoit trois degrez d'Amour, le desir, la iouissance, & le repentir. Quant au pourchas, iamais ne furent laides amours: d'ailleurs, Amour n'a point d'yeux, si bien, qu'encores qu'il nous prenne par les

O ij

Des laides & belles Femmes,
yeux, si veut-il que nous soyons
aveugles : la iouissance est égale,
de nui& tous chats sont gris, &
tous trous sont trous , & n'y a
(dit-on) que le visage qui abuse.
Le repentir n'est pas moindre és
belles qu'és laides, le mesconten-
tement y est pareil. Quel plaisir
donc est ce que vous vous ima-
ginerez en vne belle femme?
vous ne pouuez faire estat que
de ce que vous nommez Beauté:
& s'il y a chose au monde, qui
cause desplaisir au mari c'est elle.
Vo^{us} auez beau colorer ces traits,
prenez moy Heleine, ou quel-
que autre plus belle Dame, si
vous la pouuez rencontrer, à la-
quelle pour la beauté vous vou-
luffiez adiuger la pôme d'or, pris
de la Beauté, si vous estiez dele-
gué pour vn mesme arbitrage
que Paris eut à faire: premiere-

mēt si vous en voulez faire estat,
pauvre homme, que faites vous?
Prenez vn masque bien guindé,
bien poly, & qui ne doiue rien à
la forme de Venus, mettez le sur
le visage de vostre femme, vous
la treuuez belle: mais si le pein-
tre viēt à le rider & le défigurer,
ce ne sera plus (direz vous) le
pourtrait de Venus: si est, mais
ou les maladies, ou les chagrins,
l'aage, ou quelque autre accidet
changēt la viue couleur, flestrif-
fent le sein, bref delauent & de-
figurēt ceste beauté que vous au-
rez autresfois adoré. Il ne faut
qu'un catarrhe, qui la vous per-
cluera de ses membres, la diffor-
mera, & la rendra regrignee &
hideuse à voir. Ce qui est souuēt
foulé, broyé & pressé en peu de
temps perd sa forme: C'est pour
cette occasion, qu'aucuns ont dit

O iij

Des belles & laides femmes,
que la beauté estoit vne tyrannie de peu de tēps, fresse & aussi aisee à ternir que la rose, le lis, la violette, & autres fleurs : il ne faut qu'un hale, qui basannera ou noircira vostre femme comme vne Morefque, qu'un vent, qui la vous gersira, qu'une jaunisse, qui la vous pallira, qu'une chaleur maligne, qui la vous couperosera. Lors que vous espoulastes vostre femme c'estoit la perle de beauté, à peine l'avez vous cogneu que vous en voila vefue. Et quel plus grand malheur scauriez vous souhaiter à un homme, que d'estre vefué du bien qu'autresfois il a désiré? Le plus malheureux malencontre (disoit un sage Philosophe) est d'auoir autresfois esté heureux, car il ne fait point si mal au cœur de n'acquérir quelque chose,

que lors qu'on la possède elle
viēt à estre rauie & enleuee. Vo⁹
aurez long temps battu l'estrade
pour la beauté, l'auez vous, vous
auez beau la ferrer, ce n'est que
vent. C'est bien arguer (va dire
le seigneur Eusebe) qui n'a que
vne heure de bon tēps, n'est pas
toufiours en mal-aise: au moins
si j'ai vne belle fēme, pour court
& bref que soit le tēps, si auray-je
autant de contentemēt. A vous
il ne vous fera pas mal (dites
vous) car la vostre sera toufiours
laide, si pourra aussi bien sa lai-
deurs'accroistre, comme elle se-
ra suruenue à la mienne. Si vous
fera-il (respond nostre Gentil-
homme) fort fascheux de plōger
vostre pain en vn pot, qui ne sera
à vostre gré: mais ce que ie vous
viēs de proposer n'est que sucre,
vous auiez biē autre chose, pour

O iijj

Des laides & belles Femmes,
enchasser vostre beauté. Vous
voulez vne fême belle, vous n'a-
uez pas iournee faite, la garde
en est tref-dangereuse. Si vous
estiez au milieu d'un chemin, &
la eussiez quelques caques de
poudre à garder, en quelle peine
seriez vous, sur tout si c'estoit un
passage commun de ceux mes-
me, de qui vous vous defieriez?
Vous avez vne serrure à garder,
qui s'ouure à toutes clefs: mais
ce qui est le pis, est, quel attrait
de la beauté vous faict maintes-
fois faire des approches fort per-
nicieuses à l'integrité, voire qui
ne sont hors de soupçon qu'on
ne vueille attenter de crocheter.
En quelle peine fut Abrahâ pour
la beauté de sa femme Sarra? ne
fut il pas contraint de la prier de
mentir, & se qualifier sa sœur?
Quel creue-cœur lui fut ce de la

voir raur & transporter deuant
ses yeux pour la mener à Pharaō!
Pouuoit-il estre à son aise de voir
q pour l'amour d'elle on le gra-
tifieit? c'estoient autāt de coups
mortels qu'on luy donnoit dans
le sein. Ce ne fut pas mesmes ius-
ques à Pharaon, qui ne portast la
peine d'une telle beauté, pour la-
quelle Dieu le châstia de grâdes
playes & toute sa maison. Isaac
le Patriarche n'en eut pas meil-
leur marché de sa femme Rebec-
ca: de fait comme il estoit en Ge-
rar, les habitans du lieu luy de-
mandoient qui elle estoit, il se
garda biē de l'auouer pour fem-
me, c'est, respondit il, ma sœur.
Voilà que c'est, la beauté l'ha-
zarda à trois malheurs: car il fal-
lut qu'il mentit, il se mettoit en
danger d'estre mis à mort par
quelqu'un qui lui eut voulu raur

O v

Des laides & belles femmes,
la belle Rebecca : & d'ailleurs
(ainsi que luy reprocha Abime-
lech, Roy des Philistins) il ex-
posoit en proye la pudicité de
sa femme, finalement il attiroit
l'ire de Dieu sur ceste contree,
ainsi qu'il en prist à Pharaon. Da-
uid ne fit mourir pour autre oc-
casion Vrie, qu'à cause de la
beauté de Bersabee.

Ces exemples vous monstrent
qu'encores qu'il n'y ait point de
la lubricité, & incontinence du
costé des femmes, si est ce que
la Beauté est d'une tres-difficile
garde. La beauté de Dina, quel
mal-heur causa elle? la voila ra-
vie & violée par Sichen, fils
d'Hemor Heuien: pour repara-
tion d'une telle lascheté, Si-
meon & Leui ses freres occirent
tous les males de la cité de Si-
chem. Dina auoir eue de voir

les filles du pais, sa beauté est espiee, & sa pudicité forcee. Ostõs ces incommoditez, ie veux que les belles soient les plus femmes de bien pour leur corps qu'on scauroit penser, si y a il des secretes passions, qui bouïllonnent au dedans du cœur du mary, la jalousie marche en campagne. Et commēt n'y auroit elle place, le mary tient que la possession de ceste beauté lui appartient, & toutesfois il void, qu'il ne se peut faire qu'elle ne soit aimée par autre que par luy? C'est le propre de ce qui est beau d'estre enuié, souhaité & convoité: & maintesfois les femmes en donnent si tres-tant d'ocasions, tant d'œillades, tant de baisers, tant de mignardises, tant d'accollades, tant de familiaritez, & tant d'approches. On dira, que ce n'est ce qui

O vj

Des laides & belles femmes,
martelle les cornes, cela est vray,
mais c'est l'amorce. En deuillant
& pratiquant telles priuautez di-
soit ce bon senaud que vous sça-
uez bien, l'harnois s'eschauffe: la
place est à demi gaignee des qu'on
vient au pour parler. Et combien
de centaines de milliers s'en treu-
uent, qui des paroles viennēt au
fouiet. Il y a tousiours grand cō-
bat entre Chasteté & Beauté, le-
quel est d'autant plus grand que
la beauté est plus grande: vne
femme belle qu'est ce? c'est vn
bouchon à i'en veux. Pardon-
nez moy (va dire le seigneur
Eusebe) vous auez tort de mes-
parler ainsi d'un si precieux don,
qui n'est departy aux humains
que d'en haut. Il sēble que vous
vouliez tenir, que la Beauté soit
vn esperon à paillardise, ie n'e-
stime point que le disiez a bon

escient, vous sçauiez trop mieux qu'il n'y a aucun mal en la Beauté, au cōtraire, que c'est vne chose bonne & sainte, mais l'abus c'est ce, dont vous parlez trop au desaduantage de la Beauté, comme si les laides ne s'en escri- moient aussi bien que les belles. Comment se peut il faire (va di- re le Gētil-homme Scythe) puis que le prouerbe commun nous apprend du contraire, que le sou- uerain remede contre les tenta- tiōs de la chair, c'est vne femme laide? & pource Anacharsis ne voulut iamais rendre à vne qui fut belle. Il auoit peur, à vostre compte, respond le seigneur Eu- sebe, que quelqu'un n'allast pon- dre en son nid. Estes vous enco- res de ceux là qui croient, que les laides ne se messēt de ce gen- til mestier? vous auez donc vef-

Des laides & belles femmes
ou le nez pēdu en vne bouteille.
I'en sçay vne bonne troupe, il ne
les faut pas nōmer, on diroit que
nous serions le macquereau, ou
qu'il y auroit eu du butin depar-
ty. Je vous renuoye à Chloë,
Galla, Lesbia & autres diollesses,
qui, quoy que laides, ont trouué
des eitalōs, mais ç'a esté à gages.
Vous en cognoissez des vieilles
bigornes, laides comme vn cul,
qui n'espargnent or n'y argent,
pour se faire piquer à de forts &
roides caualcadours. Puis donc
que les laides iouent aussi bien à
la fessette que les belles, pour-
quoi décriez vous si fort la Beau-
té, à cause du mestier? Si'estois
mis au choix, & que force me fut
de passer par là, & charger bien
& beau le bonnet de patiēce, en-
cores aymerois-je mieux vne
belle femme qu'une laide: outre


le plus grand plaisir qu'il y auroit avec elle, le profit seroit plus grād, au moins il n'y auroit point tant de perte & de dommage: l'une & l'autre iouent à mesme ieu, hazard sur les balets, eschape qui peut: mais qu'il faille que le mary soit cocué: & qu'il paye les menestriers, qu'est-ce à dire cela? Encores la belle rapporte quelque chose au logis, ou, à tout rompre, elle n'en trāsporte rien. Hé! quittez ces sales & des. honnestes discours (vay-ie dire) cela m'offēse les oreilles, il semble que vouliez faire trafic & marchandise de la belouse de vos femmes, il n'y a point d'apparence, n'avez vous autre chose à desduire, Si ay da (va dire le Gētil hōme Scythe) ie quitteray dōc la croupiere des belles, parce qu'elle ne leur tient gueres, pour

Des laides & belles femmes,
vous proposer le reste des incō-
moditez qu'à le mary d'une bel-
le femme: elle vous portera son
bois si haut, qu'à peine le pauvre
espoux pourra-il la contenter.
Petrarque entre les proprietez
de la fēme y met la fierté & l'or-
gueil: mais si elle est belle, il faut
biē hausser son train, porter son
garberoide, pompeux & auda-
cieux. C'est la beauté qui enfle
le cœur à ceste sorte, & luy fait
accroire qu'elle doit estre mai-
stresse. C'est la beauté qui lui sert
d'appuy & renfort à l'encontre
des menasses & commandemēs
de son mary. En vn mot, la beau-
té enforcelle tellement les fem-
mes, que les moins mal condi-
tionnees s'en fierent au preiudi-
ce de leur deuoir. On parle de
Mariamne femme du Roi Herō-
de, laquelle pour sa sobriété, cha-

steté & autres vertus estoit fort
à priser, mais sa beauté la cha-
toüilla si rudemēt, qu'elle fit des
surfaillies estrāges. Seigneur Eu-
sebe, ie sçai que vous estes amou-
reux des lettres & des Muses, &
neantmoins vous partisez pour
leurs ennemis. Ciceron disoit,
qu'il ne pouuoit estre tendu sur
la Philosophie & les fēmes, par-
ce qu'elles le destourberoient de
l'estude: mais s'il y en a qui puis-
sent vous en desbaucher, ce sont
les belles, qui ne se plaisent à vn
hōme qui a tousiours le nez sur
les liures: nous en auōs l'expériē-
ce tous les iours deuāt nos yeux.
N'auiez vous iamais leu ce qui a
ce propos fut tres-bien dit par le
Docteur Marian Socin de Sien-
ne, lequel estant appelé en vne
consultation pour donner son
aduis sur l'interpretatiō de quel-

Des laides & belles femmes,
que point en Droit, se trouua vn
peu court. Voy, luy dit on, &
d'où vient que vous n'estudiez,
comme de coustume? Helas?
(respond-il) ie suis marié. Pour
cela pas maille, luy repliqua-on,
Socrates pour auoir esté marié
ne quitta point la Philosophie. Il
n'en auoit point d'occasion (res-
pond Socin) car Xantippe estoit
tousiours en groin avec luy, & si
elle estoit laide: ma femme me
cherit & aime, & qui plus est, elle
est belle. C'est fort bien rencon-
tré (va dire le seigneur Eusebe)
ah! que vous en sçauiez de bon-
nes avec vostre Anthoine de Pa-
norme, n'aurez vous iamais fait?
Ie n'ay plus qu'un mot (respond
nostre Gentil homme) à adiou-
ster, c'est que la beauté abbrege
les iours du mary, parce qu'elle
le semond à la lute creuse

plus souuent qu'il ne seroit mestier. Or s'il y a chose qui nous face si tost poster en Paradis, c'est l'entre-choc trop frequent des deux harnois, ainsi que i'ay autrefois leu. Et pource quelques vns escriuent, que les Alemans tiennent, qu'il y a quatre choses, qui auancent les iours del'homme, vne belle femme, vn mesnage engroigné, la gourmandise, & l'air corrompu. Voyla le seigneur Eusebe qui montoit sur ses ergots, & faisoit bien mine de vouloir encor tirer quelques coups. Icy, Messieurs, di je, ce fera, s'il vous plaist, le *Plaudite*, c'est assez pour vne traite d'auoir fait vne si longue course, la table est desia coiffée.



DE

LA IALOVSIÉ
du Mary & de la
femme.

VI. MATINEE.

SUR l'entree des iours
ausquels la Canicule
battoit sur nostre He-
misphère, on continua, selon l'a-
coustumée, la partie, pour de-
ceuant les ardeurs Syriennes,
prendre vn peu de frescade en
vn fort beau & encores plus ex-
cellent vergier d'vn Seigneur,
qui pour le present n'aura point,
pour cause, de nom. La troupe

estoit de cinq: le premier estoit le marié auquel nous donnerons le nom de sieur Marry: le second estoit vn cousin de ce mary, qui prendra le tiltre de sieur Florët: au troisieme nous donnerons le nom du sieur Innocent, parce qu'encores qu'il ne fut coupable, le mary & le cousin vouloiēt luy faire accroire qu'il auoit mangé le lard: le quatrieme estoit vn affectionné à la femme, qui sera designé sous le nom de sire Bel-accueil: le cinquiesme est celuy, qui se feignant amy commun des parties, sert de boutefeux, qui prendra le nom du sire Theode. De ma part ie seruois de sixiesme, pour voir, ouïr & iuger à mon aise des coups: mesmes ce fus-ie, que donnis entree au propos, m'adressant au marié, lequel ie voyois blesme & descon-

De la jalousie du mary & de la fem.
forté, de sorte que l'on eust dit,
qu'il ne beuvoit pas d'eau bõne:
d'ouvient, luy dis ie, sieur Marry,
qu'estes ainsi decoloré, que les
yeux vous sortent hors la teste,
& finalement que vous nous mō-
strez vne mine engroignee. No⁹
ne sommes point icy pour pen-
ser au mauuais temps. Qu'avez
vous? cōmuniquez vostre dou-
leur à vos amis, peut estre, vous
defiez vous de moy. Où estes
vous? De ma part ie ne puis assez
me complaindre de vous, vous
voyant mener vne vie si morne,
pensue & austere. Si vouliez sui-
ure ce train, ie vous cōseillerois,
si ce n'estoit offencer Dieu, &
vous faire tort & à autrui, de
vous demarier, & aller courir
par les bois, & vaincre par vo-
stre pensue & songearde tacitur-
nité la sauuage solitude des fo-

rests. Pensez vous, que ceste bõ-
ne compagnie soupçonne ? c'est
ou qu'estes enuieux de nostre
commun plaisir, ou bien qu'e-
stestroublé d'un desplaisir insup-
portable : que s'il vous plaisoit
nous le communiquer, il n'y a
celuy d'entre nous, qui ne s'esti-
mast tres heureux d'en porter sa
part. Le vous remercie, respon-
dit le sieur Marry, bien humble-
ment : vous asseurant, que, s'il
y auoit douleur en moy, à la-
quelle, la vous descouurant,
puissiez donner ordre, me ren-
driez trop vostre redevable d'y
vouloir prester l'aureille. Tou-
tesfois ie vous prie estimer,
que c'est vne impression, que
ie ne puis moy mesmes mani-
fester, elle me ronge le cœur,
dissout & consomme mon hu-
meur vitale, & est incurable, par,

De la jalousie du mary & de la fem.
ce que necessité m'astreint à en-
tretenir toute ma vie mon mal.
Vous en direz, mon cousin, ce
qu'il plaira (dit le sieur Florent)
si faut-il que ceste impression
soit accidentele, & ne me sçau-
riez faire entendre, qu'autréfois
ie ne vous aye veu plus leste, dis-
pos & alegre que n'estes pour le
present, & ne puis autrement
croire, qu'il n'y ait quelque an-
guile sous roche. Tant mieux
(mon cousin, respondit le sieur
Marry) car ores qu'ainsi fut, si
pourroit ma douleur estre telle,
que, la taisant, mon mal demeu-
reroit en son entier, la descou-
urant, s'accroistroit d'avantage.
Non (mon cousin replique le
sieur Florent) si faut il que vous
deschargiez vostre cœur, ie ne
vous abandonneray point, que
n'ayez rendu gorge. Il n'y eut
pas

pas vn de la compagnie, qui ne le mit apres, presserent de si pres le sieur Marry, que, bon gré mal gré qu'il en eut, force luy fut de faire ouuerture de la maladie, apres maintes fuites Bien, disoit-il, faut-il que maintenant i'esuëte ma playe: i'en fais grande difficulté: car ah! ie vois: puis perdit la parole. Quoy (ce dit quelqu'un de la cōpagnie) nous lairrez vous en appetit? vous ne faites à peine qu'entrer en chemin, & vous demeurez tout court. Courage, contre fortune bon cœur: aydez vous, on vous pouffera. Comment, dit-il, à moitié despité, pourroy ie bien manifester ma douleur icy? celui qui m'a causé mon tourment est icy deuant mes yeux. C'est vous Innocēt, qui me mettez en oppresse: si vaut-il mieux, puis

P

De la jalousie du mary & de la fem.
que i'en suis venu si auāt, que i'en
rēde mon cœur net, parauenture
que, pensant me meffaire, vous
me faires bien, & me ramenez
ma santé. Helas! que si eussiez esté
tousiours la ou vous estes, & moi
où ie suis, & ma fēme où elle est,
que ie n'eusse pas esté maintenāt
du nôbre des chanteurs de com-
plainte. Et quoy, dit le sieur Flo-
rent) auez vous martel en teste?
Estimez vo⁹, que ma cousine vo-
stre femme s'oublie de tant, que
vous enrouler avec les confreres
de la Lune? Ostez ceste opiniō de
vostre ceruelle: elle vo⁹ mineroit
le iugement, & à la parfin vous
extaferoit de vostre propre rai-
son. Desia auez tellement chargé
ceste cornuē impression, qu'on
diroit, qu'au lieu que Circé en-
trāssforma en pourceaux, que vo-
stre femme vous a metamorpho-

fé en bouc. Vous en parlez fort à
vostre aise, respōd le sieur Marry,
& ne sentez pas où le bas me bles-
se: faut que vous estimiez que ie
soye ladre & que ie ne sente pas
quand on me pique. Ah! que i'ay
bien bon besoin de patiēce, pour
me detrēper & dissoudre l'amer-
tume, qui me saisit le cœur. Qu'ō
me face tel tort! Refuez vous,
sieur Marry, mon bon voisin, ie
croy que vous vous persuadez
malade, dict le sieur de Bel-ac-
cueil, monstrez, que ie vous tien-
ne le poing, vous estes esmeu: ce
n'est qu'une surfaillie, ce ne sera
rien: Tenez vous gay & ioyeux
& me iettez aux pieds ces badina-
ges, qui encharrent vostre pau-
vre iugement dans des jalousies
fort obscures. Si vous ne vous re-
mettez, ie serai contraint, & esti-
me que la cōpagnie ne m'en de-

De la jalousie du mary & de la fem.
sauouera) vo^o prier de vous aller
ietter dans vn beau lit pour repo-
ser vostre iugement. Nous som-
mes icy venus pour passer le tēps
& vous voulez engēdter melan-
cholic. Tant plus le sieur de Bel-
accueil poursuiuoit d'autāt s'en-
furioit le tourmēt du sieur Mar-
ry vous luy voyez rouiller les
yeux en teste, faire des surfaillies
les plus estranges du monde, en-
trecōmencer des propos a demy
entrecoupez, sans descouurir le
goust de la noix. Je l'endureray,
disoit-il, & vous me viendrez fai-
re le beau-beau, à d'autres. Ah
Traditor de la carne salata! Bel ac-
cueil, vous iouiez au double, vous
auez part au butin. Je vous co-
gnois il y a plus de 3. iours: vous
auez par le passé fait mine me
porter affectiō & ie sçai que vous
me vendez, ie ne vous en sçay

point de gré, vous estes du grand party: Innocēt en sache, & vous tenez le sac, qui est le plus hōme de bien de vous deux? Messieurs, dit Bel accueil à la compagnie, ie vous prie auoir pitié de ce pauvre, moy ie m'en vais vn peu escarter, de peur de le faire entrer en frenesie plus auant. C'est vn homme, duquel ie n'eusse iamais pēsé, qu'il eust esté si mal pensant qu'il est. Mais qu'est-ce qu'il veut dire? Il me voudroit faire macquereau du sieur Innocent: il me fait vn bel honneur: i'aymerois mieux que luy & sa femme fussent ou ie dirois, que d'auoir seruy à tel maquignonnage. Que si ie ne considerois, qu'il n'est pas maintenant maistre de son iugement, assurez vous, que ie luy ferois bien desdire & mascher ce qu'il a trop temeraire.

P iij

De la jalousie du mary & de la femme.
mēt auācé. Nō, dit le sieur Theode, il ne faut pas maintenant s'amuser à le contrarier il sera beaucoup mieux seant de guerir la melancolie du sieur Marry, à sçauoir s'il y a moyē de luy arracher de la ceruelle la peruerse & sinistre humeur, qui luy auroit de telle façon caractérisé son pietre, chetif & miserable cerueau. L'aui du sieur Theode fut trouué le meilleur du monde, & pourtant on le delegua, pour porter parole au sieur Marry: ce qu'il accepta assez volontiers, & le vous vint aborder de telle façon. Vous sçauiez que tous ceux qui sont ici, vous sont amis, & de moi ie m'ose vanter ne leur deuoir riē pour la bien-vueillance, dont ie vous affectionne. A mon grand regret ie vois, que vous vous tourmentez à credit, si m'aimez ou croyez

que ie vous aime, declarez moy
familierement l'occasion de vo-
stre mescontentemēt. à tout il y a
remede fors qu'à la mort. Tenez,
dit le sieur Marry, tirant de son
sein vne fueille de papier, voila
ma maladie, voila dont ie me
plaints: si vous m'estes tant affe-
ctionné, que vous criez, si vous
estes bon medecin, donnez alle-
gement à mon mal. Or voici que
cōtenoit ce Cartel: le sieur Marri
est courroucé, fasché & desplai-
sant de ce qu'il a apperceu, que sa
femme prestoit à ceux, qui ne luy
estoient nōmez par luy &c. N'y a
il que cela, dit le sieur Theode?
ce n'est rien, vous estes debout:
Je ferai tout au rebours des au-
tres Medecins, lesquels, quand
bien est dit, n'entendent que
le haut Allemand en ces mala-
dies. Je presuppose, que vostre

P iij

De la jalousie du mary & de la fem.
plainte soit veritable, mais ie
vous prie de croire, qu'elle n'est
fondee sur raison & fondement
veritable. Bien, vous dites que la
Dame de vos biens preste, à vo-
stre insceu. La charité donc luy
sera interdite, si vous ne le com-
mandez: s'il y auoit vn pauvre
qui fut à l'huis, & que fussiez à la
ville, faudroit il qu'elle l'escon-
duisit sans luy tendre l'aumosne,
ou bien qu'elle le remit à vostre
arriuee? Ce sont brides à veaux:
car, encores que l'on vous ad-
uouë, que puis que tenez le rang
& le lieu de mary, q̄ deuez auoir
la charge & sur-intendâce des af-
faires, si ne faut-il prendre cela si
fort à la lettre, que l'on die, que
vostre femme n'osera tourner vn
œuf sans vous demãder cōgé. On
vous enuoyeroit aussi tost met-
tre pōdre les poules. Vous tour-

nez la charruë avant les bœufs, respond le sieur Marry, nous n'a-
uôs pas garde de nous entrecho-
quer, vous vous esloignez fort
de moy: vous parlez du mesnage,
& ie n'y pèse point: tant s'en faut,
que ie voudrois qu'elle eut au-
mosné la moitié de mon bien, &
que iamais elle n'eut rendu son
abreuvoir. Quel outragem'a elle
fait, à vostre aduis, il sera dōc dit,
qu'en mon escuelle tremperont
autres que moy? Suis ie pas hom-
me? suis ie pas entier? m'a elle
trouué dur à l'esperon? & me plâ-
ter là: Que ie l'endure, ie n'en fe-
rai rien. Si necessité le vous com-
māde, dit le sieur Theode, si fau-
dra-il, que vous passiez par là. Or
parce que l'obeïssance que rēdriez
à necessité seroit forcee, voyōs si
vous pouuez tenir la bride si au-
stere à vostre femme, qu'elle ne

P y

De la jalousie du mary & de la fem.
puisse familiariser & se cōmuni-
quer avec ceux, qui estās ses amis
ne peuvent faillir qu'ils ne soient
les vostres: si elle vous est amie,
ceux qui luy sont amis, vous sont
aussi amis. Vous m'avez confes-
sé, que vostre femme peut don-
ner l'aumosne de vos biens: si
ainsi est, ie conclus, qu'elle peut
prester *aquo*: la raisō est, que nous
sommes en plus forts termes de
Droict: car vous estes maistre &
seigneur des biens de la femme,
moyennant que vous n'en abu-
siez, vous pouuez en disposer à
vostre volonté: elle ne sçauroit
sans vostre congé & permission
les aliener, obliger & dispenser,
quoy que ce fut à son aduantage:
Mais quant au corps il n'y a Loy
à present qui vous en attribuē la
seigneurie & maistrise: On ne
parle plus de les tuer, frapper ny

battre. Si donques la femme a la libre administratiō de son corps, l'empescherez vous de se donner du plaisir? Qu'y perdez vous? Elle y gaigne, elle reçoit d'une façon ou d'autre, elle porte vne serrure, ou plusieurs clefs peuvent entrer sans ressort, & vous serez si vilain, que vostre femme ne puisse iouer des basses marches: quel interest y avez vous? C'est, dit le sieur Marry, que ie veux estre seul, qui trempe mon pain au pot, puis qu'il m'appartient. Race vilaine, dict le sieur Theode, & vous croyez qu'elle soit seule pour vous: Portez dōc le cademat, autrement en vostre presence vous sentirez, qu'ō vous marchera sur le pied. Vostre femme est Damoiselle de bon lieu, & vous la ferez retenue, recuite, à demy morfonduë, & chipoteuse

P vj

De la jalousie du mary & de la femme.
par faute de donner passage. Ce
sont de belles. Je vous renuoye à
ce que Munster racôte de certai-
nes Dames, les plus grandes &
plus estimees entre elles, sont
celles qui sôt les plus promptes à
accorder la requeste de naturali-
té, voire que c'est entre elles aussi
grád honneur d'auoir plusieurs
personnages, qui releuēt d'elles,
comme par deçà aux Princes &
grands seigneurs d'auoir grande
suite d'hommes, lesquels par
leurs bien-faits & recognoissan-
ce ils auront auancé. Il y a plus,
qu'entre elles vne Dame seroit
tenuë pour vilaine & roturiere,
si elle auoit refusé à vn honne-
ste le choc, de mesmes qu'en-
tre nous on tiendroit pour vn
mal-habile homme celuy, qui,
deffié, n'auroit osé se presen-
ter en plein champ de bataille

Et afin qu'en vn mot ie vous paye
d'vne monnoye, que ne pouuez
refuser, avec vous iamaïs ouy
parler de ce Philosophe, qui sur
la plainte qu'vn autre luy faisoit
de la communication & familia-
rité, que sa femme faisoit, où il
trouuoit aussi peu de goust que
vous faites aux priuautez & gail-
lardises de la vostre, respondit
qu'il auoit tort de s'en formali-
ser, attendu qu'encores qu'vne
seule Nauire, & vne montu-
re ayent porté plusieurs char-
ges, on ne fera point difficulté
de s'en accommoder, non plus
que de boire en vn verre de cent
ans, moyennant qu'il soit bien
net, où plus auront beu. Le chien
(comme l'on dit) ne laisse iamaïs
sa langue au plat, encores qu'il
l'y trêpe en lapant. Vous vous e-
mâcipez (ce di-ie) vn peu de trop

De la jalousie du mary & de la fem.
(sieur Theode) à vostre conte
on diroit, que les femmes n'ont
qu'à tendre le bissac, voire que si
elles ne se tiennent prestes, qu'il
y a de la contumace & rebellion.
Faites moy vne amitié, maniez
vos affaires avec vn peu plus de
honnesteré, n'auiez vous point
d'autres moyens pour replastrer
la jalousie du sieur Marry, si a-
uez preuue en main, ostez luy la
cause du mal, apres nous ver-
rons ce qu'on dira sur la gueri-
son de la playe. Je le veux bien
(dit le sieur Theode) car ie m'as-
seure que celuy qui est soupçon-
né de planter le may, n'est sujet à
l'amende: le pauvre homme est
innocent, il ne pensa onques à y
mettre le doigt. Seulement, à ce
que ie puis apprendre.

Le sieur Marry charge son
bonnet de groignart, parce qu'il

void que le sieur Innocent donne des salutades , à Madame sa voisine, que quelquefois il prend ses disnez & soupez en leur table, que s'il y a vn bon morceau en son logis, il ne le mangera qu'en la compagnie de ces deux personnes, qu'après le repas ils passeront deux ou trois heures à iouer au flus, au i'ay, à la sequence, à la condamnade, au trou ma Dame, à la clef, à remuer mesnage, & autres tels jeux, qui ne sont point deffendus: si le sieur Marry treuve, que le sieur Innocent ait l'œil tendu à la friandise, y a-il tant affaire de le prier de ne retourner en sa maison? S'il en auoit senty le vent, assurez vous, qu'il se garderoit bien de toucher plus au plat en la presence de ce sieur Marry. Il pense faire pour le mieux, & il en a du reproche,

De la ialou. du mary & de la femme.

Maiz, vous ne dites pas, dit le sieur Florent, qu'il y a des œillades, qui parmy le disner & souper se iettent si viuement, que le pauvre mary en demeure tout esberlué, qu'il y a des seinonces aux bonnes graces, si trespriuees qu'au trauers du verre on recognoit assez, que chat veut à dire minõ, que le sieur Innocent entrât à table, à ses mules nettes, & à l'issuë les a toutes crottees, ce sõt assignations qui se donnent à vn bon entendeur ne faut que trois oublies, qu'au jeu sieur Innocent & ma cousine font si souuent le pasté, & finalement pour abbreger, que d'entree (ie ne craindray de le dire icy, ce ne sont qu'amis) outre & au pardeßus l'expresse prohibition que mon cousin auoit fait, elle alla avec le sieur Innocent en vn certain bal, ou

ou balet, où on tient qu'elle fut
secoüee, par qui, deuinez le. Ah!
(dit Bel-accueil) prenez garde à
ce que vous dites (sieur Florent)
gardez l'honneur des Dames:
vous poussez bien auant. & faites
tort à plusieurs Dames & Da-
moyselles, qui, pour se trouuer
au bal, ne dansent pas la danse
du loup. Je ne fais point vne ge-
neralite, dit le sieur Florent, mais
si mō conseil estoit receu, iamais
femme, qui veut conseruer son
honneur, ne se trouueroit en ces
belles dansailleries.

O les beaux tours qui s'y font!
Et quant à elle, mō cousin main-
tesfois la tançoit de ce qu'il n'y
auoit bal, auquel le sieur Inno-
cent ne la mena, puis qu'il luy a-
uoit defendu cestuy-cy, elle a-
uoit bien peu de respect à l'hon-
neur, & aux commandemens de

De la jalousie du mary & de la fem.
son mary, si elle ne faisoit trefues
pour vn iour, mais le mot estoit
donné & l'assignation du choc
asseuree. Elle dansa le branle,
& n'en faut point douter: car
mon cousin apprit par ses espies,
que le sieur Innocent, apres
qu'il luy eut fait danser vne gail-
larde & vn branle de Poiçou, la
tira de la sale, & la mena en vne
petite chambre escartee, regar-
dant sur le jardin, où ils furent
tous deux plus d'heure & demie
seuls, à quoy faire? ie le vous de-
mande. Je sçay bien (dit Bel-
accueil) que sa Damoiselle les
suiuit, & entra avec eux en la
chambre. Voulez vous dire que
elle leur seruit de maquerelle?
Nenny, respondit le sieur Flo-
rent, on l'en garda bien: car com-
me ils furēt là eux deux, ma cou-
sine enuoya demander vn linge

pour s'effuyer: la pauvre Damoiselle descend, à peine fut elle au pied des marches, qu'on vous la troussa & luy donna on deux ou trois charges si viues, qu'elle eut bien encores voulu auoir la quatriesme. Cependant laissez faire à sieur Innocent s'il perdit l'occasion. Et apres vous direz, que mō cousin est jaloux à tort. Vous me contez là vn traiēt (dit Bel-accueil) duquel ie n'auois pas encores ouy parler, & lequel ie fais grande difficulté de croire: toutesfois, comme il n'est pas impossible, qu'il ne soit ainsi aduenu ne mettez qu'à moitié, ie vous confesse cecy, si elle s'estoit de tant abusée, elle auroit rendu bille pareille au sieur marry: car ie sçai biē que la pauvre femme y a plus de deux ans & demy est martyrisée

De la jalousie du mary & de la fem.
d'une extreme jalousie, pour le
salaire train que le sieur Marry me-
ne avec la fille du Pellican. Je l'ay
veu autres fois en tel acces, que si
ie ne l'eusse prevenu elle estoit
en termes de faire vn coup de sa
main. Elle ne seroit pas la pre-
miere, dit le sieur Theode, qui
en tel fait auroit vsé de voye de
fait & main-mise. La force de
ceste passion est telle, qu'elle
nous fait oublier nous mesmes
des qu'elle a peu mordre sur
nous: c'est comme la rache, elle
croist sans cesse, & fait faire
d'estranges coups. Polyxo, ou
Polyxene, femme de Tlepolemus,
fit pendre à vn arbre Helene, veuf-
ue de Menelaus, pour la trop li-
bre communication qui estoit, à
son aduis, entre elle & son Tle-
polemus. Les Dames Thessa-
liennes ne sacmenterent pour

autre occasiō, la courtisane Laïs, sinon pource que Pausanias, qui estoit de leur pais, s'appriuoisoit avec elle. Laodice, femme d'Antiochus Roy de Syrie, au rapport de saint Hierosme sur Daniel, chapitre vnzieme, fit tuer Berénicé la sœur de Ptolomee: & son fils, puis elle mesme s'empoisonna, de despit & rage qu'elle auoit, qu'Antiochus s'accointoit d'elle.

Alexandre de Phera fut mis à mort par sa femme, Thebe pour l'opinion qu'elle prit, qu'il familiarisoit avec d'autres. Demetrius, fils du Roy Antigonus, fut massacré par le commandement d'Arsinoë sa femme, qui portoit fort mal en gré de ce qu'il se ioignoit à sa belle mere Berenice. La jalousie que Cleopatra eut sur Rhodogune, sœur du Roy

De la jalousie du mary & de la fem.
Phraas , causa la mort de Deme-
trius Nicanor. L'adultere de Cli-
tennestre avec Agyltus , & la
mort d'Agemenon , n'eussent
esté pratiquez si ce pauvre Prin-
ce n'eust trop courtisé la Briseis.

J'ai leu autresfois de la femme
d'un certain vilageois , qu'elle
prit tel regret à l'encontre de son
mari , qui ne se contentant de
l'ordinaire de sa maison , pre-
noit parti avec d'autres , que de
despit elle prit tous les papiers ,
hardes , & meubles de son mari ,
les ietta dans le grenier , où apres
elle mit le feu : & non contente
de telle reparatiō , elle s'encheue-
stra d'un licol , & un seul petit en-
fant qu'elle avoit , puis se ietta en
ceste façon , & traina avec soi son
enfant dedans un puits. Le piteux
carnage que firent les Dames de
Stalimene sur la race des masles ,

n'est imputé à autre occasion par le Rhodien Apollonius & ceux qui ont touché vne si piteule boucherie, sinon parce que les maris s'accrochoient avec leurs captiues. Et les hommes, dit le sieur Florēt ne sçauent-ils point que c'est de ceste maladie? Si font & pleust a Dieu, dit Bel-accueil, qu'on ne leur en donnast point d'occasion. Quelquesfois eux-mesmes se le fantasient, si biē que la premiere volée de mouches, qui vole deuant leurs yeux ils se persuadent, que voila leur femmes croquees, que leurs estables sont arrestees pour y heberger les courtaux estrangers. I'en ay vne liste de trois mil, qui ou se font meffaiēt à eux mesmes, ou ont faiēt mourir leurs femmes, ou ont commis mille indignitez. I'ai les tenans & aboutissans, ie les

De la jalouſſie du mary & de la fem.
pourrois deſigner : mais ie crains
parce, q̃ ce ſont des exēples frais,
que lon ne me ietta quelque chat
aux jambes, ſi i'eſuerois ce qui
n'eſt pas propre à eſtre encores
deſcouuert : Il vaut mieux, que,
reſervant ce que i'en ay aux pre-
miers grands iours, qui ſe pour-
ront tenir, ie vous face le conte
de ceſte gentile & gaillarde Da-
me Romaine Iuſtine, laquelle e-
ſtant doüee d'une parfaicte & ex-
quiſe beauté, fut donnee à fem-
me à vn ieune homme de la ville
fort riche : mais c'eſtoit tout, car
au reſte ce n'eſtoit qu'un bēmus,
vn lourdaut, & le plus grand ſot
de ſa parroiſſe, ſi eſtoit il toutes-
fois ſi tref-aſſotté de ceſte ieune
Dame, qu'il eſtoit à demy depaſ-
ſionné, lors qu'il la perdoit de
veuë : prit vne telle impreſſion,
que comme elle ſe pāchoit pour
détacher

detacher son soulier, sa beauté l'esblout de telle façon, que se sentant surpris d'elle, soudain il iugea qu'il estoit impossible, qu'un autre peut contempler ses beaux & riches traits qu'il n'employa & verd, & sec, pour en auoir iouissance de fureur s'eslança sur la doucette, & la tua Voila, dit le Sieur Innocent, le fait du Sieur Marry, il se fait accroire, que ie suis plus Diable que ie ne suis noir, & si iamais ie ne me mis en effort d'attenter rien sur ces marches. En ce ie recognois que la femme est beaucoup plus chargée que luy, ie dis de plomb en la ceruelle. Je sçay bien, qu'il luy fait tort. Vous n'en serez pas creu, dit le Sieur Florent, maintenant n'est pas question qu'entriez en vos preuues iustificatiues, attendez si vous y serez

Q

De la ialou. du mary & de la femme.
admis. Or, le sieur Bel-accueil,
i'ay bien pris ce qu'avez dict tou-
chant ceste iustice, d'où ie sens
bien, que voulez dire, que les
hommes sont trop prompts à re-
cevoir ces jalousies impressions
mesmes voulez aucunement ex-
cuser l'indiscretion des femmes,
qui pour n'auoir le iugement
aussi rassis cōme les hommes, se
laissent mener au gré de ces pas-
sions. Je vous recognoistray, que
la prudence est plus grande aux
hōmes, que aux fēmes: mais puis
que l'iniure est faite à l'homme, &
nō à la femme, lors qu'il est que-
stion de ce broüillis infusé, on ne
doit trouuer estrange, si les hom-
mes chargent martel in teste au
conttaire (dict le sieur Theode)
ie soustiēs que le principal outr-
age s'adresse à la fēme, laquelle a
iuste ocasiō de se plaindre. A vo-

stre aduis, si ceste fême que tenez
en vostre logis, pour nourrir vo-
stre enfant, sieur Bel-accueil,
bailloit à tetter à cinq ou six en-
fans n'aurez vous pas plus d'oc-
casiõ de vous facher contre elle,
qu'elle n'auroit contre deux au-
tres bõnes nourrices, qui seroiẽt
saines & biẽ nettes, lesquelles rẽ-
droient leurs māmelles pour al-
laiter vostre enfāt: toute la plain-
te de la nourrice seroit que par
faute d'estre tiree, ses māmelles
luy feroient mal: en vn besoin ce
seroit à elle à se succer le bout ou
se faire alaiter par vn autre enfāt.
Le mary allant en dõmage, il fait
tort à sa femme, laquelle perd au-
tant de son reuenu, tout ainsi
que le vachier, quand vn au-
tre que luy prend la traite de sa
vache. Et s'il y a plus, que quand
on a bien esgouté le cornet, il

Q ij

De la jalousie du mary & de la fem.
n'y demeure pas souuent de l'en-
cre: ce n'est pas comme les tetins
des femmes, qui ont plus de lait
tant plus on les tire. Pourquoi
donc se plaindra le mary lors que
sa femme, sentant que son ordi-
naire ne suffit pas pour son train
en prendra où elle pourra: il y en
a encores assez pour luy: Les
femmes ne sont pas comme pe-
tis enfans, elles ne se saoulent pas
de cela si tost: elles sont comme
les moyneaux, elles veulent a-
voir tousiours la becquée. Puis
donc que le mary n'y perd rien,
qu'au contraire la femme y perd,
ie conclus, que le tort regarde la
femme & non le mary. Sieur
Theode vous estes, di-je alors,
vn grand Philosophe, & fouillez
bien exactemēt les affaires, mais
vous ne cōsiderez pas, que nous
sommes bien aises d'estre seruis

honnestement, & ne voudrions estre de ces gauoches, qui boirôt apres vn ladre, & tremperont leur pain en toutes faulces. Le cœur me surbôdiroit: si ie voyois que ma femme me laissât prendre du caillé autre que celuy de nostre mestairie. Voyez la guerre des maïles contre les femelles, là vous apprendrez, que le mary peut accuser d'adultere la femme, & ce seulement, parce que l'iniure, qui est en cest endroit faite au mariage, regarde sur tous le mary, & non la femme, attendu que le mary est le chef. C'est là où il faut regarder, sans s'amuser à ces broüilleries qu'avez remué vn peu trop librement: ne pensez pourtant que ie vueille tenir le party de ces grands estalôs, qui ne sont iamais saouls, s'ils n'ôt pris lipee à l'extraordinaire,

Q iij

De la jalousie du mary & de la fem.
mais au pis, encores le mary doit
estre plus offensé que la femme:
En vn mot ie le vous feray co-
gnoistre. On a accoustumé d'ap-
peller ces Messieurs, qui par le
moyen de la prodigalité de leurs
femmes, ont des supposts & lieu-
tenans de couche, Cornards, pa-
rens de Moyse, &c. On sçait bien,
que lon porte les cornes à la te-
ste, les bœufs, les moutons, les
boucs, les cheures, la licorne, les
cerfs, le Rhinoceros, & autres
bestes cornuës ne portent les
cornes ailleurs qu'en la teste.
Messieurs les gens d'Eglise, & de
Iustice ne portent le bonnet à
quatre cornes que sur la teste:
voire, que pource les femmes
sont forcloses de commander
& en l'Eglise, & en Iustice, par-
ce que, n'ayans le pouuoir de
porter le bonnet cornu, il

faudroit chauffer l'habit des Ecclesiastiques, & des Iusticiers. Si ainsi est, que ceux, qui reçoivent escorne en leur mariage, sont appelez Cornards, & que les cornes ne se portent qu'à la teste, ie conclus, que les femmes ne peuuent estre cornardees. Ma preuue prēd pied sur ce que l'on ne me peut nier, que l'homme ne soit chef de la femme: elle n'a point donc de chef que celuy de son mary, & partant toutes les cornes qu'elle pourroit charger s'encorneroient tousiours sur la corne gauche du chef cornu de son mari: d'où vous voyez, quād il y auroit lieu de cornardise, lors que le mari iouē à la corniche en parterre estrāge, q̄ tousiours les cornes viendroient battre sur le mary. Hé Messieurs! (diēt le sieur Theode) quittons

Q̄ iij

De la jalousie du mary & de la fem.
ces cornes, en vn besoin on en
feroit des cornets: & voyons, si
l'obeïssance, que la femme doit
au mary, l'oblige à supporter les
surfaillies qu'il pourroit faire.

Voicy le conseil, qui fut don-
né à vne bonne Dame, qui estoit
si viuement frappee de belle fine
jalousie, qu'elle en sechoit sur les
pieds: on luy conseille de feindre,
dissimuler, faire la borgne
& passer par dessus, attendu que
le deuoir de la femme n'est pas
d'espier, & contreroller les a-
ctions & deportements de son
mary: car au lieu qu'elle n'est
prise que pour le soulas & prof-
fit d'iceluy, si elle s'y fourre
plus auant qu'elle ne deuroit,
elle le gehennera, & bourrele-
ra, voire que par sa folie, elle le
poussera à faire & redoubler vn
surre folie.

Si elle monstre qu'elle peut en sçauoir quelque chose, elle le pourra enhardir à faire à descouvert ce, où il n'eut voulu s'hazarder qu'en cachette. Y a il tant affaire à auoir vn peu de patience? A la longue la violente poursuite du mary pourra s'amortir: & peut estre, qu'apres auoir couru long temps, la necessité le contraindra de prendre arrest & haleine chez soy, mesmes si les doux attrails de sa femme le redressent en la droite voye. Il fasche fort certainement à vne fême, de voir qu'une putain vienne humer ce qui luy appartient de droit: s'il y auoit moyē de preuenir, ie trouueroy que telle preuention seroit tresbōne, mais de penser rōpre l'anguille au genoūil, mesmes d'opposer la caboche feminine à la

Q v

De la jalousie du mary & de la fem.
force virile, c'est se vouloir casser
la teste contre la muraille. Et afin
que vous ne pensiez, que ie vous
vueille persuader vne chose nou-
uelle, & qui iamais n'ait esté pra-
tiquée, n'avez vous iamais ouy
parler de Sarra, femme d'Abra-
ham, d'Æmilie, femme de Sci-
piō l'Africain, & de Stratonique,
femme du Roy Deiotare? Sarra
donna à Abrahā sa chābriere E-
gyptienne, nommee Agar, afin
qu'il entrast à elle, & eut lignee
d'elle. De mesmes Rachel fit en-
trer Iacob à sa chambriere Bela,
de laquelle il eut deux fils, à sça-
voir Dan, & Nephtali: comme
aussi Lea à la sienne, nommee
Zelpha, de laquelle il eut aussi
deux fils, à sçauoir Gad, & Azer.
Æmilie, sçachant que son mary
Scipion familiarisoit avec vne
sienne esclauē, n'en fit point plus

mauuais traitement à ceste esclauue : au contraire, apres la mort de Scipion : elle affranchit ceste esclauue, & la maria fort richement. Stratonique se voyant desnuee d'enfans, conseilla à Deiotare son mary de s'accoster de la premiere qui luy agreeroit, de laquelle il peut auoir lignee, Et comme elle vit, qu'il n'en tenoit conte, elle mesme luy pratiqua vne fort belle fille nommee Electre, de laquelle il eut de beaux enfans, lesquels depuis elle cherit, comme les siens propres.

Que fit Olimpias, femme de Philippes Roy de Macedone à ceste ieune fille, qui estoit fort priuemēt familiarisee par le Roy? du cōmencement elle auoit deliberé luy iouer vn mauuais tour parce que le bruit estoit, que par Philtres amoureux elle auoit ga-

Qvj

De la jalousie du mary & de la femme.
gné l'amour de Philippes : mais
des qu'elle l'eut veu & contēplé
la beauté de ses traits, elle la ren-
uoya saine & sauue, luy disāt: On
t'auoit calōnié, maintenāt i'aper-
çois que ce n'est que nature, qui
a en-amouré le Roy de ta beau-
té. Vous parlez comme Dieu, res-
pond Bel-accueil, mais il vous
semble, que nous auons affaire à
des creatures, qui se moulent
ainsi qu'on fait la cire.

On parle du corbeau blanc, &
du Cygne noir, i'estime qu'on
en trouuera auiourd'huy aussi
tost que de femmes, lesquelles
se commandent de ceste façon
que vous auez enuie. Nicostre
n'y peut estre pliee, & vous
voulez qu'auiourd'huy les fem-
mes perdent la veuë à credit,
qu'elles se feignent entachees
de ladrerie, pour ne sentir lors


qu'on leur vient à donner attache. Que voudriez vous donc, dit le sieur Florêt, qu'on fit pour retrêcher du tout la jalouſie : car de ma part ie treuve, qu'elle a pris racine ſi auant, que les cornes ne ſont point plus auât dans la teſte d'un bœuf, qu'eſt la jalouſie encornee dans le chef de la pluſpart des mariez, de ſorte que ſi Rabelais ne s'eſt meſpris lors qu'il a dit, que la Cornardiſe eſt vn appendix de mariage, on peut aſſeurer, que la Ialouſie luy eſt concomitante, antecedante & ſuiuante, dont ſourdêt pluſieurs rixes, querelles, groins & diſſipations aux meſnages. Seigneur Theode, ie ſçay que vous pouuez nous releuer de peine, ſil vous plaift vo' nous eſclaircirez à tous de ceſte cōpagnie, la difficulté que ie me fais entendre

De la jalousie du mary & de la femm.
nous estre commune, parce que
ie vous vois tous parler autant
comme des poissons. Le le veux
bien, respond le sieur Theode,
faut donc que vous sçachiez, que
du temps des Apostret, Nicolas,
celuy qui fut l'un des sept Dia
cres, qui auoient esté ordonnez
avec Estienne, pour subuenir aux
necessitez des pauures, ayant es
pousé vne femme doüce d'une
tres-rare & singuliere beauté, en
chargea ialousie si auant, qu'il en
fut repris fort aigrement, pour
la deffiance qu'il auoit de la cha
steté de ceste Dame. Pour se pen
ser garentir de cet opprobre, il
print sa femme, la produisit au
milieu, afin qu'il fut loisible à vn
chacun d'accomplir avec elle
ce qui n'est point denié au mary.
Ce remede fut treuué de si bon
ne grace par aucuns, que la com

union & pelle-meslange des femmes a esté pour article principal de l'heresie des Nicolaites. De ma part ie deteste toutes heresies, & serois tres marry de ramener en ieu ce qui de soy est sale & deshonneste, & d'ailleurs a esté reprouué & condamné en des Conciles. Que si ma voix pouuoit auoir credit en chapitre, voicy que ie voudrois ordonner, pour preuenir & retrancher la Ialousie: Premièrement, que lon assortit les mariages de partis conuenables, en forte qu'à vn vieillard on ne dōnast du ieune bois, qu'on ne se ruast point tant sur les belles, pour delaisser les laides, lesquelles sōt moins soupçōnees d'ētre en cōference & rapport que les autres. En apres, que les maris donnassent ordre, que leurs fem.

De la jalousie du mary & de la fem.
mes eussēt ce qui leur fait besoin,
car pour auoir dequoy acheter
vn garderobe, sera à craindre
qu'elles ne mettent en hypothe-
que leur deuant. Toutesfois ie
ne conseille aux maris de les re-
nir trop somptueuses & bombā-
tes, cela leur donne entree avec
des muguets, qui ne demandent
que l'auant-Iuin pour planter le
May. Finalement qu'ils soient
par ensemble courtois, doux &
gracieux, qu'ils fuyent les noises
& les riottes, c'est la planche de
cornardise. Sur tout, qu'ils se met-
tent le moins en arrearages des
redevances naturelles qu'il leur
sera possible. Par la frequence de
l'entrechoc la femme se rēd pro-
prietairesse des coulans qui luy
sont acquis. Prenant tout le iour
ce qui est venu, le mary ne luy
scauroit faire tort: car si elle co-

gnoit, que sa traite se face soixante & dix fois à l'Herculienne, & qu'elle tende sa guide autant de fois, qu'elle reçoive l'esgout, il ne faut pas qu'elle ait opinion qu'il aille ailleurs s'efforcer, où on ne le tiendrait que pour Messer Coigne-festu. Le mary aussi, en visitant souvent l'heberge de l'un de ses principaux courtaux, à la piste pourra recognoistre, s'il y aura ou entree pour quelque autre, ou bien si le logis sera esté si mal couuert, que par quelque fente la pluye everglassée aura pris cours. En apres, s'il arrouse souvent son iardin, n'est pas à presumer, que sa femme le vueille noyer, couvrir & surbaigner des eaux. Le sieur Marry tenez ces Maximes, observez les, sur tout, n'oubliez le picotin avant que partir du giste, si vous tombez en



DE
L'INEGALITE'
DE L'AGE DES
MARIEZ.

*Si un vieillard doit prendre une ieune
fille : ou une vieille rechercher
un ieune homme.*

VII. MATINEE.

LE ne sçay quel ver a piqué la ceruelle de nostre Philosophe, sieur Libanians, que sur ses vieux iours ce bon homme soit tellement eschauffé de l'amour, qu'il porte à Mademoiselle Elizabeth, qu'il en court les ruës, & si on ne la luy donne il enragera. Ah! bon

De la jalousie du mary & de la fem.
ialousie, & que par effect ayez
occasion de la vous imprimer,
asseurez vous, que vous ferez
monté sur vne meschante rosse,
& à laquelle ie ne me voudrois
autant fier que vous feriez à ce
qui vous donne ces gentils tin-
toüins.

L'inegalité de l'age des mariez,
Dieu! il auoit passé vn si bel aage
auec vne telle reputatiō & main-
tenant qu'il soit ainsi embaboui-
né des folastrieres Cupidiques,
cela me creue le cœur: quand i'y
pense, i'offense Dieu, ie desire
ma mort. Non, va dire le sieur
Libanius, vous perdez vostre
temps, c'est vne chose, qu'il faut
qui passe, & quand vous auriez
employé verd & sec, vous ne l'en-
sauriez dissuader & diuertir le
cours de la celeste destinee. Or
i'estime que vous tenez, que les
Astres prédominent, sur tout
pour ceste affection amoureuse.
Si vous regardez à l'horoscope
de ce bō personnage, vous trou-
uerez qu'au moment de sa nais-
sance la Lune estoit arrestee sur
l'vn des quarts, qui est, ainsi qu'a
remarqué Ptolomee Alexādrin,
vn tesmoignage tout asseuré,

qu'il deuoit estre marié fort ieune, & que tout croulant de vieillesse il auroit du ieune bois. Si la Lune eust esté au declin sur l'une des Occidentales, il eust esté marié sur le tard à vne vieille. Si Saturne eust esté au Mouton, encores eussiez eu pis: il eust eu vne vefue, ou vne putain, ou en vn mot la reste d vn autre. Encores estes vous bien heureux de ce qu'il tend à vne hōneste Damoiselle. Laquelle aussi ne pouoit fuir, qu'elle ne tombast entre les bras d vn viellard. Vous sçauiez, au moins ie le vous apprens, que lors qu'elle nasquit, le Soleil en sa figure estoit sur l'une des deux quartes Orientales, voire, quand il eust tiré sur l'une des deux Occidentales, tousiours elle estoit menacée de ce qu'il faut qu'il luy aduienne, à sçauoir que la pre-

De la jalousie du mary & de la fem.
mireffeur de sa ieunesse soit liee
d'un poil gris & chenu. Et pour
ce Iulius Firmicus dit, qu'il y a
des ieunes femmes, lesquelles
sont tellement commandees par
les Astres, qu'elles aiment mieux
s'accointer des vieillards que des
ieunes. Et ainsi vous concluez,
sieur Fulgence, à la Genethlia-
que, encores que vous teniez
formellement, que les Astres ne
nous predominēt *Sapiēs domina-
bitur astris*. Je pourrois, sieur Li-
banius, vous monstrier du con-
traire, mais cela estendrait ce
Discours en trop grande lon-
gueur, Les mariages sons faits
aux Cieux, cela est vne parole sa-
cree, ie vous monstre ce qui est
porté par le registre Celeste, &
vous ne le voulez croire: à l'es-
preuve vous apprendrez que ie
ne vous dis chose laquelle ne soit

tresueritable. Il n'ē faut pas venir là, dit le sieur Libanius. & le perdriez tout quitte : voire qu'on vousmōstrera aussi tost au doigt, cōme celuy qui maquignonneroit les enjolemēs de nos Genetliques & Matagraboliseurs : Je vous recōmāde au Cartel de Jacques Molan cōtre les Iudiciaires. De ma part ie vous diray, cōme telle est la verité. qu'onques ie ne me suis pleu à ces fadaises de l'Astrologie Iudiciaire, qui pour la pluspart ne sont que bourdes, & desirerois, que plusieurs qui viuent parmy nous n'en fissent non plus d'estat que moy. Vous avez les Discours de Pic de la Mirandole, qui rabatent cōme il appartient, tels enioleurs : si faut-il, que puis que vous estes si curieux des natiuitez, que ie parle à vous pour vous enuoyer à l'escole du

De la jalousie du mary & de la fem.
Philosophe Phauorin lequel, se-
lon que rapporte Aulu-Gelle, te-
noit tel lāgage à ceux qui croyēt
à ce qu'ils entendoient Arioler,
Astrologiser & Mathematiser.
Gardez vous de vous fier aux
Astrologues, en sorte que ce soit:
car encores qu'ils dient vray, ce
qu'ils vous diront, sera bon ou
mauuais pour vous: estant bon,
ou c'est verité ou mensonge: si
c'est verité, vous receuez double
dommage à le sçauoir: car en pre-
mier lieu, vous estes en peine de
desirer que ce bien aduicne bien
tost, il ennuie tant à qui attend.
En apres vn bin a venir, dont
nous sommes aduertis, est estimé
toufiours moindre: de sorte que
nous n'en receuons si grand plai-
sir qu'autrement. Si c'est men-
songe, vous attendrez en vain le
bien, qui vous est promis par l'A-
strologue,

astrologue, car il ne vous aduient pas. Que si ce que l'Astrologue predict est mauuais pour vo⁹, estant mauuais & asseuré, qu'elle plus grande disgrâce pourroit vous aduenir, que d'estre abreuué d'un malheur que vous deuez receuoir, sans qu'il soit en vous le pouuoir éuiter! Si c'est menlonge, qu'a on que faire d'attrister vne personne d'un malheur, qui ne luy doit aduenir? Et par ainsi, en sorte que ce soit, toutes vos salibourdes Astrologiques sont sottes inutiles & incommodes. Quittez, dis-je, Messieurs ces fantaisies Iudiciaires, qui au fort ne vous pourroient que ronger la ceruelle & n'esclaircissent point la resolution, qui depend de ce que vous deuez deduire sur le propos encōmencé. Entrez donc au fonds

R

L'inegalité de l'aage des mariez,
& me mōstrez, que l'alliāce d'un
vieillard avec vne ieune piece est
impertinent & hors de propos,
ou qu'il est bien seant. C'est bien
dit, va dire le sieur Fulgence, ie
commenceray pour vous apprē-
dre, qu'à tres iuste occasion ie me
plains de ce que nostre bō hom-
me de Messer Maximilian a en-
cores enuie de se raieunir, ie ne
me veux point moquer de luy :
mais si c'estoit vn autre, ie ne lui
macherois point ses veritez.

Ceux qui ont fait telles demar-
ches qu'il veut faire, ont esté de-
criez, cōme la vieille monnoye:
l'occasion est, qu'ils vouloiēt ma-
rier le feu avec l'eau, le taciturne,
pēsif, groignard, ridé, froidemēt
sec & grison Saturne avec Venus
Royne de tous plaisirs, resioüis-
sances & contentements: suiuiue
d'une beauté, d'une verdeur, du

Printemps, de la ieunesse, du ris,
du passeremps, de la volupté, du
ieu & de toute gaillardise. Com-
me si, ainsi que le Platonicien
Proclus a tres-bien remarqué, on
ne deuoit regler l'ordre du petit
monde à la cadence du rond Ce-
leste. La vieillesse prend pour pa-
trō & deuise le chagrin & pesant
Saturne, tellement ennemy de la
generation, que l'on nous fait en-
tendre, qu'il couppa à tout vne
faucille les genitoires au Ciel son
pere. Vous parlez contre vous
mesmes, respōd le sieur Libanius,
car encore qu'ainsi seroit, que Sa-
turne auroit trenché les genitoi-
res à sō pere, cela ne le rēd aduer-
faire de la generation. Elles engē-
drerent la Deesse d'Amours. Et
alors que Saturne fit ce gētil trait,
il ne deuoit estre si aagé, car de-
puis eut Iupiter, Iuno, Neptune &

R ij

L'inegalité de l'age des mariez,
Pluton. Mais que direz vous à
celuy qui porte mesme nom que
vous, sieur Fulgence, lequel en
son Mythologique allegorise
tout ce mystere fabuleux à la
soufflerie Chymique. Toujours
vous me ramenez au Ciel, au
lieu que j'ay enuie de mettre la
main à la paste & faire la besoi-
gne de la maison. Si c'estoit vne
chose si estrange que d'accoupler
les ieunes aux vieux, Ciceron,
estant sexagenaire, eut-il tendu
à Publia, ieune pucelle! Pompee
estant sur l'age, eut-il pris à fem-
me Cornelia fille de Scipion, la-
quelle estoit ieune, fraische, druë
& gaillarde. Le Docteur Bulgare
& plusieurs autres doctes & sa-
ges personnages eussent ils sur
le declin de leur age bādē à l'at-
telier de Venus? Il n'y a chasse
que de vieux chiens. J'ay cogneu

vn des premiers hommes de nostre aage, Cretois, lequel, tout gris qu'il estoit, prit party aux bades Cupidiques. Vous cognoissez, & moy aussi, vn Poëte François, qui, tout cassé & brisé d'ans qu'il puisse estre, n'a pourtant voulu ietter sa part aux chiens des passerêps Cythereens. le luy en ay autrefois parlé, & luy donnay trois ou quatre petits traits de gaufferie, il me paya neantmoins de si belle monnoye, que ie prise sa fortune & souhaitte le mesme à tous ses semblables, afin qu'ils puissent comme luy auoir du contant. Ou vous plongez vous pauvre homme, va dire le sieur Fulgence, ie ne pourluyuray pas la guerre & discord mortel, qu'il y a entre Venus & Saturne, puis que vous Mythologisez à rebours & mettez la

R iij

L'inegalité de l'age des mariez,
charruë auant les bœufs : mais ie
veux vn peu peser la force & au-
thorité de vos exēples. Vous auez
mis en butte Ciceron, comme s'il
estoit à loüer de s'estre diuorsé
d'avec sa femme Terentia, aupres
de laquelle il estoit enuieilli,
pour espouser ceste ieune mi-
gnōne de Publia. On sçait quelles
reproches lui en ont esté faites,
& si Anthoine en sceut bien faire
son profit à l'encōtre de Ciceron.
Pour le repudielement i'ay, dict le
sieur Libanius, moyens en main,
pour deffendre cest acte, à la des-
charge du bon pere de l'Eloquē-
ce Latine lequel auoit beaucoup
de griefs de mescontentemens à
lencontre de Terentia, pource
qu'elle n'auoit tenu conte de lui
durāt la guerre, de maniere qu'il
partit de Rome, sans auoir ce qui
lui estoit necessaire, pour s'entre-

tenir hors de sa maison : & encores quād ce fut au retour, elle ne luy fit deuoir de l'affection qu'une femme doit à son espoux, ne daigna le visiter à Brindes, là où il s'ejourna long temps : & qui pis est, à sa fille, qui eut bien le cœur de se mettre en chemin, pour faire vn si long voyage, elle ne donna ny suite ny argent, ny compagnie, finalement qu'elle auoit mal mesnagé en son absence, & le reduisit si au petit pied, que, pour se desgager des grandes debtes qui l'oppresseroient, il fut contrainct se ioindre avec ceste ieune Publia. Ie ne forge point ces moyens : Plutarque les nous a cottez en sa vie. Vous le couurez d'un sac mouillé, dit le sieur Fulgence, il pourra se morfondre? & pour vostre Pópee que direz vous? il ne fit en sa vie cho-

R iij

L'inegalité de l'âge des mariez,
se, qui luy tournaist tant à des-
honneur, que de s'estre voulu
raie unir avec sa Cornelia. Le bõ
homme Bulgare se ietta luy mes-
me le coup de risec, qui luy don-
na sur le nés: car le lendemain de
ses nopces franches surannees il
se mit à lire la Loy *rem nõ nouam,*
C. de iud. comme s'il eut voulu
trompetter qu'il entroit en vn
chemin qui estoit frayé par autre
que luy. Vostre Cretois, ie l'ay
cogneu familièrement; & scay
qu'il estoit homme d'honneur,
& qui a beaucoup merité pour la
Republique des lettres; quoy
qu'aucuns ayent voulu à coups
de pierre charpenter sa renom-
mee, les lettres luy doiuēt beau-
coup: mais s'estant trouué sans
femme il ne cessa, octogenaire
qu'il pouuoit estre, d'estre en
pourchas pour dōner en lieu ou

sa froideur grise pouuoit estre
chaleureusement hebergee. Il fit
vn pas de clerc, & lui mesme l'ap-
prit à ses despens : car, pour beau
dragmer les drogues infusives, il
ne sceut, signe, qu'il se sentit de-
charné, & son humeur vitale ta-
rie. I'ay perdu beaucoup, & ne
gagneray rien au nouveau mes-
nage de nostre Poëte Limosin,
qui quād il pindariferoit dix mil-
le fois plus qu'il ne fait, ne me
sçauroit faire accroire, que son
huile puisse estre bastäte pour en-
tretienir la lampe Amoureuse,
comme il a pris en tasche. Il n'est
plus du calibre d'Hercules, il au-
ra beau se seruir d'eschalottes, af-
perge sauuage, satyrion, arti-
chaux, saffran, mête, ruë, cresson,
truffes, pigeons, escargots & au-
tres tels aiguillons de Venus, il
pourra mettre le feu dans la mai-

R v

L'inegalité de l'age des mariez,
son, & en fin sera coigne-festu.
Assurez vous qu'il n'a pas iour-
nee faite, & que quelque bonne
mine qu'il face, & qu'on lui face
beau ieu, il se trouue lasche au
choc. Le bon homme a vne mi-
graine qui ne lui donne heure
de repos. Voila que c'est de ne se
iouer à bille pareille: ces vieux
regrignez tout roupieux & chaf-
sieux qu'ils sont veulent pescher
au plat, & ne peuvent roidir le
manche, comment estendroient
ils les bras? Voila donc les vieil-
lards, dit le sieur Libanius, qui,
à vostre conte, doiuent bien ferrer
leur marchandise, & ne l'estaler,
aussi bien ne la pourront-ils de-
biter. Vous ne voulez qu'ils se
mettent en besongne, comme
si la vieillesse estoit contraire &
ennemie à la generation de l'hō-
me. Merueilles, que vous ne

nous conseillez de traſſer nos
mœurs à la Thracienne : car puis
que vous voulez que les vieil-
lards ne nous ſeruent que d'en-
trape pour en dettraper le mon-
de, les Thraces vous ont tracé le
chemin, comment il falloit les
traiter inhumainemēt : ils auoiēt
accouſtumé de tuer leurs peres
& meres, caſſez de vieilleſſe &
de maladie, & puis apres les mā-
geoient, afin qu'ils ne ſeruiſſent
de paſture aux vers, ainſi qu'ils
reſpondirent au Roy de Perſe.
Vous nous rendez les vieillards
innutiles à la generation, ſi eſt-
ce que ie vous monſtreray,
qu'ils peuuēt eſtre peres. Qu'ain-
ſi ſoit, le Pape Aneas, Pius,
en ſon Europe, chapitre vingt-
cinquième nous apprend, que
Vlaſiſlas Roi de Pologne, eut de
ſa ſeconde femme deux fils, à ſça-

R vj

L'inegalité de l'age des mariez,
voir Vladiflas & Cafimir, l'un
desquels eut la Duché de Litua-
nie, & l'aîné, qui estoit Vladiflas,
succeda au Royaume Polaque,
& fut appellé à la Couróne d'Hó-
grie: mais expreffément est re-
marqué, que ce Vladiflas, eftant
nonagenaire, eut ces deux en-
fans. Valere le Grand, Solin, &
Plin mefmes au feptiefme liure
de fon hiftoire naturelle, ont tres-
bien remarqué, que Mafiniffa,
Roy de Numidie, ayant paffé
quatre vingts fix ans, engendra
Methymatnus, que Caton le
Cenfeur aux quatre-vingts hui-
ctiefme an de fon âge engroffa la
fille de Salonius fon vaffal, de la-
quelle il eut Cató, ayeul de celuy
d'Utique: de mefme Cornelia
Damoifelle Romaine de la mai-
fon des Scipiós, raporta à Lucius
Volufius Saturninus fon mary

vn fils, qui aussi fut nomme Volusius Saturnius, le pere ayant soixante deux ans passez. Je n'entreray point en plus ample preuve, d'autant que cela est assez coustumier, & ordinaire entre nous, que des bons vieillards engendrent. Vous ne dites pas (va dire le sieur Fulgence) si on ne leur preste point telle charité, & s'ils n'ont point des seruiteurs du Diable, qui font plus qu'on ne leur commande, & s'emploient en vne besoigne, dont on ne leur sçait point de gré. Je ne nomme personne. si sçay ie bien qu'il y a en plusieurs paroisses de France trop de millions de bons hōmes. qu'on nomme peres, qui ne bu-rinrent onques l'ouurage, qui leur est atirbué biē qu'ils croient en estre les geniteurs. N'estimez pas qu'à credit ie m'opinia,

L'inegalité de l'age des mariez,
stre pour ceste dispute: Le voy
que les Medecins & Philosophes
naturels, qui ont recherché les
causes de la sterilité & incapacité
à engendrer tant en l'hōme qu'en
la femme, entre autres ont remar-
qué, que c'est ou parce qu'il n'ya
plus d'encre au cornet & d'huile
en la lampe vitale, ou que les ou-
tils sont recreus & restifs.

*Ou qu'ils sont trop usez par le long e-
xercice*

*Qu'ils ont fait, en faisant à leur
maistre service:*

*Ils sont desormais las, egrenez, epui-
sez,*

*Ils n'ont plus de pouvoir, de volonté
assez.*

Que s'il faut fureter plus curieu-
sement les secrets de l'accouple-
mēt mutel, qui rēd leurs efforts
tant inutiles, & engendre tant de

coups perdus, n'est ce pas, que lors que le grand coup se dōne, la rencōtre des deux ne se peut faire? car l'un est prōpt & hasté, l'autre est lasche & paresseux, si bien que la paste en attēdant s'éuanre, & se refroidissant perd sa force generatiue: au rappeau le vieillard est sourd, & n'en veut point manger. Si le rapport n'est entre les deux partis, estimez vous, que le leuain puisse enfler la paste? Lavez vous hardimēt les mains, va dire le sieur Libanius, vous ne pouuez faillir, que ne les ayez engluées & empesées, vous vous y fourrez iusques au coude, & si ne touchez pas au fonds, car le broüillis que guignez des deux semences, ne vient à propos. Cela auroit lieu, s'il n'y auoit que les mariez qui engendrassent, mais tant de coups, qui se donnent

L'inegalité de l'age des mariez,
en robe, pensez vous qu'ils ne
portent, pource que lon ne de-
meure accroché long tēps? moy-
ennant que la poudre soit dans
le canon, si elle est bonne elle n'a
pas garde qu'elle ne prenne feu.
Ioint que (comme tiennēt nos
Naturalistes) *virile sperma septem*
horis consistit, s'il y a de la rechar-
ge, l'ailiage se pourra tousiours
faire. Et quant à la diuersité des
semences, que n'auiez osé gueres
esuentier, elle est fort à mon ad-
uantage. Car si ainsi est que la
ieune femme soit en tout temps
sous l'ardeur de la Canicule, sans
doute elle n'auroit pas garde d'ē-
gendrer, & seroient deux feux
qui s'attiferoiēt l'un l'autre: mais
quand le mary est moderé & at-
trempé, l'humeur fraische qu'il
iette dans le fourneau est fort
propre pour la rafraischir. La

chaleur est certainement neces-
saire à la generation, mais elle ne
peut suffire seule (ie ne parle
point du Phœnix) il faut les au-
tres qualitez. Que dites vous
pauvre homme (respond le sieur
Fulgence) ie ne me puis tenir de
rire quād ie vous vois syllogiser
si cruement. Voila vne ieune ef-
friquee, chaude tout ce qui se
peut, fretillarde, éueillee, lasciuue,
& du tout encline à Venus, pour
appaier la fureur de son feu, vo⁹
me luy donnez vn vieil refueur,
vn crache en ruelle, vn pauvre
Diable, qui ne peut qu'à peine
bander vne fois le mois, & s'il
faut encores tant de bandages,
des ceremonies encores plus El-
le descōfiroit le plus roide qu'on
luy pourroit mettre en front:
Hercules ne luy montreroit que
bien peu, & vous la voudriez

L'inegalité de l'age des mariez,
charger d'un pauvre vieillard,
qui ne se peut luy-mesme re-
muer, c'est bien loin de la serrer.

Tout ce que le bon homme
pourroit ietter dans la belouse,
luy monte autant que feroit un
grain de mil en la gorge d'un as-
ne, comme vne goutte d'huile
au milieu d'un grand feu, ou cō-
me un peu d'humeur, pour estā-
cher la chaleur de quelque fieure
ardente. Vous parlez, dit le sieur
Libanius, des femmes qui ont
perdu toute honnesteté, qui se
lasseroient plustost au mestier
que de s'y assouvir: ce sont gous-
fres & fondrieres d'impudicité:
& si encores ie treuve, que celle
qui a emporté le pris entre tou-
tes les putains, qui onques fu-
rent au monde, n'a point eu si à
cœur l'acointāce d'un vieillard.
La belle Venus ne s'accoupla-

elle pas avec le bon vieillard Anchises, sur le bord du fleuve Symois, quoy qu'il fut ridé, rouspieux, & chassieux? & de cest accrochement Æneas n'en fut-il pas basty? Vous ne direz pas, qu'elle fut surprise, ou qu'elle pensast à ce qui n'y estoit pas: Elle en faisoit la leçon aux autres. Je pense (dit le sieur Fulgence) que vous auez pesché ce conte fabuleux hors les courans poëtiques, mais vous ne prenez pas garde, que ce qui la fit plier sous telle conionction, fut qu'elle auoit receu aduertissement par l'Oracle, qu'après que l'Empire des Troyens seroit abbatu, il n'y auroit que ceux de l'estoc d'Anchises qui commandassent, pour preuenir que l'Oracle ne fut à faute & mensonger, comme elle vid Anchises fort abbatu de vieillesse,

L'inegalité de l'âge des mariez,
elle voulut forcer Nature mes-
mes. C'en'est donc point que les
enlancemens grisons luy pleus-
sent, mais parce qu'elle desiroit,
que la responce de l'Oracle vint
à effect

Or puis que iusques icy ie vous
ay escouté sur les moyens qu'a-
uez voulu employer, pour ma-
rier les vieillards avec les ieunes,
il faut, que à mon tour ie preue
ma negatiue, & que ie montre
par les incommoditez qui accô-
pignent telle inegalité, que ces
mariages bigarrez sont de tres-
pauvre grace, & encores de plus
perilleuse consequence. En ce
fait nous auõs affaire à deux par-
ties: est besoin de voir si cest e-
strange alliage les pourra contē-
ter, commençons par le mary: Le
vous voila logé avec vne ieune
pucelle, qui ne demande que ses

plaisirs, qu'à bondir en ioye & se regaillardir. Au lieu d'entendre à la luite Hermaphroditique, ce sera vn touffeur, vn cracreur, vn rechigné, qui pour faire mine de vouloir tenir raison à sa créacière, essayera de se remuer, il se tuera, & si ne pourra acquiter la dixiesme partie des arrerages surannez. La femme, voyant vn si pauvre caualcadour, qui ne sçaura piquer sa monture, se mettra à se moquer de luy, & maintesfois luy iouëra vn si mauuais party, que le bon homme, pour passer sa melancolie sera cōtraint d'aller iouër à la corniche.

Il me souuient d'une ieune femme de nostre pais, qui ayant espousé vn viel bon homme, qui ne pouuoit autre chose faire que de frapper de la main, le moufflar de sa nouvelle mariée, voyāt

L'inegalité de l'aage des mariez,
que ceste façon de faire conti-
nuoit, ne fut point honteule luy
dire en ceste sorte.

*Iean que vous sert de m'auoir prise
Folle sera vostre entreprise,
Et mieux vous la vaudroit quitter
Puis que n'y pouuez resister,
Car ce vous seroit de s-honneste
De porter ainsi qu'une beste
Deux belles cornes sur le front
Ainsi comme les autres ont.*

Estant sur l'âge il ne deuroit plus
penser qu'à prendre du bon tēps,
& vous le voulez attacher au li-
mon, vous le ferez labourer. Il
ne peut, si luy mettez vous en
queuē vn terrible resueille-ma-
rin Il aura beau estre escorché, si
faut-il gagner sa iournee, & ainsi
il sera plus miserable que les che-
uaux, lesquels s'ils sont blesez en
quelque part, foulez ou escor-
chez ont relais iusqu'à ce qu'ils

soiēt gueris. Ce pauvre vieillard n'aura toute sa vie fait que besoigner, ses outils en seront vlez, & on n'aura pas pitié de luy, sur sa vieillesse on lui donnera encores vne tâche plus mal aisée. Que pensez vous faire? vous les enuoyez en poste en Paradis tant vous luy pressez ses maiz. Je ne parle point de chose, qui ne se puisse decider que par le droict, la maistresse des fols iustificera assez mon dire.

Combien de douzaines de milliers meurent tous les ans, pour auoir esté contrains de s'efforcer au choc? Prenez moy vn forçat qui soit bandé & iour & nuict à la chiorme, vous auez le patron de vostre vieillard. Depuis que lon est à la cadene il faut marcher, & n'est pas question de dire qu'on est mal disposé, ou de

L'inegalité de l'aage des mariez,
demander si on a des bras. Des
que la ieune Dame a son vieillard,
elle ne s'enquiert pas du passé,
s'il y a moyen où s'il y a fonds, la
partie m'est deuë (dira elle) il
faut qu'elle me soit acquitée. Sur
la replique du mary, que son a-
voir & sa puissance ne bastent,
pour la rendre contente, elle in-
siste, & faut que le mary, quoy
qu'il ne puisse presque se remuer
qu'il entre au party. Car les let-
tres de respy n'ont point lieu en
cest endroit. L'autorité du Prin-
ce ne peut rien sur ce droit, que
nature a acquis à ceste femelle.
Auez vous iamais veu des veaux
pousser de leur teste le ventre de
leur mere, luy tirailler son piët?
Ainsi ceste mal piteuse vous es-
praindra le bout de ce pauvre
vieillard le succera de telle façon
qu'il n'y restera que ce qu'elle
n'aura

n'aura à fine force peu tirer, ou bien luy fera de pareilles reproches.

Il a allumé le feu,

Et puis a quitté le ieu

Ne l'ayant pas sceu esteindre,

I'ay occasion de me plaindre.

Quand donques vous voulez marier, vn vieillard avec vne ieune femme, vous le mettez à la boucherie, vous luy precipitez ses iours, l'obligez & forcez à faire ce qu'il ne peut. C'est pourquoy le Tyran Denis, comme sa mere luy dit, qu'il prit à femme quelqu'une deses suiètes & cytoyennes, quoy qu'il fut aagé, luy respōdit tres-prudemment, que le Tyran ou Prince pourroit bien rōpre, fausser & abolir les loix de la cité, nō point celles de nature, & que quant à luy, il seroit bien marry d'introduire en la Cité vn

S

L'inegalité de l'aage des mariez,
tel desordre , ou de permettre
que hors le temps on prist des al-
liances ou il n'y auroit ny plaisir
ny amitié mesmes qui demeure-
roient manques pour la fin des
noces. Quelles reproches est-ce
qu'on iette à ces pauvres vieil-
lards, lesquels, au lieu qu'ils de-
uroient estre honorez sur le de-
clin de leur aage, sont moquez &
monstrez au doigt par celle mes-
mes, qui les deuroient respecter
& reuerer? Vous avez entendu
que l'effort & contention qu'ils
font au jeu, doiuent leur auancer
fort leur iours, ils sont bien ha-
stez par le regret qu'ils ont de se
voir desdaignez & mesprisez par
leurs femmes: mais le plus grand
coup de marteau qu'ils puissent
recevoir, c'est qu'enchassez dans
ce ieune bois ils s'ot à tous coups
martelez de jalousie: car soit que

leurs femmes, par aduventure, ne leur facent tort, si est-ce que ceste impression est si familiere à ces bonnes gens, que c'est aussi grande merueille de trouuer vn vieillard mary d'une ieune femme degarny de ceste dragee, que la mer sans eau. Et quand tout est dict, ie trouue qu'ils en ont tres-iuste occasion il recognoissent tres-bien, que les femmes, principalement de ieune calibre, fretillent à la queue, comme de fait naturellement elles tendent à auoir lignede, ainsi que l'ont remarqué, tant les Iuriconsultes en la Loy *ambiguitates*, C. de *vid.* que les Medecins & Philosophes. Platon en son *Timee*, & Galien, au sixiesme liure des lieux affect. chapitre 5. escriuent, ce que mesmes le Sage a tenu en ses Prouerbes, que la matrice de

Sij

L'inegalité de l'aage des mariez,
la femme est gloutonne & con-
uoiteuse au possible d'engendrer
voire qu'elle est en peine & mal-
aise iusques à ce qu'elle ait peu
concevoir : recognoissent qu'il
faut souuent arrouser ce Tempê,
qu'il ne faut estre lasche à la be-
soigne. Ils ont beau auoir bon-
ne affection, porter de leur bon-
ne & deliberee volonté, cela ne
suffit pas, non plus que le jardi-
nier ne seroit excusable, si par
faute d'auoir arroûsé ses fleurs,
l'ardeur du Soleil les auroit fené,
quoy qu'il publia qu'il auoit la
meilleure enuie de bien faire.

Ils sçauent que les femmes,
pour se guerir de leur bobo,
n'espargnent chose qui soit,
qu'il n'y a si hasardeux pelerina-
ge qu'elles n'entreprennent, que
tout ainsi que le Nauire, si le cor-
dage est destendu, court au gré

de la tourmente : de mesmes la femme, si elle n'est cloüée, va souvent mouiller l'ancre, où le patron du vaisseau ne voudroit pas: bref qu'au peril de leur vie, & de qui leur doit estre le plus cher, elles suppléeront l'incapacité de leurs vieillards: & ce n'est d'aujourd'huy, que ceste maladie dure.

*Du temps passé nous lisons que les
Fees,*

*Feirent changer d'homme en cerf
Acteon*

*Mais maintenant telle mutation,
S'exerce encor par les Nymphes coiffes.*

Vn vieillard Gentil hōme Poiteuin, qui ayant passé par là, apres le deceds de sa ieune femme cognoissant le deffaut qu'auoient ceux de son âge à la conionction naturelle, faisant bastir vn beau

S iij

*L'inegalité de l'aage des mariez,
logis pour luy seruir de principal
mānoir voulut expres, que sur la
maistresse porte fut grauee en
vne table de marbre, en belles &
grosses lettres d'or ceste inscri-
ption, seruant de preceptes aux
autres vieillards.*

*Vieillards qui portez des Lunettes
Ne vous ioignez point aux fillettes,
Car sous le pretexte d'Amour
Elles vous ioieront mauvais tour,
Parce qu'il faut en leur ieunesse
Autre aliment que la richesse
Pour conseruer leur embonpoint,
Que nous autres nous n'auons point.*

L'auarice est encor vn meschant
chemin, dont la pluspart des
vieillards sont ordinaiemēt fra-
pez, ce que les ieunes femmes
n'ayment pas beaucoup: comme
ie scay d'vne à qui son vieillard

mary luy reprochoit le mauuais
gouuernemēt de sa gibeciere pe-
cuniaire la menassoit qui vëdroit
tout, & s'en iroit au haut, & au
loing, à quoy elle fait responce.

Tu me dis que tu t'en iras,

Va t'en que iamaïs ne te voye?

Quant tout mon bien emporteras

Mon &c. forge monnoye.

Quel creue-cœur est-ce à vn
pauvre homme d'auoir des lieu-
tenans de couche? La passion est
si forte, qu'elle a quelquefois for-
cé aucuns de se meffaire eux mes-
mes, Sieur Fulgence (va dire
le sieur Libanius) traictez vn peu
plus doucement les femmes: à
vous ouïr, on diroit, qu'inces-
samment le Canicule loge en
leur cartier, il y en a de mode-
stes, chastes, & sages, qui pour
mourir, ne voudroient auoir fait
chose que bien à point.

S iij

L'inegalité de l'age des mariez,

Elles ne sont point toutes si sages, comme vous les depeignez. Si toutes celles, qui sont mariées à de ieunes hommes inhabiles au mestier, & qui n'ont daigné penser de prédre des substituts, vous auoient donné sur le nez, asseureriez vous que vous l'auriez bien camus. Vous parlez de jalousie, celles là, si elles auoient pris parti avec vn vieillard, auroient encores bien plus d'occasion de supporter l'impuissance vitale de leurs maris. Les autres ne sont point si farrouches, eshontees & abandonnees à leur lubricité, que les remonstrances chenuës de leurs maris, n'eussent au moins le pouuoir de les diuertir de mal-faire, & les entretenir à l'exécution de leur deuoir.

Vous le prenez fort mal, va dire le sieur Fulgence, ou il est

question d'effect, les paroles ont bien peu d'efficace, &, comme dient les Allemans, ce ne sont les mots qui remplissent la gibeciere, ains ce qu'on fourre dedans: que s'il ne tenoit qu'à cajoler & remonstrer, les vieillards emporteroient les ieunes hommes: la vieillesse a le babil de péculier, celui est vn gage, duquel elle ne peut estre deffaisie, que perdant le soufflé avec la parole. C'est le reproche qu'on fait coustumièrement aux vieillards, qu'ils ont du bec assez: mais c'est tout. Il faut qu'à ce propos ie vous face vn conte de deux ieunes frippons: l'un se plaignoit à son compagnon de ce que quelquesfois les chiens luy faisoient si fort la guerre, qu'ils le mordoient. Nō, dit l'autre, ie te veux apprendre vne oraison, laquelle

S v

L'inegalité de l'aage des mariez,
empeschera que les chiens ne te
meffacent, ie l'ay esprouuee: &
à fin que tu me croyes mieux,
lors que nous passerons deuant
des chiens ie la diray, tu verras
qu'ils ne nous sauteront dessus.
Il vous prend vn bon baston, &
comme ils furent aupres de deux
gros matins, remuant son baston
il vous commence à marmonner
ceste belle oraison: les chiens ne
s'approcherent aucunemēt. Cela
mit tellement le cœur au ventre
à celuy, qui auroit esté aupara-
uant mordu, qu'il ne cessa qu'il
ne la sceut par cœur. Vn iour
comme il repassoit seul deuant
ces chiens, il commence à cra-
cher ses gros mots d'exorcisme,
mais les chiens n'en tindrent pas
grand conte, ils estoient Nor-
mands, & l'oraison estoit Latine,
ils se ruent sur ce pauvre diable

de charmeur, le vous pelaudent & houlpillent de si honneste façon, que ses habits estoient tout déchirez, & luy déré en plusieurs parts. Il n'eut pas retrouué son compagnon, qu'avec vne infinité de plaintes, il s'en va luy cōter sa miserable fortune. Tu n'as pas dict l'oraison, va dire l'autre, si ay, respond-il, plus de dix fois, mais au diable si ces chiēs ne s'acharnent de tant plus sur moy. Je sçay bien d'où vient toute la faute, dict le Docteur du charme, ie gageray que tu n'auois vergeny baston: non (respond-il.) Apprens donc (dict l'autre) que vne autrefois si tu te trouues en tel hazard, qu'il faut dire l'oraisō: mais au bout, faut auoir le bastō, qui en vn besoin seruira pour rabattre leur colere. De mesmes les remonstrances ont beau

S vj

L'inegalité del aage des mariez,
trotter par compagnie, si vous
n'avez dequoy r'appaiser la fu-
reur des femmes, elles tiennent
autant de conte de vos paroles
que firent les chiens de ceste o-
raison. La liaison du mary avec
la femme ne tēd pas à ce que lon
deuise ensemblement, le but est
d'eterniser le genre humain par
la continuelle succession des en-
fans, qui sont engēdrez: Vn vieil
regrigné, comment pourra-il
fournir à l'appointement? il a ses
outils forbeux, maigres, lasches,
secs, aloüis, poltrons, debiffez,
esclopez: la pluspart de l'atte-
lage cassé, brisé, & rompu, tout
son cas si flaque, que, s'il faut dō-
ner dedans la breche, il l'y faut
guider par art. D'ailleurs il est
si mal propre à aimer, il ne mi-
gnotte point, faut-il parler des
begayās baisers, acoller & dōner

autres petits entre-gents & truchemens d'Amour, il n'y entend que le haut Allemand. Le bon homme est si reuesche & contraire à soy-mesmes, qu'il se hargne à son propre naturel. C'est à ce coup que ie vous tiens, va dire le sieur Libanius, vous ne m'eschaperez pas, vous rebutez les vieillards de s'accointer en mariage avec les ieunes, parce qu'ils sont infertiles. Or ie vous foustiens, que la sterilité ne peut empescher le Mariage, principalement entre les Chrestiens, qui tiennent, que le Mariage n'est pas afin d'auoir des enfans, comme estoit la Loy de nature, laquelle encores ne partisoit si fort qu'on diroit bien pour la generation des enfans, *consensus enim non concubitus nuptias facit*, mais est seulement permis, afin de sub-

L'inegalité de l'aage des mariez,
uenir à l'infirmité humaine, *ne*
vrantur can. nuptiarum 27. quest. 1.
pour esteindre la chaleur & bru-
slement de nature. Pource la li-
gnee est appelée le bien & non
pas la cause du Mariage, *can. Omne*
27. quest. 2. C'est ce que S. Au-
gustin nous enseigne en son trai-
cté du biē du veufuage, qu'autre-
fois le Mariage a esté l'obeissan-
ce de la Loy, mais à present, c'est
le remede de l'infirmité, & à au-
cuns le soulas de l'humanité. Et
de faict Iean VViclef fust con-
damné au Concile de Constan-
ce, parce qu'il disoit, que l'hom-
me ne deuoit pas habiter avec la
femme, sinon pour auoir li-
gnee. Encores doncques qu'il
n'y eut aucune esperance en vn
vieillard qu'il puisse auoir des
enfans, vous ne deuez pas con-
clurre que le Mariage luy doit

estre interdit avec vne ieune femme, vous condamnez les Chrestiens, qui le permettent, suyuant la Glose *can. nuptiarum*, cotté cy dessus. Ne pensez pas qu'ils ne soient fondez sur raison. Quintilien en sa seconde declamation nous en fournit, *Vxo. ri charitatis ardorem flagrantius frigidis concupimus affectibus*. De fait encores que, comme escrit saint Augustin au traité, *De bono coniugi*, en vn mariage suranné l'ardeur de l'âge entre le malle & la femelle soit abbatuë, toutefois l'ardeur de la charité du mary & de la femme est en force & vigueur.

Ce sont, respond le sieur Fulgence, là des moyens qui vous semblent fort preignans, sieur Libanius, mais ie n'y trouue rien : car quoy qu'on ne

L'inegalité de l'âge des mariez,
les vous debatit point, ce seroit,
à vostre conte, mettre le vieil-
lard à son aise, pour alangourir la
ieune pucelle. Vous-dites, que le
Mariage est institué pour preue-
nir la chaleur naturelle, qui pour-
roit nous faire surfaillir à pis, afin
que vostre argumēt soit concluāt
il faut, que le Mariage ne soit e-
stablishi que pour le mary *ne vratur*:
car pour rafraischir vn vieillard,
qui de soy n'est que trop froid,
vous voulez, au moins n'en fai-
tes difficulté, qu'une pauvre pu-
celle, qui est ensoulfree d'un feu
plus vehement que n'est le Gre-
geois, haigne en son ardeur sous
les os secs d'un vieil chenu. Ce
n'est pas mal faict de souhaitter
bien aux masses, mais au detri-
ment & gehenne des femmes,
il n'y a point d'apparence. Pre-
nez bien cecy, car ie l'employe

pour l'autre membre de la diuision que i'auois cy dessus fait des mal heurs & inconueniens du mariage du suranné & de la trop tost mariee. Maintenant ie vay reprendre ce que vous auez deduit, pour monstrier que le Mariage ne peut estre interdit au vieillard, pour l'infirmité de son aage, & incapacité d'engendrer. Vous auez les Romains, qui formellement sont bandez contre vous, & tiennent que le Mariage n'est ordonné que pour la creation des enfans, *l. sed est questum de lib. & posth. l. si seruus in si- de in. dot. l. spadonum de verb. signif.* Et entre les Chrestiens, encores que nous n'ayons point tant le Mariage pour auoir lignee, que pour estaindre la chaleur & ardeur qui est és personnes, si faut-il que nous vsions de ce remede

L'inegalité de l'aage des mariez,
de nostre imbecilité à quelque
bonne fin, c'est à sçauoir pour
auoir lignee, ainsi que di& saint
Augustin au troisi&me liure cō-
tre Iulian: de sorte que celuy
qui a totalemēt perdu l'esperan-
ce de lignee, ne se doit point ma-
rier, parce qu'aussi bien la con-
pagnie de la femme ne luy peut
seruir d'aucun relaschement. Et
de fait saint Augustin au liure
quinzi&me contre Faustus, re-
prend les Maniche&s de ce qu'ils
vouloient vser du Mariage seu-
lement pour le plaisir éuitât d'a-
uoir des enfans. Je soustiens dōc
que le Mariage est permis entre
les Chrestiens, *in solatium infirmi-*
tatis, modò tamen insit aliqua spes
prolis, & par consequent, que les
vieillards en doivent estre recu-
lez, parce qu'ils ne sont assez roi-
des pour pousser dehors la se-

mence, ou s'il y a de l'ejaculation, *semen non est prolificum* : ce ne sont que rosees fantastiques & imaginaires, ou bien ce sont eaux, qui se verglassent, & ne fertilisent le chāp. Il faut que lon parle à vous à ce coup, va dire le sieur Libanius, vous voulez que les outils des vieillards soient sans force ny vigueur, qu'ils n'osent mettre le pied en l'escole de Ven^o, s'il n'y auoit que Cupidō qui enamourast, vous auriez quelque apparence, d'autant qu'il est fort ieune, & à peine vn vieillard pourroit cōpatir sous les folies de ce ieune teste legere: mais Ven^o à sa Cour, elle y dresse & façonne tous les iours ceux, qui ne sont autrement tenus pour apprētis. A elle quelquefois s'adressent les vieillards, auxquels elle r'apprend encores le mestier, mesmes elles les con-

L'inegalité de l'âge des mariez,
traint de se râger à l'attelier. C'est
la plainte, que le Poëte fait à Ve-
nus, qu'elle l'appelle au choc, en-
cores qu'il y ait fort long temps
qu'il ne l'eut courtisée. Et Pline
aussi en parle amplement au 22.
liure de son Histoire naturelle
cha. 22. remarque expressement,
que l'herbe Scandix, qui est te-
nuë par aucuns pour celle qu'on
nomme *pectem Veneris*, à cela de
singulier, qu'elle remet en natu-
re ceux qui se sôt eschinez sur les
femmes, mesme qu'elle rēd ceux
qui sont desia sur l'aage, gentils
compagnons enuers les Dames.
Si donques ou par nature, ou par
art les vieillards peuuēt estre res-
ueillez à la besoigne, vous leur
faites tort de les chasser si loin
des femmes. Ils sont hommes
aussi bien que vous & moy, & ne
pensez pas que l'âge ait peu leur

faire perdre l'enuie & force qui nous est naturelle de nous monstrer hommes. Que direz vous à l'aduis de Diogenian, qui porte, qu'il faut accointer vne ieune fille avec vn vieillard plustost qu'une vieille? Il fonde son aduis sur ce que la fille pourra raviver la chaleur du vieillard, & accomplir par ce moyē les effets de Mariage. La response, dit le sieur Fulgence, est toute preste parce que nous trouuōs au premier chapitre du troisieme liure des Rois, là ou il est porté que le Roy Daud deuint vieil & auoit beaucoup d'âge, tellement qu'on le couuroit d'habillemens, & il n'eschauffoit point, si luy dirent ses seruiteurs: Qu'on cherche à nostre Sire le Roy vne iouuen. celle vierge, laquelle se tienne deuant le Roy, & qu'elle l'entre-

L'inegalité de l'aage des mariez,
tienne & dorme en son sein, &
qu'elle l'eschauffe. Ce qui fut fait
& luy fut amenee Abilay Suna-
mite, belle tout ce qui se pou-
uoit, laquelle entretenoit le Roy
& luy seruoit: mais il est notam-
ment cotté, qu'il ne la cogneut
point. On suppose donc des ieu-
nes pucelles aux vieillards, seu-
lement pour les eschauffer, non
point pour les repaistre de la
qualité coniugale. Mais, à vostre
aduís, n'y a il point de conscien-
ce de tenir si fort long temps en
haleine vne pauvre femme alte-
ree exorbitamment & la mettre
aupres d'une fontaine, où elle
n'osera prendre de l'eau, d'une
gorgee, où en deux passades elle
l'auroit tarie? On plaint celles
recluses, qui passent leur ieunes-
se sans la compagnie des hom-
mes, d'autant qu'au trauers de

leurs chartres Cupidon leur dar-
de assez souuent des traiçts d'A-
mour, qui empraignēt leur ame.
I'en cognois qui iouent de terri-
bles jeux, & iettent des souspirs
de desespoir fort pitoyables: au-
moins leurs yeux ne voyent pas
cōtinuellement le feu qui les em-
brase: ce n'est qu'une imaginatiō.
Les poules de nos vieux chapons
sont iour & nuict sous l'aile che-
nuë, elles meurent de faim, elles
ont la viande, mais c'est vne cho-
se si cruë & de si peu de goust,
que quand mesme on leur en
voudroit donner leur portion
congruë, elles seroient bien fas-
chees qu'une seule goutte fut en-
tree dans leur corps: elle offense-
roit plus qu'elle ne profiteroit,
pour tout potage ce seroit vne
goutte d'eau, qu'on ietteroit
sur vn grand brasier, qui ren-

L'inegalité de l'aage des mariez,
flammeroit d'avantage l'ardeur.
Et c'est pourquoy les vnes s'appellēt vefues, quoi qu'elles ayent leurs maris auprès d'elles, mais autant vaudroit n'avoir pas rien que d'avoir vn tel mary qui ne faiët rien: les autres se portent pour ennemies de leurs espoux, lesquels elles seruent de groin, de chagrin & de reproches: les autres, de despit, enroollent leurs maris en la confrairie de la Lune: les autres finalement, pour se detrapper de si ennuyeux maistres, complotēt leur mort, & les vous enuoyent tout doucement au tombeau. Voila les beaux fruiëts de l'inegalité du Mariage, les maris sont en peine, les femmes languissent sous les tourments, les vns & les autres sont mal cōtans. Messieurs, vous avez assez, vay-ie dire, pour mené ceste question

tion, si est-ce qu'il faut que ie
vous voye encores escrimer vn
petit pour les vieilles, à sçauoir
si vn ieune homme doit tendre à
vne vieille. Quant à moy (va di-
re le sieur Libanius) ie veus touf-
jours appareiller les partis au Ma-
riage, & trouue que les ieunes
qui s'accrochent à des vieilles,
sont plus sots que les filles, qui
s'humiliēt aux vieillards. De fait,
tel pense auoir trouué la feue au
gasteau, espousant vne bonne ve-
fue, avec beaucoup de biens, en
fin il se trouue de sainct pris l'a-
yant espousee,

*Vne mauuaise bague, vne roffe si
molle,*

*Si froide qu'ell' le noye, & morfond
s'il l'accolle.*

Elle sera si froide, que, s'il leue
quelque chose en son terroir,
voici vne lauace d'eau, qui rai-

T

L'inegalité de l'aage des mariez,
ne la semence, delaue si bien le
vaisseau, que l'œuure encommē-
cee se pert, se rompt & se gaste.
En apres les Medecins nous ap-
prennent, que ces vieilles gou-
tieres ramassent des humeurs si
trespernicieux & corrōpus dans
leur esgout, que le ieune leuron,
pensant fureter quelque proye
de plaisir és forests d'Ericine, il
s'embourbe en des puans, sales,
& infects marests. S'il peut s'en
desgager, ne pensez pas, qu'il re-
leue la teste pour la queste du gi-
bier, ou l'y a trop mal traité. Il y
a plus, qu'il n'y a aucun plaisir a-
uec telles aridelles: elles sont fas-
cheuses & ennemies des plaisirs
amoureux, leurs flancs sont en-
gourdis, leur aine & leur cuisse
endormie. Estes vous accouplé
avec vne d'elles, vous trouuerez
qu'elle est plus froide qu'un gla-
çon, & plus dure que fer: quand

vous auriez tous les brádós d'A-
mour, elle ne pourroit estre es-
chauffee. Que si elle prend enuie
de fringuer, elle s'en acquite si
laschement, que ny elle, ny celuy
qui la pressen'en reçoivent plaisir,
elle est si longue à la descharge,
que ce qu'elle a receu propre
pour faire leuer la paste, en l'at-
tendant, s'esuente, refroidit, &
gaste. D'estre groignardes, re-
uesches & mal-plaisantes, ne le
faut demander: ce sont les fleurs
de la vieillesse.

Vn bon compagnon ensei-
gnoit vn iour à vn ieune hōme,
qui estoit attrapé aux lacs d'une
vieille ridee pour suppléer à tels
deffauts, ce remede.

*Ayez vne chambriere
Ieune poupine & gorriere,
Tenant conte de son bas
S'elle rit quand tu la baise,*

T ij

*L'inegalité de l'aage des mariez,
Gaillard auras à ton aise
A go go le petit cas.*

Or reuenons à nos moutons.
Quant à la qualité de vefue, elle
est si terrible, qu'il n'y a cheueu
qui ne doiuent heriffer en la te-
ste de celuy qui est assailly & bat-
tu d'un si rude baston. Elie a des-
ja pris son ply, elle est comme le
camelot, elle rompra pustoit
que de se changer. A ce propos
nous auons l'exemple de Timo-
thee excellent ioüeur de flustes,
& qui pour de l'argent en tenoit
escole publique: il auoit ceste
coustume, auant que receuoir
quelqu'un à son apprentissage, de
sçauoir s'il auoit quelque com-
mencement de jeu: il en prenoit
plus grand pris la moitié de ceux
qui y auoient eu quelque entree
que des autres, lesquels ne sça-
uoient rien: la raison est, pource

qu'il auoit plus de peine à oster le mauuais de ses disciples, que d'enseigner le bon à ceux qui n'y entendoient rien. De mesmes le mary aura plus de fache-rie à desapprendre à vne vefue les mœurs qui luy auoient esté passez & entretenus par le defunct, qu'à en façonner vne tout de nouueau. Il y a plusieurs autres incommoditez, lesquelles le curieux & diligēt lecteur pui-fera de nos Partis Amoureux, ou nous nous sommes assez esten- dus sur ce sujet. Voila donc en quoy le mariage des vefues, & vieilles avec les ieunes hommes se rapporte pour les incommo- ditez, avec celuy des vieillards avec les filles & ieunes Dames: maintenant faut voir ce, en quoy le dernier surpasse le premier. La vieillesse a de coustume d'estre

T iij

L'inegalité de l'age des mariez,
honoree, & pource les bonnes
vieilles s'en font accroire beau-
coup, & pensent, que pour leurs
cheueux gris, les testes vertes
qui les ont espousé leur quitte-
ront: en vn mot, elles veulent
que les maris tiennent le rang de
femmes. La poule a beau estre
plus vieille que le coq, si faut-il
qu'elle soit au dessous. Le Prin-
ce quoy qu'il soit plus ieune que
son sujet, si faut-il qu'il tienne le
dessus, qu'il soit respecté & obey
par ceux qui sont beaucoup plus
aagez queluy. Cen'est que des-
ordre, que confusion & que mi-
seres, qui suivent, talonnent, &
espousent ces contre-naturees
alliances. Je recognois veritable-
ment, que la vieillesse doit estre
reuerree, mais de mettre le mary
au dessous, cela est bien estrange.
Je passe sous silêce les reproches

dõt elles battēt leurs ieunes maris, l'employable roideur qu'elles ont acquis à la longue, telle qu'il est impossible les domter, matter & corriger. Vous oubliez, va dire le sieur Fulgēce, ce qui fauorise fort aux mariages des vieilles avec les ieunes hōmes: car pour le regard des maris, ce leur est vne grande espargne, il ne leur faut point tāt d'agiots & beatilles pour les popiner, qu'à ces ieunes esuentees, elles se passent à peu. Mais quelle despēse faut-il faire (respond le sieur Libanius) pour l'Apoticaire, pour le Medecin, pour le Barbier? Vne demie heure de plaisir qu'on a avec vne ieune Dame donne plus de contentement, que dix annees qu'on passe avec ces vieilles chagrines, & rechignees. De tirer hors ligne les frais, cela est se monstrier in-

T iij


L'inegalité de l'age des mariez,
grat , & ne ſçauoir que c'eſt de
viure entre les gens de bien: qui
veut monter ſur la monture, il
ne peut moins que la faire fer-
rer, & luy entretenir ſon har-
nois.

Et bien, puis que vous vous
plaiſez en prodigalitez (va dire
le ſieur Fulgence) ie ne vous
coucheray point icy, que ce ſont
les vieilles qui ſerrent & amaf-
ſent, qui drefſent vne bonne &
riche maiſon. Y a il occaſion
de jalouſie aupres d'une vieille,
comme aupres d'une ieune? on
ne la muguette pas, on ne luy
fait la court, ſi ce n'eſt le mary,
qui la cherit & honore, comme
ſa chere & loyale partie.

Vous m'en contez de belles
(reſpond le ſieur Libanius) &
auez autant de raiſon que ce.
luy, qui ſouhaittoit pluſtoſt vne

laide femme qu'une belle, parce
qu'il estoit effleuré qu'elle ne le
coupauderoit : estre pauvre que
riche, parce qu'il ne seroit en
danger d'estre volé : & estre mi-
serable, qu'à son aise, parce
qu'on ne luy enuieroit sa pro-
sperité.


T v



DES
L E T T R E Z
E T G V E R R I E R S,

*Si une fille doit plus desirer d'estre ac-
coulée par mariage à un homme
d'estude, qu'à un guerrier.*

VIII. M A T I N E E.

 Es iours passez (Sci-
gneur Cęsar) i'ay receu
nouvelles de Mada-
moiselle Francine vostre paręte,
qui m'ont fort resiouy : on par-
le de luy donner party, elle en a
deux fort honnestes, m'a prié
de luy donner auis sur le choix
qu'elle doit faire. Le luy ay

mandé, qu'elle y aduifast bien meurement, que ce n'est marché de cheuaux, qu'il ne se peut aisement deffaire que par la mort: elle merite quelque chose de bõ: ie vous veux communiquer ce qu'elle m'a mandé, à fin que par ensemble nous regardions à ce que ie luy dois conseiller: Elle m'escrit qu'elle est demandée ou pour le fils du Capitaine Paulin, ou pour Monsieur de Belleloge: vous les cognoissez tous deux, & sçauiez bien que l'un est soldat pour la vie, l'autre s'est voué aux Muses.

Ils sont tous deux Gentilshommes, extraits de fort bonne race, égaux en moyēs. Si c'estoit à moy à determiner de cest affaire (respond le Seigneur Caesar) ie ne la voudroy accoupler avec vn hõme d'estude, il me sēble que la

T vj

Des Lettrez & Guerriers,

Gentilleſſene ſe rapporte point trop bien avec ces enfans des Muſes, & ſur tout les Damoifelles ayment fort mener vne vie noble aux champs, ſans ſ'emprifonner dans vne eſtude, ou ſe deueſtir de la qualité qu'elles ont car ie tiens que nos Damoifelles ne ſont autres que les Nymphes du paſſé. Vous ne trouuez pas que les Nymphes fuſſent enchaſſées entre l'enceint des murailles d'une ville. Elies auoient la clef des champs, leur ſejour n'eſtoit qu'aux foreſts, aux fontaines, aux montaignes, aux eſtangs, aux riuieres, aux mareſcages & aux boſcages. La ville ne leur ſeruoit point d'eſtuy. ma couſine a vn cœur d'une vraye Nymphe & Damoyſelle. Si donc vous auez enuie de la parquer à ſon ſouhait, logez la moy aux chāps,

donnez luy moy vn Guerrier.
Je ne veux point icy sieur Cæsar,
va dire le sieur Iules, vous con-
trerooler vostre qualité de Da-
moiselle, que voulez parany-
mpher avec nos Nymphes Romã-
sees, ny moins vous monstrier
que Mademoiselle Francine ne
laira à se porrer en Nymphes,
encores qu'elle soit logee en vil-
le, il y a moyen de s'aller pour-
mener aux chãps. Mais, à vostre
aduis, ne seroit-elle pas mieux
partie avec Monsieur de Belle-
loge, qu'avec le ieune Paulin ? ie
ne parle point pour le particulier
d'aucun d'eux, ie croy que cha-
cun en son esgard ne doit gueres
à son compagnon, pour estre
adroit, leste, gentil & accompli
en ce qui cõcerne sa charge. Je ne
parle que pour l'estat, auquel l'un
& l'autre peut estre appellé. Vne

Des Lettres & Guerriers,
honneste Damoiselle, telle qu'est
celle, dont nous parlons, ne sçau-
roit souhaitter plaisir & conten-
tement en mariage, dont elle ne
iouisse, si elle a cet heur que da-
uoir à mary vn homme lettré.
Pour sçauoir bien discourir &
rencontrer à propos: ce sont les
courtisans des Muses qui doiuent
marcher les premiers. Faut il
donner des Sonnets & resueiller
Amour par Poësie, l'Enthusias-
me prend vie aux Estudes. Ce
sont des vers limez, polis, piolez
& elabourez: ils ont du corps &
de l'esprit, c'est ce qui remplit
l'ame de contentement: ce ne
sont des fantasies cornuës, il n'y
a que du sel. Vne Damoiselle ne
sçauroit estre entretenüe de de-
uiz mieux attintez, mignardez
& amadisez de plus gentille gra-
ce que sont ceux, que luy tien-

dra vn homme lettré. Il ſçait que c'eſt d'Amour, il a veu les lieux où les autres ont paſſé, il deſcouure les deſtroits, il cognoit l'heur & plaſir qu'il y a: & ce qui eſt le plus, il peut faire bien retentir ſes conceptions, bref il peut par le Caducee de Mercure captiuer les aureilles de ſa Maiſtreſſe. Quant aux Gen-tilhōmes Martiaux, leur cas c'eſt de mieux frapper que bien dire: ce ne ſont que petits traits de colere, qui entre les troupes militaires ne ſemblent que bien ſeantes, mais font treſſaillir le ſang au cœur d'vne foiblette Damoifelle: que ſi quelque fois ils ſe veulent deſguiſer & retrâcher des doux on void auſſi toſt, qu'ils ſōt masquez, ce ſōt des diſcours ſi mal limez, encores pis couſus, & qui ſentretiēēt cōme des crottes de cheure, vn lāgage

Des Lettrez & Guerriers.

Courtisan estaminé par le fas du François Italianisé, mugueté de telle sorte, que de cent pas à la ronde on descouure qu'il y a du febé. Je ne parle point en clerc d'armes, ie l'ay veu, & si me suis trouué avec des Damoiselles, qui se lauoient la gorge des baguenauderies que leurs auoient ramagé leurs armez Courtisans. Vous sçauéz si elles ont l'œil au bois, il ne faut pas broncher deuant elles: rien ne tombe à terre & apres ie me recommande, si vne parole est releuee. Vous souuient il point de ce braue Guerrier, qui entretenoit à Chasteau Thierry la petite Friquette, vous sçauéz que ie veux dire que m'en a elle conté en vostre presence? Il vouloit luy faire cas de ses vaillances, & comme en vn choc, où il falloit iouer des cousteaux, il se

faisoit accroire s'estre bien cha-
maillé. l'estions, dit il, de quinze
à douze, qui les chargismes & à
grand estramasson, mais la mine,
qu'elle faisoit, representant les
gestes, estoit encores de plus gē-
tille grace. Elle auoit si bien re-
ceu le tout, que i'estime que le
pauvre du Loyer eust esté bien
empesché à redoubler de mesme
les coups. Le sieur Cesar se prit à
esbouffer de rire: C'est par ma
foy, dict-il, vn grand lourdaud,
mais tous les guerriers ne le sem-
ble pas. Vous parlez de bien pou-
piner vn langage, où en voulez
vous chercher les maistres ou-
uriers, qu'en l'escole de Ver-
tu, entre nous autres, qui por-
tons l'espee? nous ne vous de-
uons rien pour cest effect: si vous
auez de braues discours, nous
auons d'excellens harangueurs.

Des Lettrez & Guerriers,

Toutela difference que pouuez
y remarquer est, que le lāgage le
plus estimé entre vous autres, &
qui a esté esclos en vos cabinets
est simple, vny, egal & coulant
son beau petit train tout à l'aise,
au lieu que le nostre est piaffeux,
superbe & qui hausse le nez, mais
autre presence veut le personna-
ge d'un Roy ou d'un amoureux
sur vn eschafaut, autre celuy de
quelque personne priuee ou tac-
quin retireur de rentes: autre
train, suite à vne grand' Dame,
Princesse ou Royne, qu'une chā-
briere, paysane, bourgeoise ou
gentille femme Romaine: autre
est le port d'un beau grād Cour-
sier ou Genet, que celuy d'un
mince Traquenard ou Courtaut.
Nous auons l'ame genereuse he-
roïque & guerriere, il ne se peut
faire que nous ne pennadions &

tranchions du cœur hautain, l'estude vous affadit l'ame aussi vostre langage traine humblement par terre, vous vous abuseriez de beaucoup si vous croyez qu'une Damoiselle preferast ces doucets, flagues, flouïets mols & baïssans les aïsses: à vn qu'elle vera estre robuste, fort, adroit, vigoureux, & se tenir roidy sur tout sur le deuant. Le sieur Iule remaschoit desia entre ses dents ce qu'il deuoit respondre à cecy: mais comme ie voyois que cela les eut fait faire trop longue alte sur le sueil de l'entree. C'est assez faire l'Amour, vay ie dire, vous faites, Messieurs, ce que ne pensez: vous parlez de Marier Madamoiselle Francine, & si voulez la faire amoureuse, vous la voulez façonner en Courtisane: cela est luy faire tort,

Des Lettrez & Guerriers,
iamais elle ne fut duite & leurree
à ce que vous semblez estimer.
Et quand bien ainsi seroit, qu'elle
en auroit quelque p'ly, il n'est
plus temps d'en deuifer, les con-
seils en sont pris: On n'est qu'en
difficulté, lequel des deux luy se-
ra le plus propre & qui mieux
l'assortira: au reste ils sont doüez
de ce que peut estre requis à per-
sonnages de leur qualité. Il n'y a
rien à dire, sinon que leurs vaca-
tions sont diuerses. Amour, dit-
on, a trois degrez & dispositions,
à sçauoir le commencement, le
progrez & la fin. Vous avez fait
assez les approches: il n'a pas te-
nu à vous qu'on n'ait rué des pō-
mes à Mademoiselle Francine,
& qu'elle n'ait esté mignardee
& careffee. Venez aux autres
parties de l'Acte: ie sçay bien
qu'icy il n'y a point de realité, &

qu'à bon escient on ne veut pas
battre la place, si faut il cognoi-
stre auant qu'aimer. & sçauoir si
ce sera au proffit d'elle, que le
donjon soit ouuert à l'un de ces
deux competeurs: apres qu'on
sera entré dedans, ce ne sera pas
temps de dire, sortez dehors,
Vous m'avez coupé propos, va
dire le sieur Iule, il faut que i'en
passe par là: & puis qu'il vous
plaist que nous auacions la ma-
tiere, ie treuve bõ que nous tou-
chions à la iouyssance, selon que
ce sujet le pourra porter: Premie-
rement ie monstrey, quel grãd
bien viendra à la future femme,
si elle peut auoir pour mary le
sieur de Belle-loge. Platõ disoit,
que les plus propres à comman-
der sont les vrais Philosophes,
parce qu'ils ont la raison pour
guide. Cela ne se doit point en-

Des Lettrez & Guerriers,
rendre seulement en general des
Estats, Seigneuries & Principau-
tez, ains aussi des mesnages. Puis
que i'ay ce point, qui ne me peut
estre debattu, ie puis inferer ne-
cessairement, que l'homme let-
tré est beaucoup plus à souhait-
ter pour mary, que le Guerrier.
L'homme lettré est benin, doux,
& paisible, il ne veut point de
bruit: le guerrier c'est vn frap-
peur, vn batteur, & tellement
accoustumé à ruer des coups,
que lors qu'il est en repos & que
le tambour ne le resueille plus,
c'est lors que sa fême a plus à por-
ter: à faute d'autres sur qui il des-
charge, elle sert d'asne ou mulet.
Vous sçauiez que ie dis la verité,
tous les iours & vous & moy
voyons cela. L'amitié donc est
plus grande au lettré qu'au guer-
rier, l'un ne cherche que la paix,

l'autre d'aube, espouffete & estrille en toutes façons. Qui vous respondroit, va dire le sieur Cesar, que, qui bien aime, bien chastie, qu'il se treuve des pais entiers, où les femmes si elles ne sont bien dourdees, ne font rien à propos: qu'une monture si elle n'est bien estrillee, se porte mal & ne fait chose qui vaille. Je vous dirois, respond le sieur Iule, que ce sont ou amours de village, qui se traitent à coups de poing. ou traitemens de bestes. En un mot. que ce n'est pas le vray moyen de gouverner une femme que la battre, car le mary ne doit pas, sous ombre de la puissance maritale, renger sa femme en une condition pire que ne sont les esclaves, lesquels Marc Varron veut estre plustost corrigez par paroles & en douceur, que par coups

Des Lettrez & Guerriers,
& en feuerité. A plus fort rai-
son la femme, que la Loy appelle
compaignie de la maison diuine
& humaine, doit estre mencee
doucelement. Mesmes Caton, le-
quel on tenoit estre l'ennemy iu-
ré des femmes, ne frapa iamais la
sienne, tenant cela pour sacrile-
ge. Le Soleil, dit on, surmonte
la Bise, laquelle tant plus qu'elle
s'efforce d'oster par force la robe
à l'homme, d'autant plus l'hom-
me se serre & restraint son habil-
lement. Quand le Soleil vient à
estre chaud apres le vent, l'hom-
me se sentant eschauffé despouil-
le sa robe, puis son saye & le reste
de ses accoustremens. Aussi si les
maris veulent renger leurs fem-
mes de leur seule autorité & par
force, elles combattent à l'encon-
tre: au contraire quand on leur
remonstre avec la raison, elles
quittent

quittent d'elles mesmes. C'est bien conté, dit le sieur Cesar, il y en a de si mauuailes bestes que si à tous coups on n'a la main leuee sur elles, on n'en viendra a bout: Et pource saint Iean a bouche d'or en l'Homelie 26. sur S. Mathieu dōne au mary trois moyēs qu'il doit garder pour se faire obeir, le premier, qu'il l'admoneste de son deuoir, le second, qu'il la tance, afin qu'il la face rougir de hōte, & le troisieme, qu'il la vous charge d'appointement, qu'il la chastie comme vne seruante, puis qu'estant libre elle ne sçait se recognoistre: c'est ce qui est dit coustumierement:

*Qui bat sa femme, il la fait braire,
Qui la rebat, il la fait taire.*

N'avez vous iamais ouy parler du muletier, qui auoit vne

V

Des Lettrez & Guerriers,
fausse piece avec luy, de laquelle il ne pouuoit cheuir, quoy qu'il fust. Il se souuient, que quãd son mulet regimboit & ne vouloit marcher, il le chargeroit de si grands coups, qu'à fine force luy estoit de debusquer, il delibera de seruir sa femme de ceste recepte contre la douleur de sa mauuaise teste. Apres qu'il eut vn iour bien cõtesté avec elle, pour luy faire faire quelque chose, & qu'il la trouua restiue au possible, se mit à pratiquer le Prouerbe, qui porte, A rude asne, rude asnier, avec vn baston la vous dourde si bien. qu'il la vous rend bien & beau estenduë sur les carreaux. Il fut bien esbahy, & pensoit, à la verité, qu'elle fust morte : car pour toucher ou remuer qu'il fit, elle, ne parloit souffloit ny gaudissoit. Ma femme, disoit.

il est plus mauuaise que mon mul-
let, les coups ne peuuent rien sur
elle, que feray- ie? à la fin, il s'adui-
se de lui mettre de la paille dessus
& deffous, cōme aux pourceaux
qu'on brusle, ne pensez point
qu'elle se remuast, aussi estimoit-
elle, qu'il se mocquast: quand elle
vid, que c'estoit à bon escient, &
que le feu la commençoit à cha-
touiller, & de se leuer, mais bien
viste. Vous estes vn plaisant
homme, va dire le sieur Iules,
& sçauiez en donner de bien ver-
tes, pensez qu'une douce Da-
moiselle seroit bien à son aise
d'estre ainsi outragée, sous pre-
texte que quelques vnes aiment
les coups. & ne sçauoient dor-
mir sans estre secoüees. Si vous
tenez ceste maxime, j'ay gai-
gné mon proces: Madamoi-
selle Francine ne veut estre au-

Des Lettrez & Guerriers.

cunement rudoye , & vous la
voulez loger avecques vn , qui,
quand vne mousche luy vien-
dra passer deuât les yeux, la vous
soufflera, la battra. Il y a plus,
que vous ne dictes pas tout, ces
grands batteurs de gens ne ga-
gnent rien, ils ne sont obeis que
par crainte, leurs femmes vou-
droient leur auoir creué le cœur
& auoir mangé le foye. Les Hi-
stoires sont pleines de surfaillies,
que coustumierement elles font,
les vnes par despit les vous en-
cornent , les autres passent bien
plus outre, elles les font mou-
rir.

Vous voudrez maintenāt, que
les maris soiēt bouchers, gardez
que les femmes ne le bouchon-
nent: le Diable ne dort iamais.
Les Histoires Romaines nous
apprenent, qu'vne femme, estant

surprise & condamnée d'auoir empoisonné son mary, en accusa d'autres, qui par compagnie & communication en accusèrent iusques à soixante dix de mesme crime. Vous extrauaguez, Messieurs, vay ie dire, & quittez la suite de vostre question, pour sçauoir si les femmes doiuent estre battues.

Cela est vray, respond le sieur Iules, mais il n'y a rien de perdu, ie fais mon profit de tout: car, si on se trouue mal de frapper & battre les femmes, que les Guerriers ayent la main legere, ie puis bien inferer, que les Lettrez doiuent plustost estre recherchez que les gens d'espee: Les vns frappent, les autres non. Est-il question de symboliser en mesme humeur? il n'y a gens au monde, qui se rapportent mieux par

Des Lettrez & Guerriers,
ensemble que sont les lettrez
avec les femmes, tant l'un que
l'autre ne bougent gueres de la
maison: quant aux gens d'estu-
de, cela est si tres manifeste que
le iour n'est point plus clair. Des
femmes le peintre Phydias l'a
bien monsté, quand il attacha
au pied de Venus la tortuë, qui
iamais ne sort de sa maison: elle
l'a tousiours sur le dos. Vous
estes vn gentil Philosophe, va
dire le sieur Cæsar, vous & tous
ceux qui tordez ainsi le nez à
ceste peinture, comme si elle ne
deuoit estre appropriee aux
guerriers, qui s'ot emmurez avec
leurs corcelets, ainsi que l'est
la tortuë avec sa coquille. On
sçait que Venus estoit guerrie-
re, la maistresse de Mars, &
tellement priuee de sa person-
ne, que Mulciber les surprit en

adultere. Ouy da, va dire le sieur Iule, comme si on ne scauoit le secret mythologique de ceste feintise, auquel ie ne me veux point d'auantage arrester. Est il question de s'entrecaresser & s'entr'aimer, on scait bien que les gens de lettres sont plus de relais & ont meilleure commodité que les guerriers. Faut il parler du bon mesnage, il n'y a que ces Messieurs de lettres pour dresser en bien peu de temps vne maison grande & abondante en biens. Le Medecin amasse les escus plus espais que n'est la matiere fecale de ses malades, ainsi que ie me souuiens que dernièrement discouroit le sieur Scipion Margintelly, contre Messer Girolamo Pangadoletto. I'en cognois vn de Replange, lequel a si biē fait ses besoignes, que

V iij

Des Lettrez & Guerriers,
de pauvre & pierre here qu'il
estoit, il est à present l'un des pre-
miers de Paris. S'il alloit coucher
sans gagner sa demie douzaine
d'escus, il se sentiroit aussi mal
content qu'un Alemand, de ne
boire de trois iours. Le luy baille
le terme ainsi long, de crainte
que i'ay qu'il n'apprenne la rece-
pte d'un Ambassadeur Romain,
qui, à ce que i'entens, boit à pei-
ne vne fois l'annee, & qu'il puisse
faire trefues par quelque temps
de hausser le temps. Les Chirur-
giens, Apoticairez & autres of-
ficiers mediceinaux sont riches
en peu de temps, pour peu
qu'ils facent. Irons nous aux
Cours, demandez vous si ces
gros Messieurs, *quibus purpura*
placet, sont à leur aise, s'ils ont de
quoy. On ne parle que de dix,
douze, quinze, vingt, trente,

quarante, cinquante, &c. mil li-
ures de rente. Les Greffiers ne
serrent pas l'escu? nenny, de mal-
heur. Je cognois vne fille d'un
Greffier, qui a esté mariee, mais
avec quoy: avec sept ou huit
vingt mil liures de mariage, &
plus qu'on ne dit pas. Chez les
Aduocats, les escus y pleuuent
plus dru que pluye. I'en sçay tel,
qui pour vn plaide a remporté
trois mil cinq cens escus, outre
quinze cens liures de rente, *reten-*
ta pēfione. Ils ont leurs plaidoyers
en l'audience, leurs escritures,
leurs consultations & dix mil au-
tres moyēs pour gagner *denari*.
Les Procureurs amēnent si bien
l'eau au moulin, qu'il s'en trou-
ue tel à Paris, qui a aussi bien ses
sept & huit mil liures de rente,
cōme ie sçai bien que vostre fem-
me n'est pas pucelle. Les Com

Des Lettrez & Guerriers,
missaires, les Notaires, les Huif-
fiers, & plusieurs autres tels mes-
sieurs de la Iustice gagnent à
veuë d'œil. Lairrons nous les
plaids & la Iustice allons aux
Vniuersitez, nous y trouuerons
des Docteurs, excepté la famille
Theologale, parce que ils ne
font de la qualité de ceux que ie
voudrois souhaiter à Madamoi-
selle Francine, des Licenciez des
Bedeaux, des Scribes, des Gref-
fiers, qui ne s'ôt de peu de moyës.
Voire entre ceux, qui ne s'es-
bruyent point autrement, il y au-
ra tel qui avec sa plume gagnera
sa demie douzaine d'escus par
iour paix & aise. Les Imprimeurs
mesmes font des gains lesquels
ne sont pas petits. Bref il n'y a va-
cation tât basse soit elle pour les
lettres, qui n'entretienne, nour-
risse & puisse cōtenter celuy, le-

quell'ēbrasse: voire mais, qu'est-il de besoin de ce que les autres gagnent? vous sçavez que le sieur de Belle-loge n'attēd pas moins qu'estre Conseiller: apres, dictes moy, si Mademoiselle Francine n'aura pas occasiō de viure, estant avec luy, à souhait. Toutes ces cōmoditez, respond le sieur Cæsar, sont grandes, mais non point telles qu'oũ elles puissent faire perdre terre à nos Guerriers, ou qu'elles ne soient estouffees d'un million d'autres mal heurs. Vous parlez des entre-careffes, les Lettrez ont certainement bien le loisir, mais ils ne le veulent pas prendre. Ce sont chagrins & mornes qui prennent cinq cens mille fois pl⁹ de plaisir à se rōpre la teste apres leurs liures, que de courti-fer leurs fēmes & se resjouir avec elles. Ils sont si peu soigneux de

Des Lettrez & Guerriers,
l'esbat, qu'ils seront bien si non-
chalās que de laisser vn iour leurs
femmes sans les familiariser, que
pensez vous qu'elles deuiennēt?
O combien de pōires d'angois-
ses leur font ils aualer! ce ne sont
que souspirs, que regrets, que la-
mentations: de gaillardes, qu'el-
les sont de leur nature, les voila
contrenaturees en songeardes,
mornes & solitaires. Si elles ont
enuie de se recreer, faut que
ce soit avec leurs domestics &
seruans. Icy ie ne parle point
de celles qui sortent hors du lo-
gis, ie veux garder l'honneur des
Dames, & i'entēs faire entrer en
lice ces mal-aduisees, lesquelles
se prestēt à toutes heures par des-
pit de si mal engroignez maris.
Que respōdrez vous à ce q̄ nous
lisons de Ciceron, lequel estant
prié par Hircius, apres qu'il eust

repudié sa Terentia, de prendre sa sœur à femme s'en excusa bien & beau, allegant qu'il ne pouvoit entendre à sa femme & à la Philosophie? Cela aussi est cause, que les filles, qui ont entendu parler du train, & de l'ordinaire de vous autres Messieurs les Lettrez, reculēt le plus qu'elles peuvent en arriere, lors qu'on leur parle de les acrocher avec ces piliers d'estude.

Il y auoit vne ieune vefue, qui vn iour respondit à son pere, qui luy parloit de la bailler à vn fort sçauant personnage. C'est donc de me remarier que vous parlez, & vous me voulez emprisonner en vne religion, comme auez desia fait, quel déduit aura on avec ce Monsieur là? De tout le iour, il ne bouge de son estude, on ne parle point de l'y

Des Lettrez, & Guerriers,
aller trouuer, la bien venuë qu'il
vous fera sera vn groin, qu'il vous
iettera au nez. S'il vous parle, ce
sera pour vous donner congé:
faut-il disner ou souper, il n'a pas
garde de deuiser, il songera à ses
liures, il n'a pas à moitié pris son
repas, le voila reietté sur la lectu-
re, de dire mot à table alors seroit
l'interrompre, me voila donc re-
peuç en Nonnain: faut-il se cou-
cher, il n'en parle point qu'à mi-
nuit, & s'il faut qu'il ait à son che-
uet la chandelle ou bougie allu-
mee, les liures aupres: de parler
des affaires de la maison, nulles
nouuelles, il se tournera plustost
à ses liures que vers moy. Quel
passe temps? me voila morfon-
duë ou en danger de l'estre, par
faute d'estre bien recouuerte: se
iette il däs le lit, ce n'est que pour
dormir, & prendre son repos.

Alors ou ie serai endormie, ou bien ie n'oserai le refueiller, ie lui ferois tort, car les trois heures du matin ne le prennent au lit. Et vous me ferez entrer en ce parti? i'aimerois mieux dix fois estre recluse. Il est riche, fy des richesses, qui n'a son plaisir: il est sçauant, que me seruira cela? autant que me proffitent les thresors du grand Turc. Voila la plainte que faisoit Madamoiselle Olympe au sieur Verin son pere. Et quand tout est dit, est impossible que les femmes puissent auoir bon temps avec ces grands estudians, la pituite leur oste toute affection des'entre-choquer, elle amortit le feu d'Amour. *At Pituita Scholasticorum morbus peculiaris.*

A vous ouyr raconter, on diroit, que les richesses ne sont que

Des Lettrez & Guerriers,
pour les gés de Plume, les Guer-
riers ne vous passeront pas cest
article:& quand bien ie vous l'ac-
corderoy (pauvre homme) ne
despen dēt ils rien à meubler leur
Biblioteque? il leur faut tant d'a-
gios, tant de liures, & de tant de
sortes. I'en sçay tel, qui ne donne-
roit pas sa librairie pour dix mil
escus. Ah, messieurs! vay-ie dire:
qu'ils en retirent bien leur legi-
time. Vous auez cogneu Mon-
sieur de Nerby, quand quelqu'un
se plaignoit à luy de ce que pour
ses aduis & besoignes il se faisoit
si bien payer. Ah! respondoit il,
ie voy bien que vous ne sçauiez
pas combien mon pere a frayé
d'argent pour me rendre hom-
me de biē, & moy quels deniers
i'ay desboursé pour acheter ces
liures, il faudra beaucoup de tel-
les coruees auant que i'en aye re-

tiré mon principal. Non, non, (di& le sieur Cesar) il ne faut point entrer en conte pour le gain, cela est à faire à taquins & mecaniques, qui ne regardent qu'à entasser & emmôceler thresors sur thresors: entre nous autres Gentils-hommes telle vieilles laquerie ne doit point auoir lieu: voire que si ie voulois faire vne recherche curieuse, ie trouueroy que nous auons le moyen de nous enrichir aussi bien que vos lettrez. Il y a de si beaux estats en la discipline Militaire: mais pour ne vous point flater le dos, c'est trop long temps temporisé, si vous nous mettiez en nostre famille le sieur de Belle loge, on vous chargeroit par iour de plus de mille maudissons. Ce n'est pas que ie vueille toucher à son honneur & integrité, mais il est du

Des Lettrez & Guerriers,
bois de ceux qu'on tient pour
broüillons, qui en vne maison,
où ils peuuent estre logez, re-
muent ciel & terre, se transfor-
ment en ratte opilee, desseichent
le corps de tout son humeur vi-
tale, bref qui ruineront vne mai-
son pour s'enrichir. Vous parlez
(va dire le sieur Iules) des Chi-
quaneurs, lesquels sont ennemis
mortels & diametralement op-
posez aux vrais & legitimes Iusti-
ciers. Combien de maisons ont
esté du temps passé & au nostre
restablies, pour auoir pris allian-
ce avec des gens de robe longue?
I'en ay la liste de plus de cinq
cens, lesquelles estoient pres de
donner du nez en terre, mais ont
esté redressees par la suruenue
qu'y ont faict les gens lettrez.
Ce sont eux, qui demeslent les
droiëts obscurs, qui donnent

clairté à la verité, qui coupent
broche aux iniques vsurpations,
qui en vn mot redonnent vie à
vne maison à demy examinee.
Je ne vous parle que de chose
que vous sçauiez, & sans vous
nommer les personnes, vous
pouuez bien cognoistre si ie dis
vray. Ce petit Clergeon du sieur
Flour, n'a-il pas trouué moyen
de r'auoir ce qui appartenoit à sa
femme? elle n'y pẽloit pas ny les
siens, cestui-cy a si bien trauail-
lé, qu'il a fait tomber en la maisõ
plus de dix mil liures: mais cela
ce sõt des moindres coups qu'on
face. Si vous auiez en vostre pa-
renté le sieur de Belle loge ie ga-
geray, que deux ans ne expire-
roient point, que vous seriez sei-
gneurs & proprietaires de vostre
grãd Pré. Vous y despẽdez beau-
coup, & n'y faites riẽ, ceux qui se

Des Lettrez & Guerriers,
messent de vos affaires n'y vont
que d'une fesse, la matiere ne leur
touche à cœur. Vous avez beau
estre Guerriers, vne petite plu-
me a plus de force dix mille fois
que toutes vos forces.

Je conclus donc, que pour le
mieux de Mademoiselle, vostre
cousine & de vous tous, vous
deuez la colloquer avec vn hom-
me de Lettre: il luy cōseruera le
sien, & si en acquerra d'autre.
Vous estes vn terrible homme
(va dire le sieur Cesar) pensez
vous que la Guerre ne nous ap-
porte aucuns profits? Tous les
thresors qui sont tombez és cof-
fres des Romains, d'où sont ils
venus que des conquestes? Les
Capitaines, & soldats n'estoient
bastards, ils auoient leurs legiti-
mes. Les maisons de tant de bra-
ues vaillans & hardis Capitaines

ne sont fōdees que sur l'heur qui leur a dit à la guerre: leurs armoiries sont timbrees d'escussions armez de piques, d'armet, ou d'autre marque guerriere tout expres, pour monstrier que la grandeur qu'elles tiennent, ne depēd que de leur espee. En vostre païs vous avez vn qui de simple foulon qu'il estoit, a si bien branlé les armes, qu'il s'est trouué riche de plus de vingt mil liures de rente. Hé! sieur Cesar, n'entrez en preuue de cecy (va dire le sieur Iules) ie vous en accorderay plus que vous ne couchez. Ie vous recognois, que les gens de guerre se font grands & riches à merueilles. que le Turc par les armes a conquis les Empires & Royumes qu'il tient: mais la question est, si l'acquisition est iuste, & s'il est permis s'enrichir du butin.

Des Lettrez & Guerriers,

En la guerre, ceux sur lesquels vous gaignez & attrapez, ou ils vous sont amis, ou ennemis: Sur vos amis vous ne pouuez iustement fonder vostre prise, le droit d'amitié est trop sainct, & ne vous peut permettre de faire tort à celuy, auquel vous auez obligation: S'ils vous sont ennemis, vous presomez auoir occasion, & si n'en auez point: car le Droit permet bien de repousser l'iniure, mais non pas d'outrager. La guerre cōtre l'ennemi n'est fōdee que sur ce qui est loisible de chastier le larrō, & en cet endroit les Guerriers tiennent le rang d'executeurs de Iustice. Or si vn Commissaire se mesprenoit de tant en sa charge, qu'à la plainte & declaratiō qui luy est faite d'un larcin, que de se saisir non seulement de ce qui a esté pris & des-

Des Lettrez & Guerriers,
robé, ains aussi du reste qui ap-
partiendrait au larron, & qu'il le
lui retint, sans le lui vouloir ren-
dre, on le taxeroit luy mesmes
de larcin: pourquoy donc ravis-
sez vous le biē de l'ennemi? vous
estimez, que la peine du quadru-
ple impolee au larron vous ac-
quiere droit sur le bien de l'en-
nemi: ce sont bayes.

Or comme vous l'acquerez
ainsi mal, aussi il s'enuole de
mesme. Vostre equipage vous
couste beaucoup, il ne vous faut
que recevoir vn coup pour en
gloutir toute la raffe qu'aurez
fait. ou bien vous voila entre les
mains de l'ennemi, alors il faut
regorger les escus, & à belle ran-
çō, & vous en aurez. Quelle ioye
peut auoir vne femme d'auoir
pour mari vn tel despēsier, lequel
à toutes heures ait le cousteau


Des Lettrez & Guerriers,

sur la gorge, voire qui ne puisse
s'acquiter de sa charge, que se
fourrant teste baissée és dangers?
On dit que Deianira, & Penelo-
pé se reputoient vefues, parce
qu'elles ne voyoient leurs maris
de fort long temps, & qu'elles
n'en receuoient aucun conten-
tement. C'estoient des Guer-
riers que leurs maris: il vaudroit
donc autant, voire bien mieux,
ne marier point Mademoiselle
Francine, que l'attacher avec
vn partisan de Mars, elle ne sei-
cherait de soin & sollicitude, & si
elle pourroit se marier avec vn
personnage qui la recreeroit.
Telle & si longue absence faict
maintesfois franchir le saut & rô-
pre le ieusne aux femmes guer-
rieres, comme à Clytemnestra,
femme d'Agamemnon, Metella
de Sylla, Pôpeia de Cesar, Mutia
de

de Pompee, Clodia & Seruilia de
Luculle, Clodia de Metelle, A.
puleia de Lepide, & pleust à Dieu
qu'aujourdhuy les exēples nous
manquassent L'occasion de telle
surfaillie peut estre prise de ce
que le Philosophe au huiētiesme
de ses Ethiques remarque, que
l'oubly de l'amitiē prouiet d'une
absence, qui dure trop long tēps:
sieur Cesar (va dire le sieur Ju-
les) viuons en paix, & que la pa-
esse ne se mocque du fourgon.
Vous nous encornez tresproprie-
ment, & pensez que la Lune soit
toufiours au plein arriere vos
marches. Non est, non est, elle est
en quartier le plus souuent pen-
dant qu'estes au parquet, aux cō-
sultatiōs & autres commissions.
O qu'on vous en joue de bonne!
Tel a du content à vos despens,
lequel ne s'en vient pas vanter

X

Des Lettrez & Guerriers,
vers vous : il s'en rit sous son
chapeau , & vous portez vos
bonnets cornus. Ceste Matinee
eut duré encores d'auantage, ce
ne fut point la faute ny du sieur
Iules, ny du sieur Cesar, & l'un,
& l'autre auoit bien bonne enuie
de redoubler la charge. mais l'ar-
riuee de quelques hōnestes Da-
moiselles no^r fit couper broche
à la conference, à mon bien grād
regret, car ie m'asseure que i'euf-
se donné ouerture d'accord en-
tre ces parties, au contentement
de Madamoiselle Francine, la-
quelle i'aprens auoir depuis plié
sous le sieur de Belle-loge. Dieu
vueille, que ce soit à son gré &
proffit.



DE
LA TREFVE
CONIVGALE.

*En quel temps n'est loisible au mary
de roucher coniugalement à
sa femme.*

IX. MATINEE.

TE suis fort ioyeux d'a-
voir peu aujourd'huy
dōner iusques icy pour-
ce que ie cognois, que pourrez
apporter remede au mal, qui me
tourmente.

THEOD. Aussi ne scay-ie que
vous auez, ie vous treuve depuis

X ij

De la Trefue Coniugale,
peu de iours changé, haue, def-
fait, debiffé. si qu'il semble, que
ne treuuez l'eau bonne: si vous
estiez femme, ie dirois, que sans
estre Amazonne, vous estes por-
te-enseigne, & qu'en vostre dra-
peau y auez empraint vne escre-
uiffé. Pensez à vous, & prenez
bien garde d'aller en dommage,
vous auez vne si belle & honne-
ste Damoiselle: faudroit que fus-
siez bien degousté, si n'y preniez
appetit, ou que fussiez bien mal-
aisé à contenter, si elle ne suffi-
soit à vostre descharge. Peut estre
auez mal in teste, pour la crainte
qu'auez de perdre les cornes: cō-
ment les perdriez vous? iamais
ne les eustes.

D o m. Ce n'est pas là où le
bas me blesse, vous estes vn gaus-
seur, & si iugez à propos de cecy,
comme fait vn auugle des con-

leurs. J'ay le cœur amarry, ha!
 le diray-ie? d'un grand tort que
 me fait ma femme, & lequel me
 pese de tant plus sur le cœur, que
 ie ne puis le descouvrir, sans ma
 honte. Toutesfois, cōme ie vous
 sens fort mon amy, & courant
 mesme fortune que ie puis faire,
 ie suis bien content de vous en
 dire le *tu autem*, vous en rirez:
 i'aime mieux me descharger que
 de creuer. Il faut que vous sça-
 chiez, qu'il y a quelques cinq ou
 six iours, que ma fēme fait si la rē-
 cherie, que ie ne puis la ioindre:
 elle me veut faire ma portion cō-
 gruë si maigre, q̄ i'ay beau auoir
 enuie de repeuë, le ieusne m'est
 cōmādē, *præstationē obsequis officij,*
operarū & submissionis recusat. Elle
 ne denie point la debte: mais re-
 quiert delay, à charge de s'acqui-
 ter par cy apres des arrerages.

De la Tresue Coniugale,

I'insiste & forme ma plainte, que la possession du fonds, qu'elle a en garde, m'appartient, que i'en dois iouir pour mō vsage, partāt, puis qu'il me plaist y faire couler l'eau de mō ruisseau, pour le fertiliser, qu'elle ne doit m'y empescher l'entree. Au cōtraire elle se defend pour exceptions me met en auant, qu'encores que le pré m'appartienne, il ne m'est loisible à toutes heures de fouler l'herbe, *Sunt dies feriati*, sur tout quand cela ne se peut faire qu'en gastāt la premiere pointe. Tout ainsi que vous voyez (dit elle) que ceux, auxquels vous auez vendū l'herbe de vostre pré, qui est icy deuant nostre maison, passé qu'est le iour de la my-Mars, ne vous permettrōt d'y mettre paistre vos courtaux. Quoy, di-ie alors, ie serai le maistre de la mō-

ture, & ie ne monteray dessus: si
feray, & à bel effort commence à
mettre ma piece en veuë. Apres
quelques resistances, comme ma
femme veid qu'elle ne pouuoit
plus tenir bon Tout beau, Mō-
sieur) dit-elle, ie vous vais dire
pourquoy vous ne me deuez
maintenant presser *d'aquo*: ie suis
mal à mon aise pour preuue de-
quoy, moyennant que me pro-
mettiez la foy de n'en dire mot,
ie vous cōmuniqueray mō mal.
Pour dire le vray, ie pēsois qu'el-
le m'en voulut donner d'une, &
d'ailleurs i'auois le mignon que
sçauiez qui tendoit à la pluye, ie
leue le linge, & pensois auoir
ville gagnée: mais, comme i'eus
descouuert qu'il y auoit vn grād
plastris ressemblāt à du vermeil-
lon broyé, le cœur me soufleue,
& alors mon petit bidaut baif-

De la Trefue Coniugale,

se la teste & si pour cela ie ne perdis toute fantasie de reprendre haleine. Le redouble ma semonce, escōduit de mesmes. Ha malheureux ! (dit-elle) que voulez vous faire ? voulez vous , vous perdre ? si auiez affaire à moi vous seriez gasté. Cepēdant ie languis, mō canon demeure chargé, n'ay ie pas occasion d'assez me contrister ? cōment pourroy-ie estre sain & gaillard ? Assurez vous, qu'il fasche bien fort d'auoir la clef & ne l'oser mettre en la serrure : l'ay appetit, i'ay la viande, i'en voudroy bien taster, & si ie n'oseroiy : cela est pour faire perdre patience au plus froid hōme de France. Vous faites fort du resolu, mais si on vous enioignit par necessité tel ieusne pour 2. iours seulemēt, & qu'eussiez enuie de ruer coup, il n'y a heure

que ne contassiez pour dix ans.

THE. Si faut il prendre courage, & ferez mieux de laisser couler cela doucemēt, sās ainsi precipiter les matieres. Je demeurerai bien d'accord avec vous, que la retention de la semence vous pourroit estre grandement nuisible, suiuant ce qui est tenu par tous les Docteurs medecins, Philosophes, & sur tout les Naturalistes: Entre autres vous auez galien, lequel nous faict vn conte d'vn certain personnage, qui voulant imiter la Tourterelle, porta tel dueil de la mort de sa femme, que pour s'estre sequestré de l'attouchement des femmes, dont il festoyoit assez souuent la sienne, il perdit toute enuie de manger, à la longue se trouua son estomach tellement eclipsé, que, pour peur de viande

De la Tresue Coniugale,
qu'il prist, il ne pouuoit en faire
la concoction: de faict, deslors
qu'il auoit aualé quelque chose,
nature, par le soudain desuoye-
ment d'estomach qu'il faisoit,
monstroient bien, qu'elle n'estoit à
son aise: pour cela toutesfois n'a-
uez occasion de vous desconfor-
ter, & vous laisser ainsi predomi-
ner à vostre passion.

Je ne voudrois que vous pro-
poser l'histoire, laquelle Agatius
Scholasticus, au septiesme liure
des Epigrammes Grecs, nous
propose touchant Diogenes le
Cynique lequel au reste on tiét
auoir esté autant continent & at-
trempé qu'autre personnage de
son siecle, toutesfois ne peut s'e-
xempter des accouplemens fe-
minins, auxquels il ne tendoît
point pour quelque sale, & du
tout brutale lubricité, ains seule-

ment pour , deschargeant les reins , se garentir des mal heurs qui suivent & accompagnent la retention de semence.

On raconte , que comme il eut pris assignatiō avec Laïs courtisane, qui luy auoit promis l'aller trouuer en certain lieu , ce pauuere Philosophe anheloit de l'attendre, & tout ainsi que l'arbalestier , qui guette en vn sentier vn lieure ou vn lapin , du costé qu'il voit trembler quelque buisson , incontinent il regarde là, si bien que le moindre oiseau ou lezard , qui se bouge alētour luy fait là tourner son corps, son trait & sa face : ainsi Diogenes n'etēdoit pas remuer vne souris que tremoussāt d'aise, il croyoit q ce fut sa courtisane Laïs, tantost leuoit la teste, ores il la remettoit bas, puis encores la releuoit, pen-

Xvj

De la Trefue Contugale,

fant descouurir sa venuë: apres il se mettoit à conter les pas qu'elle pouuoit auoir mis du lieu, où elle estoit iusques à son giste, tantost se tournoit sur vn costé, tantost sur l'autre, apres auoir fort long temps attendu: en fin, parce qu'il ne pouuoit plus empescher que la poudre ne prist feu, & que son pistolet ne se deschargeast, quoy que le blanc ne fut mis à la butte, si luy fallut il delascher, & n'eut rien de plus hastif que de receuoir en sa main ce qu'il ne pouuoit plus retenir. Quelque temps apres Laïs vint, mais ce fut trop tard, les plus grâds coups auoiēt esté donnez: & pource Diogenes la renuoya, luy disant: *Manus Hymen.eum celebrando te preuenit.*

D'o m. Vous m'en donnez de belles, & pēsez vous que ie sois si

gruë, que ie voulusse perdre ainsi miserablement, & ietter à l'adventure ce qui, ie sçay bien, me fera bon besoin. Et quand bien ie ne voudrois tomber à la retention, pensezvous, qu'il n'y ait au monde autre fort à battre que chez nous, il y a tant de canons en France, pour y employer de la poudre.

THEOD. Si Mademoiselle vostre fême sçauoit cela, vous vous pouuez bien promener qu'elle vous veneroit d'une terrible façon. Ie ne luy veux pas dire, tant parce que ie ne vous veux mettre en mauuais mesnage, qu'aussi ie sçay d'ailleurs, que ce que vous en dictes n'est que parcolere, & pour vn despit qu'avez que n'estes monté quand il vous plaist. Ie veux maintenant vous parler pour la deffense de

De la Tresue Coniugale,
Mademoiselle, sous la protesta-
tion, que i'entens vous me ferez-
que pource ne chargerz quel-
que sinistre & cornuë impression
a l'encontre d'elle & de moy.

D O M I N I. Dites ce qu'il vous
plaira, ie ne le prendray en mau-
uaise part & le tiendray comme
si me parliez d'une estrangere.

T H E O D A T. Vous vous plai-
gnez de ce que vostre femme ne
vous preste l'estuy à toutes les
fois que le voulez. Peut estre,
pensez vous que nous ayons les
femmes comme les bœufs, les
cheuaux, les asnes & mulets: elles
sont creatures raisonnables aussi
bien que nous. Et quand bien
ainsi seroit que nous ferions si
indiscrets de lestenir au rang des
bestes brutes, si faut il que vous
me confessiez, que par l'ordon-
nance de Dieu il nous est corn-

mandé de donner relais aux bestes de trauail les iours du repos: En après les iours de festes nous n'oserions faire charrier du vin, bois & autres choses, tellement qu'on trouue q les iours des Dimanches calculez avec les festes, reuiennent à plus de six ou sept vingts iours l'annee. Or le fourrier ne peut marquer le logis de nos femmes que pour douze paf. fades, qui quand chacune dureroit huit iours, ne seroit par an que quatre vingts seize iours. Si vous vous eltiez formalisé de ce que lon ne laboure vos terres les Dimanches & iours chomables, on vous diroit infidele & heretique: vous espargnerez vos bœufs & vos cheuaux, & vous serez si peu gracieux, que prendrez plaisir de tenir vostre femme tousiours sous la foule? il n'y

De la Tresue Coniugale,
auroit apparence ny raison.

DOM. Pour la discontinuation du labour nous auons le sacré Commandement de Dieu, les Statuts, Decrets, Conciles & Ordonnances des Papes nous estreignent aux festes: mais pour ceste intermission de ne faire cōmemoration avec nos femmes de Carefme-prenāt, qu'en trouuez vous?

THEODAT. Je pourrois vous mettre en face ce que saint Augustin escrit, parlant du Commandement de Dieu, par lequel est deffendu de paillarder, asçauoir que les maris ne laissent point de paillarder, lesquels à toutes heures surfaillissent leurs femmes, comme si elles ne leur estoient donnees, sinon afin d'estre l'esgout de leur descharge. N'estimez vous pas vn cas prodi.

gieux de ce que Nicolas Boyer
en ses Decisions du Parlement
de Bordeaux allegue d'un hom-
me de Cataloigne, qui surchar-
geoit si souuent sa femme qu'elle
fut contrainte, *rara aus in terris*,
alboque simillima cornu, en faire sa
plainte à la Royne d'Arragon:
laquelle ayāt fait appeller le ma-
ry, confessa que veritablement
dix fois par iour ils iouoient par
ensemble à la beste à deux dos.
Dont la Royne fut fort esbahie,
trouuant cest exploit beaucoup
plus estrange que celui d'Her-
cules, duquel on raconte qu'en
vne nuit il despucela les filles de
Thespius en nombre de cinquā-
te, dont il en eut autant d'enfans,
encores qu'on die que ce fut là
l'un des plus grands efforts que
fit Hercules, lequel s'il luy eut
fallu continuer, eut, ie m'asseure,

De la Tresue Coniugale,
ioüé à l'esbahi Pourcel la Royne
luy commanda, avec expresse in-
hibition à luy d'outrepasser, &
à la cōplaignante de souffrir qu'il
la cogneut par iour plus de six
fois.

D O M. Cela est bien à propos
contre ceux lesquels sans aucu-
ne discretion s'enyurent de leur
vin, & se iettent sur leur viande,
comme vn pourceau sur les ra-
ues, mais quant à moi ie me con-
tente d'aller à deux, encores sens
ie que quelquefois ie ne puis en-
tretenir mon train.

T H E O D A T. Cela soit donc
posé, qu'il faut tenir sobriété
en toutes choses, & que l'exces
en l'accouplement du mary &
de la femme est aussi bien à re-
prendre, que la paillardise ma-
nifeste.

A ceste heure ie vais vous mō-
strer, que nature nous apprend,
qu'il est necessaire de faire tref-
ues du combat entre le mary
& la femme, lors que la Lune,
pour tenir sa diette, & vaquer à
ses purifications menstruelles,
fait marquer les logis feminins
par son fourrier, lequel pour es-
casson n'a que son impression
rouge: apres vous verrez que par
autorité de la Sainte Escritu-
re ie vous feray toucher au doigt
qu'il ne nous est loisible de tou-
cher à nos femmes pendant que
nature vaque à tels balissemens:
finalement que pour les maux
& incommoditez qui pourroient
nous en suruenir, nous ne deuōs
alors nous fourrer parmy telles
defluxiōs. Ie ne prēdrai point ma
preuue de ce que vous pourriez
en tesmoigner presētēmēt, parce

De la Tresue Coniugale,

qu'à ce que ie puis appercevoir,
voicy la premiere fois que vous
est apparu cest empourpré de-
coulement. Par cy apres vous
cognoistrez que ie vous dis la
verité, qui est que les femmes
bien disposees ne faillent, si elles
ne sont grosses, ou sur annees, à
auoir vn logis de ces rougets
tous les mois. Ce qui a esté tref-
bien recogneu par les Iuriscon-
sultes. *Paulus. 15. ff. de edil. 2. d. que
bis in mense purgatur, sana non est:
item que non purgatur nisi per eta-
tem accidit.* A vostre aduis, si quād
la gendarmerie court vous estes
paisible en vostre logis, comme
quand on ne parle que de paix?
Ie sçay, que si tost que sentez les
soldats, vous debusquez, vous
leur quittez le logis, & puis que
n'y pouuez donner ordre, aimez
mieux leur laisser paracheuer la

passade, que vous opiniastrant, vous mettre en danger de vostre propre vie. Quelquefois les cōpagnies vous surprennēt, & alors Dieu sçait comme on vous traite. Les bastons courent par compagnie; on vous dourde les espaules. Nature nous est trop mieux affectiōnee, pour ne nous prendre au despourueu. elle imprime dans les yeux des femmes d'assez bonnes marques, pour no^s asseurer, que la lune y pourra aller prendre logis: Et pource qu'il y en a, qui ne prennent garde ny aux yeux haues, battus & brillās, ny à d'autres resmeignages assez euidēts, qui veut y prendre auis, elle desploye le drapeau, auquel nous n'aurons aduisé, si tost que nous recognoistrons. qu'il n'est que temps non pas de desloger, mais de ne s'ap;

De la Trefue Coniugale
procher. Si les hommes pou-
uoient s'assuiettir aux comman-
demēts & à l'Empire de la Lune,
l'approche ne leur seroit interdi-
te. Ils veulent estre les maistres,
& la Lune maistresse, afin qu'il n'y
ait alterque entr'eux, ce n'est que
bien fait pour quelque temps de
faire surseance. Or encores que
les hommes ne recognoissent en
rien l'Empire de la Lune, si luy
font ils bien l'honneur de la res-
pecter, comme celle, laquelle a
esté créée avant eux, qui est l'as-
seuré Calendrier des Festes, & la
Princesse de la Mer: Empire qui
luy est tellemēt propre, & priua-
tiuemēt particulier, que l'on voit
que les seaux de sa souueraineté
ressentēt sur tout descoulās de la
Mer rouge. Je poursuiurois plus
auāt ceste preuue, si l'experience
n'y estoit du tout manifeste. Je

vous vais mōtrer par les passages
de la Sainte Escriture, qu'il ne
nous est loisible d'entrer a celle
qui est pollue par ces decoule-
ments menstruels: En voulez
vous de plus clairs & euidens tes-
moignages, que ceux qui sont
specifiez tant au 15. 18. & 20. cha.
du Levitique, ou l'interdiction
de l'accointance avec les fem-
mes vermeillonnees est si diser-
tement contenuë? Sur tout au
vingtiesme est par expres porté,
que celuy, lequel aura eu affaire
avecques vne femme pendant
son flux menstruel, & qu'elle
luy aura laissé la fontaine de son
sang ouuerte, que tous deux se-
ront tuez au milieu du peuple.
Et pource en la Prophetie d'E-
zechiel au chapitre dix-huicties-
me, entre les principales quali-
tez de celuy qui est iuste, ceste

De la Tresue Coniugale,
cy est remarquee, *qui ad mulierem
menstruatam nō accesserit.* De mes-
mes entre les complaints que
fait ce Prophete à l'encontre de
la cité de Hierusalem au vingt-
deuxiesme chapitre ceste cy est,
que, *O Ciuitas viri, immunditiam
menstruata humiliauerunt in te.* Ce-
ste loy est tellement naturelle,
& accompagnée d'une si grande
equité & honnesteté, que Ma-
homet mesmes n'a peu qu'en sō
Alcorā il ne luy ait donné place,
où il fait tres-expresses deffences
qu'aucun ne touche les femmes
parraffées en rubriques, aupara-
uant qu'elles soient purgees &
mundifiées. Aussi par le Decret
de Burchard liu. 19. chap. 5. *Iun-
xisti, est-il dit, te uxori tue menstro
tempore? Si fecisti, decem dies in pa-
ne & aqua pœniteas* Ceste penitē-
ce & ieusne au pain & à l'eau par
l'espace

l'espace de dix iours est bien suffisante, non pas pour restancher le sang, mais pour refroidir les bouillons de ceux qui seroient les plus eschauffez, & qui ahan-
nirroiēt le plus apres les femmes, sans auoir patience qu'elles soiēt hors de quartier.

La semonce que nous en fait Nature, la prohibition diuine, & ce qui est pratiqué & receu, tant par la Religion Chrestienne, que mesmes par les Mahometās de-
uiroit bien, à mon aduis, suffire pour vous faire croire que *sine nefario scelere*, nous ne pouuons tendre à la ionction de nos pie-
ces durant que le parchemin est couuert des seaux rouges. Tou-
téfois, afin que vous ayez preu-
ue de sur-abondant, & puis que le foliamais ne croit s'il ne re-
çoit; ie veux maintenant vous

Y

De la Trefue Coniugale

déduire ce qui pourroit vous ad-
uenir, si vous veniez à plonger
vostre, vous m'entendez bien,
dans ce broüillis rubicond. Nos
Docteurs Canoniques tiennent,
que les enfans, desquels la mere
a surchargé durant les passades
de ces bandes au drapeau rouge,
sont epileptiques, lepreux, & as-
suiettis à vn monde d'autres ma-
ladies. Sainct Augustin en vn
Sermon qu'on dit qu'il a fait *Ter-
tie Dominice* 22. adiousté, que ces
enfans seront demoniaques. Le
mesme est tenu par sainct Tho-
mas au quatriesme des Senten-
ces, distinction 32. arti. 2. Sainct
Clement au 9. liure de ses Reco-
gnitions escrit, que cela aduient
pour salarier l'incontinence de
ceux, qui n'ont sceu tenir bien
ferree l'esguillette de leur bra-
guette : Car cependant, dit-il,

qu'on se fond en paillardise, & qu'on ne daigne auoir esgard & discretion au temps, quand & cōment il se faut accoupler, sans doute l'engeance forgee hors temps prēd les vices & fragilitez de ces demōs, à l'instāce desquels on fait ces surfaillies Et pource les peres, lesquels ont mesprisé la la loy de l'attouchement, en telles saisons seront tenus & obligez pour tels vices. Et encores qu'il y ait plusieurs causes plus secretes, par lesquelles les ames sont assuietties à ces maux si faut il toutefois qu'vn chacun reconnoisse la Loy de Dieu pour prēdre d'icelle sa reigle d'engēdrer, & quitter les causes d'immundicité, à ce q̄ ce qui est engēdré soit net: car ce n'est la raisō qu'ō cherche le tēps qui soit oportū, pour planter des arbres & semer des

De la Tresue Coniugale,
fruits, qu'on purge la terre &
qu'on prepare tout ce qu'il faut,
de peur que la semence, qui sera
iettee, soit offensee & perisse, &
que pour enter vn homme, qui
est beaucoup plus excellent que
tout le reste, on ne daigne gar-
der vne discretion.

Or pour confirmer tout cecy,
& vous rendre vne preuue, ou
par dessus de laquelle on ne puis-
se mordre, ie vous fais asçauoir,
que s'il y a au monde humeur
pernicieuse, c'est ceste poix rou-
ge glaireuse & ennemie de celle
qu'on dit Asphaltique. Pour ga-
rand du fait que ie veux propo-
ser, vous aurez Pline, lequel au
septiesme liure de son Histoire
naturelle, chapitre quinze, met
en fait, que si la femme, ayant ses
mois, s'approche d'un vin nou-
ueau, il enaigrira: les bleds aussi

sechent, si elle les touche estant
en cest estat, les autres en meu-
rent: aussi font les herbes du iar-
din par où elle passe, mesmes les
fruiets des arbres, sous lesquels
elle se fera rafraischir, tomberont?
les miroirs se tachent à son re-
gard: aussi fait l'acier & l'yuoire:
les mouches à miel en meurent,
& le fer & l'acier s'y enrouillent,
mesmes l'air en est infecté: les
chiens, ayans gousté des fleurs
d'une femme, deuiennent enra-
gez, & sont les morsures incurra-
bles: mesmes le Bitume qui nage
certain temps de l'annee sur le
lac de Sodome, dit Asphaltique,
ou Mer morte, & qui, à cause de
sa viscosité, s'attache à tout ce
qu'il rencontre, filant tousiours
comme glu, n'a garde de pren-
dre au fil, lequel sera teint de
ce sang venimeux. Les formis

Y iij

De la Trefue Coniugale,
aussi petites bestes & sages; sen-
tent ce sang corrompu, & ier-
tent là le bled, qui en est infecté,
sans iamais en vouloir gouter.

N'est doncques merueilles si ie
vous conseille de faire vn peu
pause, iusques à ce que ce de-
coulement soit estanché. Vous
auez veu l'interdiction qui est
portee par la Loy de Dieu, la
pratique qui en est receuë, tant
entre les Chrestiens, qu'entre
les Payens, les incommoditez &
mal-heurs qui accompagnent
ces defluxiōs: faictes trefue pour
vne sepmaine, Auez vous iamais
leu que par la Loy des Zabiens
la femme qui a les rougets estoit
chargee de demeurer seule en la
maison, voire, que là où elle
auoit mis le pied on passoit le
feu. A l'exemple de ce on m'a
voulu faire accroire, que les Char-

treux ayent appris de faire du feu là où les femmes auront esté en leur Conuent.

DOMINIQ. Ne poursuivez plus outre, ie vous prie, ie me tiens pour bien resolu, & pour ce si tost que ie sentiray nouvelles de ces braues fourriers, ie me garderay bien de tascher mettre mon allumelle à la trempe, ce ne sera qu'à faire diette au fort de quatre vingts seze iours l'annee, encores nous restera il du temps à iouer à la fossette. Mais ie ne puis comprendre ce que vous mettez en auant les Mahometans, ie crois que ne tiendra à vous, que ne soyons Turcs: vous meritez d'estre renuoyé à la Confession de Foy depuis n'a gueres proposee, qui porte notamment que tous Chrestiens doiuent detester & abominer les er-

Y iiij

De la Trefue Coniugale,

reurs des Patriarches de Constantinople, tenans entre autres choses, que l'on doit denier aux femmes la communion Eucharistique par l'impurité naturelle des mois, ou pour le temps d'en porter, mesmes quand elles seroient en danger de leur vie. Le Grec & le Mahometan sont cousins en cœur, & vous m'y voulez atteler: Il n'y a apparence. Toutefois puis que ce n'est à faire du tiers l'année, baste, soit, que ie le vous passe, il y aura de reste encores beaucoup de iours ouuriers.

THEODAT. Ouy certainemēt, mais non point tant que vous pourriez bien penser, car il faut bien tirer hors lignē d'auantage de iours pour d'autres parties, que ie ne vous ay encores mis en conte.

D O M. Quoy, n'est ce pas en-

cores fait? ie vois bien, que, si ie vous laissez faire, vous me marquerez mon Kalendrier tout de rouge, pour festes chomables.

THEODAT. Ne dites rien iusques à ce que vous entendiez *Amen*. Je vous denonce, si vostre femme est sur-année, que sans doute son harnois sera incapable pour soustenir vn si rude lancier que vous: & si d'ailleurs, apres vous auoir tué & miné le corps, vous seriez vn pauvre coigne-festu. Mais laissons ces vieilles, qui à la foule se froisseroient plustost que vous donner contentement, asçauoir si vous oserez toucher à vostre femme lors qu'elle donne la mammelle à vostre enfant? Voila quelques deux ans qu'il faut retrencher.

Do M. Hypochondres de Parnurgisme! que ie fisse vn tel ieuf.

Y v

De la Tresue Coniugale,
ne, moy, sans prendre cūree, ce
seroit autant possible, comme
que vous ne beussiez ou man-
geassiez tout ce temps la.

THEOD. Vous en direz ce qui
vous plaira, si est-ce qu'il faut
que vous le croyez & pratiquiez
ainsi, si vous voulez que Mada-
moiselle vostre femme soit nour-
rice. Cela vous est defendu, & à
elle aussi, par le droit Canō, *c. ad
eius verò concubitum, in principio
quinte distinctionis*: parce qu'il n'y
a chose qui soit tant nuisible aux
enfans qui allaitent, selon Oriba-
se, Paul Aeginete & autres Me-
decins. De cela Galien baille ce-
ste raison, parce que les secoūa-
des qui se donnent en cet accou-
plement, prouoquent & font re-
uerdir les fleurs menstrueles, l'o-
deur desqueles ne peut estre
que preiudiciable au lait. Pau-

ure homme, vous troubleriez le
laiet. Auez vous point appris de
Pline liure 28. chap. 9. qu'il n'y
a chose si mauuaise, que quand
vne nourrice charge pendant
qu'elle allaite, car alors son lait se
fige à la façon de fromage, & est
dangereux pour les enfans, les-
quels estans ainsi abusez de leurs
nourrices, sont dictés des Latins
Colostati, car ils appellent *Colo-
strum*, le betton, c'est à dire le
premier lait d'une accouchee,
qui se fait dur & troué, comme
vne esponge. De fait, tout le
sang qu'il peut y auoir, est em-
ployé pour le petit enfant, at-
tendu que puis qu'il a esté tiré
immédiatement de ce lait, qui
luy est naturel & composé se-
lon sa constitution, il ne peut
que tousiours il ne tire cest ali-
ment, qui est accroché dedans le

Y vj

De la Tresue Coniugale,
ventre, comme à sa racine. Et
puis quel lait peut auoir l'autre?
les mammelles comment peu-
uent-elles estre fournies?

DOMIN. Vous prescherez le
ieusne tant qu'il vous plaira, ie
ne suis point de ceux qui vous
obeiront, si ie eusse voulu gar-
der, ie me fusse voulu rendre
Moyne, ou bien me faire tran-
cher les parties essentielles de ma
gibeciere naturelle. Mais ie scay
bien, que, quoy que vous disiez,
il y en a plusieurs qui corrompēt
le ieusne. N'avez vous iamais
ouy dire, qu'il faut battre le pit
de la nourrice, pour faire venir
le lait? Or quant a la rigueur on
m'y voudroit forcer, i'aymerois
mieux que ma femme ne fust ia-
mais nourrice. Je me gauffois
de six ou sept iours & maintenāt
vous me voulez sevrer de deux

ans. Trop piquer le cheual le fait retif.

THEODAT. *Ne fumetis*, patience, quel homme estes vous? si vous estiez en des païs que ie sçay, des que vostre femme commenceroit à estre enceinte, n'oseriez luy toucher. Si donc les Sauvages & Patagons tiennent vne telle bride à leurs passions, que pres de trois ans, ils ne crochetent le cabinet de leurs femmes, serez vous si chaud du mestier, qu'on ne puisse dire de vous qu'estes au moins aussi continēt que ces pauvre Austraux? Ils gardent si estroitement ceste interdiction naturelle, que, si quelqu'un auoit embloqué durant les neuf mois de la portee principalemēt on le reputeroit pour bougre, si la mere estoit enceinte d'un fils masle, ou pour incestueux, si c'e-

De la Tresue Coniugale,
estoit vne fille, qui fit dans le ven-
tre de sa mere sa neufuaine de ses
neuf Lunes.

DOM. Ce sont brides à veaux
que cela, & qui ne peuuent nous
induire à vne si longue diette
que vous voulez que nous faciõs:
n'en auez vous point d'autres?
D'ailleurs quãd il y auroit quel-
que petit morceau de vray sem-
blance en cecy, ie croy que vous
vous faites entendre que ie n'ay
iamais leu ce qu'on raconte de ce
peuple là. Pour faire si lõgue in-
termission ils ieussent encores
moins que nous: tel d'entre eux
se trouuera, qui aura des haraz
de quatrevingts femmes, tant du
plus que du moins, selon la por-
tee de ses moyens. Cependant
que l'une defẽd l'entree du trou
sainct Patris, l'autre supplẽe au
defaut il en ont à reschange. Par

ainsi, si vous vouliez m'imprimer dans la ceruelle ce que vous pretendez pour veritable, & à quoy ie me deurois plier, faudroit, que missiez en nature la Polygamie & pluralité de nocces entre nous, aïssez vous que vous feriez de beaux mesnages.

THEODAT. Non, non, il n'est point pourtant besoin de polygamier. Ce que ie vous chante n'est point de mon opinion, ce sont les Medecins, & les Docteurs Theologiens qui le tiennent. Hippocrate au liure *Superfætatione* defend, qu'on ne rienne au fouloir celie qui en charge, de peur de corrompre l'enfant. C'est le conseil de Mathieu des Degrez. Le mesme nous est appris par Saint Hierosme, au chapitre. *Origo 32. questio. 4.* que les femmes se gardent

De la Trefue Coniugale,
de l'approche du canon, de peur
qu'elles ne perdent leurs enfans
lors que le ventre leur sera enflé:
sur quoy la glose amene ceste
raison, *Nam perit partus ex frequē-*
ti concussione. Pource voyez vous
que les putains cōmunes & pu-
bliques conçoient fort peu sou-
uent, & si elles sont empraintes
rapportent encores moins leur
fruit à proffit. D'où pensez vous
que prouient cela? sinon de ce
qu'elles prestent leur panier à vn
chascun indiscretement & à tou-
tes heures, coup sur coup, sans
attendre que la presure ait figé la
premiere traite. Soyez au moins
aussi sobre que ceste Roynede
Palmyréens Zenobie, laquelle
(au rapport de Iules Capitolin)
n'eut permis à son mary qu'il luy
donnast double recharge: car
ayant receu les distillations de

l'alambic martial, pour laisser rasseoir la matiere elle prenoit terme iusques au passage des rouges de la Lune, que si les fourriers luy marquoient sa cabane, elle ne faisoit plus de la retive, & prenoit plaisir de iouer avec son mary vn seul coup au trou Madame. Si la Lune luy vouloit la paix, & que pour tesmoignage du combat, elle n'enuoyast le drapeau ensanglanté, c'estoit alors que (diray-ie) honteuse, pour n'oser plus charger le harnois, & soustenir le conflit, elle faisoit retraicte, recognoissant que pour ceste fois elle auoit receu ce qui luy falloit, & dont elle se deuoit contenter. Par le Concile Elibertan, est defendu aux mariez de se faire la caresse que sçauiez, des que l'enfant à cōmencé à bouger, iusques à l'enfante-

De la Tresue Coniugale,
ment, comme il est remarqué
aux Decrets de Buchard, liu. 19.
chap. 155. Là mesme au premier
liure cha. cinquiesme on donne
penitence de vingt iours à celuy,
lequel a cogneu sa femme, apres
que l'enfant a bougé. Peine, la-
quelle vous voyez estre plus
grande que celle, dōt nous auōs
touché cy dessus, contre celuy
qui aura donné là où le fourrier
de la Lune a marqué le logis.

DOMIN. C'est grand fait, que
ne m'auez ordōné quatre temps
pour mon ieusne & ma quaran-
taine.

THEODAT. Si faut il que
vous passiez encore vn article
pour la tresue, & que pendant
que vostre femme sera en cou-
che, vous pilliez tout douce-
ment patience: durant les neuf
mois il y a eu telle desgorgee &

lauasse d'eaux, qu'il faut vn fort long temps pour les escouler: car pendant que coccyx, & le pubis ont entrebaillé, & que le decraquement de l'os iliaque avec le sacré a ouuert à gueule bee la matrice, la place a tellement esté emplastree, qu'il n'est point trop aisé de la nettoyer: que si alors vous plongiez vostre bouschon en ces grottesques plaustres, vous en feriez sortir autre que des grenouilles.

DOMINIQUE. Ce sont comptes de triquoteuses, & de nos douillettes, qui sont bien aises de se faire drolotter durant les six sepmaines. Je ne veux pas nier l'ouuerture: mais aussi faut que vous me confesiez, que les os se resserrent incontinent, & ne demeurent pas si long temps que vous criez, à se

De la Trefue Coniugale,

reprendre & renouïer. Messieurs les Anatomistes, Medecins & autres Naturalistes nous aprennent cela, & vous en pourront faire sage: mais parce qu'il vous fascheroit, & à moi aussi, de fouïller où on ne nous demande pas, ie vous renuoye aux pauvres *Ægyptiennes*, qui à peine sont deliurees de leur fruiçt, que les voila debout, gayeres & disposes. Il ne se parle point que leur *Caramara* & maris facent trefue.

THEODAT Je vous prie ne vous reglez point à ces maistres passeligourds, vous ne feriez que le sang tout clair, & régez vous à ce qui est pratiqué entre nous. Voire mais, sieur *Dominique*, ne prenez point ceste intermission, que ie vous enjoins pour quatriesme. Si vostre fême est nourrice, il n'est besoin de la vous pre-

scrire, vous estes desia entré en obeïssance: mais au defaut, & où ne voudriez que vostre femme tendist ses maminelles à vostre enfant, la trefue vous est enjoin-te tref-expressement lors qu'elle sera en gesine. Au reste à vous certainemēt ie ne voudrois prescrire le dernier, pour parfourrir les quatre tēps, ie vous cognois par trop honnestes, & sçay que vous vous sçauiez si bien commander, que ne vous laissez abbrutir par le fils de Semelé. Je defends donc à ceux qui ont plié le coule-de plus qu'il n'est raisonnable, qu'ils se gardent d'entrer à leurs femmes, s'ils bastissoient des enfans, ce ne seroiēt qu'yurōgnes: & pource le Cynique Diogenes, quand il voyoit vn ieune homme, qui pour auoir du vin en cor-ne, faisoit du sot. Mon amy (di-

De la Tresue Coningale,

soit-il) ton pere estoit yure lors
qu'il te sema Et pource Platō au
sixiesme de ses Loix fait expresse
inhibition à ceux qui ont char-
mé les puces, de se mesler pour
auoir lignee, parce que celuy qui
est plein de vin est extasé d'une
rage & folie, tant d'esprit que du
corps, & chancellant tire & est ti-
ré tantost cy, tantost là. Car ce
n'est pas hors de vray semblance,
que les enfans sont procreez tor-
tus, contrefaits & mal bastis, tant
des membres que des mœurs.
D'ailleurs, on sçait que la semen-
ce de ceux qui ont orlé leur bon-
net, est infeconde, pource que
la goutte du serment rend l'ha-
bitude de leur corps du tout hu-
mide, & partāt inhabile a engen-
drer.

Or il faut, que, pour produire
lignée, la semence ne soit point

humide, mais grosse & solide, selon Aristote, & Rasis. La fumee du vin ne monte qu'en haut, où le reste de la chaleur du corps estant attiree, est impossible que ceux qui se sentent surpris de ceste liqueur, peussent se tenir roides sur le deuant.

D o. Les Philosophes, & Medecins diront ce qu'il leur plaira: mais quant à moy ie treuve que ces raisons ne me peuuent seruir de payemēt. Ce ne sonr que fantasies: car ie vois que les Alemãs & autres qui prennent *egregiè* de la puree de Septēbre, font des enfans à foison, beaux, forts & vigoureux. Si pour humer du piot nous estions rendus inhabiles à engēdrer, verriōs nous, qu'apres en auoir pris outre mesure il y en a qui ayēt engrossi celles, avec lesquelles ils auoiēt esté accouplez?

De la Tresue Coniugale,

Que direz vous de Loth, lequel estât yure engrossa ses deux filles, sans qu'il y pensast, voire qu'il se souuint les auoir touchees ou cogneuës: Moyse toutesfois le tesmoigne au Genese chapitre 19.

THEODAT. Quant aux Alemans, ie vous diray que lors que la conception se fait, ils ne sont yures: & quant à Loth, c'est vne iuste punition de Dieu, sur laquelle ie lairray discourir les Theologiens touchât les Mohabites & Ammonites, & bloqueray ceste entreueuë par ceste conclusion, que l'homme marié ne doit cognoistre coniugalement sa femme lors qu'elle a ses decoulemens Lunaires, lors qu'elle est nourrice, lors qu'elle est enceinte, lors qu'elle est en couche, & lors que l'vn deux, ou l'vn & l'autre

l'autre sont yures: Cela toutes-
fois soit dit, sauf & sans preiudice
de ce que l'on sçait, que coustu-
mieremēt il y a des querelles par-
my les mesnages, qui font faire
brefche à l'exploit coniugal, &
d'ailleurs, que par sainte inten-
tion des parties, afin de vaquer à
ieufnes & prieres, elles se seque-
strent à tēps de ceste compagnie
mutuelle.

Quelques vns, sentans que ie
me mettois à la reueuē de ces
Matinees, me sollicitoiēt d'esten-
dre les trefues & delais de la ion-
ction coniugale, mesmes m'a-
uoient donné vne liste de quel-
ques faits & moyēs, qui n'estoiēt
point autrement maussades. I'a-
uois beaucoup d'enuie de les gra-
tifier pour ceste requeste, mais
quelques inconuenients me les
ont fait esconduire, à mon grand

Z

De la Trefue Coniugale,

regret. De fait, afin que ie reco-
gnoisse verité, ie preuoyois que,
me rēdant à eux, ie m'engageois
en vne peine extreme, que i'ap-
prestois occasion à ceux qui ne
m'affectionnent, de me denatu-
rer de mon naturel propre & fai-
re entendre par tout, que ie vou-
lois empescher que le mōde ne se
peuplast: entant que, mettāt des
bornes si druës, il estoit impos-
sible de donner vne eniambee
sans fouler l'vne sur l'autre. Et
ainsi pour éuiter ceste confusion
il falloit faire vne diette & absti-
nence res-preiudiciable. Ceux
qui sont hommes, & qui ont en-
uie de se faire paroistre par tout
tels, tiendront tousiours mon
party, sans prescrire vne si rigou-
reuse obseruance des iours chō-
mables. Si vous veu- ie bien ad-
uertir, que selon le compte que

ie fais, ceste Matinee ne sera du tout infructueuse. Elle porte coup, mais voulez vous sçauoir comment. Vous voyez tant d'effriquez, qui ne sçauent pas se ressouvenir qu'il y a tant de temps pour bander, & pourtant d'intrade enfoncent avec telle vehemence, qu'en fin ils en sortent bien leurs brayes vuides : mais, hélas! tout est si bien escuré, qu'il faut escrire en l'air, il n'y a plus d'encre au cornet. Pour faire bonne mine & mauuais ieu, ils font des voyages chez leurs oncles pendant que le cornet se réplit. Ces pelerinages ne se peuuent faire qu'à tres-grands frais, voicy que sans se bouger du poulailleur on peut prendre relais, & auoir congé & surseance. Tant de milliers qui voudroient que ces postes & entrepos eussēt lieu, main.

Z ij

De la Tresue Coniugale,
tenant on leur a ici frayé le sen-
tier, qu'ils le suivent, comme il
appartient. Autrement & ou ils
ne daigneront y prendre goust,
ie les prens à parties, pour mon
particulier & pour le leur.

Et quāt tout est dit, il faudroit,
qu'ils fussent bien esberluez: ce
qu'ils cherchent à pied & à che-
ual, *pedibus manibusque*, pour se
conniller avec honte, avec peine
& ennuy, ie le leur presente, sans
qu'il leur couste vn niquet. Mais
i'ay bien plus fort affaire du costé
des femmes, lesquelles (au moins
bonne partie d'icelles, & ainsi, *per
Synecdochen pars pro toto*) ne faudrōt
à intenter à l'encontre de moy
vne guerre plus efformidable,
que celle des Lapythes contre
les Geans, ou des Pygmées con-
tre les Gruës. De faict, il y a vne
certaine Damoiselle qui n'a peu,

qu'elle ne s'en soit faschee: de bec & d'ongles elle m'a voulu donner atteinte: fondoit son plaintif sur ce que pour soulager les masles, ie la foulois & quelques siennes compagnes, qu'il n'y auoit propos ny apparence d'oſtroyer des passedrois au preiudice d'vn tiers, que encore que la coruee coniugale fust penible au mary, si n'estoit il raisonnable, qu'il laifast de la recognoistre de son droict. A ce propos elle mettoit en butte la redeuance corueable du sujet & vassal au seigneur, de sorte que, bien que l'inferieur prist à beaucoup de contentement d'estre deschargé de sa coruee, qu'elle luy soit onereuse, si faut-il qu'ils'en acquite: Ce sont droicts acquis par le droit, passez par le droict & maintenus par le droit. D'en faire faute on ne peut

Z iij

De la Trefue Coniugale,
les contraintes y sont, le droit les
oütroye, la saisie cour. Je n'ay pas
eu beaucoup d'affaire à respon-
dre à cecy, lors que ie me suis mis
à considerer, que le rapport du
vassal au mary & de la femme, au
Seigneur estoit impertinent, & à
contrepoil. C'est le mary qui est
le maistre & Seigneur, la femme
tient le bas, c'est elle qui doit sou-
stenir la charge. En vn mot, elle
est obligée, *praestationi operarum*,
le mari est celuy auquel elles s'ont
deuës, & auquel elle ne peut, *sine*
nefario scelere, les refuser. Pour
tout cela, ne pensez point, que
ceste Damoiselle mit le caquet
bas, & d'emmancher la babilloi-
re plus qu'auparauāt: presumoit,
ce croy-ie, que ie luy passerois la
qualité de Seigneur pour la fem-
me, & que le mary tiendrait le
rang de vassal. Toutesfois, com.

me elle vit, qu'elle ny faisoit que le sang tout clair : bien , repliqua elle, que direzvous à ce que nous sçauons & vous mesmes ne pouuez que ne me le recognoissiez : que la terre ne doit demeurer à estre labouree & cultiuee ? Parce que lon craindra, que le bœuf ne soit greué on espargnera le laboureur, & la terre demeurera sans estre remuee. Il y a quelques terres qui demeurent certainement despoüillees de fruit & sans qu'on les ensemece : mais ceste intermission ne vient point tant à cause du laboureur, que pour le repos, qu'on veut dōner à ces terres lasses d'auoir fait portee. Par ainsi s'il faut donner quelque relais à l'accouple Hermaphroditique, ce n'est point en contemplation du mary, ains plustost de la femme : on ne regarde point les

Z iiij

Des Letrez & Guerriers,
commoditez du laboureur, face
chaud, face froid, qu'il vête, qu'il
gresle & qu'il neige, il faut qu'il
soit bōdé à la charruë, moyennāt
que la terre soit disposée. Voila
vne partie des difficultez, qui
m'ont esté mises en auant, les-
quelles: Amy lecteur tu deuide-
ras, si c'est ton plaisir d'en pren-
dre la peine.

F I N.




Table des Mat- nees.

- I **D**E l'Or & du Fer.
Lequel des deux nous est
le plus dommageable
ou profitable. *Fueil. 1.*
- 2 Des Loix & de la Medecine.
*Asçavoir si la Iurisprudence est à
preferer à la Medecine. 36*
- 3 Des mains des Aduocats.
*S'il est loisible aux Aduocats de
prendre. 61*
- 4 Des Chastrez. *88*
- 5 Des laides & belles femmes.
*S'il vaut mieux prendre à fem-
me vne laide qu'une belle.
136.*

- 6 De la jalousie du mary, & de la
femme. 195
- 7 De l'inegalité d. l'aage des mariez.
Si un vieillard doit prendre une
ieune fille, ou une vieille recher-
cher un ieune homme. 188
- 8 Des Lettrez & Guerriers.
Si une fille doit pluſtoſt deſirer
d'eſtre accouplee par mariage à
un homme d'Eſtude, qu'à un
Guerrier. 217
- 9 De la trefue Coniugale.
En quel temps n'eſt loiſible au
mary de toucher coniugalement
ſa femme. 238.

Ext raict du Priuilege du Roy.

PAr grace & Priuilege du Roy
il est permis à Anthoine du
Brueil, Marchant Libraire Iuré en
l'Vniuersité de Paris, d'imprimer
ou faire imprimer, *Les Contes &
Discours Bigarrez du Sieur de CHOL-
LIERES.* Et deffences sont faites
à tous autres Imprimeurs & Li-
braires de ce Royaume, de les im-
primer ou faire imprimer, soit en-
semblement ou separees, ny en ex-
traire aucune chose, sans le con-
gé & cōsentement dudit du Brueil,
pendant le temps & terme de six
ans entiers & accomplis, sur peine
de confiscation des impressions
qui en seront trouuees, & de deux
cens escus d'amende, applicables
la moitié au Roy, & l'autre audict
du Brueil, comme plus a plain est
cōtenu & declarées lettres dudit
priuilege. Donnée à paris le 25.
de Feurier 1610.

Par le Conseil,

DEVERNESON.

